



1623









IN

De

Cap

Cap


Cap

Cap

Cap

Ca

Ca



INDEX OPERIS TOTIVS.

P R Æ F A T I O.

Prima Pars, Liber vnicus.

De Initio, & Propagatione Ordinis Predicatorum in Hungaria.

Cap. I. De Regionis Hungarica præstantia.

Cap. II. Quo anno, & sub quo Rege, Ordo Predicatorum cepit in Hungaria.

Cap. III. Per quos Religiosos viros Ordo Predicatorum in Hungaria fundatus fuerit.

Cap. IV. De Profectu Fratrum in Hungaria, infideliumq; Cumanorum potissimum, conversione.

Cap. V. De felici transitu B. Pauli cum alijs nonaginta Fratribus in Cælum per palmam Martyrii.

Cap. VI. De alia Cumanorum profugorum in Hungariam per Fraires Ordinis conversione, Beatiq; Pauli sobole plurima in eadem Hungaria Martyrio coronata.

Cap. VII. De Viro Principe in seculo, Martyre clarissimo, à Tartaris in eadem vastatione trucidato, hætenus anonymo,

nymo, nunc vero, Autoris sententia, Buz ad Banffio
nuncupato.

Cap. IIX De Martyrum magno numero brevissimo temporum
spatio, & Martyrii primatu, quo Hungaria Provincia,
præ ceteris Ordinis Predicatorum Provinciis, gaudet.

Cap. IX. De alijs pluribus ex Hungaria Provincia per eadem
tempora Martyrio Candidatis.

Cap. X. De felici B. Sadochi, B. Pauli Coapostoli, Sociorumq;
ejus quadraginta octo agone.

Cap. XI. Miracula S. P. Dominici, quibus eisdem temporibus
Ordo Predicatorum in Hungaria est propagatus, in
suscitationibus mortuorum.

Cap. XII. Alia miracula, circa eadem tempora per S. P. Domi-
nicum patrata.

Cap. XIII. Refutatio oppositionis hereticorum contra prænar-
rata miracula: ratio amoris B. P. Dominici in Hunga-
ricam nationem, vicissimq; hujus in illum devotio.

PARS SECUNDA, LIBER Primus.

DE VIRIS SANCTITATE citrà Martyrium eximiis.

De Beato Ioanne Teutonico, Provinciali Hungariæ,
& Episcopo Bosslinensi.

Cap. I. Patria, profectus, status Religiosus.

Cap. II. Predicationis ejus fructus, & miracula.

Cap.

Cap. III. *Zelus, & Castitas.*

Cap. IV. *Praefectura illius Ecclesiastica.*

Cap. V. *Gesta sub ejus supremo totius Ordinis Magistratu.*

Cap. VI. *Miracula, & mors.*

Cap. VII. *Regum Hungariae, Bela IV. & Mariae ejus Conjugis, pro Beato Ioanne, litera.*

De Fr. Gerardo, F. Marcello, alijsque duobus Fratribus
Cumano, & Hungaro, innominatis.

Cap. VIII. *F. Gerardus Hungarus.*

Cap. IX. *F. Marcellus Hungarus.*

Cap. X. *Fr. N. Cumanus.*

Cap. XI. *Fr. N. Hungarus.*

De Beato Augustino Hungaro, Episcopo Zagrabienſe,
& demum Lucerino.

Cap. XII. *Profeſſio in Ord. Præd. Studia, Episcopatus.*

Cap. XIII. *Miracula ejus coram S. Pont. gesta, & alia.*

Cap. XIV. *Multa & insignia ejus miracula post mortem.*

Cap. XV. *Miracula ævo nostro patrata.*

Cap. XVI. *Devotio populorum ad B. Augustinum, ejusque sepulchrum, atque reliquias.*

Cap. XVII. *Quid de illius patria sentiant autores.*

Cap. XVIII. *Officium, in festo B. Augustini, 3. sc. Augusti, Lucerie à Fratribus Predicatoribus recitari, & decantari, Ioannis 22. Sum Pont. indulto, solitum.*

De Beato Mauritio Hungaro.

Cap. XIX. Beati Mauritij Regium genus : ortusq. ejus à B. Virg. Deipara prenunciatus.

Cap. XX. Indoles, studia, Prædicatoria Religionis amplexus.

Cap. XXI. Virtutes illius, & exercitia.

Cap. XXII. Miracula, quibus illum Deus viventem decoravit.

Cap. XXIII. Pretiosa mors B. Mauritij, prodigijs, visionibus, miraculisq. illustrata.

Cap. XXIV. Annotationes ad vitam B. Mauritij.

Cap. XXV. De Fratre Charo, sive Carolo Hungaro, B. Mauritij germano.

De Beato Ioanne Dominici, Florentino, Archiepiscopo Ragusino, & S. R. E. Cardinali, qui Legatus de Latere in Hungariam, Budæ mortuus, ac sepultus, miraculis ibi clarvit.

Cap. XXVI. Ortus, & educatio B. Ioannis Dominici.

Cap. XXVII. Studia illius, & exercitia.

Cap. XXVIII. Ingressus in Ordinem Prædicatorum.

Cap. XXIX. Profectus in religiosis moribus, vitæq. austeritate.

Cap. XXX. Profectus in studijs.

Cap. XXXI. Concionandi præstantia, & humilitas.

Cap. XXXII. Qualis in Præfecturis Ordinis, ad quas invitatus promotus.

Cap. XXXIII. Quod Magisterium, sive Doctoratum recusaverit : quanta etiam virtutis sermo ejus, & prædicatio.

Cap. XXXIV. Primus in Italia religiosa observantia instaurator.

Cap.

H. V. 8. (a)

Cap. XXXV. Commendatio S. Vincentij Ferrarij de B. Joannis
præstantia: libri ab eo editi, vis prædicationis.

Cap. XXXVI. Ad dignitates Ecclesiasticas pro Ecclesia neces-
sitatibus promotio,

Cap. XXXVII. Ad res Ecclesiæ componendas seriò agit cum
Gregorio XII. ut Pontificatui resignet.

Cap. XXXVIII. Legatus iterum pergit ad Sigismundum, Re-
gem Romanorum, & Hungarorum.

Cap. XXXIX. Cardinalis Ragusinus, cum Carolo Malatesta
ad Concilium Constantiense accedit.

Cap. XL. Quid egerit Joannes pro Schismate tollendo, in Con-
cilio.

Cap. XLI. Quanta autoritate apud Regem Romanorum.

Cap. XLII. Sigismundus, Joannem à Martino Pontifice Le-
gatum postulat in Hungariam, contra hæreses recens
exortas.

Cap. XLIII. Legatus, remedio frustra tentato in hæreticos,
Budam se confert, ubi infirmatur, moriturq̃.

Cap. XLIV. Funus, & miracula ejus post mortem.

Cap. XLV. Encomia nonnulla, quibus B. Joannes Dominici à
Sancto Antonino, alijsq̃ celebratus est.

LIBER SECVNDVS.

De Sanctimonialibus, quæ mira Sanctitate
fulserunt.

De Beata Helena Hungara, Virgine.

Cap. I. Vita B. Helenæ prorsus admiranda.

Cap. II. *Quòd B. Helena, Magistra fuerit Sanctissima Virgini-
nis Regia Margarita.*

Cap. III. *Monumenta, & autores, quibus B. Helene stig-
mata comprobantur.*

De Beata Margarita, Belæ IV. Regis Hungariæ filia,
Virgine Sanctissima.

Cap. IV. *Ortus Sanctissimæ Virginis Margaritæ.*

Cap. V. *Educatio, pietas, ac Prophetia in tenella etatula.*

Cap. VI. *Quadrimestra Sac. Ordinem Præd. ingressa, Virtu-
tibus fulget.*

Cap. VII. *In novum Monasterium à Patre extructum in-
ducitur.*

Cap. VIII. *Professa, quàm egregiè Virtutibus claruerit.*

Cap. IX. *Lecti, vestiumq; asperitas, cilicij, & disciplinarum
usus.*

Cap. X. *Virginalis puritatis cultrix insignis.*

Cap. XI. *Pauertate, & obedientia præstans.*

Cap. XII. *Mira ejus humilitas, & mansuetudo.*

Cap. XIII. *Charitas ad Proximos.*

Cap. XIV. *Cultus, & devotio in Sanctos.*

Cap. XV. *Studium orandi perpetuum.*

Cap. XVI. *Devotio ejus ad divinissimam Eucharistiam, &
preparatio.*

Cap. XVII. *Proficiendi desiderium, & documenta.*

Cap. XVIII. *Peccatis, & arumnis humanis, vehementer dis-
cruciabatur.*

Cap. XIX. *Martyrij desiderium.*

Cap. XX. *Donum Prophetia.*

Cap.

- Cap. XXI. Ultima agritudo, & Mors B. Margaritæ.
Cap. XXII. Gloria ejus varijs de Cælo testimonijs ostensa.
Cap. XXIII. Funus, & Corporis Virginei fragrantia.
Cap. XXIV. Miracula Sanctæ Margaritæ.
Cap. XXV. Miracula facta in Vita.
Parag. I. Circa Lucem, & Corpora Cælestia. III.
Parag. II. Circa Ignem, Aerem, & Aquam. V.
Parag. III. Circa Res artificiales. II.
Parag. IV. Circa agritudines V.
Parag. V. Ob confidentiam ad B. V. Marg. adhuc viventem,
quidam à varijs periculis liberatus.
Cap. XXVI. Miracula post mortem ejus patrata.
Parag. I. Febre laborantes, curati. VIII.
Parag. II. Contracti. III.
Parag. III. Aridis membris. I.
Parag. IV. Immobiles. I.
Parag. V. Leprosi. II.
Parag. VI. Podagrîci. II.
Parag. VII. Epileptici. II.
Parag. VIII. Insani. III.
Parag. IX. Cæci, visus laborantes. V.
Parag. X. Qui loquendi usum amisserant. I.
Parag. XI. Dentium dolore laborantes. I.
Parag. XII. Dysenteria, & Cephalalgia vexati. I.
Parag. XIII. Languidi. I.
Parag. XIV. Dæmoniâci. I.
Parag. XV. Carcere detenti. I.
Parag. XVI. Ad mortem infirmi, & agonizantes. IV.
Parag. XVII. Mortui suscitati. II.

Parag.

Parag. XIIIX. Puellaris sexus in virilem permutatus I.

Hoc quidem nobis exciderat, dum miracula describerentur: factum tamen S. V. Marg. precibus, ex Resp. II X. officij ejusdem Virg. manifestum est, quo sic dicitur, O spectanda saeculo novo res miraculo, gestu singularis, votum mater astringit, viri sexum induit forma puellaris.

Cap. XXVII. De tractatu Canonizationis B. Virg. Margarite.

Cap. XXVIII. Indiculus eorum, qui pro ferendo testimonio de B. V. Margarita sanctitate, & signis, examinati à Commissarijs S. Pontificis, vel alijs eadem per se attestati sunt.

Parag. I. Nomina Sororum.

Parag. II. Nomina Venerandorum Patrum, Virorum Illustrium, & ex vulgo hominum, qui super Sanctitate B. V. Marg. testimonia dederunt.

Cap. XXIX. De Corpore, Reliquijsq; S. Virg. Margarite.

Cap. XXX. Laudes, & praeconia, quibus S. Virgo Margarita à Scriptoribus celebratur.

Cap. XXXI. Indulgentiae, concessae visitantibus Corpus B. Virginis Margarite.

Cap. XXXII. Officium in Festo B. Margarite, die 18. Januarij decantari solitum ab Ordine Predicatorum in Hungaria.

Cap. XXXIII. Carmina de Sancta Margarita, à Domino Francisco Szegedi, alijsq; decantata.

Cap. XXXIV. Matthiae Corvini, Regis Hungariae, ad Papam Pium II. & Collegium Cardinalium pro Canonizatione B. Margarite, Literae.

Cap.

Cap. XXXV. De Sorore Elisabetha, Filia Stephan V. Regis
Hungaria.

Cap. XXXVI. De Sorore Elisabetha, Filia Andrea III. Regis
Vngaria.

Cap. XXXVII. Gradus Consanguinitatis inter recensitas
Regias Virgines, aliasq. Sanctitate per eadem tempora
ex ipsamet Regia Vngarica stirpe insignes personas.

Pars Tertia,

LIBER PRIMVS.

De viris Ecclesiastica Dignitate præ- claris.

Cap. I. Quanta excellentia Pastores, & Rectores Ecclesia,
quantumq. ex eis, Religiosis Ordinibus ornamenti acce-
dat.

Cap. II. Supremarum Ecclesiasticarum dignitatum distinctio.

Cap. III. Cardinales.

Cap. IV. Archiepiscopi.

Cap. V. Episcopi.

Cap. VI. Episcopi, Nuncij, & Inquisitores Pontificij, Regumq.
Legati.

Liber Secundus.

De Sancti Officij contra hereticam pravita- tem Inquisitoribus in Hungaria.

Cap. I. Quid Sanctum Inquisitionis Officium : à quo institutum: quis Primus omnium Inquisitor : quantum in eo laboraverit Ordo Prædicatorum : quantopere hæreticis hominibus invisum.

Cap. II. Quo tempore S. Inquisitionis Officium inductum in Hungariam, quique primi inibi Inquisitores extiterint.

Cap. III. Egregia quedam ab Inquisitoribus in Hungaria Regnoperata.

Cap. IV. Missos in Hungariam aliquando speciales Inquisitores ab Apostolica sede.

Cap. V. Quousque Sancta Inquisitionis Officium perduraverit in Hungaria.

Cap. VI. Rebus Hungariæ deploratis, Fr. Antoninus à Grosupto, S. Th. Doctor, pro illa, aliisque plagis, S. Officii Commissarius Apostolicus designatur.

Cap. VII. Extare adhuc in Regnis Dalmatiæ, & Illyrici, quæ olim sub Hungariæ Provinciæ ambitu continebantur, Sacrosanctæ Inquisitionis Officium.

Liber Tertius.

De Doctoribus, atque Scriptoribus.

Cap. I. Doctorum, Scriptorumque nobilitas, & præstantia.

Cap. II. Plurimos viros eruditissimos, etiam Doctoratus insignibus condecoratos, extitisse in Provincia Hungariæ, qui libros non ediderint.

Cap. III. Scriptores singuli describuntur.

Liber Quartus.

*De Muneribus, pro Ecclesia, Regniq[ue] Vn-
garici bono à Fratribus Prædicatoribus susceptis. Ea
per annorum seriem, quantum Authoris diligentia
licuit, describuntur.*

P A R S Q U A R T A. Liber Vnicus.

*Cap. I. Provincia Vngarica initium, primus Provincialis, lo-
cus.*

Cap. II. Conventus Provincia Hungarica.

Cap. III. Collegia, Studia generalia, sive Vniuersitaies.

Cap. IV. Loca, sive Vicariatus.

Cap. V. Sanctimonialium Monasteria.

*Cap. VI. De Generalibus Capitulis habitis in Provincia Vn-
garica.*

*Cap. VII. De B. Virginis Deiparæ Rosarij Sacratissimi in Hun-
garia instituto*

Cap. VIII. De Peregrinantium Societate.

Cap. IX. De Provincia Vngarica reformatione.

*Cap. X. De Inclinatione, reparatione, & eversione ejusdem
Provinciæ.*

*Cap. XI. Acta, ut Ordo Prædicatorum iterum restitueretur in
Hungaria.*

APPENDIX.

*Vita B. Augustini Episcopi Zagrabienſis, & Lucerini, à Dn.
Episcopo Joanne Tomco conſcripta, & à F. Sigismundo Fer-
rario recognita, & publicata.*

*Propugnatio Martyrj Fratrum Prædicatorum, qui à Tarta-
ris ab anno Chriſti 1241. in Cumania, & Vngaria per-
empti fuere.*

*Nonnulla ad Commentarios de Rebus Vngarica Provincia
Ord. Præd. annotationes.*



Præ-

P R Æ F A T I O.



Optime Lector. Magnam semper extitisse ad sobriè, justè, & piè vivendum in hoc seculo, historiæ de rebus à viris sapientia, prudentia, & sanctitate præclaris optimè gestis concriptæ utilitatem, ut merito sanè eam magistram vitæ dicere possimus, nullus æquus æstimator ignorat. Hinc insignis ille Mathathias hostium intolerabilem arrogantiam, impendentes calamitates, & bella sæva perpendens, filios suos Principes populi, ad fortitudinem, innocentiam, obedientiam, fidem, Zelum, pietatem, omnemq; virtutem pro victoria, dignitate, gloria, foelicitateq; consequenda, morti occurrens, ex sacris annalibus depromptis exemplis, sic hortabatur : *Nunc ergo, o filij, æmulatores estote legis, & date animas vestras pro testamento Patrum vestrorum, & mementote operum Patrum vestrorum, quæ fecerunt in generationibus suis, & accipietis nomen magnum, & nomen æternum. Abraham nomine in tentatione inuentus est fidelis, & reputatum est ei ad iustitiam ? Ioseph in tempore angustia suæ custodiuit mandatum, & factus est Dominus Aegypti. Phinees Pater noster, Zelando Zelum Dei, accepit testamentum Sacerdotij et ceteri. Iesus, dum*

p. Ma-
cha. c. 2.

I. Mac.
c. 4.

Ps. 77.

implevit verbum, factus est Dux in Israel. Caleb, dum testificatur in Ecclesia, accepit hereditatem. David in sua misericordia consecutus est sedem regni in secula. Elias dum Zelat Zelum legis, receptus est in cælum. Ananias, & Azarias, & Misael credentes liberati sunt de flamma. Daniel in sua simplicitate liberatus est de ore leonis. & ita cogitate per generationem, & generationem, quia omnes, qui sperant in eum, non infirmantur. & qui pro Mathathia surrexit filius eius Iudas Machabæus, belli, militiæq; Princeps, paternæ virtutis, & spiritus hæres, ad eorundem Patrum gesta pro spe liberationis, & victoriæ de adversarijs certissimè consequendæ suos provocabat: *Mementote qualiter salvi facti sunt Patres nostri in mari rubro, cum sequeretur eos Pharaon cum exercitu multo: & nunc clamemus in cælum, & miseretur nostri Dominus, & memor erit testamenti Patrum nostrorum, & conteret exercitum istum antefaciem nostram hodie.* David etiam Vates Regius, rerum à Deo hebræaque gente patratarum compendium carmine exequens, magnifico illo vsus exordio, *Aperiam in parabolis os meum, loquar propositiones ab initio, quanta audiimus, & cognouimus ea, & patres nostri narrauerunt nobis, non sunt occultata, vel ut Cajetanus, Pagninus, Vatablus, Arias, Muysius, & alij verterunt, non negabimus, occultabimus, celabimus, abscondemus à filijs eorum, ut cognoscat generatio altera, posteritas; filij etiam, qui nascentur, & exurgent, narrabunt, narrent filijs suis: causam totius narrationis, descriptionisq; eam esse subiecit, ut opera illa præ oculis semper habentes, non malos, atq; perversos, sed iustos quosq; & optimos æmulerentur, spem, fiduciamq; omnem in solo ve-*

ro Deo

ro Deo collocarent, legem ejus atq; præcepta sincero corde servantes quàm sanctissimè vitam instituerent. *Ut ponant in Deo spem suam, & non obliuiscantur operum Dei, & mandata ejus exquirant: ne fiant sicut Patres eorum generatio prava, & exasperans.* Ionathas summus Sacerdos, adversus angustias, & prælia, se, suosq; assidua sacram historiarum lectione consolari solitos fuisse testatur, ajens, *Nos habentes solatio sanctos libros, qui sunt in manibus nostris.* ne enim solatio destituerentur, è manibus non dimittebant. Magna etenim spei, solatijq; accessio de divinæ clementiæ ope fieri solet qualibuscumq; calamitosa vitæ hujus æumnis afflictis hominibus, dum ex certissimis monumentis intelligunt, Deum, à malo recedentes, & bona facientes, seq; timentes semper protexisse, liberasse, glorificasse. Ob hanc causam, Moysen Dei Prophetam Hebræis ab Ægyptia tyrannide oppressis, S. Iobi vitam, & exarasse, & scripto à se traditam usque legendam præbuisse, ex antiqua traditione refert Origenes, cuius verba digna planè sunt, quæ hic attexantur. *Inuenimus, inquit, in antiquorum dictis, quodd, cum Magnus ille Moyses à Deo in Ægyptum fuisset missus, & vehementem afflictionem filiorum Israel videret, & consolari eos ab anxietate lamentabilis eorum afflictionis, qua illos Ægyptij affligebant, minime valeret, & vehementes illos, atq; terribiles Iob dolores pro consolatione illis enarrauit, nec non & in scriptura eos ponens, ad huc cum essent recentiores, illi populo dederit, ut per cognationes, & tribus suas hæc legentes, & vehementes, atq; terribiles illos beati illius viri dolores audirent, sicq; se inuicem consolarentur, & cum patientia atq; gratiarum actio-*

p. Ma-
ca. c.
12.

Orig.
l. p. in
c. p. Iob

nibus, mala, qua eos circumdederant, sufferrent, & ut bonam remunerationem Domini, quam Iob post tolerantiam largitus est, audientes, etiam ipsi liberationem sperarent, & beneficia beatæ mercedis laborum suorum expectarent. Blandè enim & benignè ad eos loquens dicebat. Constantes estote filij Israel, animaquiore estote posteritas Abraha, sustinere dolores, sufferre hac mala, quia & olim erat quidam homo in terra Hus, cui nomen erat Iob, qui cum esset justus, & verax, & sine querela, ingentes sustinuit dolores, amara supportavit tormenta propter nequissimi diaboli invidiam. Ita & vos modo à Pharaone vexamini, ab Egyptijs oppressionem patimini, cum omnino non comprobemini peccatores; sed hac patientes in justè, ne defeceritis, neq; succubueritis, sed sufferte constanter, atq; viriliter; erit namq; & vobis liberatio, quemadmodum & illi. Reddetur etiam & vobis retributio huius tribulationis sicut & illi reddita est. Si vos, quos honorabiles, atq; diuites esse oportebat propter Patrum bonitatem, atq; diuitias, inhonorabiles, atq; egeni effecti estis, nolite expauescere, quia etiam præfatus hic vir Iob de sede regali, & gloriosa ad sterquilinum devolutus est cum ignominia, ex immensis diuitijs, atq; opulentia ad miserabilem paupertatem immutatus est. Si Egyptij, quos amicos esse oportuerat propter gratiam Ioseph, atq; sinceritatem Israel, ad inimicorum nequitiam immutati sunt, nec vobis sit mirum, quia & Iob boni illi sodales, qui ei deuoti, atq; integri amici esse debuerant, ad inimicitiam conuersi sunt. Id ipsum sequutus Paulus Doctor gentium, ut fideles ad fratrum infirmitates æquo animo tolerandas, & contra calumnias, opprobria, & aduersa quæq; confirmet, ostendatq; vnde in angustijs consolari, spemq; erigere possint, altiori

eos consilio ad Christi Domini passionem ex Sanctis scripturis perpendendas amandat. *Debemus, ait, nos firmiores imbecillitates infirmorum sustinere, & non nobis placere. Unusquisque vestrum proximo suo placeat in bonum ad edificationem. etenim Christus non sibi placuit, sed sicut scriptum est, impropria impropertium tibi ceciderunt super me. Quaecumque enim scripta sunt, ad nostram doctrinam scripta sunt, ut per patientiam, & consolationem scripturarum spem habeamus. Nec sacri, & Canonici dumtaxat, sed & Ecclesiasticae historiae libri, piorum hominum vitas, seriemque gestorum continentes, ad omnem vitae rectitudinem, sanctitatemque informant, & movent. Nam S. Augustinum Ecclesiae lumen, ex audita Magni Antonij vita, quae apud Treveros in Gallijs reperta fuerat, ex Manichaeorum haeresi, & voluptatum illecebris, ad fidem Catholicam, vitaeque sanctimoniam inflammatum fuisse, constat ex ijs, quae tunc ipse se dixisse, ac fecisse memorat. Quid, inquit, patimur? Quid est hoc, quod audisti? Surgunt indocti, & caelum rapiunt, & nos cum doctrinis nostris ecce ubi volutamur in carne, & sanguine. An quia praecesserunt, pudet sequi, & non pudet nec saltem sequi? Cumque post ingentes lacrymas, atque suspiria vocem cum cantu divinitus audisset, Tolle lege, Tolle lege: intelligens sibi juberi, ut ad exemplum Antonij, (qui ex evangelica lectione illa, cui forte supervenerat, Vade, vende, quae habes, & da pauperibus, & habebis thesaurum in caelo, & veni, sequere me, quasi illa sibi dicta essent, per omnia obtemperans, universis bonis in pauperes erogatis, ut uni Deo vacaret, in solitudinem se recepit) aperiret codicem apostolicum, & quod primum oc-*

Ad
Rom.
c. 15.

lib. 2.
confess.
c. 8.

Ibid.
c. 12.

Mat.
c. 19.

curre

Ad
Rom.
13.

L. Alb.
li. 5.
de vir.
ill.
Ord.
Pred.

curreret, legeret, & sibi dictum acciperet, arripuit, aperuit, legit : *Non in comessationibus, & ebrietatibus, non in cubilibus, & impudicijs, non in contentione & emulatione, sed induite Dominum Iesum Christum, & carnis curam ne feceritis in concupiscentijs.* & statim cum fine huiusmodi sententiæ, quasi luce securitatis infusa cordi ejus, omnes dubitationis tenebræ diffugerunt: reliqua; spe, & cura huius seculi, ad Deum conversus est. Et ne plura de alijs exempla congeram, quæ sunt innumera, Beatum Mauritium Hungarum, è Regio stemmate nobilissimum, virumq; ex N. Ordine sanctissimum, ad monasticam vitam capeffendam ex narratione vitæ Sancti Alexij Romani incitatum fuisse tradunt gestorum ejus scriptores, è quibus Leander sic ait : *Venit aliquando in oppidum Vgne deum vir quidam ex Divi Dominici Prædicatoribus, vita, & religione conspicuus.* Hoc ubi Mauritius cognovit, continuò sese ad eum contulit, & flexis genibus aliquândi coram eo mansit, petens suppliciter, ut suis precibus apud Omnipotentem Deum se adjuvaret, & viri alicujus sancti vitam sibi narraret, quòd audire talia libentissimè solet. exosculatus ille ingenium & tantam in puero probitatem, morem ei continuò gessit, & Divi Alexij vitam recensuit, quam puer antea nunquam audierat. Cumq; attentè nimium narrantem audiret, adeo illi cor emollitum est incredibili dulcedine tacto eorum, quæ recensebantur, ut lacrymas tenere non posset. Quare tunc primum, sicut ex eo postea multi audierunt, decrevit opportuno tempore monasticam vitam inire. S. Vincentius Ferrarius, ut sibi ad omnem virtutem, & perfectionem viam pararet, ab initio sui in ordine tyrocinij Sanctissimi Patriarchæ

Dom.

Dominici vitam legendam proposuit, tantumq; profecit,
ut dignus tanto Parente Filius, & vir planè apostolici pe-
ctoris, & Spiritus, potens in opere, & sermone, summisq;
Ecclesiæ Pristinæ viris compar evaserit. Quò allusit au-
thor Ecclesiasticorum hymnorum, qui pro ejus solemnitate
decantantur.

*Flore primæuo nitida juventa
Eligens pura documenta vita,
Ordinis magnum imitans parentem
Predicatorum.*

Et: *Signa, que magnis patuere terris,
Te probant amplis meritis refertum,
At viris celsis fore comparandum
Temporis acti.*

Sanctissima Virgo Margarita, Belæ Quarti Hun-
gariæ Regis Filia, Virginum, Principumq; Decus, Sancto-
rum vitarum lectione mirum in modum delectata, ad
omnes virtutum gradus gloriosè conscendit, martyrij des-
siderio flagravat, alijs ad perfectionem comparandam
eandem lectionem persuasit. Quòd si Aloysius Luisinus,
inter medicos haud ignobilis, ad mores animi componen-
dos jubebat juvenes accuratè legere vitas Philosopho-
rum, quos à D. O. M. mundo in eum finè datos esse dice-
ret, proindeq; gratias habendas esse Diogeni Laertio, qui
eas scriptis memoriæ mādavit: multo certè potiori ratione
cunctorū animi ad Sanctorum gesta legenda pro moribus
efformandis, vitæq; ratione perficienda excitandi sunt,
quanto adhæc præstantior, & efficacior vera virtus est,
quàm umbra duntaxat quædam ipsius, qualis illa Philo-

In Bre-
uiar.
Prædi-
cator.

De
comp.
animi
affect.
li. 2.
c. 15.

sophi-

22. q.
27. art.
7.

Basil.
ep. p.
ad
Theol.

Atha-
nas. in
vit. a
Ant.

Clem. 8
in bul-
la Ca-
roniz-
eius.

sophica, cum absque Charitate, neque etiam habitus moralium virtutum acquisitarum veram virtutis rationem obtineant, ut probatoribus Theologis est exploratum. Porro rationem ex huiusmodi lectione proficiendi, perfectionisq; acquirendæ, Magnus Basilius, non minus eleganter, quam erudicè perstrinxit, cum ad Theologum scriberet illis verbis. *Quemadmodum pictores quando imaginem ex proposita imagine pingunt, crebrè ad exemplar respicientes, figuram illius ad artis sue industriam transferre satagunt: ita oportet eum, qui omnium virtutum partibus absolutum sese prestare conatur, ad vitas Sanctorum, tamquam ad vi-vas quasdam, & agiles statuas aspicere, & quod illi benè gesserunt, peculiare sibi per imitationem facere.* Hanc rationem inivit S. Antonius, de quo scribit Athanasius, tanto virtutum studio in censum fuisse, ut quemcumq; videret, legeret, audiret aliqua virtutis laude excellentem, illum imitari studeret. Quo factum est, ut nihil eo continen-rius, nihil vigilantius esset. Patientia, mansuetudine, misericordia, humilitate, labore, ac studio divinarum scripturarum omnes superaret. Idem facitavit S. Hyacinthus Polonorum Taumaturgus, qui, ut ait Clemens octavus, Papa, vivendi rationem, quam à Sanctissimo Patre Dominico, tamquam è purissimo fonte hauserat, ad extremum usq; diem sanctissimè servavit. Nihil igitur eo demissius, nihil modestius, nihil purius, nihil candidius fuit, ut qui Virginitatis pulcherrimum florem in cœlum reportarit. Charitate erga proximos ardenti flagrabat. sese singulis noctibus usq; ad sanguinis effusionem afflige-
bat. mira invictu continentia, omnes sextas ferias, vigi-

lias etiam B. Mariæ, & Apostolorum solo pane, & aqua
 jejunabat. Totas noctes in templo fundendis ad Deum
 precibus insomnis propè consumebat. Et si quando ine-
 dia, ac sopore fessis membris somnum capere cogebatur,
 aut stans lapidi tantum altaris innixus, aut humi prostra-
 tus quiescebat. Quicquid verò temporis vacuum illi ab
 oratione supererat, id omne partim colendis sacris stu-
 dijs, partim habendis sacris concionibus, vel confessioni-
 bus audiendis, aut alijs pietatis operibus impendebat.
 Hæc omnia ex archetypo illo vitæ Sanctissimi Patris Do-
 minici in se ipsum vir ille divinus ita derivavit, ut simili-
 mam per omnia parenti prolem exprimeret; tantum va-
 let hæc imitatio. Ista me permoverunt, (Lector opti-
 me) ut quæcumq; ex varia lectione, & sedula animadver-
 sione de Viris Illustribus Ordinis Prædicatorum ad Pro-
 vinciam Hungariæ spectantia, ijs cum primis, qui in si-
 gni quadam sanctitatis, dignitatis, eruditionis, ac Zeli or-
 thodoxæ fidei laude floruerunt, (quoad per varias occu-
 pationes licuit) collegissem, ea vno complexa commen-
 tario in lucem emitterem, sperans vel meo experimēto ali-
 quibus placitura. Possum enim verè affirmare, me, quo-
 ties ardentem illam sitim, ac Zelum salutis animarum
 Beati Pauli Hungari, Sanctissimi Patris Dominici discipuli,
 & martyris inclyti, sociorumq; ejus confidero, totum ad
 eandē in maxima messe hungarica procurandā inardescere;
 in vitæ laboribus, & exitu me illis similem fieri maxi-
 mē cupere, illudq; ingeminare, *Moriatur anima mea morte*
justorum, & fiant novissima mea horum similia. Quin etiam,
 quoties aliorum, tam virorum, quàm mulierum, potissi-

num.
23.

mum Sanctissimæ Virginis Margaritæ præclaras actiones percurro, non sine lacrymis, ad Dei, religiosaq; perfectionis amorem ignes mihi maximos excitari. Accedit, quòd cum peculiari quadam propensione Hungaricam nationem semper dilexerim, adeoq; juvenes Hungaros Viennæ habitum Sanctæ Religionis nostræ flagitantes, semper, quantû in me fuit, apud superiores promoverim, ea spe, ut aliquandò veræ pietatis, & solidæ eruditionis armis instructi, per patriam excurrentes, contra infidelitatis, vitiorumq; monstra pro Deo militare, & Ordinem sacrum in eundem finem promovere possent, (ut interim omittam demandatâ commissamq; mihi (licet indigno) à Reverendiss. Patre Magistro Generali totius Ordinis N. Fr. Nicolao Rodulpho, viro planè Apostolico, & veterum illorum S. P. Dominici successorum simillimo, pro eodem Ordine in Hungaria excitando provinciâ) æquum esse videbatur, ut aliquot eis domestica exemplaria, quibus magis accenderentur ad imitandum proponerem: præcipuè, cum de omnibus cæteris ferè Provincijs peculiaribus editis voluminibus, eo solatio Hungaricam destitutam viderem.

Quòd si cupido lectori non adeò fortè satisfecero, ut optaret, veniam mihi tamen ab eo benevolè condonandam haudquamq; diffido; qui prudenter advertat, non omnia, quæcumq; præstantissimè gesta sunt, ad posteritatem devenisse. Nam cum in illo ferventissimo spiritus Ordinis Prædicatorum ardore, antiquitas viris omni sanctitate, & doctrina clarissimis abundarit, quæ contingebant egregia, quasi quotidiano usu communia, posteris suis mandare neglexit. Notavit hoc ipsum scitè Ioannes An-

Apud
Leand.


conius

tonius Flaminus, qui, cum de B. Alberti Magni gestis historiam contexeret, & insignibus miraculis, testimonio Thomæ Cantipratani, Episcopi, claruisse diceret, è quibus pleraq; fuissent silentio prætermissa, causam subijciens, aiebat: *Nec talia curabant ejus ætatis Patres, cum plurimi essent, qui miraculis clari haberentur: Nec in tanto Sanctorum hominum numero magni tunc res erat.* Neq; ea sola est caussa, sed & alia, quam Eminentiss. S. R. E. Cardinalis Pazman sapienter expressit. Quia nimirum *inter acerbissimas Hungarici Regni Clades, quibus supra integrum seculū illius incole conflictantur, non postrema censenda sit archiuorum jactura.* Cum enim immanis Solymanni Turcarum Imperatoris potentia, torrentis instar, uno quasi impetu, eog; inopinato Regem Ludovicum secundum unā cum flore Ecclesiastici, ac secularis Ordinis obruisset, totamq; vastitate compleisset Hungariam, quisq; salutis sue, quā scripturarum potiorē curam gerens, fuga sibi consulendo, curas chartarum insuper habuit. *Exusta igitur, dissecta, discerpta, quæ thesauri instar servata oportebat.* Porro opus hoc in quatuor partes distinximus. In prima de initio Ordinis Prædicatorum in Hungaria, adeoq; de viris Martyrij laurea insignibus. In secunda de viris alijs, mulieribusq; sanctitate præclaris. In Tertia de viris in Dignitate Ecclesiastica constitutis, Sancti officij Inquisitoribus, Magistris, Doctoribus, grauioribusq; functionibus pro Ecclesia susceptis. In Quarta de monasterijs virorum, ac mulierum, Capitulis generalibus, Societate ad infidelium partes peregrinantium, Reformationibus, alijsq; id genus tractabitur. Boni consule Pie, & Opt. Lector: ac si quid prætermisum, aut etiam

l. 3. f. 111.

App. x
ad Syn.
Strig.

præposterè positum offenderis, communica, & emenda;
 precibusq; tuis me miserrimum peccatorem, Deo Vni, ac
 Trino, atquè totius ejusdem adorandissimæ Triados au-
 gustissimo Triclinio, Beatissimæ Virgini Matri, Hun-
 gariæ, & nostri Ordinis Patronæ, pro quorum honore,
 & gloria hæc qualiacumq; elaborare conati sumus, pa-
 rem vicem habiturus, benè commenda. Vale.





DE REBVS HVNGARICÆ
PROVINCIAE SACRI ORDINIS
PRÆDicatorvm.

Pars Prima, Liber Vnicus.

CAPVT PRIMVM.

De Regionis Hungaricæ præstantia.



Vngariam Europæ Septentrionalis Regionem clarissimam, cum ea orbis Provincia, quæ olim Pannonia dicta est, non ex toto prorsus convenire, melior, communiorq; sententia tenet. Ea namque quamvis citrà Danubium porrigatur, Austriam tamen, & Styriam, quæ olim ad inferiorem Pannoniâ spectabant, excludit, & ultra Danubium transgressa, in Poloniam usq; protenditur, habetq; terminos ab ortu Alutam flumen, ab occasu Austriam, & Styriam, à meridie Savm, ab aquilone Carpathios montes, à Polonia, & Moldavia eam determinantes. Dividitur in citeriorem, quæ citrà, & ulterio-

rem,

rem, quæ vltra Danubium continetur. Pannoniam à *Pannone* Noetico nepote, qui primus in ea regnavenit, non nulli dictam existimant; alij à *pane*, quo vescuntur homines, ob soli fecunditatem; alij à *Pane*, quem vetustas finxit Deum esse pastorum, ob eandem causam: alij quòd Pannonēs Pæones Græcis dicerentur, nuncupationem derivant. Hungariam verò ab Hunnis, (qui ex Scytharum genere deflexerunt) varijs temporibus Pannoniam invadentibus, ac denique Attyla Duce, suo illam imperio subigentibus, appellatam scribunt, è quibus Geyfa, primus Princeps orthodoxa fide illustris, Sanctum Stephanum filium suum, qui primus Rex Hungariæ fuit, successorem reliquit. Porro Hungariæ gentis Imperium, multò latius, quàm ipsa Hungaria predebatur; etiam Mœsiam, Dardaniam, Dalmatiam, Illyricum, Rassiam, & vtramq; Bulgariam complectens. Longitudo, atq; latitudo terrarum, quas Matthias Hungariæ Rex possidebat, tanta, erat Petro Ranzano teste, ut quaquaversum tenderes, non minus octingentis millibus romanorum passuum iter conficeres. Hungaria ambitus magnitudine, situs elegantia, copia rerum omnium florentissima est. Agrorum enim vbertas tanta, ut cumulis, & acervis vix campi ipsi sufficiant. Quum, boum, omnisq; generis pecorum ea multitudo, quæ alienas Provincias, Boemiam, Germaniam, Italiamq; singulis annis plurimis armentorum millibus reficiat, & tamen integros campi, & pastores greges in abundantissimâ carniū copiam habeant. Feris, & avibus sic affluit, ut rusticis venatione, vel aucupio interdicare insolens sit; nec ferè plebei homines, mi-

nusquam

nusquam nobiles leporibus, damis, cervis, apris, turdis, perdicibus, phasianis, alijsq; hujusmodi delicijs vescantur. Sinuosis, profundis, latis, rapidis, piscosissimi q; fluijs, Tibisco, Danubio, Savo, Dravo hinc inde cingitur, ex quibus Tibiscum tertia sui parte varijs piscium generibus decurrere, ut ferè quàm minimò veneant, ac propemodum gratis dentur, fide digni scriptores affirmant. Lacus duos habet nobilissimos, Balatonem, tredecim milliariorum longitudinis, & Fertoum, non aquæ longitudinis, sed majoris latitudinis. Vini feracissima, quod claritate, fragrantia, suavitate cum cretico possit decerrare. Magnæ, multaq; ibi ferri, æris, chalybis, cupri, argenti, auri, puritate, splendoreq; insignis fodinæ. In aliquibus fluminibus auri puri ramenta inveniuntur; &, quod mirabile est, in vineis, (ait Ranzanus) in aurifero loco satis, aureæ virgunculæ, & ad digiti, & ad semipedis longitudinem quandoq; leguntur; cuius generis complures idem author se vidisse testatur. Qui etiam refert haud procùl ab vrbe Cassovia rivum esse, in quem immissum ferrum mutetur in cuprum: & ad aliquot millia passuum supra eandem urbem gigni crystallum, genusq; illud lapillorum, qui vocantur Topatij. Optimum quoq; metallicum sallem, qui in morem lapidis in varia frustra dissectus, ad diversas partes devehitur, tellus progignit. Thermis saluberrimis prædita est, præcipuè apud Budam, quæ Hungariæ Regia fuit, & vix vlli Europæ totius Vrbi cesserit, vel amœnitate situs, vel cœli salubritate, vel fœcunditate soli, vel aliarum quarumlibet rerum vitæ degendæ condicibilium, aut etiam ad splendorem, & luxum pertinen-

tium

Pet.
Ranz.
Epit.
de reb.
Hung.
Surius
de reb.
in orbe
gestis.
a. 1541.
p. 170.
& seq.
extat.
Epist.
apud
Bzouin
tomo 19
a. 1414.
n. 6.
Ioan.
Bapti.
Agn.
de vi-
tia Im-
perat.

tium vbertate. Hæc, & alia complura Ranzanns, Surius, Oratores ad Regem Polonia Sigismundum, aliq; de In- elyta regione tradiderunt. Ut proindè haud immeritò Si- gismundus Hungariæ, & Romanorum Rex, ac deniq; Cæ- sar Augustus ad Ioannem 23. scribens, illam sic commen- dauerit: *Peculiare Regnum nostrum, gloriosa videlicet Hun- garia, locorum amœnitate conspicua, situum habitudine specio- sa, exuberanti rerum affluentia copiosè pollens, delectabilem indigenis, & aduenis sub diuersitate linguarum, & nationum exhibet incolatum: in quo iucunditatem, & exultationem the- saurizando omnium diuitiarum temporalium, nulli in orbe ter- rarum secundus, suauiter deduci, delectabiliter viuere, & fæ- ceter regnare possemus.* Viros Clarissimos, qui etiam Ro- mani Imperij gubernacula tenuerunt, non parcè dedit. Decius namq; nobilissimis Parentibus, Iovinianus Var- roniano, Valentinianus, & Valens Gratiano Patre orti, Pannonies fuerunt. Gens Hungarica bello semper incly- ta, vtqua nulla alia Christiani nominis natio Turcarum arma magis exercuerit, nulla rursus magis ab his exercita- sit, quæ ad octingentos annos pro sua & communi Chri- stianorum quiete, continentè eorum fines non sine cru- entissimo certamine propugnauit. Præstantibus doctri- na, & ingenio viris abundauit, hodièq; abundat; mi- rumq; est, quanto conatu, nec minore profectu, in Aca- demijs, dies, noctesq; ad studia omnium disciplinarum incumbant. Norunt, qui Romæ, Græcij, Viennæ, Tir- naviæ, (Transdanubianæ Hungariæ Urbis, in qua omniū bonarum artium & scientiarum Vniuersitas, Eminentiss. Cardinalis Petri Pazmanni, Archiepiscopi Strigoniensis

muni-

munificentia, nuper anno Dom. 1635. in Collegio Patrum Societatis Iesu erecta est) alibiq; rem propius aspererunt. Hinc ad Ecclesiæ gubernacula, ad Cæsaris consilia, aliaq; ardua, Hungarici cum primis Regni, negotia pertractanda quam honorificè assumuntur. Ac, (quod omnium caput est) viros habuit per omnem ætatem sanctitate insignes, è quibus cum primis effulgent: Sanctus Pollio Martyr, de quo in Rom. Martyrol. 4. cal. Maij sic scribitur: *In Pannonia Sancti Pollionis Martyris, qui sub Diocletiano Imperatore illustre martyrium peregit.* Et in Martyrologio Petri Galesinij, ita: *In Pannonia Sancti Pollionis Martyris, qui Diocletiano, & Maximiano Imperatoribus, in Christi stadio luctatus, gravibus certaminibus præclare obcundis, egregium fidei testimonium profuso sanguine dedit.* S. Martinus Sabariensis, Turonensis Episcopus, celeberrimæ sanctitatis fulgore, non provinciam, aut regnum, sed Ecclesiam totam, univèrsamq; terrarū orbem illustrans. Is *Prophetis compar, Apostolis consors, Prasulum gemma, fide, & meritis egregius, pietate mirabilis, charitate ineffabilis,* succurrit omnibus illum invocantibus. Pièq; creditur, ejus factum esse meritis, atq; virtute, vt cum omnes Hungarorū Civitates, oppida, & loca lues hæretica ab vno infelicissimo seculo, & ampliùs, sensim infecerit, vnica Sabaria illasa penitus in fide Catholica semper fuerit custodita. S. Laurianus, Hispalensis Archiepiscopus, qui ex nobilibus Parentibus Pannonibus, paganis tamen, in Pannonia natus, puer Mediolanum appulsus, ibidem suscepto baptismo educatus, sacris litteris imbutus, & Diaconatu initiatus est: inde Hispalim Hispaniæ Urbem illu-

Mart.
Rom.

Mart.
Gales.

Eccle-
sia in
off. S.
Mart.

strissimam secedens, Maximo ejusdem Urbis Episcopo successit. Cumq; singulari doctrina, & vita, & sanctitate Catholicam fidem adversus Arianos strenuè propugnaret, à Totila Gothorum Rege, Ariano, persecutionem passus, tandem post peregrinationes ad Urbem, aliasq; regiones Angeli monitu susceptas, per sicarios ab eodem Totila submissos obtruncatus est; multisq; & insignibus, vivens, ac mortuus miraculis coruscavit. Passum ferunt ad annum Christi 944. ejus meminit Rom. Martyrol-quarta Iulij, vbi Baronius; & post alios Petrus Ribadeneyra Societatis Iesu, ejus vitam conscripsit.

Bar. in
noto
Rib. p.
2. fl. SS
4. Iul.

lege Ba.
ron. a.
1000.
n. 12.
et 19.
ac 20.

Chart.
in vita
S. Ste.
apud
Baron.
a. 1002
n. 12.

ex lib.
off. pr.

S. Stephanus Hungarus, primus Hungarorum Rex, & Apostolus appellatus, qui tanta erga Rom. Ecclesiam exitit pietate, ut ei Hungaricum Regnum peculiaris clientelæ, vel etiam donationis jure collatum addiderit; proptereaq; Regni coronam jam Polonorum Principi præparatam, meruerit à Sylvestro secundo sum. Pont. monente Angelo, missam accipere. Hinc præclarus ille *Apostolici* titulus, quo etiam nūm insigniuntur, in Hungariæ Reges derivatus. Ab hoc Sancto Rege in Beatissimam Virginem Deiparam devotissimo, adeò celebris ejusdem Magnæ Matris apud Hungaros honor, & gloria promanavit, ut *Regni Hungarici Patrona, ac Domina* peculiari elogio vocitetur. Quare festum etiam Assumptionis eius, tacito nomine proprio, *Diem Domine*, Hungari soliti sunt nuncupare. Mortuus est anno Christi 1038. S. Emericus, S. Stephani ex Gisela Pij Imperatoris sorore filius, ab ineunte ætate, vigilijs, divinis laudibus, pijsq; exercitijs deditus: in ipso adolescentiæ flore, divino miraculo præmonitus, Virgini-

tatis pudorem perpetuò colendum suscepit, & ad mortem vsq; illibatum seruauit, regiae Virginis integritate, quam volente Patre desponsauerat, intacta. Ob cuius virtutis custodiam coelitus assecutus est, vt secreta castitatis aliorum peruideret. Patre, (qui illum Regem designare cupiebat) in viuis relicto, migravit in coelum. multisq; miraculis coruscans, vnà cum patre Stephano à Benedicto octauo albo sanctorum inscriptus est. Sanctus Ladislaus, primus ejus nominis Hungariae Rex, Bela Primo ex filia Regis Poloniae progenitus, humilitate, rerum diuinarum contemplatione, cunctisq; virtutibus insignis; viuens, & mortuus miraculis clarus, quique Dalmatiã, & Croatiam Regno Hungariae adjunxit: à Coelestino Tertio in sanctorum numerũ relatus, mortuus est an. 1095. S. Elisabetha, Andreæ secundi Regis Hungariae Filia, quæ à teneris annis sancte, & religiosè vixit. Nupta deinde Ludouico, Landgrauio Turingiae, viro nobilissimo, tam sancte, & pie Deum colebat, vt suo exemplo maritum ad sanctitatem, & vitae perfectionem induxerit. orationi assidue vacabat, viduis, pupillis, ægrotis, carcere detentis, pauperibus benigne subveniebat. mortuo marito, proprijs sumptibus Xenodochium maximum construxit ad pauperes ægrotantes alendos, eis non solum necessaria subministrans, sed ipsamet saniosis aliquorum vlceribus ad mouens medicamenta. Patrimonio, partim hisce vsibus insumpto, partim à consanguineis demortui mariti substracto, in pauperiem redacta, lanam, & linum operando, manibus, quod egenis tribueret, quærebat. Atq; ita vita Sanctissime transacta, plurimis, maximisq; miraculis illustris evolaui

SS. Regni Hung.

V. Bar. a. 1030 a. 1031

ex eod. libell. offic.

S. Anton. 3. p. tit. 19. c. 11. Bz. 4. 1235. Brev. Dominic.

V. libel
offic.
prop.
Hung.

Petrus
Iar. li.
2. thes.
rer.
indic.
pag.
mibi
672.

in cœlum anno Sal. 1235. fuit, ait S. Ant. *vitiorum extirpatrix, virtutum plantatrix, schola morum, exemplum patientie, speculum innocentie*. quam Greg. nonus S. Catalogo accensuit anno 1235. Mitto S. Adalbertum, Pragensẽ, S. Gerardum, Chanadiensẽ, Episcopos, aliosq; plurimos omnibus notos, quos Hungariæ Regnum (quod strenuè pro fide Catholica, & cultu Dei propagando in eo laborauerint) veneratur, & colit. Non silendus tamen vir non adeò cognitus, at Sanctitate eximius, Matthæus Escandelius, Buda Hungariæ Vrbe oriundus, qui, postquam ad annos aliquot juxta Hierosolymam in monte Sion anachoretam egisset, ad Indos emigrans, inde per Regnum Sinarum ad Chinæ regionem quandam penetravit, ubi quinque hominibus à morte revocatis, alijsq; patratis miraculis, Sinarum multos Christo peperit: tandem verò à Bonzijs, ob fidem, quam prædicabat, neci datus, illustre martyrium consummauit. Ita scribit Petrus Iaricus Soc. Iesu, ex narratione Chinenfium, qui ab ijs, qui ipsius Matthæi opera Christi fidem edocti fuerant, ducere se originẽ afferebant, idq; ex libro, 240. ab hinc circitèr annis excuso, eius rei testimonium perhibente, Lusitanis quibusdam ad oculum demonstrabant. Nec desunt hoc tempore, (vt mittam interim Seraph. Patris S. Francisci, S. Pauli primi Eremitæ, Sanctiq; Ignatii religiosos, aliosq; Ecclesiasticos, strenuos operarios) cùm Ecclesiastici, cùm secularis Ordinis viri magnates, tantorum sanctorum Pontificum, & Principum virtutes eximiè imitantes. Cernit enim nostra ætas Eminentiss. Cardinalem Petrum Pazmany, Archiepiscopum Strigonienfem, Primate

Hunga-

Hungaria, Legatum natum, pietate, zelo, prudentia, eruditione, integritate, munificentia incomparabilem. Illustrissimos ac Rever. D. D. Ioannem Telegdi, Archiepiscopum Colocensem, Georgium Lippay, Regni Hungariae Cancellarium, Vesprimiensem, Georgium Draskovitz, Iauriensem, Emericum Losy, Agriensem, Franciscum Erghelium, Zagrabiensem, Gregorium Nagisfalui, Electum Vaciensem, aliosq; plures Hungaricarum Ecclesiarum, (quos, ne longior sim, præterire cogor) Episcopos, qui in partem sollicitudinis assumpti, formaq; facti gregis, exemplo cunctarum virtutum, & excellenti doctrina pascunt sibi subiectos, obeuntq; summa cum laude provincias sibi commissas. Videt Excellentissimum, & Illustriss. D. D. Nicolaum Esterhasy, de Galantha, Comitem ac Principem Palatinum, virum prudentiss. ac pi-entissimū, Fidei Orthodoxæ strenuum assertorem, & promotorem insignem, deque Ecclesia Catholica optimè meritum heroem; in cuius proinde etiam temporalia bona, quasi in hortos irriguos, ac perpetuo virentes copiosa de cœlo semper benedictio descendit. Illustrissimos & Magnificos D. D. Comites, ac Barones, de Homonnai, Erdecódios, Bamfios, Serinios, Bathianos, Palfios, Forgacios, Draskovitios, & cat. Magnificos D. D. Barones Chakios, Palfios, Esterhasios, Señeyos, Gegleuitios, aliosq; complures. Generosos Dominos innumeros. Quorum omnium pietate, ardore fidei, fortitudine, magnanimitate, Hungaria hæresum monstris defœdata, bellorumq; cladibus oppressa, ad auitum fidei Catholicæ splendorem, decoremq; reflorescit, & ad pristinam Regni dignitatem

recupe-

recuperandam assurgit. Deuotio Regni totius in Beatissimam Virginem Dei parentem Mariam, spem nostram, peruiam Cœlorum viam, portamq; felicem, tanta, vt non solum peculiari elogio, *Hungaria Patrona, & Domina*, vti prædiximus, nuncupetur, illoq; imago ejus circumdata vniuersis ejusmet Regni pecunijs apprimatur; sed etiam pro tantæ Matris honore, legem illam tulerit: **HÆRETICI, TANQVAM HOSTES BEATÆ VIRGINIS, COMBVRANTVR.** Porro gentis ejusdem etiam in alienigenas ea est hospitalitas, vt vix fortasse nationem reperias, quam illi præponas. Ecclesiarum, & piorum locorum foundationes à Sanctis Regibus, alijsq; factæ, extitere penè innumerabiles, & incredibiles. Nam tempore Ludouici I. Regis, (teste Bonf.) *vsq; adeò Religio propagata in Hungaria; vt plus tertia regni parte, in diuinum vsum possideret.* Archiepiscopatus inquit Eminen. Pazmany, amplissimi, Episcopatus Principatibus pares; Capitula, doctissimorum simul ac sanctissimorum virorum seminaria; Cœnobîa, sanctitate, ac doctrina florentissimorum Ordinum, velut castrorum acies ordinatæ, veluti excubantium pro domo Dei militum statua, denso plena robore, totum regni Hungarici sinum compleuerant: & ita quidem, vt quoquò obtutum verteres, ades Deo sacræ, Claustra religiosa, Deo dicatarum Virginum Monasteria, Prasulum, ac Pastorum Ecclesiasticorum domicilia occurrerent. Quamuis nunc (proh dolor) inter fidei rixas, & Othomanicæ tyrannidis gurgites vix vestigia auitæ religionis supersint. Quod si Strigoniensis Archiepiscopatus diœcesis amplitudinem, & antiquorum omnium ordinum in Hungaria loca, & domicilia catalo-

dec. 2.
l. 10.

Appē.
1.

gis comprehensa videre desideras, habes appendices duas summa diligentia ab eodem Eminentiss. Cardinali conscriptas.

In primis verò sacra Beatissimi P. Dominici Fratrum Prædicatorum Religio in eodem Regno emicuit, cui, ut idem Eminent. familiari colloquio testabatur, maximo fuit cum adjumento, tum ornamento. Hungarica enim Provincia, Hungariam, Regnumq; ejus totum non complexa tantum, sed etiam transgressa, ingentem fidelium messem in horrea Domini congregavit, pluraq; alia miranda, de quibus suo loco patebit, ad majorem Dei gloriam effecit. De qua tamen, injuria temporum, non nisi sanctionialis una, quæ fuit olim in Ordine Priorissa, apud Clarissas Polonenses, jam, cum ista edimus, anno scil. 1636. sit superstes, commentarium hunc, & in ejusdem Regni commendationem, & ob rationes superius commemoratas, spe stationis pristinae, Deo, & Dominis Hungaris bene fauentibus, pro salute animarum, quæ est nostri scopus instituti, aliquandò repetendæ, conscribimus.

Ad
Syn.
Strig.
4. 1629

CAPVT SECVNDVM.

Quo anno, & sub quo Rege Ordo Prædicatorum cæperit in Hungaria.



Provinciam Hungariæ Ordinis Prædicatorum B. P. N. Dominici, anno Christi 1221. Pontificatus Honorij tertij summi Pont. V. Friderici II. Imperat. II. in Capit. Generali Bononiæ secundo, & postremo sub eodem S. Patriarcha celebrato, initia sumpsisse, ex

anti-

Humb.
l. 4. de
rit. ff.
c. 7.
Theod.
in rit.
S. P.
Domi.
h. a. c. 7
S. An-
ton. 5.
p. hist.
tit. 23.
c. 4.
§. 13.
Thom.
Malu.
in an.
Ord.
Præd.
a. 1221
c. 7.

antiquis scriptoribus, Humberto, Quinto Ordinis ejusdem Generali Magistro, Theodorico Appoldiano, Episcopo, S. Antonino Archiepiscopo, alijsq; grauib; authoribus, eruditissimus aque ac accuratissimus scriptor Thomas Maltrenda, in suis annalibus perspicuè ostendit. Cum enim jam Prædicatorum ordo per varias regiones latè diffusus sexaginta Conuentus diuersis locis eo tempore erectos possideret, in octo Provincias tunc primùm, Hispaniam, Franciam, Lombardiam, Romanam, Provinciam Provinciæ, Teutonium, Hungariam, Angliam, sic est distinctus, vt omnes Conuentus vniuscujusq; istarum Provinciarum, præter singulos cuiusq; Monasterij Priores, vnum Priorem Provincialem haberent, qui, vt Priores singulis Conuentibus, ita ipse omnibus cœnobijs totius Provinciæ, tamquàm legitimus, & ordinarius Prælatus præsideret, cuiq; Priores omnes Conuentuales illius Provinciæ essent subiecti. Nec tamen sic hæ omnes octo Provinciæ institutæ fuerunt, quasi singulis fundata tunc monasteria designarentur; nam etsi in cœteris erant, in Hungaria tamen, & Anglia tempore illo necdum extabant. Verùm post absolutum Generale Capitulum, in Hungariam, & Angliam primùm à S. Patre Dominico fratres missi fuere, qui ordinem inferendo, & cœnobia construendo designatas jam Provincias erigerent. Ipso itaq; anno 1221. quo Capitulum Generale ad festa Pentecostes celebratum fuit, Fratrem Paulum Hungarum, qui juris Canonici Doctor Clarissimus, publicum, stipendiatum, solemnemq; in antiquissima illa toto terrarum orbe celeberrima Bononiensi Academia Professore

agens

agens, ad Prædicatorum Ordinem eodem se anno contu-
lerat, cum alijs Fratribus, è quibus Frater Sadoch, vir ma-
gnæ sanctitatis, in Hungariam destinavit. Testatur id
Theodoricus vetustus, & diligentissimus rerum à S. P.
Dominico gestarum descriptor. eodem tempore, nempe anno
1221. inquit, Magister Paulus Hungarus, Iuris Canonici pu-
blicus Professor, ad Prædicatorum Sodalitatem se contulit.
Misit etiam B. Dominicus Paulum, quem diximus, in Panno-
niam secundam, quam Hungariam vocant, cum Socijs, è qui-
bus unus fuit F. Sadoch, vir magnæ perfectionis. & alio loco:
Anno salutis 1221. Cum Magister Paulus, qui tunc Publicus
erat Bononiæ Professor, ad S. Dominici sodalitatem se contulif-
set, eodem anno ab eodem S. Patre cum alijs quatuor Fratribus
missus est in Hungariam. Theodorico, Bernardus Guido,
S. Antoninus, Leander Albertus, Antonius Senensis, Io-
annes Antonius Flaminus, Ferdinandus Castillo, Ioan-
nes Michael Plodius, Thomasq; Maluenda consentiunt.
Quarè mendum (ex impressoris haud dubiè errore) in
secundam ad Synodum diœcesanam Strigoniensem an.
1629. de Religiosis Hungariæ appendicem irrepsit, cum
sub titulo, *Conventus Dominicanorum*, scriptum reperi-
mus, *Dominicani sub annum 1230. venire in Hungariam*,
cum ante annos novem jam illam penetrassent. Quod
adhuc inde ostenditur, quòd Conventus Prædicatorum
Viennensis in Austria à Fratribus ex Provincia Hungariæ
assumptis inhabitari cœpit anno quinto à transitu B. Pa-
tris Dominici, adeoq; anno Christi Domini 1226. circi-
tè: obijt enim S. Pater anno 1221. octavo idus Augusti, ut
testantur scriptores vniuersi. Quare opus sanè fuit jam

Theod.
l. 4. c. 7

l. 8. c. 1

Bern.
Guido
l. de re-
bus Or-
din.
S. An-
ton. 3.
p. tit.
23. c. 4.
§. 13.
Leand.
l. 2. fol.
58. An-
to. Sen-
in Chr.
pa. 35.
Ioan.
Ant.
flam. in
vita S.
P. D.
Castil.
cent. p.

l. p.
Plod.
deprog.
S. Do-
min. l.
2. c. 63.
Malu.
4. 1221
6. 7.

M. S.
Mart.
Conr.
Vienn.
Oud.
Prad.

ipso anno 1226. Hungariæ Provinciam amplè satis propagatam fuisse, quæ Fratres ad Conventus extrà suos etiã limites, (si Conventus Viennensis sub Hungariæ Provincia non comprehendebatur) assumendos, & incolendos sufficientes haberet, atq; adeò multopriùs suas in Hungaria radices fixisse. & quoniam res hæc, præter veritatis robur, multum etiam splendoris addit Hungariæ Provinciam, quæ Dominicanæ familiæ in Austria fundandæ, propagandæq; initia, & auxilia ministraverit, placet, quod in vetustissimo pergameneo Conventus ejusdem Viennensis martyrologio scriptum reperitur, eisdem verbis, quibusdam minimè necessarijs omissis, subjungere. Ait ergo: Anno Domini 1221. obiit B. P. N. Dominicus, post cuius mortem anno Dom. 1226. gloriosus Princeps Leopoldus Austria Dux, ordini hunc Conventum tradidit. & post nonnulla: Fratres ordinis nostri circa quintum annum a transitu B. Dominici incœperunt hunc Conventum inhabitare: Anno verò à confirmatione ordinis decimo, quia ordo fuit confirmatus anno 1216. ab Honorio. ET PRIMI FRATRES PRÆSENTIS CONVENTVS ASSVMPTI FVERVNT DE PROVINCIA HVNGARIÆ, sicut in antiquissima quadam historia invenitur. in qua etiam continetur, quòd anno Domini 1225. completo, sit nobis datus presens Conventus Vienn. & iste Leopoldus fuit penultimus Dux Austriae de semine Sancti Leopoldi. Qui Conventum Fratribus nostris in Chrempsa dedit ex isto Conventu Viennensi assumptis. Hujusq; ossa ex monte Cassino (ibi enim obierat occasione professionis ad liberationem terræ sanctæ) ad monasterium Campililiorum, quod ipse fundauerat, deferuntur. Vnde

colligere

colligere licet, cū primus Conventus in Austria fuerit Vienn, ex quo Chrempsensis, & exinde cæteri sunt propagati, Conventuum Austriacorum institutionem, & propagationem in Hungaricam Provinciam, tanquam in fontem primigenium, reduci debere: quod sanè etiam ad vtriusq; nationis hominum animos magis ac magis mutuò devinciendos, (præter charitatem, qua tanquam vinculo perfectionis omnes nos Deus colligauit in vnum) plurimum valere potest, & porrò debet. Ad idem confirmandum facit, quod Plodius scribit, nostri ordinis Conventus Iauriensem, & Vespriemiensem ipso anno 1222. vel circitèr fundatos fuisse. Quo verò tempore diximus nostri ord. Fratres in Hungariam ingressos, Regni habenas moderabatur *Andreas secundus*; eas enim tenuit ab anno 1200. vsq; ad 1235. Illum (Bonfinio teste) ad imperandum natura genuisse videbatur, cui nec animi magnitudo, nec religio, & consilium, neq; iustitia deesset. ex Gertrude, nobili Alamannorum gente nata, vxore, filios suscepit, Belam, (qui Patris successor, Bela IV. est dictus) Colomannum, Andream, sanctamq; Elisabetham. Hierosolymitani cognomentum indeptus est, quòd, cū ad aliorum Christianorum Principum exemplum, tūm, vt Belæ Patris obligationem, qui se voto obstrinxerat, solveret, in terram sanctam cum ingentibus copijs expeditione suscepta, totius Christiani exercitus Imperator declaratus, ad Damiatam, quæ aliàs Heliopolis, à sole nomine indito, urbem Egypti Nilo contiguam antiquissimam, atq; fortissimam, (qua capta facilius Cayrum, & Babylonem proximam posset occupare,) castra mouens, eamq;

Ioan.
Mich.
Plod.
2. p. vir
ill. Or.
Prad.
l. p.
col. 12.
Bonfin.
d. 2. l. 7
à fol.
277.

obsidens, deniq; post multos magnosq; labores, duodevicesimo obsidionis mense foeliciter obtinuerit. Quam ex pestilentibus cadaveribus repurgatam ouans ingressus, debitis Deo victoriarum largitori gratijs peractis, Basilicam Maumecho ingenti sumptu ædificatam, magnæ matri Mariæ Virgini dedicauit, opulentissimæ, amplissimæq; vrbis prædam ingentem militi pro meritis partim distribuit, partim in diuinum cultum, & donativum erogavit; eidemq; vrbi Episcopo designato, super re agraria decretum tulit. Verum cum habita consultatione, cunctis Principibus placuisset, vt in Cayrum, & Babylonem castra moverentur, hostis autem licet sæpè provocatus in certamen descendere non auderet, ex Nili inundatione, quàm ruptis aggeribus hostis in nostros derivavit, adeo intolerabile nocumentū illatū est, tamq; corruptis cibarijs, grauis vniuersos incescit inedia, vt mortem præsentissimam, nisi initis cum hoste condicionibus evitare esset impossibile. ea fuerunt, vt nostri Damiatam cum rebus in ea repertis Soldano restituerent; ille è contra Crucis partem Andreæ redderet, liberarentur vtrinq; captiui, Christiani Tyrum, & Adonem redirent. Quare Syriæ rebus ita compositis, Rex Andreas varia fortuna vsus, cum alijs Christianis Principibus redijt in Europam ipso anno 1221. Seio aliter rem gestam ab alijs describi: sed iuvat ab Antonio Bonfinio, alijsq; rerum Hungaricarum nobilibus Scriptoribus non dissentire. Cum redux per Italiam iter faceret, ab Estensi Marchione regali cultu exceptus, ejus filiam, forma, & ætatis flore præstantem, secundo sibi matrimonio copulauit, ex qua Stephanum suscepit, Patrem

lege D.
Ant.
3. p. hi-
sto. tit.
19. c. 4
§. p.

Andreæ

Andreas Veneti, qui postea Rex acclamatus est, genuitq;
Elisabetham, ordinis nostri illustrem sanctitate monialem,
ut suo loco dicetur. In Patriam, D. Stephani Protomartyris,
D. Margaritæ caput, SS. Thomæ, & Bartholomæi
Apostolorum dexteris, partem virgæ Aaronicæ, atq;
vnam ex hidrijs, in quibus Salvator aquam in vinum per-
mutavit, multas etiam alias sanctorum reliquias Rex An-
dreas ex Oriente asportavit. Ipso igitur tempore, quo
Rex piensissimus, ac fortissimus, plurimis maximisq; pro
gloria Dei, & ejus Ecclesiæ, in Terra sancta, in qua Filius
Dei salutem operatus crucifixus est, exantlatis laboribus,
in patriam tot sanctorum trophæis, Apostolorum cum-
primis comitatus redijt, Fratres Prædicatores divino Spi-
ritu, & favore ad apostolicum munus intenti, sanguineq;
suo fidei doctrinam ad Regni, & Ecclesiæ stabilimentum
consignaturi, Hungariam intrarunt. Haud dubium,
quin à Rege tanto, & verè Apostolico, omnium fauorum,
& beneficiorum genere clementissimè sint excepti viri
Apostolici, qui non in persuasibilibus humanæ sapientiæ
verbis, sed in ostensione Spiritus, & virtutis prædicabant
Christum, & hunc Crucifixum.

CAPVT TERTIVM.

*Per quos Religiosos viros Ordo Prædicatorum in Hun-
garia fundatus fuerit.*



Non defuere scriptores, è quibus Severin⁹ Craco-
viensis, qui S. Hyacinthum Odrovansiu Polonum
hujusce Provinciæ Hung primæ fundamenta je-

*M. F.
Sever.
Crac.l.*

cisse

l. vita
S. Hy-
ac. c. 6.

cisse putarint, propterea quòd Ord. Prædic. primus in septentrione Fundator nuncupetur, & fuerit. Verùm ea ratio, quod intendit, nequaquã evincit. Aliud enim est, primum fuisse Fundatorem Ord. in septentrione: aliud, primum fuisse Fundatorem peculiaris alicujus Provinciæ in septentrione existentis. Ad illud enim sufficit, in septentrionem ante quemcumq; alium, in quacumque id factum fuerit parte, ordinem invexisse: ad hoc autem necesse fuerit, ut in ea peculiari provincia, cujus quis dicitur Fundator, in eaque regione ex qua Ordinis illa Provincia denominatur, religionem crexerit. Sanctissimus sanè Hyacinthus primum Frisaci in Carinthia nobilissimum monasterium extruxit anno Christi 1218. unde primus in Prædicatorum Ordine Germanorum Apostolus à Maluenda infracitando meritò dictus est; & inde digressus Cracoviam, inibi etiam eodem anno monasterium aliud fundavit: alijs etiam subindè Conventibus extructis, ut epistola B. Patris Dominici ad Fratres, & Priores Poloniæ data anno 1221. (quam habes apud Abrahamum Bzovium, Thomam Maluendam, Michaellem Plodium, aliosque scriptores) aperte manifestat, Monasterium Pragæ in Boemia per Fratrem Ceslaum Germanum vterinum, nomine Sancti Clementis crexit anno 1222. ut ex Maluendæ annalibus est videre. Sed nusquam legitur cum primò monasteria in Hungariæ regione extruxisse. Accedit, quòd hujusce rei Historiæ nostri Ord. de S. Hyacintho non siluissent, cum tamen ipso Severino teste, nullam omninò mentionem faciant. Provincia verò inquit, Hungaria, quæ est Regno Poloniæ pro-

Bzo. in
hist.
Prov.
Pol. O.
P. Ma
lu. an.
1221. c.
8 Plod.
l. 2.
prog. S.
Dom.
c. 61.
Malu.
a. 1221.
c. 12.

pinquissima

*pinquissima, & conuicina, licet per B. Hyacinthum creata
fuisse credatur, non tamen historie veritas de ipsa mentionem
facit.*

Primus itaq; Ordinis Prædicatorum in Hunga-
ria Fundator, fuit Beatus Paulus, natione Hungarus,
quamquàm peculiarem ejus patriam scire hætenus non
licuerit.

Id tradunt Theodoricus, S. Antoninus,
aliiq; antiqui rerū nostrarum scriptores, & ex eis Bzovius
Ecclesiasticorum post Baronium annalium conditor, Cas-
tillus, Plodius, Maluenda, ceteriq; recentiores.

Is cum egregius, celeberrimiq; nominis in Jure Canonico
apud Bononiensium antiquissimam, & toto orbe Illu-
strissimam Academiam Doctor, & Professor existeret, fa-
ma, ac virtute sanctitatis, prædicationis, miraculorum-
quæ Sanctissimi Patris Dominici, noviq; Ordinis Præ-
dicatorum permotus, caducis vanisq; commodis, oblec-
tamentis, honoribusq; valedicens, Sanctæ Religionis
habitum instantissimis precibus efflagitatum ipso anno

1221. B. Patris manibus induit: ab eodemq; de tota vi-
tæ regularis perfectione, tanquàm à vivo quodam exem-
plari, verbis, factisq; optimè informatus, eodem anno
cum quatuor Socijs, (inter quos fuit etiam Frater Sa-
dochus, magna vir perfectione, & sanctitate) ad prædi-
candum Evangelium, & docendum Hungaros, aliasq;
circumquaq; nationes, Ordinemq; instituendum,
post Generale Capitulum, de quo prædiximus, missus
fuit.

Perrexit itaq; quasi Paulus alter, Hungaricæ gen-
tis Primus ex Prædicatorum Ordine Apostolus destina-
tus, Zelo feruens, eruditione clarus, facundia, & elo-
quentia insignis, quem propterea scriptores DVCEM

Theod.

l. 4. c.

7. & l.

8. c. 1.

D. No

to. 3. p.

tit. 23.

c. 4.

§. 13. in

princ.

Bzov.

a. 1221

n. 16.

Castill.

p. 1.

cent. 1.

1. Plod.

l. 2.

prog.

c. 63.

Malu.

a. 1221

c. 6. f.

332. co.

2. ad fi.

Act.
c. 14.

Isa. c.
52. &
ad Ro.
10.
If. c. 18

Amb.
l. 6. in
Luc. c.
9.

Theod.
l. 8. c. 1

VERBI vocitant, quo pridem titulo S. etiam Paulus Apostolus propter Prædicandi excellentissimam facundiam à D. Luca in actibus Apostolicis est insignitus. Pergebant ipse, & Socij pedites, qui scirent, supra modum speciosos esse pedes evangelizantium bona, annunciantium pacem, Divinæ Majestatis oculis, et si animalibus hominibus contemptibiles. Ibant ad gentes convulsas, & dilaceratas Angeli veloces, vel juxta 70. Int. leves, & expediti, non aurum, vel argentum, aut quancumq; pecuniâ ferentes in via, nec subsidij secularis adjumeta requirentes, qui fide tuti, putarent, quominus hac requirerent, magis posse suppetere. In ipso porro itinere prædicandi initium fecit, priusquam enim Hungariam attigissent, in vrbe quadam, in qua necdum Ordo locum habebat, coepit vir sanctus populo prædicare tanto cum fructu, ut tres etiam adolescentes bonarum litterarum scholas frequentantes, in Ordinem Prædicatorum illico nomina dederint. De hac re agens Theodoricus, cum dixisset anno 1221. B. Paulum cum alijs quatuor Fratribus missum fuisse à S. Patre Dominico, ita subnectit: *Qui, cum in Civitatem Lauriensem venissent, ad eorum concionem multa hominum frequentia, tanquam ad novum quoddam, & inauditum spectaculum confluebat. In ipsa verò concione tres pueri Scholastici Sancti Dominici institutum amplexi sunt. Sed cum nec dum illic locum haberent, inde egressi, in Pannoniam profecti sunt.* Quæ nam fuerit hæc Lauriensis Civitas, de qua hic mentio fit à Theodorico, dubium est inter scriptores. In Italia enim fuisse, Castillus, & Plodius vno loco, censent. Idem tamen Plodius alio quodam loco, ait fuisse laurinum Urbem Hungariæ ce-

lebrem.

lebre. Maluenda ex Apollonio lib. 4. Argonautico-
rum, agente, Laurium esse locum ad ostia Istris fluminis, relin-
quit rem incertam, num fuerit in Italia, vel in Hungaria;
sic colligens. Si Apollonius intelligat de Istro flumine Histria,
qua est extrema pars Italiae versus Dalmatiam, certum erit,
Laurium in Histria fuisse ultima Italiae parte. & è Bononia
Hungariam Fratribus istis proficiscentibus, Histria Prouincia
recto itinere erat pertranseunda. Quod si loquatur Apollo-
nius de Istro flumine, qui dicitur inferior pars Danubij, dicen-
dum erit, Laurium in Hungaria fuisse. Conuentum quidem
Lauriensem in Hungaria esse Ordinis Prædicatorum, in rebus
gestis S. Margaritæ Filie Regis Hungariæ habetur. Ita Malu-
enda. Sed (vt mittam, ab vno, vel altero ex nostris tantum
Iaurinum, sive ex litterulæ mutatione, sive ex vocum affi-
nitate, sive alia de causa, Laurinum, indequæ Lauriense
coenobium dici) si Theodorici verba præcitata attendan-
tur, nullum dubitandi locum relinquunt, quin Iaurinum,
aut quæcumq; Vrbs Hungariæ non fuerit. Ait enim: *Inde*
(ex civitate Lauriense) *egressi, in Pannoniam profecti sunt.*
Non igitur vrbs illa fuit Iaurinum, quod est in Pannonia;
vti neq; alia quæcumq; Pannoniæ Civitas. Impropriissimè
enim, immo, falsò intra Hungariam existentes, dicerentur
in Hungariam profecti. Solus enim is dicitur proficisci in
Hungariam, qui extra illam est, & ad eam nondum perve-
nit. Quare crediderim eam fuisse Histriæ confinis Dalma-
tiæ Civitatem, quam recta pertransire poterant Bononiâ
venientes, vt Maluenda dicebat. Nec verò obstat, quòd
Theodorici contextus indicet, eam Civitatem proximam
fuisse Hungariæ: sed potius id, quod diximus, confirmat;

Castil.

p. 1. l. 1.

c. 55.

Plod.

inprog.

l. 2. c.

63.

Plod.

p. 1.

l. 2. de

viris il.

col. 330

& 331.

Malu.

in ann.

a. 1221.

c. 8.

E

nam

nam cum Dalmatia sub corona Hungariæ comprehenderetur, communi, latoq; vocabulo Dalmatia Italiæ contermina, Hungaria dici poterat, à Rege, vel præcipua Regni parte alias denominando, sicut hodièq; militantes sub Rege Hispaniarum, etiam si Itali sint, vel Germani, Hispani nominantur. Nunc ad historiæ seriè redeamus. Cùm itaq; trium adolescentum auctione facta B. Paulus cum Socijs in Regnum Hungariæ transisset, ipsa nocte Fratri Sadoch vigilanti, & pro foelici successu, & Ord. propagatione deprecanti magna Dæmonum turba apparuit, animarum salutem, suiq; expulsionem, quam sibi ex Fratribus metuebant, magno clamore, & ejulatu hisce vocibus conquesta. *Væ nobis, quoniā nos jure nostro exuere, isti q; sedibus deturbare venistis. heu, quoniā vel per hujuscemodi paruulos, (nouitios nuper sacri ordinem ingressos indigitabant) nos dedecore, pudoreq; suffusos extruditis.* Rem postea totam persolutis precibus matutinis Fr. Sadoch Socijs indicauit, qui inde ad Apostolici muneris opus multò etiam feruentius, & alacrius exequendū sunt animati. Solebant Sancti illi viri, B. P. Dominici discipuli in itinere, & peregrinationibus, etiā extra domos suas, & conventus constituti, media nocte cū Regio vate, Paulo & Sila consurgere ad confitendum Deo, ejusq; laudes decantandas, ipsum S. Patrem imitati, quem etiam Angelis sæpè cum lumine, & honore præeuntibus, ad Ecclesiam januis obseratis ea hora deductum, introductumq; fuisse legimus, quod & cum B. Mauricio Hungaro factitatum parte sequenti constabit. Nec mirum, ægre tulisse dæmones Fr. Præd. in Hungariam adventum, quibus etiam maximè doluerat ante menses aliquot prænuntiata

Pf. 118
Act.
c. 16.

isthæc

isthac futura profectio. cernebant enim timorē illum ingentem, quem sibi timebant, jam advenire. Narrat rem scitu dignissimā Humbertus vir Sanctissimus, opere, quod de vitis Fratrum conscripsit his verbis. *Antequam F.F. Præd. essent in Prouincijs pluribus, in quibus nunc per gratiam Dei sunt, & fructum faciunt, qui non perit, contigit duos Fratres venire Bononiam, quibus occurrit diabolus, vt cursor succinctus ad iter: & adiungens se dictis Fratribus, quasiuit, quod irent. Qui responderunt, quod Bononiam ad Capitulum Generale. illud sc. quod diximus anno 1221. celebratum. Quasiuit iterum quid debebat ibi ordinari. Qui dixerunt, quod Fratres Predicarent per partes mundi. Quasiuit iterum, an aliqui in Hungariam, vel Graciā irent. responderunt: Ibunt, Deo dante, quam plures. Tunc cursor ille dedit saltum in aera, exclamans terribili voce: Ordo vester, confusio nostra, & statim evanuit quasi fumus. Venientes autem Fratres Bononiam, narrauerunt omnia Sancto Dominico, & Fratribus ad Capitulum in nomine Domini congregatis. Quis ambigat, quam seriō B. P. Dominicus, cœteriq; PP. agerent, vt viros potentes opere, & sermone ad Sathanā colligandum, vniversa arma ejus, in quibus confidebat, auferenda, & spolia ejus distribuenda illō destinarent? Da, bone Iesu, nomini tuo gloriam. Mitte, Domine, etiamnum operarios, Filios serui tui Domini, in vineam, & messē tuam. Rogamus, quia nos rogare iussisti. messis enim tua multa in Hungaria, operarij autē pauci. Da verbum evangelizantibus virtute multa, qua non reuertatur ad te vacuum, sed prosperetur, & faciat omnia ad quacumq; miseris illud. latentur coram te, qui nunc deplorant die ac nocte exterminationem vineæ tuæ, qua*

Humb.
l. 4.
de vit.
frat. c.
153

Luca
c. 10.
Ps. 67.
Is. c. 55
Ps. 79.

exterminauit eam aper de Sylua, agrestis & Sæuus Turca, Solymanus; & singularis ferus, Martinus Lutherus, vnde omnium hæresum colluvies in eam defluxit, depastus est illam: lætentur, inquam, sicut vindemiatores celestia cantantes; sicut, qui lætantur in messe, sicut exultant victores capta præda, quando diuidunt spolia.

Isa. c. 9

CAPVT QVARTVM.

*De Profectu Fratrum in Hungaria, infideliumq; Cum-
norum potissimum, conuersione.*



Gitur Beatus Paulus cum septem alijs Fratribus in Hungariam ingressus est, quatuor nimirum Socijs, quos à S. P. Dominico acceperat, tribusq; novitijs, quos ad Italiæ finem habitu sacri ordinis induerat: vt quemadmodum Patriarcha Noe cum septem alijs animabus vniversum orbem servavit, & propagavit; sic Paulus noster patriam suam, aliasq; circum adjacentes regiones pari Sociorum numero in verâ salutem assereret, & sacrum ordinem longè, latèq; diffunderet. Ibi pro Dei gloria, animarumq; salute, quæ vnicum sibi scopum, inquem vniversa collimaret, præfixerat, magnis ingentibusq; laboribus, pro illius Regni, cuius confinia prauis hominibus, hæreticis, schismaticis, gentilibusq; referta erant, beneficio, se vnâ cum suis exposuit. Per jejunia, lacrymas, præces, vigilias, humilitatem, mendicitatem, flagella, non absq; graui vitæ periculo, hominum malorum, & dæmonum contradictione, prædicans verbum, instans opportunè, importunè, arguens,

*Gen. c.
2. & 9.*

obsecrans,

obsecrans, increpans in omni patientia, & doctrina, fidei, virtutum, & probitatis seminibus, populorum illorum, ac gentium cordibus inferendis initia consecrauit. Dura, & aduersa quaecumq; non exhorrescebat, qui gladium, & mortem quamlibet acerbissimam, dum animas Christo lucrificeret, summæ ascriberet gloriæ, & felicitàti. Nec deerat Deus suis ope, & solatio de cœlo, signis clarissimis, quàm gratum sibi eorum ministerium esset, ostendens. Interquæ insigne valde est, quod Theodoricus agens de initio Ordinis in Hungaria ita narrat. *Ea tempestate duo Fratres in eadem Prouincia (Hungariæ) ad pagum quendam ea venerunt hora, qua solet populus Christianus ad audiendam missam conuenire. Ea celebrata, cunctis ad sua recedentibus, & custode Ecclesiam occludente, soli Fratres in atrio remansere, nec erat, qui humanitatis officio prosequi eos vellet. Vidit autem eos quidam piscator pauper, & licet misericordia moueretur erga illos, non tamen ausus fuit eos ad suas inuitare ades, quòd non haberet unde eos reficeret. Sed nihilominus domum properè abiens, indicat uxori propensum animum suum, dicitq; Non mediocriter torquent animum meum duo peregrini Fratres, qui stant in atrio templi, & à nemine inuitantur. Respondit mulier. Non habeo, nisi parum milij. Iussit autem vir ejus, ut marsupium excuteret, in quo, prater spem omnem, duos nummos reperit. Itaq; mirificè ex hilaratus homo, ito, inquit, celeriter, & altero nummo panem, altero vinum eme: deinde milium, & pisces coquito. fecit mulier, ut iussa erat. Vir autem ejus abiit ad templum, & eodem, quo reliquerat Fratres loco, stantes inuenit, secumq; latus ad suas duxit ades. Qui, postquàm in mensa paupere charitatis fercula sumpsere, gratias*

Theod.
l. 8.
c. I:

agentes

agentes abiire, hospiti suo, ut Dominus retribueret, deprecantes. Itaq; reddidit illi Dominus mercedem pro humanitate, quam ijs impenderat, itant ab illo die non defuerint ex crumena ejus nummi duo, quibus emeret necessaria domui sue. Nam simul atq; duos expendisset nummos, mox alios duos sibi compertit redditos. locupletatus igitur est agris, adibus; habuitq; oves, & boves, & alia multa. Accepit etiam à Domino heredem. Postquam autem in tantum ejus excreuerunt opes, ut etiam pro illius statu sufficerent, gratia subtrahita est illi. Porro deinceps & amauit Fratres, & libenter hospitio exceperit. Ita Theodoricus, & post illum Bzovius, Maluenda, Choquetius, & alij. Tantum porro B. Paulus effecit, ut breuissimo tempore Iaurini primùm, deinde Vesprimij, alibiq; compluribus Monasterijs erectis, & ordinem mirificè propagaret, & ubiq; Evangelium Christi repleret. Subinderebus ordinis in Hungaria stabilitis, aliquot ex suis ad ejus confinia, regionem cum primis, quam Theod. *Furiensem*, alij *Structium* vocant, in qua plurimi cum hæretici, tum schismatici morabantur, pro illorum conversione destinavit, qui licet ingentes primùm difficultates experti, tandem plurimos ipsorum, auxiliante Dei gratia, ad Ecclesiæ Catholicæ fidem, & obedientiam perduxere. De hoc agens Leander Alb. ita scribit. Porro Fratrum ibi aucto numero, Paulus ex eis aliquot selegit, & premisit in quendam locum, vulgò *Structium* dictum, quem incolebant Hæretici, atq; Schismatici, ut verbis suis ad sanam mentem eos redire cogerent. Vnde post ingentes angustias, post plurimos labores, tandem constantia sua, id, quod volebant, effecere. Alios deinde præstanti virtute homines Cumanis gentilibus, quibus

Bzov.
ad an.
1221. n.
16.
Malu.
a. 1221
c. 8.
Coqn.
mat.
nifeera

Loand.
Alb.
2.
ol. 58.

nunquam

nunquam Christi Evangelium annunciatum fuerat, indo-
mitis barbarisq; populis allegavit, non ignarus, quanto pe-
rè illorum conversio, salusq; Beatissimo Patri Dominico
cordi extitisset. Cumani, qui fuerint, non vna senten-
tia est. Non mihi displicet, quod apud Maginum à non-
nullis est annotatum, Tartarorum Præcoperitum tractum
inter Boristhenem, & Tanaim circa Pontum Euxinum,
& meotidem paludem Cumaniam appellatâ, cum Theo-
doricus asserat, Cumania flumen conterminum fuisse Ne-
per, (quem latinè scimus dici Boristhenem) ad quem de-
nique venerint Fratres in Cumaniam proficiscentes, vt
postea referemus. In Hungariam porrò multi ex eis
convenientes, in ea tandem regione confederunt, quæ vl-
tra Temesvarum, & Tibiscum hodie Cumania vocatur; vi-
ginti quinque hung. milliaria in longum, & quindecim in
latus amplectens. Proinde de Comanis extant articuli
nonnulli in Tripartito Decretorum Hungarici Regni, il-
lorumq; Iudex, in articulis Palatinatus sub Marthia Rege
anno 1485. Palatinus, est declaratus. Ad hos optaverat
B. Pater Dominicus verbi Dei annunciandi causâ profi-
cisci, vt propterea barbam sibi aliquando succrescere
permisisse memoriæ prodant historiæ. Frater etiam Pau-
lus Venerus testis juratus in processu Canonizationis, ita
adhanc rem de illo testabatur. *Erat præterea salutis ani-
marum tam fidelium, quàm infidelium cupidissimus: propter
quod mihi sepe dixit: Vbi nostrum Ordinem benè composueri-
mus, & stabiluerimus, ad Cumanos ibimus, & predicationi-
bus nostris Deo acquiramus.* Hoc igitur desiderium, S. Pa-
tris, qui sexta Augusti, 1221. in cœlum perpetuū re-

*V. Ma-
lu. an.
1221. c.
22. in
fi.*

*Trip.
Hung.
Art.
11.*

*apud
Flu. in
villa S.
Dom.
& Ma-
lu. an.
1221.
c. 27.*

gnaturus

Theod.
L. 8. c. 1

V. Mal
pen in
palm.
fidei
pag. 7.
Malu.
in an-
nal. a.
1222.
c. 23.

gnaturus evolauerat, non degeneres filij implere studue-
runt, eodem Patre gaudente, & benè iuvante de coelo, qui
moriens, causarum ipsorum perpetuum patronum apud
curiam summi Regis se futurum receperat. Cum eò ve-
nissent, miris modis, & supra quam credi possit, ab ea
gente afflicti, atq; etiam repulsi, sine fructu coacti sunt ad
suos remeare. Attamen sancto eos inflammante spiritu,
& animarum Zelo impellente, denuò ad illos profecti, per
multa itinerum discrimina, ad flumen ejus regionis, quod
Neper, latinè Boristhenem vocant, pervenere. Sed rur-
sus crebrò fame, siti, multis varijsq; persecutionibus dive-
xati sunt; alij abducti in captivitatem, duo interfecti; qui
verò superfuere, illi incolumes in cœpto concionandi stu-
dio constanter perseverarunt. Respexitq; tandem pijs-
simus Deus labores eorum, atq; constantiam, præstititq;,
vt barbari homines illos audirent, & fidem amplecteren-
tur. Baptizatus est ante omnes Dux eorum, Theodori-
co *Brutus* nomine, alijs *Bauchus*, alijs *Bruchus*, cum qui-
busdam è sua familia. Qui post aliquot annos in veræ
fidei confessione perseverans peccatorum suorum exomo-
logesi Catholico ritu peracta, & sacra Eucharistia à Fratri-
bus percepta in Domino obdormiuit, atq; in Beatissimæ
Virginis Deiparæ Oratorio, quod Fratres illic degentes
extruxerant, sepultus est. Deinde verò nobiliorem Du-
cem, *Bemborch* Theodorico, alijs *Erebroth*, *Bibrech*, cum
mille ferè ex ejus familia converterunt, quem Hungariæ
Rex Andreas secundus è sacro Baptismatis fonte cum in-
genti gaudio suscepit, vt Maluenda post antiquiores scri-
bit. Is extremo vitæ suæ tempore, consanguineis, affini-

bus,

bus, aulicisq; astantibus, ad Fratres, qui ad mortem sancte obeundam illi operam præstabant, exclamauit: Hinc mihi Cumani à fide alieni faceffant, quos omnes teterri-
 morum dæmonum multitudine maxima circumfufos aspicio. Soli mecum Fratres, Cumaniq; Sacro Regenerationis lauacro lustrati remaneant, en hîc astant Fratres, quos pridem martyrio affectos in cœlum transmifimus: ij me præstolantur, vt ad ea, quæ nobis prædicabant, cœlestis vitæ gaudia illicò perducant. sic effatus, cum summa lætitia Christo Redemptori spiritum reddidit: ejusq; corpus ad præmemorata Deip. V. ædiculam conditum est. Hæ fuere ex Paganis, gentilibusq; Cumanis, Duce B. Paulo Hungaro, primitiæ, quem simpliciter, & absq; vlla ad-
 jectione Cumanorum Apostolum Plodius meritò nominauit; neq; enim illi prius aliquam Christi noticiam, vel prædicationem vllò vnquam tempore exceperant. Maxima deinde ex ipsis ad Catholicam fidem accessio facta est: vt ea de causâ Bernardus Guido sinceræ fidei scriptor, numerum eorum, qui conuertebantur, iniri non posse testetur. *Post multos autem, ait, labores Fratrum, cæpit, Deo cooperante, ibi esse Conuentus, & cæperunt inter eos prædicare confidenter. Numerum autem eorum, qui ad fidem Domini Iesu Christi de die in diem conuertebantur, Dei solius est computare.* sic Guido. Hinc B. Paulus gaudio inenarrabili exultare, majores pro auxiliaribus copijs supplicare. Hi verò haudquaquam furda aure postulata percipere, nihil eorum omittere, quibus res tanta posset magis magisq; promoueri, viros idoneos ex omni parte destinare. Quam verò grati, acceptiq; sibi, ac Deip. Virgini, pro illarum gen-

Plod. l.
2. de
prog.
c. 63.

Bern.
Guido
in
Chron.

Humbertus
l. 1. de
vitis
Fratr.
c. 6.
§. 1.

tium conversione Fratrum labores existerent, pulcherri-
ma revelatione cuidam S. Eremicolæ Deus clementissi-
mus est dignatus ostendere, vt ex sequenti Humberti
Gen. Mag. V. narratione, quam ipsiusmet verbis damus,
est intueri. *Cuidam Fratri circa principium Ordinis
injunctum fuit, quod iret ad Cumanos causa conuersio-
nis eorum. Qui ex hac obedientia grauiter perturbatus,*
*quendam heremitam sibi familiarem, & virum Dei ami-
cum rogauit, vt Dominum pro se deprecaretur, quia vix
credebat dictam obedientiam utilem sibi fore. Ille autem, vt
erat homo pius, & sanctus, sequenti nocte orauit pro ipso affec-
tuosissimè Dominum, qui consolatus est eum huiusmodi visione.*
*Videbatur enim sibi videre quendam fluium magnum, & pon-
tem desuper, & homines diuersarum religionum per ipsum pon-
tem latantèr, sed singulariter transeuntes: Fratres autem
Predicadores, non per pontem, sed per ipsum fluium natantes
transire, quorum quilibet currum hominibus plenum trahebat.*
*Cum autem quidam eorum præ nimio labore in trahendo defice-
rent, videbat B. Mariam assistentem deficientibus, & benigna
manu subleuantem eosdem, & sic ejus adjutorio pertransibant.*
*Post transitum autem fluminis ducebat eos cum eis, quos secum
traxerant, in locis amœnissimis ineffabili gaudio exultantes.*
*Quam visionem cum Fratri retulisset, ex hoc roboratus Fra-
ter, quam primùm injunctam sibi obedientiam deuotè comple-
uit: manifestè cognoscens, Fratribus pro salute hominum, gra-
uiore alijs religiosi, qui se singularitèr saluant, instare labo-
res, sed fructuosiores, sed gaudio plenos ineffabili, & in his
Beatam Virginem adjutricem.*

CAPVT QVINTVM.

De felice transitu B. Pauli cum alijs nonaginta Fratribus ex hoc mundo in Cælum per palmam martyrij.



Um B. Paulus bonum cerramen certasset, cursum consummasset, fidem seruasset, per martyrij palmam ad regna siderea iustitiæ coronam percepturus ad Deum migravit. Vt enim Apostoli Ecclesiæ Principes suo sanguine illam consecrarunt, sic etiam vir ille Apostolicus cum Socijs suis nonaginta, qui apud Cumanos orationi, & ministerio verbi instantes erant, munus apostolicum, & ecclesiasticam disciplinam in eadem regione suo sanguine sanxit. In qua sanè re astruenda, ut nullus est inter omnes rerum nostri Ordinis scriptores, qui non consentiat, sic de tempore, quo martyrium obierint, non est una sententia. Id enim contigisse anno 1222. aliqui haud ignobiles, eorum Susatus, Leander, Castillus, Plodius scriptis prodiderunt. Quæ tamē sententia, si rem penitus perferutemur, vix subsistere posse videtur. Primò, quia, cum anno 1221. post Capitulum Generale, ad Pentecosten (juxta ordinationem factam in Capitulo præcedenti anni 1220.) celebratum, missus fuerit B. Paulus in Hungariam, si anno 1222. mortuus fuisset, ad sesquiannum circiter in partibus Hungariæ, & Cumanix duntaxat laborasset; quod tamen vix, ac ne vix quidem credi potest: cum ipse monasteria aliquot, cum primis Iauriense, & Vesprimiense in Hungaria fundauerit, Provinciamq; stabilierit, priusquam ad Cumanos proficisceretur,

Sus. in Chron. Leand. l. 2. f. 58. Castill. p. 1. l. 2. Plod. p. 1. l. 2. eolum. 330. & 331. de S. Dom. prog. l. 2. f. 63.

Plod.
locis
cit.

Theod.
l. 8. c. 1

teste Plodio. In ipsa etiam Cumania Conventus fundavit eodem auctore, quod & ratio suadet; nam nonaginta illos Fratres cum ipso coronatos, locum, vel loca aliqua religiosa, in quæ se reciperent, & sua præstarent, habere oportuit. tot verò homines, sive partim in Cumania ad ordinem recepti fuerint, sive omnes aliundè venerint, majori temporis spatio eguerunt, ut in eum numerum possent coalescere; præcipuè cum primùm ingressi, repulsi fuerint, & secundò reuersi vix aliquid effecerint Fratres, nisi post ingentes labores, & ærumnas, ut scribit Theodoricus, cū aliquandò deniquè etiā Principes ipsorū divina ope, & quidem successive, ad fidem perduxerunt. Quis porrò æstimet hæc omnia anno & dimidio à novis, & ignotis hominibus effici potuisse? Secundò, quia ex memoratis duobus Principibus, quos ad fidem B. Paulus cum Socijs convertit, Prior annos aliquot à baptismo supervixit. *Baptizatus est* (inquit Theodoricus) *ante omnes Brutus, Dux eorum, cum quibusdam de familia sua. Qui post aliquot annos in vera fidei confessione perseverans obdormiuit in Domino.* Bibrechum autem, qui posterius conversus est, ad huc Bruto superstitem fuisse idem Theodoricus insinuat. atqui Principes isti ante Fratrum occisionem mortem oppetiuerunt, *Brutus enim mortuus est*, ait Theodoricus, *cum prius confessus esset peccata sua, & more Christiano percipisset communionem à Fratribus.* de Bibrecho verò subdit, *Cum postea supremum traheret Spiritum, dixit ad Fratres, qui illi morienti aderāt & cæt.* non itaq; an. 1222. mortui sunt Fratres; neque enim supervixissent illis Principibus, qui aliquot annis à baptismo decesserunt, esto etiam ipso an-

no 1221. quo fratres venerunt in Hungariam, ad fidem
 conuersi illū suscepissent, quod tamē nullo modo mihi fit
 credibile. Nec dici potest, hæc pertinere ad alia tempora
 post Tartarorum incurſionem, quando iterum Fratres ad
 Cumanos redierunt, cum vniverſi ſcriptores referant
 hæc ad primitias illius gentis conuerſionis. Tertiò, quo-
 niam irruptionem Tartarorum in Cumaniam, Poloniam,
 Hungariã, vaſtationēq; ferè Polonici, & Hungarici añales,
 quibus hac in parte maior fides habēda eſt, referunt in an-
 num 1240. vſq; ad 1244. Denique, mors Principum Cumanorum
 ad fidem conuerſorum, præceſſit Tartarorum incurſionem,
 cum præceſſerit mortem Fratrum à Tartaris occiſorum:
 cum igitur mors illorum Principum anno 1222, contingere
 non potuerit, vt probavimus, multo minus eo tempore
 exitit ea Tartarorum excuſſio, qua B. Paulus, & Socij apud
 Cumanos fuerint interempti. Quare ſatius æſtimo cum
 Bzovio, & Fernandio (in quod etiam magis propendet
 Maluenda) dicendum, B. Paulū cum Socijs ſuis circa
 annū Domini 1240 vel 1241, nece à Tartaris illata,
 regna cæleſtia petuiſſe Sic enim vnde viginti, vel
 viginti años à miſſione ſua ſuperſtes, plurima ad religionis
 conſtitutionem, & propagationem in patria, Cumania,
 alijsq; circumiacentibus Regionibus præſtare potuit
 multiplici, vberriſimoq; fructu. ſolet enim tales Deus
 inſtitutores, & promotores, vt plurimum, pro communi
 bono diutius reſeruare. Dolendum ſanè, præclara,
 heroicaq; tanti viri geſta maiori ex parte temporum
 injuria, obliterata. Præcioſa tamen illius, confratrumq;
 Sanctorum mors nulla vnquam potuit, aut poterit obli-

Turc.
 de ir-
 rup.
 Tart.
 Bonfin.
 dec. 2.
 l. 8. à
 princ.

Ezov.
 a. 1222
 n. 9.
 Fern.
 eod. an.
 n. 1.
 Malu.
 eodem
 anno c.
 31.

vione

Bern.
Guido
in Chr.

Sen. in
Chron.
Castill.

p. 2. l. 1

c. 50.

Plod.

de vir.

illust.

p. 1. l. 2

col.

330.

331. de

prog. l.

2. c. 63.

Malu.

a. 1222

c. 22.

Bzou.

cod. an.

n. 9.

Fernã.

in Con-

cent Pr.

an. eo-

de, n. 1.

Malp.

vione deseri, sed virenti semper memoria floruit, in ævū q̄
florescet. De ea agens Bernardus Guido, vetustus rerum
nostrarum scriptor, ait. *Cum in dictorum Paganorum (de
Cumanis loquitur) conuersione Fratrum Zelantium animas
feruor magis, ac magis augetur, superuenit occulto Dei judi-
cio Tartarorum persecutio, qua non solum dictam predicationem
Fratrum nostrorum impedit, sed multos ad regnum cœ-
lorum festinanter ire compulit; ut circiter nonaginta Fratres
nostri Ordinis, alij gladio, alij sagittis, alij lanceis interfecti,
alij ignibus concremati ad regnum cœlorum transferint.* Ita
Guido. Simul verò cum istis, B. Paulum, qui erat *Dux
Verbi*, & omnium antesignanus interfectum fuisse, à Se-
nensi, Castillo, Plodio, Maluenda, Bzovio, Fernandez,
Malpæo litteris est consignatum: Hic igitur exitus B. Pau-
li Hungari, B. P. Dominici discipuli, viri eruditissimi, &
sanctissimi, primi Hungariæ Provinciæ Fundatoris, ac
Provincialis, primi; omninò Cumanorum gentilium
Apostoli, viri potentis in opere & sermone, coràm Deo,
& omni populo, martyris inclyti, martyrumq; Ducis il-
lustrissimi, qui doctoratus, & martyrij, (ac fortasse etiam
virginitatis) laureis benè fulgidis ditatus, tor candidatos,
& rutilantes martyres in cœlos secum deduxit, & Deo vni
ac Trino, B. ma Virgine Deipara, S. Patre Dominico, totaq;
cœlesti aula complaudentib⁹, præsentauit. Cæterum, quod
Cumanorum prædicationem attrinet, etsi aliquanto tem-
pore, occisis prædicatoribus, intermissa est, tamen in
ipsa Hungaria, ad quam Cumani ob Tartarorum vastationem
confugerant, Fratres pro eorum conuersione
laborantes, Regem ipsorum Cutenem, aliosq; plurimos

sacro baptismo regeneratos cœtui catholicorum adjunxerunt, vt insequenti capite referemus. Quin etiam postquam Tartari ad patrios lares concessere, Fratres Ordinis ad

in pal.
fidei
pag. 10

Cumanos reversi, strenuam operam nauarunt, maximumq; profectus fecerunt. Nam *Innocentius Quartus* anno 1253. vniuersis & singulis Fratribus Prædicatoribus apud Cumanos verbum Dei prædicantibus, vt 30. vel 40. dierum indulgentiam his, qui concionibus eorū interessent, elargiri possent, indulsit epistola 416. Perusij 14. cal. Februarij apud Bzovium eodem anno; is vero erat nonus, vel decimus annus à Tartarorū recessu. & eodem anno idem Pontifex multa Prædicatoribus Cumanorum, & aliorum infidelium, privilegia concessit alijs litteris, quarum initium: *Innocentius Episcopus Seruus Seruorum Dei.*

Bzov.
a. 1253.
p. 5.

Dilectis filijs Fratribus de Ordine Prædicatorum in terris Sarcenorum, Paganorum, Græcorum, Bulgarorum, Cumanorum, Aethiopum, Syrorum, Iberorum, Alanorum, Gazarorum, Gotthorum, Zicicorum, Ruthenorum, Iacobitarum, Nubianorum, Georgianorum, Armenorum, Indorum, Mostelitarum, Tartarorum, Hungarorum maioris Hungarie, Christianorum captiuatorum apud Tartaros, aliarumq; infidelium nationum orientis, seu quarumcumq; aliarum partium proficiscentibus, salutem, & Apostolicam benedictionem & cæ. & ad annum 1254. ita scribit Bzovius. Ejusdem Innocentij autoritate magnus numerus Prædicatorum ad infidelium conuersionem destinatus, multas barbarorum prouincias peragrauit, in quibus nulla adhuc Christi notitia, nullum lumen erat, idq; eo fructu, vt ita scriptum sit, iniri non posse numerum animarum ad rectam fidem per eos traductarum, præsertim vero in Cumanorum gen-

Bzov.
a. 1254
p. 1.

te.

Hierō.
Platus
de bono
st. reli-
gi. l. 2
c. 29.
& 30.
Nicol.
à I. M.
in A.
pol. per-
fec. pro-
pos. 59.
Bern.
Gvido.
Alph.
Fernā.
in con-
cert.
præd.
pag.
541.
col. 1.
Bonf.
dec. 2.
l. 10.
pagina
350.
Nicol.
à I. M.
loco c.

te. Vnde Benedictus, qui cæteris præerat Fratribus, ad Generalem Magistrum scribens (qua adhuc extant litteræ) hoc narrat, multa hominum millia, non solum ex plebe, sed etiam ex prima nobilitate, baptismum suscepisse. Idem Hieronymus Platus ex Soc. Iesu, & Nicolaus à Iesu Maria Carmelica Discal. scriptis consignarunt. Sed & sū. Pontifex Nicolaus IV. anno 1288. idem diploma, quod Innocentius, dedit Fratribus Prædicatoribus. Ac deniq; Bernardus Gvido Inquisitor, posteaq; Episcopus Lemouicensis, qui circa annum Christi 1300. teste Alphonso Fernandez, Chronicon Ordinis conscripsit, loquens de Fratribus ad Cumanos, ipso, quo scribebat tempore, prædicantibus, ait. *Qui vsq; hodie cum eisdem die, noctuq; in officio prædicationis permanentes, baptizauerunt ex eis multa millia; & de die in diem cum Dei adiutorio per Fratrum sollicitudinem, & laborem ad fidei unitatem conueniunt baptizandi.* Ad idē respicit, quod Bonfinius de Ludovico I. Rege Hungariæ, qui ab an. 1342. ad octuagesimū secundū vsq; regnavit, scriptum reliquit. *Cumanos, inquit, tartarica feritate, ac ritibus infectos ad veram fidem impensissimè reuocare studuit, & spem suam nequaquam frustratus, reuocatos, immisiss ed sacris declamatoribus, Religionis magistris, quantum in se fuit, diligentissimè informauit.* Merito itaq; dixit Nicolaus à Iesu Maria Ordinem Prædicatorum in Cumanorum conversione maximè effulisse. Sed vniversa secundū Deum, Deiparamq; Virg. Ordinis nostri patronam singularissimam, Beato Paulo accepta referri debent, quo duce, & antesignano peracta.

CAPVT SEXTVM.

De alia Cumanorum profugorum in Hungaria per Fratres Ordinis Conuersione, Beatiq; Pauli sobole plurima in Hungaria Martyrio coronata.



ANNO 1241. cum Bela Quartus à morte Patris Andree jam quinto anno peracto, regno potiretur, innumera Scytharum sive Tartarorum agmina, ceu densissimum quoddam locustarum examen ex meotica palude in regna Hungariæ, & Poloniæ proxima, ac deniq; in has ipsas Provincias se infuderunt, vniversa miserè, foedèq; depopulantes. Prius itaq; Cumanos sibi propinquiores grauissimè infestare, capere, cedere, absumere. Sic Beatus Paulus cum Socijs, vti narrauimus, perempti. Interim Cutenis, (quem Bonfinius Principem, Rogerius Regem Cumanorum vocat) legati ad Belam venientes deferunt, Cutenem bellum cum Tartaris gessisse, & eorum irruptionem fuisse remoratum, bis cum indomita, immaniq; gente instructa acie dimicasse, & fugasse hostem, tertio, cum imparatum offendissent, cum magna tandem suorum strage cessisse. Cumaniam Tartaris inundatam, ac obrutam esse, proinde impensissimè supplicare, vt extorrem, profugamq; gentem æquo animo excipiat, pro Hungaris tractet: quod si impetrare liceat, polliceri, gentem suam, non modo agros, & pecuaria curaturam, verum etiam Christianam fidem vltro subituram. Rex Bela, his auditis, duplici gaudio affectus, quòd Princeps Cumanorum, paulò sibi in-

Bonfin.
& Rogerius
loc. inf.
citan-
di.

ferior, in deditionem sponte veniat, & quod in accessio-
nem fidei tot hominum millia ex insperato afferat, non
modò postulatis annuit: sed hortatur, vt in Hungariam
confugiant, velut in antiquum hospitium, & Christi fidem
libentissimè subeant, cuius gratia omnem Cumanæ gen-
tis iacturam se resarciturum pollicetur. Ad hæc legatos
aureis vestibibus & equis donatos cum viatico, Fratribus
etiam Prædicatoribus comitibus, qui Cumanos publicis
concionibus hortarentur, disponderentq; adjunctis, ocys
dimisit. Cuten tandè cum vniuersa gente sua in Hungariã
emigrans, à Bela ei obuiã progressu honorificentissimè ex-
ceptus est, ac postmodum Fratrum opera cum suis sacra fi-
de initiatus. Hæc carptim ex Bonfinio, qui licet Religiosos
Cumanis pro eorum conversione à Rege destinatos, cuius
fuerint Ordinis, non expresserit, non tacuit tamen Roge-
rius, qui vixit tempore illius Tartaricæ vastationis, & plu-
ra passus, librum conscripsit, cui titulus, De destructione
Hungariæ per Tartaros, capite enim secundo illius ope-
ris de re ista agens, aperte scribit, Belam cum suis nuncijs
misisse *Fratres Prædicatores* ad Cutenem pro conversione
Cumanorum. Huc porrò spectat, quod Bernardus Gvi-
do, post verba capite superiore à nobis recitata, subnectit:
*Tunc intermissa est dictorum Paganorum prædicatio, donec ipsi
Cumani post prædictam Tartarorum persecutionem de diversis
Græciæ, Bulgariæ, & Seruiæ, & aliorum vicinorum regnorum
partibus, in quibus erant dispersi, in Regna Hungariæ ad Domi-
num Regem pro maiori parte conuenerunt, & Fratres salutis
eorum Zelatores, decem Fratres, de communi consilio, procuran-
tibus Domino Rege, & Regina, qui erant Zelatores fidei, quia*

Bonfin.
dec. 2.
l. 8. ab
initio
Roger.
c. 2:

Bern.
Gvido.

sine

sine eorum adiutorio inter eos stare non poterant, eis ordinaverunt. Sic ille. Pientissimi sanè Reges ac principes, qui de hospitū, quos humanissimè exceperant, salute solliciti, etiā sumptus pro rebus necessarijs, Fratribus ipsorū Magistris, & Prædicatoribus cū eis commorantibus ministrabant. Vix Cumani in Hungaria annum, Bonfinio teste, exegerant, cum rumor advenit, Tartaros ad illam appropinquare. Cumania enim, Russia, alijsq; pluribus Sarmatiæ regionibus vastatis, Poloniam, & Hungariam adorti sunt. In Poloniā sanè cū sese magnis agminibus infudissent, & fere neminem, vel paucissimos sibi obistentes reperissent, nemini barbari pepercerunt: sed in conspectu parentum, & conjugum, liberos, & vxores eorum omni contumeliæ genere affecerunt, ac dein vel miserabiliter trucidarunt, vel in fœdam servitutem abduxerunt, villas, atq; penates incenderunt, Religiosos sanctissimos, atq; templa Deo dicata sanguine Sacerdotum, & libidinibus promiscuis cum his, qui ad ea, tamquam ad certissima asyla confugerant, polluerunt. Christi Iesu Dei & hominis corpus cœlitibus venerandum, impurissimis pedibus conculcarunt, nec non Divorum reliquias igni exusserunt, & Sacras Icones, vel mutilarunt, vel fregerunt, vel quā indignissimè habuerunt. Monasteria plurima virorum atq; Virginum diripuerunt, & in eis magnam agrestium, & nobilium multitudinem refugientium vna cū monachis, & sanctimonialibus trepidantibus violarunt, vel occiderunt. Populata Polonia, Vratislaviā Silesiæ Metropolim aggrediuntur. Sed eam B. Ceslaus Odrovansius Ord. Præd. D. Hyacynthi Frater, ad D. Adalberti

*Exov.
ad an.
1241.
n. 1.*

Prior, miraculo defendit. Eo enim jugibus precibus, & lacrymis Dei misericordiam, & præsentis periculi depulsionem implorante, ecce columna cœlitus apparuit, & stativa Tartarorum urbem obsidentium, omneq; territorium ingenti, atq; terribili fulgore collustravit. Hoc miraculo Barbari perterrefacti nihil cunctati obsidionem solverunt, præsertim, cum alij (qui postea ad fidem conversi habitum Ordinis Prædicatorum susceperunt, ut disertè testabantur) super caput Ceslai, super murum orantis, globum luminis cœlitus descendentem aspexissent: alij globos igneos in castra Tartarorum ab ejus orantis manu miraculosè jaculatos, castra incendere & vidissent, & probassent. Nec minora præstiterat S. Hyacinthus, cum in Russiæ vrbe Kyovia agens, eas regiones Tartari Dei permissione popularentur. Vbi enim post fusas preces Kyoviam diripiendam esse cognovit, Tartarosq; adventantes audiuit, in Ecclesiam sui Ordinis, quam ante aliquot annos condiderat, ingressus, & oraculo D. V. Mariæ, ejus imago ex alabastro candido efficta, in altari perstabat, tercio admonitus, ne illam, & sacra filij sacramenta barbarorum ludibrio exposita relinqueret, sed secum auferret, sacerdotalibus vestibus indutus, manu dextra sacram hostiam, sinistra autem prægrandem Deiparentis ex alabastro sculptam imaginem accepit, & septentrionem versus, adversum Boristhenis ripam obambulans, versuq; Sevriensem tractum trajicere disponens, neq; navigium inveniens, Boristheni se commisit, siccoq; vestigio ingentis ponderis icona onustus, flumen profundissimum trajecit. Dum sic Tartari Poloniam, Silesiam, ac deniq; Moraviam

infestarent,

infestarent, Bathus omnium eorum Princeps multa mil-
lia in Hungariam invexit, eamq; non minus cœde, flam-
misq; vastabat. Nam quamvis Hungaros non omninò
imparatos effret adortus, barbarica tamen immanitate, &
numerosa multitudine facile eos prostravit. Rogerius,
Principes Tartarorum, & milites qui in Hungariam irrue-
runt recensens, ita scribit: *Rex Regum, & Dominus Tar-
tarorum, qui Hungariam intraverunt, Bathus suo nomine vo-
cabatur. Rector vero sub ipso in malitia potentior, Bochetor
appellatus. Cadan in probitate melior dicebatur. Coacton,
Feycan, Peta, Hermeus, Cheb, Ocadar, majores Reges inter
Tartaros censebantur, quamquam essent inter eos alij reges,
quampurimi principes & potentes: qui cum quinquies cente-
nis millibus armatorum, regnum Hungariae invaserunt. Vacia
à Bathi copijs obfessa, Rex Bela, qui ibi erat cum exercitu,
fugam cum suis capessere coactus est. Sed Tartarus cum
primo impetu basilicam arce munitam, in quam Sacerdo-
tes, cives, & ingens ex proximis pagis numerus cum li-
beris, & vxoribus confugerat, expugnasset, thesauro, au-
reis vasis, sacris vestibus, & suppellectili direptis, captam
multitudinem impositam igni universam absumpsit. Cum
Cumanis etiam propter Cutenem Regem suum ab Hun-
garis occisum savientibus, isto fœdere Tartari, laurientes,
& superiorem Pannoniam igni, ferroq; vastarunt, Saba-
riam diruerunt D. Martini patriam, vicum nullum inta-
ctum dimisere: Agriam incenderunt, cuncta longè, latèq;
vastantes. Pestis capto, oppidanos cum liberis, & vxori-
bus, partim igni, ferroq; perdere, partim fuga agitados
Danubio demersere. exercitus quoq; à Rege Bela, & Co-*

Magi-
ster Ro-
ger. lib.
de de-
str.
Hung.
per
Tarta-
ros c.
19.

Iomanno

Gaspar
 Ens de
 rebus
 Hung.
 l. 2. in
 Bela 4.
 & An-
 thor li.
 Reip.
 & Sta-
 tus Re-
 gni
 Hung.
 editi a.
 1634.
 Petrus
 Mat. l.
 1. vita
 S. Lnd.
 Regis
 Franc.

Io manno Fratre, cœterisq; desertus, à fera gente adeò cœ-
 sus est, vt cœsorum numerus fidem exuperet, cum per
 duorum dierum iter prostrata corpora, & cruore imbuti
 campi viserentur. Varadini matronas, puellas, & imbel-
 lem multitudinem, quæ in basilicam confugerat, iniecto
 igne confecerunt. Nobilitatem, plebem, equestrem Or-
 dinem cum collegio Sacerdotum ad vnum omnes pro
 mœnibus iugularunt. Violata Divorum monumenta,
 confracta simulacra, sanctæq; reliquiæ conculcate omnes
 & pessundatæ. Inaudita in templis commissæ piacula, sacræ
 vestes direptæ, aurea, argenteaq; comminuta : viri cum
 mulieribus, postquam satis ludibrio fuere, in basilicam
 introducti necabantur. Deniq; tam inaudita immanitatis
 genera in Hungaria vltiore, citerioreq; patrata, vt quæ-
 cumq; crudelitatis facinora eis collata, ne minima qui-
 dem ex parte possent æquare. Totum triennium Tartari
 Hungariam infederunt, & vix quidquam aliud, præter
 Strigoniensem arcem, Albam regalem, Sammartinum
 ipsorum manus effugit. Rex cum Regina, Prole, Proce-
 ribus, & gaza in Dalmatiam se proripuerat, vnde postea
 recedentibus Tartaris, Rhodiorum, (nunc Melitensium,)
 militum, & Frangipanum Regulorum opera, & auxilio
 in Hungariam restitutus est. Petrus Matthæi author præ-
 nobilis, in gestis S. Ludovici refert, Innocentium Quar-
 tum Sum. Pontificem, Fratres Dominicanos ad Bathum in
 Hungariam legasse de illius Religione, & belli causa sci-
 ficituros : quibus Bathus responderit, se Christianum es-
 se, ac ni crederent, monerent summum Pontificem acce-
 dere, qui rem comprobaret. Fratribus verò vrgentibus,

cur

cur præter modum, & immanitèr adeò in Christicolas de-
 faviret, cùm mansuetudinem, & amorem in proximos,
 præcipuum mandatum Christus commendavit, reposuif-
 se. Progenitoribus suis, sibiq; ipsi, ut de scelerosis hominibus,
 cuiuscumq; demum secta, aut religionis existerent, vindictam
 sumerent, à Deo præceptum fuisse. Cum plurimi in ea deva-
 statione ex omni Ordine Religiosorum, alijsq; statibus pro
 Christo sanguinem fudisse memorentur, ex nostro, diver-
 sis in locis, *centum circiter nonaginta*, authore Plodio, lan-
 ceis, gladijs, sagittis, igneq; consumptos, læta, & ovans
 coelorum patria fulgidissimis fertis redimitos & trium-
 phantes excepit. Nec tamen univèrsam tunc B. Domini-
 ci semen in Hungaria ablumptum, nam præter ea, quæ
 cap. sequenti dicentur, Vincenciùs Belvacensis, qui eo
 tempore vivebat, & post illum S. Antoninus ita narrant.
*Anno quoq; Domini 1242. Tartari vastaverunt Poloniam, &
 Hungariam cum Principe suo nomine Batho. & post alia: &
 siquidem Hungari non fugissent, sed viriliter restitissent, Tar-
 tari confusi à snibus eorum exiissent. Omnes quippe tantum
 timorem habebant, quod fugere unanimitèr attentabant.*
 deinde verò: Porro Fratres Ordinis Cisterciensis in quodam
 Monasterio suo Hungaria, cum quibus erant Fratres Prædicato-
 res, Fratresq; Minores, eisdem restiterunt viriliter plusquam
 per sex menses, nullam impugnationem eorum metuentes. In
 Tartaris quippè vigor, & fortitudo deficit, cum eis aliquis vi-
 riliter resistit. Veruntamè Maluenda divina potius ope, quàm
 humanis viribus servatos fuisse dicit Fratres Prædicatores
 in Cisterciensi illo monasterio; idem & ego, mi Lector,
 planè iudicaverim.

Plod. l.
 2. de
 Viris
 Ill. col.
 332. &
 333.

V. Eel.
 vac. l.
 30. sp.
 hist. c.
 149. S.
 Ant. 3
 p. hist.
 tit. 19.
 cap. 8.
 §. 15.

Malu.
 a. 1242
 c. 5.

CAPVT SEPTIMVM.

De Viro Principe in seculo, Martyre clarissimo, à Tartaris in eadem vastatione trucidato, hætenus anonymo, nunc vero, authoris sententia, Buzad Banfia nuncupato.



Thom.
Canti.
l. 2. de
Ap. 16
et cap.
44. n.
2.
Mat.
10.

Andidatorum tot Martyrum, quos cap. præcedente recensuimus, antesignanus fuit, vir sanguine, sanctitateq; clarissimus, cujus, suppresso nomine, meminerunt omnes scriptores post Thomam Cantipratanum Episcopum; qui, ubi recensuit plerosq; Fratres Prædicatores, & Minores, sequentes illud Salvatoris, *si vos persecuti fuerint in una Civitate, fugite in aliam*; in Hungaricæ, aliarumq; Provinciarum vastationibus, fuga sibi consuluisse, ita prosequitur. *Dux quidam in Hungaria potentissimus, relictis in Principatu Filijs, Ordinem Prædicatorum intrauit. erat autem sufficienter litteris instructus, & factus est egregius, ac deuotissimus Prædicator. Irruentibus ergo Tartaris, & Priore domus cum Fratribus fugientibus, petiuit idem Frater, quondam Dux, ut in solatium dimitteretur populorum, dicens, se confectum senio, & etiam si non occideretur à Tartaris, in proximo tamen moriturum. Permissus ergo remansit in domo Fratrum, & admonitione dulcissima, pauperibus, & debilibus, qui fugam inire non poterant, ad patientiam confortatis, ipse usq; ad irruptionem Tartarorum pronus in oratione, & lachrymis, in Ecclesia in modum Crucis extensus, ante altare jacebat, & sic ab impijs*

est occisus.

est occisus. Recedentibus ergo Tartaris, ad domum Fratres re-
uersi sunt, & Fratrem quondam Ducem, lanceis terebratis pe-
dibus, & manibus, atq; confosis omnibus membris, & cerebro
excusso de capite, coram altari, vt dictum est, inuenerunt. Quo
piaculo cum cuncti Fratres nimium ad lachrymas mouerentur,
quidam præ ceteris horrens ingemuit, dicens: Tu Domine Deus,
quare tantum virum tam iniqua morte, & pessima passus es in-
terire? Cumq; in luctu, lachrymis, & redargutione iudiciorum
Dei, tribus diebus, & noctibus ferè jejunos, & sine somno pe-
nitens permaneret, tandem in excessu mentis raptus vidit occi-
sum, quem fleuerat, dicentem sibi. Numquid non oportuit
pati Christum, & ita intrare in gloriam suam? Non sunt condi-
gnæ passionibus hujus temporis ad futuram gloriam, quæ reue-
labitur in nobis, & hac dicens, disparuit. Fratriq; querulanti
diuina iudicia, quæ inscrutabilia sunt, verborum breuitate, & au-
thoritate satisfecit. Sic Cantipratanus. Idem omnino etiam
Leander, Senensis, Castillo, Plodius, Fernandez, Maluen-
da, Malpæusq; è quibus duo postremi meritò in annum
Christi 1242. vel 1243. hoc martyrium referunt (ita ta-
men vt etiam in 1244. meam sententiam referri possit) explo-
sis alijs, qui in 1262. retulerunt. Cum Cantipratanus, cœ-
teriq; omnes affirmant nobilissimum illum Fratrem in-
terfectum fuisse in magna illa irruptione Tartarorum,
qua Poloniam, & Hungariam vastauerunt: & certum sit
ex vniuersis Polonicis, & Hungaricis annalibus, & alijs eius
ætatis scriptoribus, Tartaros anno 1242. & duobus alijs
sequentibus vtramque Provinciam ingentibus cladibus
inundasse, per triennium enim Hungariam infederunt.
Mirum autem, nec immeritò, visum est Plodio, cur anti-

Luc. 24
Rom. 8

Leand.
l. 2. pa-
gi. 57.
Sen. pa-
gi. 117.
Castill.
p. 1. l.
2. c. 66.
Plod. p.
1. l. 2.
p. 332.
Fernã.
conc. a.
1262.
Malu.
a. 1242
c. 5.
Malp.
pag. 30.
31. 32.

H

qui

Indicu-
lus post
mart.
Præd.

qui scriptores nomen tanti Martyris non prodiderint, cu-
jus, cum esset sanguine, & potentia clarissimus, celebre du-
bio procul etiam nomen fuit. Leander etiam queritur
nomen ejus non proditum ab authoribus, & quamvis
plures codices evoluerit, invenire non potuisse. In indi-
culo tamen post nostri Ordinis Martyrologium sub Ge-
nerali Magistro Fr. Hieronymo Xavierre, S. R. E. Cardi-
nali editum, illum Paulum vocatum advertimus in hæc
verba. *Fr. Paulus, generis nobilitate conspicuus, in Hungaria
à Tartaris ante majus altare confossus spiculis, & excusso cere-
bro, victor per sanguinem migravit ad Dominum.* Indiculum
sequutus recentissimus scriptor Petrus Malpæus etiam
Paulum appellat. Nihilominus Fr. Thomas Maluenda
eius Indiculi author, in annalibus, quos posterius con-
scripsit, quibusq; conficiendis omnem antiquitatem dili-
gentissimè rimatus est, illum anonymum relinquit, & vo-
cat, sicq; laudes ejus illo concludit elogio. *ergò clarissi-
mi Martyris nomen in cælo conscriptum maneat: gloriosus ve-
rò triumphus ad omnem memoriam ornet nostros annales.* Ego
verò res Hungaricas nostri Ordinis, quantum licuit, inve-
stigans, in exemplar chiographi cujusdam incidi, ex quo
inclyti viri, & nomen & familiam, hodieq; in Hungaria
clarissimam mihi videor agnovisse. Arbitrorq; *Buzad* ap-
pellatum, ex *Banforum* familia nobilissima, qui Banus in
Hungaria, quæ est post Palatinum, seu Viceregem pote-
stas, & dignitas maxima, jam prouecta ætate ad annum
Christi 1233. in nostri Ordinis familiam nomen dedit.
Id colligo è litteris, fideliter ex Archiuis Illustrissimi &
Magnifici D. Baronis, ac Comitæ, Christophori Banfij,

qui

qui ex eodem Buzad Bano rectâ ducit originem, à R. P. Iacobo Nemethi Soc. Iesu Presbytero, & Theologo transumptis, mihiq; ab eodem multo charitatis affectu communicatis, insequentis tenoris. *Vniuersis prasens scriptum inspecturis, Buzad, quondam Banus, nunc verò Ordinis Predicatorum Frater minimus, salutem in Sion, & gloriam in Hierusalem. Significamus Vniuersitati vestra, charitatem vestram scire volentes, pradium nostrum quoddam, quod vulgo Szobor nuncupatur, filio nostro maiori, Buzad nomine, cum omnibus pertinentijs suis jam dudum nos tradidisse. Ut igitur hæc nostra donatio firma, & stabilis in temporibus futuris, extra omnem portionem, diuisionemq; omnium hereditatum nostrarum, que inter jam dictum Buzad, & alios Filios nostros est affutura, permanere valeat, ob testimonium solemnius, litteras presentes, Prioris nostri Sigillo studuim' roborare. Anno gratia 1233. Datum apud Pesth 16. Cal. Martij. Sigillum pendebat, in quo erat imago Fratris Ord. Predic., putem S. P. Dominici cum caputio longo, continentis in dextra longam Crucem.*

Equidem Circumstantiæ omnes, videlicet hominis dignitas, filiorum multitudo, hæreditas relicta, sufficiens litteratura, tempus ipsum, tam in Cantipratenfis, aliorumq; authorum, quàm in harum litterarum narratione expressa, per omnia adeò consentiunt, & in vnam eandemq; personam ita conspirant, vt nulla alia ratione ad rem hanc confirmandam opus esse videatur. De dignitate dubitare non licet, cum Bani gradus omni tempore, & illo præcipuè, quo res Hungarici regni maximè florebant, fuerit præclarus, vt potè Palatino, siue totius Regni Viceregi immediatè proximus, ac propterea in vita

Bonfin.
dec. 2.
l. 8. à
princ.

S. Margaritæ, quam ex vetusto exemplari hungarico latinè vertendam curavi, Bani passim Duces, & Principes vocitantur. Relictæ hæreditates, & filiorum multitudo, in hisce litteris clarè exprimuntur. Sufficientem eruditionem earundem litterarum dictatura satis insinuat. Tempus deniq; mirificè consonat, nam litteræ indicant, virum illum ad annum Domini 1233. ordinis habitum suscepisse: irruptio autem Tartarorum in Hungariam contigit anno 1242. duravitq; vastatio vsq; ad 1244. cum Bonfinius apertè scribat, expleto anno 1241. quo Cumani commorati sunt apud Hungaros, Tartaros Hungariam invasisse, alijq; communiter asserant, totum triennium in illa hæsisse. Cum igitur tempore ingressus in ordinem provectæ satis fuerit ætatis, vt filiorum jam emancipatorum multitudo ostendit: potuit post septem & octo annos (tempore à biennio post professionem etiam computato) quibus in prædicationis munere, alijsq; religiosis operibus Deo deservierit, perceptâ palmâ martyrij ad cœlestis sedes commigrare. Quoniam verò vox illa Hungarica *Buzad*, quæ frumentum significat, exteris gesta conscribentibus, inusitata, & incognita erat, causa fortasse fuit, vt tamquàm corrupta, ineptaq; visa reticeretur. Quòd autè in diculo Paulus dicatur, id fortè autoritate Pontificia, qua etiam Sanctorum ignotorum reliquiæ notorum Sanctorum nominibus baptizantur, factum fuerit. Neq; enim putem dici posse, *Buzad* in sæculo, Paulum in Ordine appellatum, quia litterarum supra inductarum titulus, hanc conciliationem non admittit: non enim, *Buzad*, quondam Banus, nunc verò Ordinis Prædicatarum

Frater minimus ; sed , Paulus , quondam Euzad Banus , & cœt. scribendum fuisset. Tantum habeto, Lector optime, pro hactenus anonymo, & ignoto, nunc autem (meâ sententiâ) cognito, & nominato, Inclyto & Clarissimo Martyre Euzad Banfio, cuius florentem memoriam festiuis, & lætis semper laudibus posteritas celebrabit. Tu verò, si secus rem habere compereris, communicare, vel corrigere, rem mihi gratissimam facturum, nequaquam omittas.

CAPVT OCTAVVM.

De Martyrum numero breuissimo temporum spatio, & Martyrij primatu, quo Hungariæ Prouinciæ, præ cæteris Ordinis Prædicatorum Prouincijs, gaudet.



Vabus inter alias Prærogativis gaudet Hungarica, præ cæteris Ordinis Prædicatorum Prouincijs, nimirum Martyrum multitudine, & Martyrij Primatu. Quæ enim Prouincia alia (nihil modo contendo de Æthiopiarum Conuentibus, de Blurimanos, in quo novem millia, & de Alleluja, in quo septem millia Fratrum comorari dicuntur, de quorum Martyribus numerum innumerum, qui trecenta & eò amplius millia facillè transcendat, colligit Frater Ludovicus Vreta in historia de rebus Æthiopicis) adeò fœlix fuit, & fœcunda, ut viginti trium annorum spatio ad trecentos Martyres, velut botros pretiosissimos, ex vineis Engaddi decerptos, in superna Cœliorum cellaria transmissit, quemadmodum Hungariæ

Ludov.
Vreta.
de reb.
Æth.
pro his
vide
etiam

Provin-

Malp.
l. c. 2
pag. 76
25. ad
24.

Indic.
post
paril.

Leand.
lib. 2.

Malw.
a. 1235.
c. 17.

Provincia, quæ ab anno 1221. quo cœpit institui, vsq; ad 1244. primum duos Fratres à Cumanis interfectos, deinde nonaginta cum B. Paulo Duce apud Cumanos à Tartaris trucidatos: ac deniq; centum nonaginta alios cum B. Buzad Banfio in Hungaria per Tartaros martyrio consummatos destinavit. De Primatu porro Martyrij posset alicui fortasse difficultas suboriri, nûm is Hungaricæ Provinciæ sit concedendus, quod primum Ordinis Martyrem Beatum Fratrem Conradum Marpurgensem, ex Provincia Teutoniæ, extitisse aliqui censeant. In Indiculo enim post Privilegia Ordinis à Magistro Generali Fr. Stephano Vlsusmaris edita, Tit. Martyres, sic legitur. *Fr. Conradus Teutonicus, Primus Inquisitor in Germania, anno 1228. ab hæreticis, dum concionaretur, occisus, martyrij coronam retulit primus ex Ordine Predicatorum.* Idem scribit Leander. *Primus, inquit, fuit ex Ordine Predicatorum, qui martyrij palmam reportaret.* Idem alij. Attamen Primatum hunc Provinciæ Hungariæ multi concedunt. & verè, saltem quoad illos duos Fratres, qui à Cumanis, cum secundo ad eos regressi sunt, mactati fuere, concedendus est. Neq; enim ego putaverim Fratrum ad Cumanos profectionem ante annum 1230. non incœpisse, neq; vllum scriptorem vidi, qui etiam priorem non faciat: cum itaq; sub initium illius duo martyrio affecti fuerint, vt ex superius relatis colliquescit, efficitur, hos ipsos duos, ante B. Conradum Marpurgensem, cuius mortem incidisse in annum, non 1228. sed 1233. solidè, & lucidè Maluenda in annalibus manifestat, ex hac mortalitate sublatos fuisse. Hanc sententiam, tamquam verisimiliorem, sequutus est novissi-

mè post

mè post alios authores Petrus Malpæus Belga, qui proinde ab his duobus anonymis Martyribus à Cumanis interceptis suæ Palmæ fidei de Sanctis N. Ordinis exordium ducit. Quòd verò aliqui Conradum vocent primum Ordinis Martyrem, intelligunt, ait Maluenda, vel fuisse primum Inquisitorem Martyrem, vel primum, qui expresso nomine prodatur Martyrio in Ordine coronatus; nam illi primi martyres, anonymi. & certè, si quod Leander asserit, absolutè accipiat, sibi ipsi non constat, qui Conradum dicat anno 1228. obiisse, & nihilominus scribat ante annum 1222. Fratres duos à Cumanis interfectos, & ipso anno 1222. nonaginta Fratres à Tartaris trucidatos. Sed & alio argumento capite insequente probabimus in Hungarica Provincia Martyrij Principatum.

Malp.
in pal-
ma fid.
pagi. 5.

CAPVT NONVM.

De alijs pluribus ex Hungaria Provincia per eadem tempora Martyrio Candidatis.

Non sunt omittendi viri alij martyrio illustres, qui per eadem tempora, vel non adeò longè post eandem Provinciam ornarunt. exijs extitit *Fr. Ioannes Hungarus*, de quo scriptum reperimus, quòd cum adversus hæreticam pravitatem sanctæ Inquisitionis munus in patria strenuè obiisset, in eodem Regno ad Episcopalem curam promotus, à subditis hæreticis, quòd prædicaret, propagaretq; fidem catholicam, lapidibus obrutus sit, & post mortem plurimis vulneribus sævissimè tru-

cidatus.

cidatus. Fr. etiam Nicolaus, natione Hungarus, qui similiter ex Inquisitore S. officij Episcopus factus, ob fidei defensionem, viuis S. Bartholomæi instar, est excoriatus. De hisce duobus martyribus scriptores omnes consentiunt, nisi quod excoriationem, sicut & lapidationem alij Nicolao, alij Ioanni ascribunt. De tempore maior dissensio, quibusdam vtriusq; ad annum 1230. quibusdam vnius ad 1250. alterius verò mortem ad 1270. referentibus. Videri possunt Plodius, Malpæusquæ.

Plod. p.
2. in
appen-
dice
Malp.
pag. 33.
Malp.
p. 34.

Anto.
Senen.

Meminit etiam Malpæus ante annum 1250. alterius Fr. Pauli Hungari, qui cum esset in Dalmatia Cœnobiarcha, à Paganis catena ad palum alligatus, vivusq; concrematus, martyrij palmam accepit. Refert Antonius Senensis in Chronico, decade ab anno 1240. ad 1250. aliorum triginta duorum nobilem triumphum hisce verbis. *In Hungariae confinio, Bosina, & in Dalmatia, triginta duo Fratres nostri à Turcis illas partes inuadentibus fuerunt pro Christo aquis submersi. Ad quorum gloriam demonstrandam quolibet anno in die passionis eorum, operante Domino, totidem luminaria apparere consueuerant in eodē loco passionis eorum.* Idem scribit Leander. Aliorum qui in Bosina, & Dalmatia martyrium passi sunt ab hæreticis, narrationem sic texit Leander. *Cum Bosina, & Dalmatia maximis agitaretur erroribus, populos hæreticis seducantibus, à Pontifice Maximo Colocensis Antistes illuc legatus missus est, ut seu suasionibus, seu Crucesignatorum armis ad sanam mentem redire compelleret. Sed cum nec verbis, nec armis ab erroribus suis auelli posset, rem prorsus desperatam iussu Pontificis Prædicatorie familie commisit Antistes. Qui Pontificis iussa diligen-*

Leand.
lib. 1.
pag. 59
loco
prec.

ter,

ter, & intrepide perficientes, ceperunt disceptationibus litterarijs, & concionibus hæreseos labe inquinatos tam acriter urgere Colomanno Rege assistente, ut plures coegerint à tenebris ad verum fidei lumen redire. Verum initio ex Fratribus plures, dum constantissimè fidem Christi tuerentur, martyrio coronati sunt. Tandem pede firmato, multos erroribus implicitos, & in sua perfidia obstinatos igni tradiderunt. Deinde Fratrum opera, templa destructa, spinis, fruticibus, virgultis oppleta, sunt instaurata. Hæc facta esse ad annum 1222. testantur non solum Leander, sed etiam Maluenda, Bzovius, Fernandez, Malpæus, post præcos authores Bernardum Gvidonem, & Iacobum Sufatum, qui etiam scribit duos Conventus Ordinis ab hæreticis igni absumptos fuisse. Quæ vero hæresis fuerit, quæ ad eum modum nobilissimas Illyrici Provincias eo tempore defœdaverit, ex Matthæo Paride in historia Anglicana anni 1223. Bzovius in annalibus Ecclesiasticis prodidit his verbis. Circa dies istos hæretici Albigenes constituerunt sibi Antipapam in finibus Bulgarorum, Croatia, & Dalmatiae, cujus nomine Bartholomæus quidam Carcassonnensis Vicariam sibi potestatem usurpabat, à quo in illis partibus error iste adeò inualuit, ut etiam Episcopos, & alios multos regionum illarum ad suam allexerit prauitatem. Contra quem Conradus Portuensis Episcopus, & in partibus Galliarum Apostolica sedis Legatus, ex Sac. Cisterciensium Ordine assumptus, Rhotomagensi Episcopo scripsit in hæc verba. Venerabilibus Patribus, Dei gratia, Rhotomagensi Episcopo, & ejus Suffraganeis Episcopis, salutem in Domino Jesu Christo. Dum pro sponsa veri Crucifixi vestram cogimur auxilium implorare, prius compellimur lacerari singultibus, &

Leand.
lo. c.
Malu.
a. 1222
c. 23.
Bzov.
eod. an.
n. 10.
Fern.
eod. an.
n. 2.
Malp.
pag. II.
Bzov.
loc. c.
n. II.

plorare, ecce, quod videmus, loquimur, & quod scimus, testificamur. Ille homo perditus, qui extollitur supra omne id, quod colitur, aut dicitur Deus, jam habet perfidia suæ præambulū hæresiararcham, quem hæretici Albigenſes Papam suum appellant, habitantem in finibus Bulgarorum, Croatia, & Dalmatia, juxta Hungarorum nationem. Ad eum confluunt Hæretici Albigenſes, ut ad eorum consulta respondeat. Etenim de Carcaſſonna oriundus, vices illius Antipapæ gerens, Bartholomæus Hæreticorum Episcopus, funestam ejus exhibendo reuerentiam, sedem, & locum conceſſit in Villa, qua Porlos appellatur, & seipsum tranſtulit in partes Tolosanæ. Iste Bartholomæus in litterarum suarum undiq; discurrentium tenore, se in primo salutationis alloquio intitulat in hunc modum: Bartholomæus Servus Servorum sanctæ fidei, tali salutem. Ipse etiam inter alias enormitates creat Episcopos, & Ecclesias perfidè ordinare contendit. Rogamus igitur attentius, & per asperſionem sanguinis Iesu Christi propensius obsecramus autoritate D. Papæ, qua fungimur in hac parte, districtè præcipientes, quatenus veniatis Senonis in octavis Apostolorum Petri, & Pauli proximè futuris, ubi & alij Prælati Francia, fauente Domino, congregabuntur, parati consilium dare in negotio prædicto, & cum alijs, qui ibidem aderunt, providere super negotio Albigenſi, alioquin inobedientiam vestram D. Papæ curabimus significari. Data Planiū 6. non. Julij. Dū hæc contra Bartholomæum Carcaſſonenſem in Gallijs ageret Legatus, eundem tumultum mors prædicti Antipapæ celeriter terminavit. Hactenus Bzovius. Cæterum recensiti martyres, quin ad Hungaricam Provinciam pertineant, dubitari non debet: nam etſi Ordo Prædicatorum in Dalmatiam invecſus est anno Christi 1217.

per Fratrem Gregorium Dalmatam, Beatiss. Patris Dominici Socium, qui primum Spalati, sive Salonis eodem anno sub auspicijs Vgrini Hungari, Archiepiscopi Spalatensis Conventum fundavit, ut ex certis monumentis Maluenda, & Plodius ostenderunt: tamen ex quo Ordo etiam in Hungaria locum obtinuit, omnes Conventus in Coronæ Hungariæ regnis (quibus Boslina & Dalmatia inter alia comprehendebantur) existentes, ad vnius Provinciæ Hungariæ ambitum attinebant ad annum vsq; 1476. quando ob multitudinem Conventuum, ex Conventibus Regnorum Dalmatiæ ab Hungarica Provinciâ sejunctis, nova Dalmatiæ Provinciâ erecta est. Vnde liquidò colligitur etiam ex hoc capite Martyrij primatum eidem Hungariæ Provinciâ, non verò Teutonicæ, propter B. Conradum Marpurgensem, quando is etiam anno 1228. ob fidem cæsus fuisset (quod non admittimus) concedendum esse. En, Lector optime, quanta Martyrum seges in hac Provinciâ, Duce B. Paulo primo ejus Provinciali, & Fundatore, intra breue (pro tanta multitudine) annorum spatiû succreuit. Ut nihil mirum, si tantû eadem Provinciâ pro moverit, ut etiam à Dalmatia separata, supra septuaginta monasteria enumeraret. Sanguine enim ejus domicilia fundata sunt, sanguine multiplicata, ut verè in eam maxime conquadret illud scripturæ. *Filij Israel creuerunt, & quasi germinantes multiplicati sunt, ac roborati nimis, impleverunt terram. & : Quantoq; opprimebat eos, tantò magis multiplicabantur, & crescebant.* illudq; Tertulliani ad Gentes: *Semen est sanguis Christianorum; abundamus, cum metimur à vobis.* Nec quispiam inficiabitur, consequentibus

Malu.
a. 1217
c. 23.
Plod.
de v. ill.
2. p. in
princ.
trac. de
Prov.

exod. 1.

Tertull.
in apol.

P. Iacobus
Nemethi Soc.
Iesu.

etiam annis, seculis nimirum tribus, & supra, quibus Ordo noster vixit in Hungaria, plurimos alios martyrij palma insignitos fuisse, potissimum, quod sanè quàm multi ex hac Provincia ad partes infidelium, occasione Congregationis peregrinantium, quæ Fratribus, immo Conventibus etiam ex ea assumptis constabat, indefessè peragrarent. Certè etiam proximè præterito seculo ejusdem Provinciæ Fratres eodem triumpho illustres fuisse, à fide dignis accepi. Nam in *Beregsaz* complures nostri Ord. Religiosos odio fidei ab hæreticis interfectos ad annum 1566. P. Iacobus Nemethi, vir doctus, & pius ex Soc. Iesu, & in perscrutandis rebus Hungaricis ad Christianam religionem spectantibus, accuratissimus, ex certa relatione mihi narrabat Posonij in Collegio ejusdem Soc. anno 1635. die 7. Septembris.

CAPVT DECIMVM.

*De felici B. Sadochi. B. Pauli Coapostoli, Sociorumq; eius
quadraginta octo agone.*

Nulla ratione prætereundus nobis hoc loco est Beatus ille Sadochus vitæ religiosæ perfectione, & sanctitate percelebris B. P. N. Dominici discipulus, Beatiq; Pauli Hungari in Hungarica missione Coapostolus, cujus in superioribus non semel meminimus. Is sanè, qui haud improbabilitè Polonus fuisse à quibusdam asseritur, quamvis antiquiores scriptores ejus Patriam (ni malè recolo) non recensent; vi-

gilijs,

gilijs, precibus, macerationibus, meditatione, jejunijs, concionibus feruentissimis, catecheticis instructionibus, sacramentorum ministerio, alijsq; pijs operibus, & exercitationibus in Hungaricæ vineæ cultura (quippe qui à S. P. Dominico ad hoc peculiariter selectus missusq; fuerat) magno exemplo, & animarum emolumento per multa tempora strenuè laborauit. Diù verò B. Paulo & Hungaricæ vastationi, non, vt martyrij palmam amitteret, sed, vt maiore sibi eam scœnore redderet pretiosorem, fuit superstes. Nam cum in Poloniam perrexisset, & Priorem Sandomiriæ cum quadraginta & octo Fratribus ageret, in alia Tartarica irruptione, quæ ad annum 1260. contigit, nobilissimo agone cum suis occubuit. Rem planè scitu dignissimam Bzovius ad præcitatum annum refert in hunc modum. *In Polonia hoc anno innumerabilis martyrum numerus in cœlum migravit à Scythica manu. Eorum enim vis ingens Nogario, & Celebuga Ducibus in Poloniam se infudit, qui longè latèq; grassantes multos mortalium incautos oppres- serunt. Zauchostense Clarissarum, & Lyssecense Cluniacensi- um cœnobia violarunt. Arcem Sandomiriensem per fraudem interceperunt, & omnes, quotquot in ea inuenissent, trucidarunt. Pleraq; enim omnis vicina nobilitas, & oppidani, atq; agrestes multi cum vxoribus, liberis, & fortunis suis eò confu- gerant, sed eà dolo malo occupata, tanta cædes à barbaris, (ma- tronas tantum, & puellas formosiores, ad contumeliam, & ex- plendam libidinem reservantibus) facta est, vt sanguis cœso- rum ad Fistulam vsq; difflueret. Sauerunt etiam in Fratres Prædicatores tunc, siue ad D. Iacobi, siue ad D. Mariæ Magda- lenæ cœnobia degentes. Mirum est, quod tunc accidisse ferunt.*

Abbr.
Bzov.
a. 1260
n. 3.
post
Crome-
rum l. 9
Michi-
oris m
l. 3. c.
44.
Plod.
etiam
2. p. l. I
c. 62. 63
Fernā.
in Con-
cert. a.
1260.
n. 4.
Malp.
pag. 51.

Noctē

Nocte antecedente eam cladem, B. Sadoch Prior Cœnobij, devoto Fratrum grege cinctus, matutino officio intererat. Ibiq; per antiquo Religionis more, Tyro indiculum martyrij ad diem sequentem pronunciaturus, ex templo litteris aureis, nonos & insolentes characteres exaratos conspexit eum in modum. Sandomiriæ passio quadraginta novem Martyrum. legeret, antaceret, animi dubius fuerat. timore tamen abjecto, cygnea licet trepidante voce recitavit aureum edictum: Sandomiriæ passio quadraginta novem Martyrum. lectione inaudita, obstupuit Sadochus, atq; cæteri Fratres obriguerunt ad titubantem vocem, interq; fauces hærentem, utcumq; tamen intellectam pronuntiationem Novitij. Diariam illam lectionem postulavit Prior, videre desideraverunt & reliqui pauore nimio perculsi sodales. Porrexit librum Tyro, aurea interim littera cum notis Sandomiriæ inter manus Fratrum legentiam evanescere. Divina hæc est, ait Sadochus, præmonitio, Fratres. Cœlitus exarata illa nota non frustra innocentis oculis subiecta sunt. Auctor vite, & mortis certo certius nos ad vitam feliciter, & immortalitatem perennem inuitat. Eia per gladios etiam ancipites posttrahentem indefesso pede curramus. Vitam nobis eripiet Scythia? Quam? fluxam, calamitatibusq; obnoxiam periculis undiq; obiectam. mortem inferet diram? at ea est nobis in hujusmodi fluctibus portus, in quem nos plenis velis convolare decet, ac per eum ad perpetuam vite gloriam nobis iter apertum conficere licet. Renocate tantum, oro, in mentem vite antecedentis metam, & si quos animo habetis adherentes naus, eos sacra exomologesi expiate. Dulcissimo postea viatico roborate spiritum, mox sidere a regna petaturi. Sempiternæ laudis proposito ornamento, obnixo in omnes casus pectore, mucronibus jugulos

vestros

vestros preparate. moriendum est, sed alacri animo. Pro his aris sacratis, pro his imaginibus Christi, & sacrosancta Dei parentis, pro hoc incruento viuisco sacrificio fortitudo vestra per patientiam exercenda est. Animati Fratres diuino oraculo, quod superfuerat temporis, totum impenderunt preparationi, aduentum Magni Dei ex imo pectore suspirantes. O quando optata illa hora adueniet, qua nos terris sublato calce reddet. felices nos: optatos gladios, qui nos beatorum spirituum cœtibus interferent. Suauissime Iesu, sacra spes suspirantium, Maria, quando tandem? Illuxit tandem illis optatissimus sol, quo terrena compage soluta ex corporeo carcere euolaturi essent. Superuenerunt truculentissimi Scythæ, velut leones sanguinarii, & Pastorem Sadoch cum grege illo Fratrum deuotissimo, in medio Ecclesiæ, velut Cygnos aliquos, extremam illam hymnodiam Salve Regina, Matri misericordiæ suauiter occinentes interemerunt. Frater quidam, qui se in superiori parte Ecclesiæ abdiderat, ut audiuit, illico descendens, sanguinolentis Scytharum gladijs iugulandum objecit, comitemq; se adjunxit Fratribus ad cœlum euntibus, & dulce melos tuum, ô Sanctissima Virgo, personantibus. Matthias Michonius rerum Polonicarum scriptor refert, quod hoc malum cum Boleslaus Pudicus, & Prandotha, Cracouiensis Ecclesiæ Pontifex, Alexandro Quarto Papa per nuncios, Decanum, & Canonicum Cracouiensem declarassent, visitantibus Ecclesiæ S. Mariæ Sandomiriensis, ad quam Divorum Martyrum corpora asportata fuerant, parem Indulgentiam concessit Polonis, & Peregrinis, quotannis die 2. Iunij, quam habent S. Mariæ ad Martyres, seu etiâ Majoris in Vrbe. In hodiernam sane usq; diem strages illa, quasi Martyrũ Christi anniuersaria celebritate, postridie Cal. Iunij, Sando-

miria magni populi concursu recolitur, magna ista Alexandri Quarti Pontificis max. Indulgentia cumulata, atq; dedicata. De Beati Sadochi, secundi à Beato Paulo Hungaricæ Provincia Fabricatoris mortalis vitæ fine, gloriosoq; per omnem æternitatem triumpho, fatis.

CAPVT VNDECIMVM.

Miracula S. P. Dominici quibus eisdem temporibus Ordo Prædicatorum in Hungaria est propagatus.



Non solum per sanguinem Martyrum prædicantium ubiq; in Regno, Hungariæ, Religionem Prædicatorum ibidem fundatam, firmatam, propagatam, sed etiam per ingentia plurimaq; miracula, quæ meritis Beatissimi Dominici P. N. contactuq; & veneratione quarundam illius reliquiarum, indeq; Populorum totius Hungariæ grandi in illum devotione excitata, Deus O. M. operari dignatus est, maxima incrementa suscepisse, cui ea, quæ subijciemus, legere placuerit, minimè dubitabit. Neque enim plura, aut maiora signa in alia qualibet Ordinis Provincia (si Calabricam tollas, in qua ad imaginem S. Patris coelitus à Beatiss. Virgine Deipara, Divis Magdalena, & Catharina V. & M. comitata, ad Cœnobium de Suriano ante seculum delatam, maxima etiamnum quotidie patrantur) per S. Patriarcham facta fuisse legi; neq; fortassis alius quisquam cœterorum Ordinum institutor, aut sectator, maiora, pluraue amoris argumenta benefaciendo de Cœlo, quàm Sanctiss. Pater N. in

Hungaros

Hungaros ostendit. Theodoricus Appoldianus, Episcopus, qui gesta B. P. Dominici octo libris complexus est anno Christi 1290. in principio libri octavi (non quidem ejus, quem edidit Surius, is enim mancus videtur, vt etiam Maluenda agnoscit, propterea fortasse, quòd integrum Theodorici opus (vt contingit) non habuit, sed qui in membranis manuscriptus cum reliquis, in Vienn. nostri Ord. bibliotheca asseruatur, quemq; sæpe legi) de hisce miraculis agens, ita scribit. *A solis ortu usq; ad occasum in Sancto Dominico laudant pueri nomen Domini. Nam propitium sentiunt in necessitatibus inuocatum. Multis namq; & diuersis, sed in ijs præcipuè, quæ infidelibus adjacent regionibus, miraculis gloriosis coruscant. Vnde in Regno Hungaria, cui Cumanorum gentilis populus conterminus est, cuius fidem, & salutem Beatus Confessor summè desiderauit, stupenda, & innumera mirabilia per ejus merita contigerunt. & alio loco agens de prædicatione Fratrum Hungarorum apud Cumanos, & alios: Profecerunt itaq; (ait) in regionibus illis Fratres prædicando, hæreticos, schismaticos, gentilesq; ad Fidem Catholicam conuertendo, Domino cooperante, & sermonem signis efficacibus confirmante. Infinita etenim miracula per gratiam Dei, meritis B. Dominici in pluribus Conuentibus nostris sunt in Hungaria facta, adeoquòd etiam numerum excedunt: de quibus aliqua, quæ fidei testimonio probata sunt, ascribere curauimus ad gloriam Domini Iesu Christi. & alibi memorat ad reliquias B. Patris in Simulu apud Fratres Prædicatores reconditas, populos religionis, & voti causa venire solitos, ad quas plurima sunt facta miracula, & præter alia, sic ait. est quadam illius Regni (Hungarici) regio, quæ Simulu nomina-*

Theod.
de Appoldia.
l. 8. vi-
ta S.
Domi.
c. 1.

cap. 3.

cap. 4.

S. An-
to. 3. p.
tit. 23.
cap. 13.
§. 2. ad
fi. Plod.
in prog.
l. 2. c. 63
Flam.
in vita
S. Do-
minici
Malu.
a. 1221.
c. 47.
pagina
379.
colu. 1.
in prim.
Beluac.
in spec.
hist. l.
30. ca.
116.

tur, ubi in Conventu Fratrum almi Confessoris recondita ha-
bentur reliquia sacrosanctæ, quas populus cum multa deuotione
frequentans veneratur, reportans meritis ipsius optata benefi-
cia sanitatum. Regionem Simulu æstimo vocari Similien-
sem, seu Simigiensem (vt nunc vocant) Comitatu in Hun-
garia notissimum, in quo, vt patet ex catalogo Conuen-
tuum à S. Antonino, Plodio, alijsq; descripto locū habui-
mus, quem ipsi Similij, vel Similiensem appellant. Præci-
pua enim eius Comitatus Civitas Similiū, vel Simigiū (hun-
garicè Somogy) etiā hodie dicitur, estq; proh dolor, sub di-
tione Turcarū. Quare melius *Simulu* à Theodorico, & Fla-
minio, quam *Sinulu* à Vincentio Belvacensi dictū putaverī.
Reliquiæ porro illæ fuerunt digitus de corpore B. P. Do-
minici defuncti avulsus, & in Hungariam delatus, vt ex Fla-
minio refert Maluenda. Vincentius in speculo historiali,
quod an. 1244. absoluit (vt ipsemet ad finē illius testatur)
qui sanè annus fuit ab ingressu Ordinis in Hungariam, & à
morte Sanctiss. Patris 23. acturus de miraculis eiusdem
Patriarchæ post mortem, primarium locum factis in
Hungaria, tamquàm mirabilioribus assignat. ait enim.
*Iam ad reliqua, quæ post hoc diuersis in locis per merita
gloriosi Confessoris B. Dominici ad exaltationem sui nominis
Deus ostendere dignatus est, fidelis narratio subsequatur. Et
primum quidem ea, quæ in Hungaria facta cognovimus, stupen-
da prorsus, maximè circa mortuos suscitatos. Igitur hunc
ordinem sequentes, quæ de mortuis suscitatis in Regno
illo litteris consignata reperiuntur, primo loco cum Vin-
centio sincerè adscribimus. Ait ergò.*

I.

In Sinulu(Theodoricus, Simulu) regione illius Provincia quidam nobilis cum uxore sua deuotionis causa ad reliquias Beati Dominici, quae in domo Fratrum habebantur, visitandas accessit, cuius filius, quem secum duxerat, paruulus, infirmatus ibidem, ad extremum vitae moriendo peruenit: quem Pater mœrens, ad Ecclesiam deferens, coram altari B. Dominici voce flebili lamentari cepit, & dicere: Beate Dominice, latus veni ad te, & tristis redeo. Redde mihi, quæso, filiū meum, letitiam cordis mei. Cumq; sic lugens usq; ad noctem perseueranter existeret, circa noctis medium puer reuixit, lac suxit, ac per Ecclesiam ambulauit, Sicq; ad domum propriam incolumis est reportatus.

I I.

Iuuenis quidam D. Iustine Comitissæ (ea fuit secundum Flaminium vxor Comitis Nuke) mancipium, dum in ora Fluminis piscationi minus cautus insisteret, in aquam lapsus, suffocatus disparuit. Magno autem spatio temporis interjecto, ejus corpus in profundo fluminis requisitum, mortuum est eductum. At præfata Domina super subtracti famuli nece miserabili condolens, pro resurrectione ejus B. Dominicum inuocauit, promittens se & ad suas reliquias in Sinulu personaliter visitandas nudis pedibus accessuram, & restitutum mancipium libertati daturam: statimq; qui fuerat mortuus, in medium, videntibus omnibus, vitæ redditus profiliuit.

I I I.

Viri nobilis, Ladislai nomine, filius paruulus, lethali febrium infirmitate deceßit, cuius corpusculum pannis inuolutum extra domum fuerat jam delatum. Mater vero inter ni-

miam tristitiam resumens spiritum, accersiri fecit ad se continuò Sacerdotem, coram quo emissò voto, cum B. Dominicum inuocassent, quæ plorabat mortuum, recepit filium vitæ protinus restitutum.

I V.

Vir quidam de Villa Lelesz, Gothardus nomine, orbatus Thoma nomine filio jam defuncto, superveniente nocte solus remanens circa corpus ejus, plorans, & ejulans residebat, B. Dominicum, ut Patri filium redderet, incessanter votis pariter, & vocibus interpellans. Factum est igitur, ut circa pullorum cantum, qui mortuus fuerat, se moueret, & apertis oculis Patri dixit. Quid est, Pater, quòd sic habes faciem madefactam? Cui ille. lachrymæ Patris tui sunt filii, qui a tu mortuus fueras, & ego solus remanseram omni gaudio destitutus. At ille: multum, inquit, fleuisti, Pater: sed B. Dominicus desolationi tue compatiens, ut tibi viuus redderet, suis meritis impetrauit.

V.

Vinc.
lo. cit.
c. 117.

Crebrescente per totam Hungariam virtutum hujusmodi fama, vir quidam ad omnia infidelis prorsus, & incredulus persistebat. Contigit autem filium ejus grauitè infirmari, qui & tandem spiritum exhalauit. Quidam autem ex his, qui ad consolandum patrem venerant, dixit: Crede B. Dominicum magni esse meriti apud Deum, & ipsum invoca toto corde. Forsitan, qui plerosque mortuos suis meritis suscitauit, tuum etiam filium suscitabit. Tunc ille compunctus corde super præterita incredulitate, amarè redarguit semetipsum, assumptaq. fiducia, ab inuocatione B. Dominici per noctem illam gemitibus, & precibus non cessauit. Igitur prima hora diei, qui jacebat mortuus, manum mouit, & velamen rejecit, quo ejus facies inuoluta fue-

rat,

rat, ac surrexit. Tandemq; Pater cum filio suo suscitato in Sinu-
lu properans, quanta sibi fecerat Dominus, ad honorem S. Do-
minici nunciauit.

V I.

Honestus etiam quidam vir, nomine Gentus, de Villa
Pinar, cum suis Parochianis ad Fratres venit, filium paruulum
secum ferens, ac dicens: Hic est Filius meus, quem B. Dominicus
jam defunctum à mortuis suis meritis suscitauit. Nam cum
à summo mane usque post meridiem in domo mea in medio vlu-
lantis familia jaceret exanimis, subtraxi me paululum: & re-
cordatus, quòd Deus B. Dominico super mortuos suscitandos
tantam gratiam contulisset, sumptà fiducia, locum, in quo orare
consueueram, adij, & gloriosum Dei Confessorem, ut orbo Patri
unicum redderet filium fuis amarissimis lachrymis invocaui.
Cumq; redijsem ad corpus pueri, & me super faciem flens, &
ejulans incuruarem, ecce puer aperuit oculos factus viuus.

Has sex mortuorum suscitationes factas in Hunga-
ria, referunt, præter Vincentium, Theodoricus, S. Anto-
ninus, Flaminius, Maluenda, & alij, ex illisq; tres Iacobus
de Voragine Archiepiscopus Genuensis. Duas alias refert
Flaminius, & post ipsum Maluenda hisce verbis.

V I I.

Alba Regalis, ejusdem Prouinciæ (Hungariæ) Vrbs est,
cujus Ecclesiæ Præpositus (dignitatis Ecclesiasticæ id nomen est)
objerat. Circa jacentis cadauer cum jam pararentur exequia,
multi absidebant; è quibus vnus diuino, ut credibile est, instinc-
tu ait: ego quidem in opinionem adducor, posse defunctum hunc
nostrum ad vitam revocari, si digitus huc B. Dominici assera-
tur. Placuit omnibus consilium, & ad multa funalia accensa

Vinc.

lo. cit.

Theod.

l. 8.

S. An-

to. 3. p.

hist. ti.

23. c. 4.

S. 7.

Flu. in

vita S.

Dom.

Malu.

a. 1221.

c. 47.

Iac. d.

Vor. in

leg. S.

Dom.

Flam.

loc. cit.

Malu.

c. 58.

allatus

allatus est in Calice sacro digitus, quem monasterij Praefectus aqua lauit, quam ori jacentis immisit, quæ ubi descendit in guttur, extinctus ille continuò reuixit.

I I X.

Objerat annorum duodecim puella in loco, qui ab Vrbe Simulu antedicta diei vnus itinere distabat. Propinqui, & amici Patrem hortati sunt, ut aquam iuberet afferri, qua B. Domini sacer digitus esset ablutus, sperantes fore, ut ope acceptissimi Deo Sancti ad vitam puella reuocaretur. Laudauit consilium pater, & continuò ipse profectus est. Abiens autem iussit, ne ullo pacto, priusquam redisset ipse, filiam sepelirent. Sed, cum differre nimium propter distantiam loci videretur, decreuerunt illam sepelire domestici. Quare cum jam efferrent, inciderunt in patrem, qui aquam afferebat. Excanduit ille, ac suos grauitè increpans, qui contra suum iussum filiam sepelirent, consistere iussit lectum ferentes funebrem. Tunc ipse adstante multitudine, ori per vim aperto aquam immisit, & statim stupentibus omnibus vita restituta est.

I X.

Theod.
li. 8. c.
13. Fla.
lo. cic.
Malu.
cit. c.
58.

His deniquè additur aliud planè insigne, atq; stupendum, quod Theodoricus lib. 8. c. 13. juxta integrum præcitatum M. S. & Flaminus recenset, & post Flaminium etiam Maluenda, de puero in Hungaria à mortuis excitato, quod ex eisdem sic accidit.

In Hungaria honesti quidam homines filium in annis infantilibus per viam vniuersæ carnis ad cælestia euolantem amiserant, Inde vehementer contristati, Sanctos Cosmam & Damianum, quos jejunijs, orationibus, elemosynis, & oblationibus præ ceteris honorare solebant, propueri suscitatione an-

xij, supplici oratione deprecabantur. Sanctis igitur Martyribus suorum supplicum vota Deo offerentibus responsum est, consilium Altißimi id Serui sui Dominici arbitrio remisisse. Interpellatus à Sanctis Martyribus Pius Arbiter, cum tantorum intercessorum precibus annuendum decreuisset, puer viuus, anima corpori ab Angelis reddita, parentibus traditus est. Is adolescens postea S. P. Dominici, cuius arbitrio reuixerat, Ordini se adiunxit, & quæ circa se gesta fuerant, charitatis Zelo compulsus enarrauit. Cum enim studeret Parisijs, & nouitius quidam insignis ad exitum ab ordine tentatus, nullis posset persuasionibus retineri, ut Fratrem periclitantem Domino lucraretur, eidem tentato, quid secum factum fuisset, reuelauit: asserens, se in conspectu Dei B. P. Dominicum admirabili decore fulgentem, Predicatorumq; Ordinem, insigni, præ cæteris, gloria exaltatum conspexisse. Quare, quod diu latuerat, est patefactum, & tentatus Frater accepta consolatione, in Ordine perseuerauit. Erat autem Frater, qui reuixerat, pius valdè, ac prudens: & ad superna, qua degustauerat, totis semper viribus intentus, atq; suspensus: & licet rariùs loqueretur, exactiùs tamen quædam de Angelis, Cæliq; Regina differebat.

CAPVT DVODECIMVM.

Alia miracula circa eadem tempora in Hungariâ per S. P. Dominicum patrata.



Præter miracula circa mortuorum suscitationes, alia quædam ex innumeris à B. P. Dominico in Hungaria factis recensent Præcitati

Scriptores

Vinc.
cit. lib.
30. cap.
118.

Scriptores, Vincentius, Theodoricus, Flaminius, & alij, nobis hoc loco haudquaquam prætereunda. Quæ referuntur à Vincentio, sic se habent.

I.

Languidus quidam, & morti proximus lecto decumbens qui etiam ad decem & octo annos lumen amiserat oculorum, cum audisset Sacerdotem cum parochianis suis proficisci velle ad B. Dominici reliquias visitandas, confortatus Spiritu, voluit & ipse pariter proficisci. Cum autem eum Sacerdos tamquam rem impossibilem præsumentem modis omnibus prohiberet, tandem valetudinem corporis exuperans, tamquam tentans ire, de lecto surrexit, tantamque subito sensit sibi infundi virtutem, quod passu concito gradi cœpit, tantò magis ac magis in conualescentia corporis, & oculorū illuminatione proficiens, quantò quotidie in itinere procedebat, donec tandem ad locum destinatum perueniens, perfectum recepit utriusq; beneficium sanitatis.

Hoc ipsum iisdem verbis refert Theodoricus loco citando.

II.

Inuenis quidam, Sander (lat. Alexander) nomine, Orrodiensis Præpositi Dapifer, grauissima quadā infirmitate detentus est, in qua manifeste videbat contra se irruere multitudinē demonū infinitam, nunc ad suspendium trabentium eum, nunc diuersis generibus affligentium tormentorum. Ipse verò inter hæc inestimabili timore depressus, voto simul, & voce, qua poterat, Deo se, & B. Dominico commendabat. Statimq; in forma Fratris B. Dominicus aderat, qui sinu cappa collecto, importunas ab eo demonum abigebat molestias, eorumq; impetum virtuosam

potentia

potentia coercebat. Nec mora, simul eundem ab infirmitatis desperato grauamine liberauit.

I I I.

Matrona quædam de Villa Pinar votiuam missam ad honorem B. Dominici disponens facere celebrari, tres candelas ad hoc idoneas preparauit, sed hora debita, Sacerdotem, qui missam celebrare debuit, non inuenit. Quapropter candelas in vase quodam reposuit, manutergio pariter inuolutas. Cum autem aliquantulum diuertisset, per horam rediens, candelas flammis patentibus ardere vidit. Stupefacta igitur foras exiuit, vicinas undiq; conuocauit. Concurrunt omnes ad mirandum spectaculum, tamq; ibidem tremantes pariter, & orantes steterunt, donec prædicta candela ipsis videntibus penitus arserunt. Sic autem ad extremum usq; paulatim ardendo consumptæ sunt, quæd manutergium, vel aliquod, quod in vase fuerat, non arserunt. Ita Vincentius. Quæ sequuntur, habet Theodoricus. Ait itaq;

I V.

Quædam mulier de Villa Kotsford, ab antiquo tempore dorsum habens monstruosè contractum, itaut quasi in dorsum versa statura, cætera corporis viderentur, ad reliquias B. Dominici super currum posita ducebatur. In mentem autem illi venit, ut, quod petebat, facilius impetraret, ex deuotione, quamuis non sine multa molestia, pedes aliquantulum ambulare. Igitur de curru posita, dum vix attrahens spiritum cœpisset incedere, subito fracto cingulo, & in terram fluente, corpus in directum extensum est, & ad statum mirabiliter reformatum. Quam Sacerdos suus, & cæteri conuicini, qui secum venerant, accedentes ad locum, Fratribus presentarunt, tam infirmitatis

Theod.
l. 8. c. 6.
7. & 8.
ex M.
S. exē-
plari.

pristinæ, quàm sanitatis taliter subsecuta testimonium perhibentes. Idem refert Flaminius.

V.

De Villa Titiliensis Ecclesia (Præpositura collegiata est in Hungaria, vbi influit Tibiscus in Danubiū) quidam Tequt nomine, cum propter infirmitates graues, quas patiebatur in dorso, scapulis, atq; brachijs, reliquias B. Dominici visitasset, sanitatem ad integrum de omnibus reportauit. Post paucos autem dies morderi cœpit in conscientia, quòd percepta beneficium sanitatis, quo Deo debite gratia redderentur, nequaquam Fratribus reuelasset, unde & se promisit continuò redditurum. Cum autem iterum ex negligentia ire differret, nocte quadam apparuit ei dormienti B. Dominicus, & ab eo sanitatis præstitæ pretium exigebat. Quapropter expergescens à somno, statim iter arripuit, & coram Fratribus de ingratitude seipsum radarguens, quòd factum fuerat totum, tam de sanitate prius exhibita, quàm de reuelatione postmodum facta, simul deuotè, & diligenter exposuit, audiente quidem plurimo, qui tunc aderat, populo, & Deo gratias referente.

V I.

Iuuenis quidam, retortos miserabiliter habens pedes, ita quòd in superficie pedum cum afflictione non modica plantis contractis, & inuersis posterius ambulabat, ad B. Dominici Sacrosanctas reliquias accedens, curationis est integram gratiam assecutus. Huic non solum mater, & cognati, viciniq; quamplurimi, verum & pedum superficies figuram plantæ retinens ingrossata, infirmitatis pristina testimonium perhibebat.

V I I.

Filius cuiusdam Comitis Curialis diebus pluribus gra-

uiter

niter infirmatus, ductus tandem ad reliquias sacrosanctas, & tactis eisdem, perfectam recepit in virtute Domini sanitatem, ita ut post dies bestias coram Rege mactaret.

V I I I.

De Villa Ondod puer quidam mutus, cujus Pater vocabatur Morits, seu Mauritius, ad tactum Reliquiarum B. Dominici, loquela protinus beneficium reportavit.

I X.

Vidua quaedam Orodienfis, Pirca (seu latinè Prisca) nomine, post annum tertium maritalis thori, loquela usum prorsus amiserat, muta facta. Hac jam vetula, tactis Sacrosanctis Reliquijs, linguae officium sibi sensit statim integrè restitutum.

X.

Senex quidam Clericus, qui ab antiquo grauem aurium surditatem inciderat, cum conuicinis suis ad reliquias B. Dominici visitandas acceffit, quas cum osculatus esset, ab eisdem iterum iterumq; tactis ad auditum integrum proficiendo peruenit.

X I.

De Villa Resend vir quidam, nomine Tybi, filium suum surdum penitus, Gursu nomine, ad Sacrosanctas Reliquias duxit, quibus tactis, audiendi gratiam, atq; opem incunctanter accepit.

X I I.

Cæcus quidam, Paulus nomine, de Villa Vreka, in festo Beatorum Martyrum Abdon, & Sennen, meritis B. Dominici lumen integrum oculorum recepit.

X I I I.

Eodem die mulier quaedam, Lensena nomine, uxor

Novet, paralitica, perfectæ sanitatis gratiam est adeptæ.

X I V.

De Villa Kita vir quidam, Bulkon nomine, tanta cordis vesania vexabatur, quòdin omnes homines, quos habebat obuiam, quasi canis rabidus insurgebat, & ferè nihil comedens, die, nocturg, agitatedus furij serebatur. Hic ad Reliquias ductus B. Dominici, ad earum tactum sana mentis statim compos effectus est, rationi pristina restitutus. Haftenus Theodoricus, & sanè pauca ex plurimis, quorum numerus, eodem teste, iniri non poterat.

CAPVT DECIMVM TERTIVM.

Refutatio oppositionis hæreticorum contra prænarrata miracula: ratio amoris B. P. Dominici in Hungaricam nationem, vicissimque huius in illum deuotio.

Lo. Co-
ehlaus
in actis
Luthe-
ri anno
1523.
5^{ta}

Non me latet, quæ narrauimus, aut aliàs in hoc opere narrabimus signa, ab hæreticis hominibus despicienda; quippe qui, quæ non habent, ac ne habere quidem possunt ipsi (cùm nequeat Deus testis esse falsitatis, aut approbare impietatem) soleant vniversa blasphemare. Alioquin quantopere exultarent, si vel muscam vnā potuissent vllō vñquā tempore suscitare. Cur enim, (vt de recentioribus hæreticis loquar) Lutherus Nesum quendam in Albi fluuio miserè submersum vanis immurmurationibus ad vitam voluit revocare? vt omittam, quòd conatus sit ab energumena puella eicere dæmonem, à quo tamen vix vivus

astantium

astantium (Staphyli maximè ejus discipuli, qui iccirco Catholicæ fidei manus submisit) occurſu ereptus fuit. Cur Calvinus tanto studio egit, ut quidā mentiretur se mortuum, què deinde in signū veræ doctrinæ à se traditæ suscitasset? Cur idem à ministro Novatorū in Hungariæ & Poloniæ finibus cum Matthæo quodam conventū, & attentatum? Sed benè inſequuta eos sunt vera signa hæreticorū, ſcitè à Tertulliano deſcripta, cū diceret, *agnosco maximam virtutē eorū, qui Apostolos in perverſum æmulantur: illi enim de mortuis ſuſcitabāt, iſti de vivis mortuos faciunt* etenim tam à Calvino, quàm à miniſtello evocati, qui se mortuos finxerant, revera mortui sunt reperti. Faciunt miracula ad pietatē, ad religionem, & amorem, ac venerationē Sanctorū: commovent animos, & intima præcordia magnis admirationis ictibus percutiunt; sunt tessera, & vera signa, atq; retinacula puræ & sinceræ religionis, & vna de præcipuis notis veræ fidei, & ſanctitatis. sed qui nunc hystoriam texere decreui, non est cur diſtinear in re hac, in qua insignes fidei athletæ iſtis etiam temporibus glorioſè laborarunt. Quid itaq; Catholice, pieq; Lector? Annon B. P. Dominicus optimè meritis de Hungaria tibi videtur? ut nedum ſingularem illum Patronum agnoſcere, sed ejusdem etiam familiam, (quando hujus nulla in eam merita extitiſſent) omnibus ſemper amoris, & benevolentia argumentis proſequi, & fovere eam oporteret? Ita planè de gente inclyta gratiſſimaq; confidimus, & ſperamus. Cur vero tot beneficia Sanctiſſ. Pater in eam potiſſimum contulerit, quamvis curioſius in veſtigandum non ſit, cum ea ex affluentiffimis Divinæ bonitatis the-

phylus?
Apolg
2.
Hier.
Bolfc.
in vita
Calvi.
Felici.
Ning.
cont.
Annā
Burgē-
ſem.
Tertul.
de præ-
ſcript.
c. 30.
Bell. l.
4. de
cul. ſa.
c. 14.
Boſſus
de ſig.
Ec. l. 5.
Gram.
to. 2.
præſer.
p. 2.

(sauris, sanctos suos, prout vult, glorificantis, proficiscantur: si tamen congruentiam (ut ajunt) aliquam inducere liceat, ea sanè aptissima videtur, quæ tradita est à Theodoro. Cum enim Beatiss. Pater ad animarum, infidelium præcipuè, conversionem, semper collimaverit, populos infidelibus proximos peculiari quadà benevolentia prosequitur: cumq; Cumanos Ethnicos ab Hungarico Regno non longè distitos vivens adire constituisset, in Hungaria gloriosis signis effulgere voluit, ut eò facilius, & animosius Filij sui inde eos adirent, fideliumq; cœtui aggregarent. Adde S. Patriarchā, quem Beatiss. Virgo Deipara filiū peculiare agnovit, & prædicavit, in illū populum peculiaris amoris signa ostendere voluisse, ejus eadē Virgo Sacratiss. PATRONA nominatur, & est. Magnam proinde extitisse totius Regni Hungariæ populorum in S. Dominicum devotionem, constare liquidò potest, non solum ex tam frequentibus ex varijs partibus ad eius Reliquias peregrinationibus, sed ex eo etiam, quòd Ecclesiæ Hungariæ peculiari cultu ejus solemnitatem celebrare gauderent. Dum anno 1635. in Vrbe Nemeth Vyvar, in qua arx inexpugnabilis Illustrissimi D. Comitis Adami Bathiani, contra Turcarum, hostiumq; omnium insultus omni armatura fortium munita existit, bibliothecam cujusdam viduæ Calvinianæ relicte à Prædicante quodam Srephano Bøythe, satis copiosam perlustrarem, inveni inter reliquos, quos homo hæreticus undiq; ex locis pijs, & sacris corraserat libros, antiquissimum etiam graduale manuscriptum, notis ad cantum, ut ajunt, solidum, distinctum, juxta non nostri Ordinis, sed alterius Ecclesiæ ritum, in quo extabat

pulcherrima

pulcherrima illa, quam vocant, sequentia, à nostris in laudem Beatiss. Patris Dominici in sacro ejus solemnitatis recitari cum iubilo, decantariq; solita, quam in gratiam eorum, qui erga tantū Patrem deuotione afficiuntur, pro huiusce primi libri, partisq; coronide adjunctam volui.

I*N cœlesti hierarchia*
Noua sonet harmonia,
Nouo ducta Cantico.
Cui concordet in hac via
Nostri chori melodia
Congaudens Dominico.
Ex Ægypto vastitatis
Virum suæ voluntatis
Vocat auctor seculi.
In fiscella paupertatis
Flumen transit vanitatis
Pro salute populi.
In figura catuli,
Predicator seculi
Matri Prenunciatur.
Portans ore faculam
Ad amoris regulam
Populos hortatur
Hic est nouus legislator,
Hic Elias emulator,
Et detestans crimina.
Vulpes dissipat Samsonis,
Et in tuba Gedeonis

ex Mis-
sali
Præd.
festo S.
P. Do-
minici.

Hofis

Hofis fugat agmina.
A Defunctis reuocatum
Matri viuum reddit natum
Vivens adhuc corpore.
Signo Crucis imber cedit,
Turba Fratrum panem edit,
Miffum Dei munere.
Fælix per quem gaudia,
Tota jam Ecclefia
Sumens exaltatur.
Orbem replet femine,
In cælorum agmine.
Tandem collocatur.
Iacet granum occultatum,
Sidus latet obumbratum:
Sed Plafmator omnium
Offa Iofeph pullulare,
Sidus iubet radiare
In falutem gentium.
O quàm probat carnis florem,
Omnem fuperans odorem
Tumuli fragrantia.
Ægri currunt, & curantur,
Cæci, claudi reparantur
Virtutum frequentia.
Laudes ergo Dominico
Perfonemus mirifico
Voce plena.
Clam petens fuffragia,

Ejus

*Ejus sequens vestigia,
Plebs egena.
Sed tu pater pie, bone
Pastor gregis, & patrone,
Prece semper sedula
Apud curam summi Regis,
Derelicti vices gregis
Commenda per secula, Amen.*

Gloriosissime Patriarcha S. Dominice, Regni Hungarici, quod tot, tantisq; edictis signis tibi gratissimum, sub tuaq; tutela singulariter esse declarasti, ne obliuiscaris: quoq; maioribus conflictatur æumnis, eò validiore ope, qui potes, ipsum subleuare non renuas. Hostes repelle, hæreses extermina, morbos tam animi quam corporis omnes averte. Roga Deum, qui te elegit, mittat operarios in messem suam multam; ipseq; præeas cum cane illo tuo ore facem præferente, qui lupos, & latrones ab ovili Dominico latratu suo arceat, adversus peccantes inclamet, infideles luce veritatis illustret, corda omnium ad Dei, proximorumq; dilectionem inflammet.





HISTORIÆ DE REBUS PROVINCIAE HUNGARIÆ ORDINIS PRÆDicatorvm.

Pars Secunda, Liber Primus.

De Viris Sanctitate citrà Martyrium eximijs.



Erasmus haftenus de viris illis Sanctissimis, qui sanguine suo Hungariæ Provinciæ nostræ Fundamenta, vel jecerunt, vel confirmarunt: jam ad vtriusq; sexus homines, qui citrà Martyrij lauream sanctitate illustres illam ornarunt, nostra perget oratio: de viris quidem præsentē, de mulieribus autem libro subsequente secundum annorum seriem enarrans. Beatorum porrò nomine, quo sæpe aliqui vocitantur, illi solent insigniri, qui in Sanctorum album necdum ab Ecclesia conscripti, vitæ sanctimonia, signisq; adeò effulsere, vt antiquitas communi consensu eo titulo dignos existimauerit, aut (quod augustius est) summus illum Pontifex eis de-

creverit.

creverit. Quare in hac tota mea scriptione ab hac linea ne latum quidem vnguem recedens, nulli tribuam, (vti nec hactenus in superioribus tribui) nisi cui reperero ab antiquis ea ratione tributum. Nec illud omitam, me in hoc opere non solum de illis scribere, qui ejus Provincia filij (vt vocant) extitere, sed de his etiam, qui in ea laborantes egregire illam illustrarunt.

Vide
Defini-
tio.
Vrb. 8.
incip.
S.P.N.
sollicitè
anim-
adver-
tens.

De Beato Ioanne Teutonico. obiit anno Christi 1253.

Vigitur rem aggrediamur, offert se primo loco B. Ioannes Teutonicus, qui plurimis in Hungaria pro salute animarum laboribus exantlat, ex Provinciali factus Episcopus Boffinensis, ac deinde Generalis totius Ordinis, multis in eadem Hungaria, cum in vita, tum post mortem miraculis clauit, Regis Bela Quarti, & Mariæ Conjugis Reginæ litteris de sanctitate, & miraculis commendatus.

CAPVT PRIMVM.

Patria, profectus, status Religiosus.

Beatus Ioannes Teutonicus, oppido VVuildvensensi, siue VVildeshensensi, diocesis Vrbis Onaburgensis, Colonienſi Metropoli subiectæ, illustri genere natus est. Illi circa decimum ætatis annum futuram Ordinis Prædicatorum (qui adhuc non extabat) in quem ipse nomine dato, Provincialis, Episcopus, Gene-

Vide
Humbertum
in Chr.
& Mal-
lu. an.
1220.
c. 22.

Cantip.
l. 2. c.
57. pe
56.

Flami.
in vita
S. Do-
minici.
Leand.
l. 1. fo.
36. 37.
Malu.
lo. cit.

ralisq; Magister futurus esset, institutionem, totiusq; vitæ suæ statum, divinitus revelata fuisse, ex certissima relatione memoriæ prodit Thomas Cantipratanus. Adolescens ingenio præstanti, post studia philosophica ad civile jus canonicumq; toto pectore incubuit, vnde brevi maximâ sibi eruditionem comparavit. In ead Doctoratum promotus, & propter doctrinam, morum elegantiam, pietatemq; summi Pontificis Capellanus, & Pœnitentiarius factus, Cardinalibus, & Principibus alijs, cum primis Fridrico Secundo Imperatori (apud quem etiam diu vixit) amoris fuit, & honori. At vir Dei ad arctissimæ vitæ genus aspirans, vniuersis valedicens, Sacrum Prædicatorum habitum cœlitus à Beatissima Virgine ostensum, ex ipsis B. Patris Dominici manibus Bononiæ in primo Generali Capitulo anno Domini 1220. celebrato suscepit. Manum itaq; mittens ad fortia, quo & suam, & proximorum salutem, juxta Ordinis scopum, procurare posset, tantum sanctimonia, Theologiæ, sacrarum litterarum, linguarum etiam, latinæ, germanicæ, gallicæ, italicæ, & hungaricæ pericia profecit, vt esset numeris omnibus absolutissimus Concionator, qui verbo, & exemplo plurimos populos ad Iesu Christi fidem, & amorem perduceret.

CAPVT SECVNDVM.

Prædicationis eius fructus, & miracula.



Vare ad prædicandum in Teutoniâ, natale forum, à S. P. Dominico missus, ad varia loca se cōferens, Verbi Dei semina longè latèq; sparsit,

Domi-

Domino sermonē signis plurimis confirmāte. Inter cetera verò adventum illius cum socio, finem, scopumq; Ordinis Prædicatorij, cui dā Abbati Ordinis Cisterciensis in somnis prænunciauit. Rem narrat Humbertus & post ipsum Theodoricus paulò fusiùs hisce verbis. *Venerunt ex illis Fratribus, quos Sanctus Dominicus initio Ordinis ad prædicandum in diuersas partes mittebat, duo in quandam Germania Abbatiam Ordinis Cisterciensis, cui Religiosus præerat Abbas, Eberhardus nomine. Ei Dominus dormienti apparuit dicens. Cras mittam ad te equos meos: tu illorum pedes ferro munies. Euigilans vir Sanctus, commodam somni interpretationem asferre non potuit. Altera die venerunt duo illi Fratres ad monasterium, erat autem in diocesi Constantiensi. & Salem dicebatur. Alter horum Fratrum fuit vir illustris Fr. Ioannes Germanus, postea in Hungaria Bosniensis Episcopus, quartus in magisterio Ordinis B. Dominici successor. Cum autem his in locis etiamnum incogniti essent Dominicani, Abbas Eberhardus rogauit ex his, cur codices, virgam, & habitum varium circumferrent. Respondit ei accuratè vir prudens & doctus Fr. Ioannes. Prædicatores, inquit, sumus, & decet nos libro scientiæ esse instructos: & quia Virgo Maria Virga est aromatica, & Crux Christi directionis Virga est, ijs nos nitimur, & tamquam quibusdam scipionibus sustentamur. Porro iuxta Prophetiam Zachariæ, quadriga vltima è medio duorum montium egressa, equos habens fortes, & varios, quadripartitam significat Sancti Evangelij prædicationem, qua duobus confecta testamentis, per viros varijs ornatos scientijs, virtutibus, & miraculis: itemq; fortes aduersus demonum, mundi, & carnis infestationes: paratos quoq; ad discurrendum prædicando per*

Humb.
l. 1. c. 5.
Theod.
l. 4. c. 6.

Zach.
c. 6.

omnes

Castill.
p. 1. l. 2
ca. 20.

Zach.
cap. 6.

omnes terras, hoc extremo mundi tempore in totum infertur orbem terrarum. Angelus enim magni consilij misit illos. His auditis, Abbas ad eorum pedes procidit, eisq; præ oscula affigens, Vos, inquit, reuera estis Equi illi, quos Dominus ad me misit. Statimq; lotis eorum pedibus, novos calceos, & vestes iussit illis proferri. Sunt autem ejus Monasterij Fratres vsq; in præsens Prædicatorio Ordini addicti. Ita Theodoricus. Paulo aliter Castillus explicasse refert, quæ Abbas exquirebat. Nos sumus Evangelij Christi Prædicatores. Habitum, quem gestamus à B. Virgine Deipara accepimus. libros, & baculos habemus, quoniam Patri N. Dominico, primo Ordinis hujus Fundatori, librum D. Paulus, & virgam D. Petrus Apostoli diuinitus præbuerunt, ut orbem vniuersum per se, suosq; filios peragraret, quod in hoc ipsum munus à Deo esset electus. Id nos tamquam ejus Filij, atq; discipuli facimus, perq; mundum excurrentes, Evangelium ad populos circumferimus. Quod etiam Zacharias prædixerat, fore scilicet aliquando, cum currus quidam appareret, quem agerent equi fortes & varij, ex Aquilone venientes: nam illis equis Fratres Prædicatores designabantur.

Prædicaturus aliquando, hominem quendam leprâ miserabiliter contaminatum aspexit. misericordiâ motus ad ipsum accedens manu tetigit, statimq; mundatum sanitati restituit. Cum Basileæ Cruciatam pro Terræ Sanctæ subsidio prædicans, Canonicum, & quendam alium civem ejus affinem Cruce donasset, Vxor civis, quæ etiam Canonici mater erat, iracundiæ, & furoris impotens, diras in sanctum virum imprecata est, ut tot illum demones raperent, quot eo tempore arbores folia vestirent. Sed non tulit id Deus impunè, vix enim effata, visu intume-

scens,

scens, teterrimâ toto corpore lepra correpta fuit. Verùm illa erratipœnitens, virum Dei accersiri curavit, qui peccatorum ejus confessione excepta, manu super oculos ejusdē imposita, ad integram valetudinē subitò reformavit. Quo viso, Canonicus Ordinem ingressus, vtilissimus, celebriq; Prædicator evasit. Eandem Crucem Prædicaturus, locum in campo quodam populo designavit, quò cum frequens convenisset, eques quidam armatus, qui ipso loco duellum inire decreverat, modis omnibus Verbi Dei prædicationem impedire nititur. Pius Pater, blandis eum verbis, & magna demissione rogat, vt provinciam illam dimittat. Vbi vero nihil se proficere animadvertit, Deum orat, vt opportuno remedio subveniat. Prece fusâ, eques (mira res) in stultum, & furiosum vertitur, quem famuli cum luctu, ac mœrore domum referunt. Proinde vir sanctus suam ad populum concionem habet, qua peracta, vnâ cum ipsius pro infœlici Equite preces minimè inanes effundit: nam ad eum pergens, fronti q; ejus salutare Crucis signum imprimens, ad sanam mentem reducit.

CAPVT TERTIVM.

Zelus & Castitas B. Iohannis.

IN peccatis reprehendendis Zelum Apostolicum exprimebat: nec sublimium etiam Principum autoritate à debita correctione impendenda absterrebarur. Quo in genere cum *Friedericum Secundum* Imperatorem, effusissimæ libidinis sæ-

pious

Canti-
prat. l.
2. c. 3.
p. 43.

pius argueret, quiddam accidit, quod ut æterna dignum memoria, sic ejus castitatis candorem maximè commendat. Imperator enim, qui externa alioquin facie ejus monita æqui boniq; consulere præseferbat, adeo tulit indignè, ut etiam suæ cuidam impudentissimæ æque ac pulcherrimæ inter cæteras concubinæ demandaret, quò Fratrem Ioannem secretiore loco conventum ad peccandum quacumq; posset arte, & dolo pelliceret. Tentauit illa eoq; majori nequitia, quò se plus gratiæ apud iussorem inituram sperabat. Stabat Cæsar cum Proceribus occulto loco, quo cernere quidem, sed ipse vicissim cerni non posset, rei eventum expectans, optans etiam Ioannem diaboli laqueo irretitum cunctis confusibilem ostentare. Verùm secus res accidit, ac sperabat. Nam ubi impudica mulier alloqui, halitumq; tartareum spirare cœpit, vir Dei nihil moratus (mora namq; omnis in ea re periculosa) elata manu in maxillam ejus colaphū adeò validum infregit, ut in terram elisa corrueret. Obstupuit tantam virtutem Cæsar, tantiq; illum postea fecit, ut vix ei parem inveniri posse per orbem totum arbitraretur.

CAPVT QVARTVM.

Præfecturæ illius Ecclesiasticæ.



Vbi multos in prædicandi munere labores gloriose, maximoq; cum animarū fructu exan-
tasset, ejus etiam opera Patres Ordinis in re-
gendi munere uti cœperunt. Electus itaq; est

Hungariæ

Hungariæ Provincialis, in quo officio, quantus vir esset, quantumq; prudentia, zelo, vigilantia, mansuetudine, charitate præstaret, ita apparuit (præfectura enim semper virum ostendit) vt fama virtutum ejus permotus Sum. Pontifex Gregorius Nonus ad Episcopatum Bossinensem, ad Hungariæ Regnum spectantem, invitum licet ac reluctantem, maximo Romanæ Curiae consensu, & ad gratulatione promoverit. Porro Vir sanctus sic illum administravit, vt teste Thoma Cantipratano, amico ejus valde familiari, cum ex illo plusquam octo millia marcharum pro annuis redditibus perciperet, in vsus tamen proprios ferè nihil inde vsurparet, sed pauperibus vniversa distribueret.

Canti.
prat. l.
2. c. 57.
§. 55.

Ne equum quidem habere voluit, sed a fello, qui libros, & infulas Pontificias deueheret, contentus, ipse pedester cum sui Ordinis Fratribus incedebat. O verè Patrem Pauperum, & perfectionis magistrum, qualem decet Episcopum. Vt autem invitus, atq; reluctans iniijt Episcopatum, sic totis omnino nisibus conatus est se ab illius sarcina eximere, quò & minus pro animabus sibi concreditis reddendæ rationis ante Christi tribunal obnoxius foret, & ad pristina sacrae Religionis exercitia auidius remearet: quod ægrè sanè, nec sine magnis precibus, & lacrymis à Gregorio Pontifice impetrauit. Cessit itaq; Episcopatu, nullis sibi pensionibus, vel rebus quibuscumq; inde reservatis, lætusq;, & gaudens ad Ordinem remigravit, eadem omnino qua olim austeritate, obedientia, suiq; contemptu, & abnegatione vitam degens. Vix exprimi potest, quantum Fratres lætabantur, quòd virum tantum,

& pro eo vitæ genere, quod profitebantur, totisq; viribus ad Dei gloriam, & proximorum salutem promovere studebant, Ordini restitutum viderent. Quare brevi Provincie Lombardie Præfecturâ ei demandarunt, ne quicquam illo recusante, quod, ut ille causabatur, tanquâ Episcopus, summoq; Pontifici immediatè subiectus, ad eam, aliamue quam cunq; in Ordine acceptandam adigi non posset, eiq; administrandæ minimè idoneus esset habendus. Patres namq; Apostolicum breve à se impetratum exposuere, quo Pontifex illum ab Episcopatu absolutum, Prælatorum Ordinis obedientiæ, per omnia, non minus, quam ante Episcopatum existeret, subiecisse, subiectumq; esse declarabat. Inijt itaq; non absq; ingenti dolore Provincialatum: quo in munere Parisios ex Italia ad Capitulum Generale veniens anno restitutæ salutis 1241. Quartus Ordinis Generalis Magister, ob cessionem *Sancti Raymundi* Peñiafortij anno præcedenti factam, non minùs invitùs, & reluctans creatus est. At non sine speciali Dei nutu, & aspiratione, qui etiam totum rei eventum cuidam ex Fratribus revelavit. Cum enim sub ipso Congregationis tempore preces ad Deum pro bono Ordinis fundens paululum obdormiisset: Conspexit Fr. Ioannem in curru igneo per claustrum deferri, quem magnus Fratrum comitatus sequeretur. Ex quo Generalem illum futurum esse intellexit; quod & alijs revelavit, & eventus deinde comprobavit, Patres namq; vniversi magno assensu in ejus electionem conspirarunt.

CAPVT QVINTVM.

Gesta sub eius supremo totius Ordinis Magistratu.

Sub eius regimine tota per vniversum Christianum orbem Prædicatorum familia, magna (quod animarum conversionem, & Fratrum multitudinem attinet) incrementa suscepit. Vndecim Generalia Capitula celebrauit, in quibus varia, eaq; Ordini vtilissima sancita sunt, quæ apud Plodium consuli possunt. Sub eo etiam Beatiss. Virgo Deipara, Ordinis nostri Parens, & Patrona, Fratribus nostris, apud Montem Pessulanum, dum antiphonam suauissimam, *Salve Regina* illi cantarent, reverentiâ exhibuit. maximè enim illa oblectatur devoto eius antiphonæ per nostros aliosq; concentu, ut pluribus opere verè aureo, cui titulum, *Materna viscera B. Virginis in Ordinem Prædicatorum*, præfixit eruditissimus & pientissimus vir Magister noster Fr. Hyacinthus Coquerius, nuper ostendit. Visa Deipara sub eodem Generali media nocte ad dormitorij caput duabus S.S. Virginibus comitata, auditaq; Fratres animare, dum matutinas ejus preces minores persolverent, *fortiter viri fortes*. Visus etiam Spiritus Sanctus visibiliter descendens super Fratres, in Capitulo Generali apud Montem Pessulanum, hymnum, *Veni creator spiritus*, devotiùs concinentes. Sub eodem Generali Innocentius Quartus S. Pontif. Fratres quosdam nostros legatos Apostolicos misit ad Regem Tartarorum, ut manum à damnis, quibus totum

Plod. 2
p. l. x.
à colū.
20. in
Ioanne
Tent.
Gener.
4.

Coquer.
Mater.
viscera

Thom.
Canti.
l. 2. de
Ap. c.
57. n.
44.

Ezech.
I.

ferè Orientem, & Aquilonem afflixerat, contineret. Tantum valuit apud Pontifices gratia, vt ferè, quæcumq; voluit, impetraverit. Quod vel ex eo videre licet, quod Cantipratanus hisce verbis enarrat. *Successor Honorij Dominus Papa Gregorius, Fr. Ioanni dicto de Argentina, quondam Bosinensi Episcopo, Magistro Predicatorum Ordinis facto cum magna deuotione dixit: me tibi Charissime, quasi pro incude Papam Orbis constituo, linguam autem tuam pono pro malleo, vt secundum omnia priuilegia, quæ Ordini tuo expediunt, vel etiam, quæ alijs Religiosis quibuscumq; vsq; in presens concessa sunt, scribi facias, & bullabo. Nec mora, Magister Ordinis, & qui cum eo erant, Fratres, omnibus registris Apostolicis inspectis, omnia priuilegia, quæ sibi commoda, & utilia pro confirmatione Ordinis essent, vel fore possent, consensu Fratrum Cardinalium, & Curia bullata, & subscriptionibus insignita, solemniter acceperunt. Illius tempore Spiritus vita, Spiritus Domini, verè erat in rotis. Cum feruor ad regiones infidelium proficiscendi, martyriumq; (si Deus concederet) subeundi corda Fratrum vehementius succenderet, Ioannes Capitulo Generali Parisijs coacto, occasionem presentaneam in Terram Sanctam pergendi cum Principibus, & Equitibus pro ejus recuperatione se accingentibus exposuit, vti qui ad eam profectionem à Deo incitarentur, nihil esse intelligerent, quod illorum desiderium retardaret. Vix dixerat, cum Fratres vniversi, nullo dempto, quasi ad rem longè exoptatissimam mittendi, in terram se prostravere, benedictionem pro abitu percepturi. Quod vbi Gallia Provincialis aspexit, metuens, ne omnes sui religiosi in Terram Sanctam concederent, dixit ad Ge-*

neralem.

neralē. Quæso, Pater, vel Fratres meos mihi relinquant, ne
tota Provincia orba remaneat; vel me saltē cū ipsis ire per-
mittas, non enim minus ego, quā ipsi, ire illuc exopto.
Dolebat, quod multi doctrina, & pietate præstantes, ad
Episcopatus, dignitatesq; Ecclesiasticas etiam Cardinali-
tiam ex Ordine assumerentur, (nam & Hugonem Carensem
virum maximum celeberrimumq; Cardinalem fecerat
Innocentius) dolebant etiam alij ex animo Religionem
amantes, quod ea ratione viri pietate, ac litteris præstan-
tiores sibi auferri putarent. Vnde querelæ illæ non absq;
lacrymis effusæ. Dum tales homines nobis tolluntur, pu-
pilli efficiuntur absq; parentibus. S. P. Dominicus non Epi-
scoporum, sed Prædicatorum Ordinem ab Apostolica se-
de impetrauit. Non illi Claves Apostolus Petrus dedit, sed
baculum, vt tam ipse, quā cæteri Fratres pedibus iter
agentes, regnum Dei per totum mundum prædicarent, &
evangelizarent. Non curamus, vt Fratres nostri Episcopi
sint, sed vt sancti. Nolumus esse Cardinales, sed Marty-
res, atq; Doctores. Coactus propterea fuit Ioannes Gene-
ralis adire Pontificem, rogans obnixē, vt Fratres permit-
teret in ea vitæ paupertate, & austeritate vivere, quam
erant professi: ita enim futurum, vt Christianorum salu-
ri magis prodesse, & infidelium, cum primis Ethnico-
rum conversionem facilius promoverent. Cæterum Pon-
tifex suæ sententiæ certus, illud reposuit. *Planè nosti d. P.
Christū dixisse, non accendunt lucernam, & ponunt eā sub
modio, sed super candelabrū, vt luceat omnib⁹, qui in do-
mo sunt: & alio loco reprehensum fuisse seruū illum ignauū, qui
acceptum à Domino suo talentum, absq; negotiatione, & lucro*

Mat. 5
Mat.
25.

absconditum

absconditum seruauit. Itaq; cum Deus multis ex Ordine tuo doctrina, & predicationis lumen, plurimarumq; aliarum virtutum talenta contulerit, equum est, ut illa ad Christi, & Ecclesie eius obsequium, & gloriam, in cunctis muneribus, siue ab ipso, siue ab eius Vicario demandatio, sedula exerceant, & impendant.

CAPVT SEXTVM.

Miracula eius, & mors.

Mira sunt alia plura, quae dixit, & fecit regiminis sui tempore; ea apud Scriptores alios legenda breuitatis causa dimittimus. Vnum narrabo, quod ad ejus meritum declarandum diuinitus factum Cantipratanus sic tradit. Venit ipse in Romania partes tunc Magister Ordinis, intrauit in hospitium pauperrimi Sacerdotis, decubuit super scamnum itinere fatigatus. & dum anxius cogitaret, unde pauperrimo hospiti aliquid obueniret, unde se, & Fratres reficeret fatigatos, venit auis, quam corniculam dicimus, & de supremo aere ejus pedibus aduolauit. Qua pedes magistri frequenter rostro contutens, iterum ad aerem reuolauit. Quo viso, Magister surgens, inconsueta magnitudinis, spissitudinis, & latitudinis numisma argenteum, quod cornicula ad pedem suum posuerat, mox inuenit, & aduocans Sacerdotem, munus cornicula iussit accipere, & necessaria Fratribus ministrare. Rexit ordinem annos undecim, ac dimidium (quibus undecim Capitula generalia celebravit) ingenti prudentia, & integritate, cunctis suavis, & amabilis: ac

Canti-
prat. l.
2. c. 57
m. 57.

multibusq;

deniq;

deniq;
nitatem
Domin
auditu
eius red
lo Gener
stro ann
to, legi
pus, ele
transfu

Regum

R

Hung
robur
teat qu
& sanc
Hung
Episto
Viri D
Fratru
quid

deniq; anno 1253. Quarta Novembris Argentinae ad aternitatem vocatus, magno spiritus fervore, ac pietate in Domino obdormiuit. Post mortem, coecis visum, surdis auditum, claudis gressum, sanitatem infirmis, vitam mortuis reddidisse, obsessos à daemonibus liberaſſe, in Capitulo Generali Argentinae sub Humberto Quinto Ordinis Magistro anno 1260. qui fuit ab ejus morte septimus, celebrato, legitimè comprobatum est: ob quæ Metensis Episcopus, electus Argentinensis, qui aderat, sacrum ejus corpus tranſtulit cum alijs Patribus in locum honorificentiore.

CAPVT SEPTIMVM.

Regum Hungariae Bela Quarti, & Mariae ejus conjugis, pro B. Ioanne littera.



In translationi peragenda littera Bela Quarti Regis Hungariae, & Mariae Reginae, ejus conjugis in viri Sanctissimi comendationem, & multorum miraculorum ejus meritis, & virtute in Hungaria factorum testimonium, ad Capitulum scriptae, robur addiderunt. Vtrarumq; exemplar dabimus, vt pateat quanti Reges tanti illum fecerint, ob ejus virtutem, & sanctitatem, quantaq; beneficia in eosdem Reges, aliosq; Hungaros etiam post mortem miraculosè contulerit. Epistolae Regis Exemplar. *Bela, Dei gratia, Rex Hungaria, Viris Deo amabilibus, Patribus Reuerendis, Magistro Ordinis Fratrum Predicatorum, & Definitoribus Capituli Generalis apud Argentinam, salutem, & sincera dilectionis affectum.*

Quam

Quam praelara fuerit virtus, ac virtuosa fuerit vita Sancta recordationis Ioannis Bosinorum Episcopi, tunc apud nos degentis, deinde Magistri Ordinis vestri, adhuc dum in memoriā à nobis, & ab omnibus Regni habitatoribus reuocatur, dulcor est in aure, & in corde deuotionis ardor, & contritionis, quorū animaduertitur, quod Pater Pius super afflictos pia gestans viscera, hoc solum suum autumabat, quod de suo Episcopatus peculiolo Christi pauperibus potuit erogare. Et ne verbosa fiat circa vos longa Oratio, breuiter studium ipsius erat miserabilibus misereri, & infirmantibus infirmari. Prædicationis quoque verbum, quod melliflūo dabat in auditores eloquio, Spiritus Sancti illustrabatur dono, & tam gratiosum eum reddiderat Deus apud omnes, ut verè sibi competeret laus Martyris, de quo scribitur, quem perfuderat Deus gratia, ab omnibus amabatur. & ne lumen lateret in tenebris, sed merita ipsius per miraculorum ostensionem populo patefacta suffragium afferrent petentibus, & corde credentibus mansueto, vobis, alijsque notum sit, quia mortuum suscitauit, claudis gressum, & visum restituit non videntibus. Nobis quoque, qui in ipsius sancta conversatione, orationibus pro nobis pollicitis spem habentes, medelam sperabamus, languoribus hominis vtriusque in quodam graui morbo, quo frequenter multi affici soliti sunt, quandoque morbo ipso attentati, signo crucis doloribus obiecto suffragia ejusdem implorauimus, ad que vehementia doloris, & miseria conditionis compulsi imploranda, illicoque sensibilibus gratiam sentientes inuocati, dolor cessit quieti, & morbus sanitati. Inuigilate ergo Patres Charissimi, quod vita, & miracula ejusdem prodire possint in publicum, & Sancta Mater Ecclesia tanta Filij glorie incrementa recipiat spiritualia, & populus Christianus, patrocinium

per ejusdem, deuotionem augeat, & salutem. Datum apud nostram Curiam, in Dominica, qua cantatur Latare. extant hæ litteræ ijsdem latinis verbis apud Castillum, ego, Optime Lector, non solum, quod in seipso factum Pientissimus Rex ad signi Crucis impressionem, & Viri sancti invocatione, sed cœtera etiam, quæ de mortuo suscitato, claudis, & cœcis sanatis miracula refert, in Hungaria facta indubiè credo: propterea enim de ijs tanquam sibi notioribus, & certioribus testimonium Patribus ferendū existimauit.

Cent.
p. 1. l.
2. f. 20.

Reginæ verò litteræ hujuscemodi erant. Reuerendis in Christo Fratribus Generali Ordinis Predicatorum, & Definitoribus Capituli Generalis, Maria, Dei gratia, Hungariæ Regina, Syriæ Ducissa, & Christi Famula, amoris vinculum, & deuotam reuerentiam. Etsi plurima miracula, atq; prodigia, quæ per F. M. Fratris Ioannis Episcopi Bosniensis, Generalis Ordinis vestri merita ab hominibus vulgo facta commemorantur, ego sigillatim describere non valeo: vnum, tamen quod ejusdem meritis in me factum est, nolo cum reliquis silentio præterire. Sciatis igitur, quòd, cum perfidorum subditorum suasionem inter dilectissimum mihi Belam Regem Hungariæ, Dominumq; meum ex una parte, & Charissimum Filium nostram Regem Stephanum ex alia, magna esset coorta discordia, ita ut ad manus conferendas dispositi ex utraq; parte exercitus jam essent è regione constituti: ego, ut potè Mater, utrinq; afflicta, & maximo metu perculsa, dicti Fratris Ioannis opem imploraui. Qui eadem ipsa nocte cum alio bonæ memoriæ Fratре Gerardo Priore ejusdem Ordinis mihi apparuit: cumq; intanta angustia, ut mihi prænominatum Filium meum redderent, vebementer orarem, ipse Fr. Ioannes, impresso super me signo Crucis, di-

xit, *En tibi Filium tuum, ut optas restituimus. Itaq; tunc è somno excitata, quantum mea fragilitas tulit, Iesu Christo Domino nostro, & gloriosa Virgini, ut par erat, gratias egi. Die vero illucescente peruenit ad me cursor cum litteris Regis Hungariae Domini mei, quibus significabat, Regem Stephanum, Filium meum se omnino Patri dedidisse, paratum efficere quicquid illi collibisset. Placuit ergo meis hisce litteris, huius viri sanctissimi merita vestra deuotioni significare: vicissim Vestram sanctitatem rogans, ut aliorum miraculorum, quæ scitis illum patrasse, me etiam certiore reddatis.*

Cust. p.
1. li. 2.
c. 21.
Canti.
lib. 2.
c. 57.
§ 59.
Georg.
Colvè.

V. Can-
tip. lo-
co cit.
n. 44.

Canti-
locis ci.
& n. 58

Extant hæ litteræ Reginae, hispanica, italicaq; lingua apud Castillum, earumq; meminit Cantipratanus. extat etiam (teste Georgio Colvenerio in notis) vti iusq; epistolæ exemplar in vitis Fratrum Prædicatorum, in ijs, quæ addita sunt post libri compilationem, circa finem, editus est liber Duaci anno 1619. Apparet etiam ex vtriusq; litteris, Hungariæ Reges, Belam, & Mariam, tanquam suum agnovisse Ioannem, qui apud ipsos, in ipsorumq; Regno, & Provincialis, & dein Episcopus vixisset. Vocatur interdum ab antiquis scriptoribus *Ioannes ab Argentina*, quòd eam Urbem morte, ac sepultura sua maximè cohonestarit.

De hoc Beato viro plura videri possunt in *Thoma Cantipratano*, qui præter alia sic loquitur. *Hunc Ioannem ante Episcopatum à iuuentute cognoui, nec unquam advertere potui minùs eum deuotum, minùsg; sollicitum de propria, vel salute aliena, quàm postea cùm Episcopus, vel Magister Ordinis extitisset.*

Scripserunt de illo vniversi rerum nostrarum au-

thores

thores Humbertus, Thomas Cantipratanus, Theodoricus, Chronicon post Constit. Ordinis, Leander Alb. Plodius, Castillus, Maluenda locis præcitatis, alijq;

De Fratre Gerardo, Fr. Marcello, alijsq; duobus Fratribus Cumano, & Hungaro innominatis. floruerunt ab anno Christi 1250.

CAPVT OCTAVVM.

Frater Gerardus Hungarus.

Frater Gerardus Confessarius Mariæ, Regina Hungariæ, Belæ Quarti Conjugis, Theodori Lascari, Græcorum Imperatoris Filiæ, & Stephani Quinti Regis Hungariæ parentis, is fuit, cui cum se etiam eadem Regina in maximis angustijs commendasset, simul cum B. Ioanne Teutonico ei apparuit, futuram inter Belam & Stephanum concordiam, pacemq; prænuncians. Id sanè manifestum ex litteris ejusdem Reginae superiore capite exaratis, in quibus Prior fuisse narratur: uti etiam ex ijs, quæ scripta reliquit Cantipratanus sincerus eorum temporum auctor, qui expressè Regina à sacris Confessionibus fuisse memorat, velut Leander Albert. atq; Castillus. Cantipratanus enim, ubi litterarum à Regina ad Capitulum generale missarum meminisset, ait: *Filius suus* (Reginae Hungariæ) *Primogenitus, congregato exercitu maximo, dimicare voluit contra parentem, pro quo Regina, mater*

Alb.
in Ioā.
Tento.
lib. 1.
Castill.
lo. c.
c. 21.

nimirum, grauissimè contristata, tota nocte precedenti, cuius sequenti die futura putabatur congressio, in oratione se, & lacrymis dedit, tam pro Filio, quàm pro viro Rege sollicita. Fiducialius autem oratione directa ad Mag. Ioannem, quem multum in vita dilexerat, & Fratrem quendam ejusdem Ordinis, quem, jam defunctum, confessorem habuerat (hunc Regina Fr. Gerardum Priorem nominauit) ambo eidem Regina serui vigilianti apparuerunt. Cui Magister Ioannes sereno vultu prædixit, inquiens: Quoniam in nostris orationibus, mediante clementia Dei, fiduciam habuisti, ecce prædico tibi, quoniam hodie, antequam comedas, nuncius dicet tibi, quòd pacificati erunt Pater, & Filius, in bonum omnibus ordinatis.

CAPVT NONVM.

Fr. Marcellus Hungarus.

Pater Marcellus, Hungariæ Provincialis, Sanctissimæ Margaritæ Virginis, Filiæ Belæ Quarti Pater spiritualis, atq; director, vir magna virtute, zelo, ac perfectione, vt ex gestis ejusdem S. Virginis patet, & ex ejusdem Virginis sanctitate rarissima prouenit, est judicare. Hic, dum sæpè cogitaret, quam via, atq; ratione, Prisci illi Patres ad tantam vitæ spiritualis, & sanctitatis perfectionem attigissent, Deiq; fores, vt id sibi manifestare dignaretur, pijs precibus assidue pulsare non desisteret, nocte quadam diuinitus excitatus, vidit codicem aureis litteris descriptum, audiitq; vocem, surge Frater, & lege: lectoq; prosiliens, paucula hæc, sed divina plane ver-

ba le-

ba legit. *Hac fuit Sanctorum Patrum perfectio, Deum amare, seipsum contemnere, nullum despicere, aut judicare.* Quæ, cum pro spiritali consolatione S. V. Margaritæ quodam tempore denarrasset, ea tanquam regulam, ad quam, quæcunq; faceret, diceret, cogitaret, collimandum esset, sibi præscripsit. Fuit vir iste pro Sanctissima illa Virgine quoad vixit, semper sollicitus, astititq; morienti. Quod si PP. Ecclesiæ, Sanctissimi Patriarchæ Iosephi sanctitatem vel inde maximè colligunt, quod Deus constituerit illum *sue Matris solatium, sue carnis nutritium, & magni Consilij coadjutorem fidelissimum* : istius etiam viri sanctitatem quiuis facile inde concipiet, quod illum Christus suæ Sponsæ Margaritæ, quæ ab ipsis penè incunabulis fuit Sanctissima, ductorem vitæ spiritalis, perfectionisq; Magistrum designauerit.

Bern.
super
missus
est homo
2. ad
finem.

CAPVT DECIMVM.

Frater N. Cumanus.

Huius meminit Thomas Cantipratanus, virum illum bonum, optimum, prædestinatum, & sanctum appellans. Is ex nobilissima Ducum familia progenitus, cum adhuc septennis, gentilitate detineretur, à Dæmone ad ripam cuiusdam fluminis mactatus, miraculosè vitæ restitutus est. Adolescentulus verò baptizatus, in Hungaria inter Fratres Ordinis in saculari habitu degens studijs operam dedit : cumq; quasi Religiosus Priori obedire iussus, veterem tunicam absq; licen-

l. 2. c.
57. n.
11. &
12.

tia

tia lotrici donasset, gravi infirmitate pressus, visum est sibi, animam è corpore solutam præpediri, ne caelesti gloria frueretur: iterumq; in corpus detrusam, vt Deo pro inobedientia, alijsq; culpis faceret satis. Ipse deinde post litterarum studia, habitu Sacri Ordinis suscepto, genti suæ fidem annunciauit, multosq; ad Christum conuersos vitali sacri baptismatis vnda regenerauit. Sed operæ precium erit eundem Cantipratensem audire. Narrauit mihi, inquit, quod subjungo, vir bonus, & Sanctus. Sacerdosq; & Fr. Ordinis Prædicatorum nobilissimâ Ducum prosapia oriundus de gentibus Cumanorum. Hic ad fidem Christi conuersus fuit illo tempore, quo gens ipsa Cumana percussa, & fugata est à populo Tartarorum. Id fortè factum, quando Cumani cum Cutene Rege suo in Hungariam venerunt, vt parte superiore dicebamus; tunc enim à Fratribus nostris instructi, multi cum Rege baptizati sunt. Sequitur Cantipratanus. Hic puer, adhuc gentilis, vt referebat mihi, annorum serè septem, cum sororibus suis, & puellis alijs in ripa fluminis iocabatur, & subito inter ludendum, de aqua egressus quasi vir terribissimus, & pilosus, ludentes inuast, dicens: Quid me hic inquietatis o pueri? Cunctis ergo fugientibus, dictum puerum in fuga cæteris tardiozem, in dorso clauâ percussit, & mōx occidit, & regressus in aquam saltauit. Sorores autem mortuum puerum rapientes, ad tabernaculum retulerunt. Nondum enim Cumani domibus utebantur. Aggregatis ergo parentibus, fit planctus pro puero: sed ante mediam noctem cum multa sororum suarū letitia mortuo restituta est vita. Credo fidentiùs, sicut postea patuit, quod tunc in puero salutis opus, diuinæ Prædestinationis benignitas caussabatur. Subjungit. Aliud mihi idē

optimus Frater de se narravit, quod ad edificationem legentium breuiter enarrabo. Ipse adolescentulus baptizatus, & a Priore Ordinis Prædicatorum in Hungaria receptus ad Ordinem in habitu seculari, in Scholam datus est. Præceptum autem est illi, ut nihil, sicut Frater, sine licentia ageret. Prælatorum. Hoc quidem etsi in pluribus obseruauit, contigit tamen, ut lotrici sue tunicam veterem sine licentia daret. Post hoc autem cepit graniter infirmari, & acuta febre laborans, sine confessione, sine viatico, ut ei videbatur, ad extrema perductus est. Nec mora, ubi dæmones eum rapere voluerunt, affuit Angelus cum miro nitore pennarum, dicens: Fili, ne timeas, Michael Archangelus ego sum, te contra dæmones defensabo. Secedentibus ergo cæteris, unus dæmonum cauillatior alijs, tridente animam rapere conabatur, quem Michael graui animaduersione corripiens effugauit. Nec mora, Michael animam ad Paradysi januam introducere voluit. Sed vir grandæuus, & magnæ authoritatis resistere visus est, dicens: Animam, Michael, reducas ad corpus, ut cum alijs peccatis præcipuè inobedientiam corrigat. Statim igitur anima reducta ad corpus, adolescens se cretico sudore persusum inuenit, & oculos aperiens, Priorem ante se sedentem inuenit, cui mox confessus, quid vidisset exposuit. Hunc post studia litterarum opportunè Fratrem indutum, & in Sacerdotem promotum vidimus, qui sua postea genti fidem exponens, Cumanorum populum non modicum baptizauit.

CAPVT VNDECIMVM.

Frater N. Hungarus.

De

Flami.
in vita
S. P.
Domi.
Malu.
a. 1221.
e. 57.
et 58.



DE Fratre quodam innominato, Hungaricæ nationis juvene sanctissimo meminerunt Ioannes Antonius Flaminus, & Maluenda post ipsum his verbis. *Nobilis in Pannonia puer objerat, cujus obitum cum parentes impatientissimè ferrent, ad Beatos Martyres Cosmam, & Damianum, quos precipuè colebant, confugere, sperantes fore, ut eorum ope ad vitam reuocari posset. Sancti Martyres pro suis supplicibus Deum rogarunt, ut in corpus suum pueri anima reuenteretur, quæ in cælum relata fœlicibus erat immixta spiritibus. (Hac autem, quæ narramus, unde sciri potuerint, ne quisquam miretur, postea narravit, qui ad vitam reuocatus est puer.) Deus autem huiusce rei arbitrium B. Dominico permisit, ut fieret, quod ille censuisset. Is censuit exaudiendas esse parentum preces. Continuo igitur per Sanctos Angelos anima pueri ad suum corpus reducta est, & vixit. At ille gustata jam fœlicitatis, & B. Dominici memor, quem inenarrabili apud Deum gratia, & gloria pollentem viderat, terrenis renuncians rebus, statuit, dum viueret, Deo in Prædicatorum Ordine famulari, in quo quidem sanctissimè vixit. Rem vero, quam retulimus, diu quidem ipse retinuit, nec, ut credo, ille aperuisset, nisi Charitas illum ad eam manifestandam impulsisset. Erat hic in Parisiensi Monasterio, ubi novitius quidam magnis agebatur stimulis, ut ad priorem vitam rediret. Hoc ubi reuocatus ad vitam rescivit, satis intelligens, quanto in discrimine salutis sui commilitonis versaretur, convenit illum secretò, & ait: Si donum Dei nosses, Frater, non solum fugam ex hac monastica vita non quærerēs, sed multò etiam austeriorem optares. Dicam autem, quod nemini antea pandere volui.*

Eram

Eram puer, quando me parentibus meis immatura mors rapuit, & in cælum relatus sum. Quem obitum cum illi nimis impati-
enter ferrent, non desisterunt, priusquam à Deo impetrarunt, ut vita restituerer, interpretibus, ac precatoribus apud Deum
Sanctis Martyribus Cosma, & Damiano. Qui cum Deum cum
suis precarentur supplicibus, permisit B. Dominico vita mea
arbitrium, ut fieret, quod ille censuisset. At illi placuit, ut pa-
rentum meorum preces exaudirentur: quod factum quidem est,
ut continuò in meum corpus anima mea rediret. Vidi ego tunc
in illa Beatissima Patria multa quidem, qua humana imbecilli-
tas, nec animo complecti, nec verbis effari possit. Inter quæ B.
Dominicum sublimi admodum loco positum inenarrabili vigen-
tem gloria, & splendore fulgentem, & Prædicatorum Ordinem
omnium transgressum Ordinum amplitudinem, & excellentiam
vidi: quod te maximè mouere debet, ut in eo permaneas, & in
Sancto proposito perstes, nec inde fugias, ubi certa tibi salus, si
perseueres, tanquam in tutissimo portu proposita est. Mouere
hac Nouitium vehementer, & labantem animum confirmarunt.
Narrabat idem alia quedam, sed inuitus, ac penè coactus, cum
mos illi esset rarò admodum loqui. Inter quæ dicebat, Cæli Re-
ginam corporis esse gloria donatam, & Angelum, clarissimam,
& excellentem quandam esse lucem, quam magis capere intelle-
ctus, quàm lingua eloqui possit. Hactenus Flaminius, & Ma-
luenda. Ita etiam in antiquo codice Theodorici de gestis
S. Dominici M. S. ubi etiam in laudem ejusdem Religio-
si Hungari dicitur: Erat verò Frater ille qui reuixerat, val-
dè deuotus, & maturus, & ad superna, quæ gustauerat, totis
semper viribus intentus, atq; suspensus. & licet rarò loquens,
exactius quedam de Angelis, & de Regina Cæli Virgine enarra-

Theod.
l. 8. c.
13.

Nicol.
Iansse.
in vita
S. P.
Domi.
lib. 3.
ad fin.

bat. Quod hic de excellentia Ordinis Prædicatorum dicitur, ne mirum tibi videatur, Optime Lector: simile enim quid refertur etiam à Nicolao Ianssenio, nostri Ordinis Theologo lib. 3. vitæ S. P. Dominici his verbis. *Friderico Tertio Imperatore Occidentis, objerat omnium opinione quidam Premonstratensium Canonicus. Hic, cum ad tumultum efferretur, reuixit: ac deinde in tugurio quodam, haud procul à monasterio, reliquum vite rigidissima sui castigatione exigebat. Illum Venerabilis quidam Frater Ordinis Minorum, Guardianus Friburgi in Brisgoja, illac transiens inuissit (quippe seriem rei gestæ ab Antistite cœnobij cognouerat:) post varia vltro citroq; colloquia de rebus diuinis, certior ab eo factus est quorundam secretorum, quæ spectabant ad Ordinem S. Francisci. Vnde facile existimauit Guardianus, illum prædicta ex cœlesti reuelatione didicisse. Quarenti verò studiosius de Prædicatorum Ordine, responsum ab eo est: Isti regulam B. Augustini, quæ vitam Apostolicam, & statum primitiue præferebat Ecclesiæ, quæ collapsa fuerat, per suam Religiosam, & plenam obseruantiam erexerunt. Sciatis quoq; quod inter omnes Electorum status, Prædicatorum Ordo ante Deum præminet, & refulget, nulliusq; status persona tam generaliter salua sunt, & fiunt. & non damnabitur quisquam in illo Ordine, & sancta vita vsq; ad finem perseuerans. De his, alijsq; instructus Guardianus, rediens Friburgum, Fr. Arnolfo in eadem Ciuitate Priori Ordinis Prædicatorum, viro probatissimo hac ipsa narrauit*

Obseruet tamen prudens Lector in grandi isto miraculo, quod asseritur, animam illius pueri, jam in cœlum relatum, & foelicibus spiritibus immixtam, rursus in corpus reuocatam vera resurrectione, cautè & ritè intelli-

gendum,

gendum
qui docet
entes non
interdum
accipiente
ta fuerin
rursus im
tionem.
etiã in in
inde erep
ad tempu
vitam alie
cedeundi.

De Bea

8

Pr

B

omnibus
scopus B
mensis a

gendum, ne cum placitis Theologorū pugnare videatur, qui docent, Beatos jam in cœlo æterna beatitudine fru- entes non posse reuocari ad vitam. Nam, quas legimus interdum animas è Cœlo in corpora restituras, haud est accipiendum, quòd illæ jam absoluta beatitudine dona- tæ fuerint, sed, quòd Deus prævidens earum in corpora rursus immissionem, distulerit earum plenam beatifica- tionem. Sicut enim interdum animas in Purgatorio, aut etiã in inferno non simpliciter, sed ad tempus constitutas, inde ereptas in hanc vitã legimus: sic & animas quasdam ad tempus in cœlo beatas, finito eo tempore ad hanc ipsã vitam aliquando revocatas, cū securitate tamen in cœlum redeundi, visioneq; beatifica fruendi, non ignoramus.

*V. Va-
len. 10.
4. d. 11
p. 2. ad
finem.*

*De Beato Augustino Hungaro, Episcopo Za-
grabienſe, & demum Lucerino. obiit
anno Christi 1332.*

CAPVT DVODECIMVM.

Professio in Ord. Præd. studia, Episcopatus.

BEATUS Fr. Augustinus, doctrina, religione, pie- rate, humilitate, patientia, austeritate, pruden- tia, cœterisq; virtutibus omnibus adeò excel- luit, vt inter præstantiores sui sæculi viros ab omnibus meritò numeretur; & D. Ioannes Tomko, Epi- scopus Bossinensis, in ejus vita, quã nuper ex varijs monu- mentis à se conscriptam mihi legendã placuit exhibere, il-

*D. T. G.
ko in
vit. B.
Aug.
M. S.*

Plod. p.
l. l. l.
column.
241.

lum post Apostolos clarissimum, sanctissimumq; virum
appellet. Adolescentulus, Plodio teste, in Italiam profe-
ctus est, inde Parisios, quò cùm studiorum causa à Capi-
tulo Generali Parisiensi anno 1286. habito, cum Fr. Iaco-
bo Vrsino, Cardinalis Matthæi Vrsini nepote missus per-
geret, ad vallem Ticini Fluminis à sicarijs quibusdam, qui
ei ob oculos socium repente peremerunt, grauer capite
vulneratus est, atq; in nivibus seminecis dimissus. Caus-
sam fuisse ajunt, odium à Comitibus Casatensibus in Vr-
sinos omnes conceptum, quòd ex his quispiam, Thomam
Casatis Comitem, & Mediolani Cardinalem veneno su-
stulisset. Augustini, Paganus à Petra Sancta, Eques Gau-
dens, magnus Ordinis nostri amicus, & fautor, in Castrum
suum Rebecense sublati, sic curam per suos agendam cu-
ravit, vt intra paucos dies salutem recuperaret. Quæ ra-
tio temporis à Plodio ex multis grauib; auctoribus assi-
gnata, si vera est, non video, quomodo B. Augustinus po-
tuerit esse S. Thomæ Aquinatis Ange. D. auditor, vt non se-
mel asserunt Viri eximij, siue juxta rei veritatem, cū S. Do-
ctor mortalitatē jam exuisset anno Christi 1274. nimirū
ante annos duodecim, quā esset annus 1286. quando stu-
diorū causa Augustinus Parisios proficiscebatur: neq; ju-
xta eorundē chronologiā, qui dicāt septuagenariū obiisse
Augustinum, & quidem anno 1332. qui est à S. Doctoris
morte 57. jam enī opus esset, Augustinū terdenne Doctori
Angelico operam dedisse, quod haudquaquā credibile est,
cum fortasse ea ætate nec ordinē fuerit ingressus. Parisijs
August. toto pectore studijs incumbens, ingenij præstan-
tia, & laboris assiduitate maximam sibi in Philosophicis,

Theolo-

Theologicis
ationibus ac
aliquot non
tus Vadei
cumprimis
spectas plu
Ecclesiæ in
1303. vtun
ficata.

CA

Mir

R

fisset, man
olculanda
tinuo fuisset
fex assidere
ex sacre Re
ejus precib;
sem compl
nistravit, c
torum seru
pora nostr
dignis acc
Hungariæ

Theologicisq; rebus eruditionem acquisivit. Inde cum lectionibus ad discipulos, concionibusq; ad populos annos aliquot non sine ingenti profectu desudasset, cum Benedictus Undecimus ex Ord. Præd. qui virtutes ejus, regularem cum primis observantiam, & sanctitatem optimè sibi perspectas plurimi faciebat, Romæ existentem Zagrabiensi Ecclesiæ in Croatia Episcopum præfecit anno 1302. vel 1303. utrumq; enim annum attigit Benedictus suo Pontificatu.

CAPVT DECIMVM TERTIVM.

Miracula ejus coram S. Pont. gesta, & alia.

Refert D. Tomko, duo valdè miranda Deum eo tempore per B. Augustini merita fecisse. Alterum, cum is ad pedum oscula beatorum accessisset, manumq; Pontifex, qua chiragra laborabat, illi exosculandam præbuisset, eam post Augustini osculum continuò fuisse sanatam: alterum, cum mensæ secum Pontifex assidere jussisset, perdices duas illi oblatas, qui carnes ex sacre Religionis suæ instituto non comederet, tacitis ejus precibus, in pisces esse conuersas. Ecclesiâ Zagrabiensem complures annos sanctissimè vigilantissimèq; administravit, cui etiam ritum diuini officij Fratrum Prædicatorum seruandum præscripsit, quem illa ad hæc usq; tempora nostra seruauit, ut à pluribus ex ea Ecclesia viris fide dignis accepi hoc anno 1636. Multum etiam pro totius Hungariæ Regni bono, & tranquillitate laboravit: ejus

cum

Ioan.
Tamko
Episc.
Jo. S.

cum primis operâ Fr. Gentilis, ex Ord. minorum S. R. E. Cardinalis, & S. sed. Apost. de Latere Legatus, ad ardua Regni ejusdem negotia componenda, Carolumq; Bertum in regem stabiliendum usus est. Post septendecim autem annos, factiosorum hominum æmulationis declinandæ gratia, ad Lucerinam Ecclesiam in Appuliæ Regno Italia administrandam per Ioannem 22. sum. Pontificem translatus, cum prudentiæ, eruditionis, misericordiæ, sanctitatis, & omnium virtutum splendore tredecim circiter annos illi præsedisset, denique anno Christi 1332. tertia Augusti, sub ipsum tempus transitus B. P. Dominici, laborum præmia percepturus, ac tanti Patris Sodalitatis perpetuò futurus, migravit in cælum. Obijt circiter septuagenarius. Vultu fuit jucundo, & hilari, barba promissa, & cana, genis aliquantulum crispantibus, sed subrubentibus, oculisq; viuacibus. Fuisse procera, ac ferè gigantæa statura, vestium illius pontificalium, stolæ, & albæ (quæ adhuc extant) modum excedens longitudo satis indicat.

CAPVT DECIMVMQVARTVM.

Multa & insignia eius miracula post mortem.



Vanti verò meriti apud Deum fuerit, insignia raraq; miracula post ejus mortem facta restantur. Nam priusquam S. Episcopus moreretur, mulier quædam à tribus dæmonijs miserè vexata, ad varia loca à viro suo perducta, liberari non potuit, id solum dæmonibus vociferantibus, fore, vt de ipsis Augusti-

nus victoriam referret. Igitur non ita post multos dies defuncto Augustino, cum vir obsessam vxorem ad ejus sepulcrum deduceret, in ipsa via duo ex dæmonibus ab illa egressi sunt: vbi verò ad locum sepulchri pervenissent, ibiq; mulier aliquamdiù prostrata jacuisset, tertius etiam dæmon ab ea recessit: adeoq; per omnia libera & incolumis S. Episcopi meritis effecta, Deo, qui in sanctis suis mirabilis est, grates debitas persolvit. Ipsa die, qua sancti viri corpus sepulcro demandandum erat, innumerabili hominum multitudine concurrente, Paschalis quidam ex nimia confertæ multitudinis compressione, in locum apertæ, & præparatæ jam foueæ supinus, & reclinato capite sic concidit, vt gladio ex vagina proficiente, & capulo tenus terræ infixò, cuspis rectà pectus illius petens, indubiè eum esset transuerberaturus: cum S. Augustinus deuotius à Paschali inuocatus, ope sua effecit, vt ferrum nocendi virtutis oblitum, retrocederet, & ad pectoris contactum, cuspidem ad capulum instar mollis ceræ, aut ductilis virgæ absquè vlla læsione remitteret. Hujus rei famâ per urbem vulgatâ, Cives ad Sancti tumulum in suis necessitatibus fidentiùs confluxere. Quare sub ipsum tempus, 20. sc. Augusti die, tria sequentia miracula patrata sunt. Mulieri cuidam, quam rabidus canis momorderat, foemur adeo intumuerat, & excreuerat, vt inde facilè se extinguendam putaret: sed fiducia plena ad B. Viri sepulcrum accedens, cum ibi aliquamdiù conquieuisset, pristinam sanitatem recuperavit. Quidam continuis febris rigoribus laborans, super idem sepulcrum orans mirabiliter sanatus est. Mulier alia, præ gutturis tumore, necessa-

ria vitæ alimenta cū ne deglutire quidem posset, B. Viri sepulcrum adire decreuit; vix adiit, quando tumore, morboq; omni penitus euanescente, fuit repenti curata. Propter hæc, & alia, quæ in dies fiebant, B. Augustini fama ad alia etiam loca, vrbesq; vagante, frequentissimi pro beneficijs, & gratijs ad ejus sepulcri locum homines vndiq; conveniebant. Ex ijs Bartholomæus Apiciensis, Filium, cui ob graves defluxiones, crurum, ac tiliarum nervi prorsus inaruerant, ad B. sepulcrū delatum, super ipsum collocauit: is verò brevi temporis spatio, quo deuotius preces effuderunt, adeò solidè convaluit, vt deinceps quo vellet cumque, liberè commearer. Simon Barletanns ex pluribus annis cæcus, ad locum eundem à Filio ductus, vbi Beati Augustini reliquias oculis applicitas attigisset, visum recepit. Auribella Fogiensis, malè vexata à dæmonio, quod ne momentum quidem eam quiescere permittebat, à consanguineis ad tumulum perducta, subito liberata est. Romualdæ è S. Severino Filius, morbo comitiali diu laborans, ibidem salutis beneficiū est adeptus. Quàm pulchrè quadrabat in B. Augustinum, quod in laudem Sanctorum Confessorum occinere solet Ecclesia:

Ad Sacrum cuius tumulum frequenter

Membra languentum modò sanitati,

Quolibet morbo fuerint grauata,

Restituuntur.

Nec ad sepulcrum solum, sed etiam ad sepulcri devotionem miracula patrata. Civis enim quidam Luccrinus, Ioannes nomine, Filium à natiuitate cæcū susceperat: hunc jam grandioris ætatis decreuit ad B. V. sepul-

crum deducere, certò sperans videndi facultatem consecuturum. Vix progredi cœperant, cùm B. Augustinus sua ope præueniens, cœcum illuminauit, vt is se solo viam carpens, & ducem non requirens, ad sepulcrum gratias pro accepto beneficio redditurus properaret. His alijsq; plurimis planè stupendis miraculis Carolus Illustris Dux Calabriae permotus, ad Ioannem 22. præmemoratum S. Pontificem literas dedit, vt eorum, quæ in dies per Sanctum suum Deus operabatur, diligenti facta disquisitione, deniq; in Sanctorum album posset adscribi, cui petitioni per suum breue Ioannes assensit. Aliud deinde ad maiorem ejus gloriam à sede Apostolica indultum emanauit pro solemnī celebratione officij ipsius natalis, quod nos integra fide acceptum inferius describemus; in eoq; cum prænarratis miraculis alia multò plura intueri licebit.

CAPVT DECIMVMQVINTVM.

Miracula auo nostro patrata.

Ed nec nostro etiam seculo per Beatum virum mirabilia Deus operari desistit. Nam ad annū 1604. tantam terræ siccitatem Deus immiserat, vt Sancti Vatis Eliæ tempora, in quibus clausum est cœlum, ne pluuiam daret, redijisse viderentur; arescentibusq; cunctis, Lucerīenses, non tantum creditoribus satisfacere se posse desperabant, sed in summa etiam penuria, quam messis minabatur, vitā ducturos formidabant. Itaq; ad diuinam misericordiam, opemq; impetrandam,

varijs precibus, ac supplicationibus habitis, multas pias imagines detulerunt. Sed cum Deus nihilo placatior factus videretur, caput B. Episcopi noua publica supplicatione per urbem deportandum decreuerunt. Clero igitur, & viris religiosis, cœterisq; ciuibus ad B. Dominici ædem die prima Maij congregatis, cœlo vndequaq; nubibus repurgato, atq; sereno, æstu, ac si sol esset in leone, saeuiente, vbi statuat, in qua sacrum caput extat, efferre, ac prodire cœperunt, in ipso templi S. Dominici limine aerturbari, obduci nubibus cœlum; cumq; vix sexaginta passus, ad maiorem Ecclesiam progressi essent, nubes stillare; & cum inde ad portam ciuitatis appropinquarent, tantos imbres effundere, vt cœlos rueri putares, & in Ecclesia Pietatis, quæ erat itineris meta, statuat per duos dies, ac noctes dimittere cogerentur; Fratribus, vt poterant, ad monasterium se recipientibus, B. Augustinum, Sanctum acclamantibus vniuersis. Anno 1611. mulieres duæ gallicæ, peregrinantium habitu, Ecclesiam S. Dominici Lucerensis, quo tempore completorium persoluebatur, ingressæ, vbi genibus flexis ante diuinissimum Eucharistiæ Sacramentum primùm, deinde ad aram Beatissimæ Virginis de Rosario pias preces fudissent, ad tumultum in quo Beati Episcopi ossa seruantur, accesserunt: ibi junior, quæ hactenus nullum commotionis signum ediderat, adeo corpore toto intorqueri, membris omnibus dissipari cœpit, vt Religiosi sacras preces decantantes, eam ab imundis spiritibus vexari faciliè deprehenderent. Accurrit statim Pater ad id muneris designatus, & adhibitis exorcismis, ab octo dæmonibus obsessam intelligit: cumq; per

Dei

Dei virtutem, & B. Episcopi merita eos ad recessum vrgeret, se discessuros dixerunt, quòd praesentiam ossium illorum diutius ferre non possent. Quod & facere compulsi sunt. Quatuor enim primò in numum quendam aereum signo edito recesserunt: alius deinde facto signo in contortum capillum, quem obsessa vomuerat, eam reliquit: sextus, instar cuiusdam virgulæ fumi, ex ore, ceu ex fornace cum impetu exhalantis, & rectà ad foramina vitreae fenestreae, quæ est in sacello, pergentis, exiuit, tota ferè vrbe, quæ confluxerat, aspectante. Deniq; , duobus alijs, cum eam ad terram impulissent, egressis, liberata est. Anno 1615. Antonius Platus, rusticus Lucerensis, & alij quidam ejus socij, energumenum ad tumulum B. Augustini pro liberatione perductum asseruabant. Dum ergo P. exorcista dæmonibus adjuratis, obsessum, ne nimium torqueretur, aliquandiù eisdem hominibus custodiendum dimisisset, dæmon per os obsessi frigidam pro sedanda siti instantèr efflagitavit. Antonius, & alius ex socijs monasterium ingressi, aquam hauserunt ex puteo, haustamq; totam ebiberunt: cùmq; solus Antonius, socio ad custodiam redeunte, aquam obsessò delaturus demissum jam funem attraheret, vi maxima, ac si tota phalanx infernalis ex pedibus illum protruderet, obuerso in puteum capite dilapsus est. Tunc is B. Augustinum deuotiùs inclamans, illæsus super aquas sustentatur. Quem, (dæmone indicante, aquam non deferre, quòd demersus esset in puteū) statim Fratres, & socij accurrentes, viuum, & incolumem, ope B. August. (vt piè creditur) eduxe-

runt. Viuebat Antonius adhuc anno 1634. fidele de re tota perhibens testimonium.

CAPVT DECIMVMSEXTVM.

Deuotio populorum ad B. Augustinum, ejusq. sepulcrum, atq. reliquias.



Vm B. Augustini virtus in dæmonibus ab humanis corporibus expellendis maximè elucescat, magno quotidie numero energumeni ad ejus sepulcrum spe gratiæ, & liberationis, vnde quaq; conueniunt: qui spe sua minimè frustrati, Deo, & B. Episcopo debitis gratijs exsolutis, lati ad propria reuertuntur. & mirum sanè est, quantum dæmones B. Episcopi reliquias exhorrescant. Vbi enim galerus quidam paleaceus, quem is gestare solebat, energumenis imponitur, oculis suffunduntur, capite intorquentur, pectore, ac gutture intumescunt, totis deniq; corporis membris dissipantur, vt affatim patefaciant, non adeò graues sibi esse gehennæ cruciatus, vt, quos ex sanctarum illarum exuuiarum attactu perpetiuntur. Hinc ad pedes aræ B. Viri, ex pariete mediocris magnitudinis pender catena, qua non rarò obsessi, siue quòd furiosi, & noxij sint, siue ad maiorem spirituum malignorum contemptum illigantur. nec minus dignum admiratione, sapè dæmoniacis è longinquo aduentantibus, vbi agrum Lucerinum attigerint, varijs intorsionibus, ejulatibus, alijsq; signis latentes dæmones deprehendi: qui verò jam deprehensi erant, maioribus ex

ipfa

ipfa vicinia eos cruciatibus vrgeri, per diversa signa, & effectus palam ostentari. Qui febre, aliove grauiore morbo prægrauantur, nullum præsentius, aut efficacius remedium adhibere se posse existimant, quàm si puluerem ex marmoreo tumulo erasum, aquæ, alijue liquori respersum hauserint, cum, vt plurimum, incolumes ex eo redantur. Cingulum ejus Sacerdotale ad proximè parituras mulieres delatum, affert pariendi, partusq; felicità. Paleaceus pileus, cujus jam meminimus, quibuscumq; adhibetur, sospitatem exoptatam assequuntur. Pileus hic ex paleis contextus, (qualibus messorès in Italia propter æstus vehementiam vt solent) leuiori velamine nigro sic circumtegitur, vt ex lana, more aliorum, confectus esse videatur. & tamen, cum toties ad grauius decumbentes affertur, adeoq; frequenter in Ecclesia piorum capitibus imponatur, tam integer post tria integra secula seruator, atq; erat quando Beatus Episcopus decessit, cum etiam ferreus vix non consumptus fuisset. Sed est etiam, vnde hujus B. Viri paupertatis amorem, rerumq; sæcularium contemptum admirere, qui cum Ecclesiam haberet redditibus adeò copiosam, quibus etiam ijs temporibus magis florebat, pileo usq; eò exigua, vilisq; materiæ voluerit esse contentus. Vrbs Lucerensis, ob ingentia, & innumera beneficia, quæ à Deo illius meritis, & intercessione accepit, de eo in peculiarem Advocatum, ac Protectorem deligendo peculiari adhibita consultatione ad annum 1634. tractabat; & vt, quousq; res optatum finem assequeretur, majori apparatu solemnitas ejus celebrari posset, quandam pecuniæ summam quotannis offerendam de-

creuit.

creuit. Porro diestertia Augusti, qua B. Augustinus decessit, Luceriæ instar Paschalis festiuitatis solemnitis habetur, maximo incolarum omnium, nobilium, vulgarium, rusticorum, ac cuiusq; hominum condicionis frequentia: precibus, & sacro proprijs, Ioannis 22. indulto, concionibus, & laudum præconijs celebratur. Quinetiam pridie ejus diei, secunda videlicet Augusti, magnus fit omnium ad ædem D. Dominici concursus, ubi genibus ante sacra ossa curvatis, ea quàm diutissimè venerantur, & Sacerdote sacrum pileum singulorum capitibus inclinante, is se feliciorē existimat, quidū ad B. Episcopi honorem antiphona recitatur, diutius illum super se meruerit retinere.

CAPVT DECIMVMSEPTIMVM.

Quid de illius patria sentiant auctores.



Væ hætenus de B. Augustino narrauimus, ex officio in die Natali B. Augustini Luceriæ recitari solito, Fr. Ioan. Michael Plodio, S. Theolog. Magistro, & Mediolanensi Inquisitore, libris de viris illustribus Ord. Præd. D. Ioanne Tomko, Bossinenſi Episcopo, & relationibus scriptis ad Magistrum Ord. Præd. Fr. Nicolaum Rodulfum per Fr. Stephanum de S. Severo ex Conventu Lucerino anno 1634. die 30. Septembris, ad requisitionem ejusdē Reverendiss. P. Mag. Generalis, desumpsimus. Coëterum non levis est controversia de Beati hujus viri patria, quibusdam Hungarum, nonnullis

Croatam,

Croatam,
ensem, al
viri allequ
erbes suos
ro Cicero
Leander A
alij: & A
mum, ad
Pont. in R
& exinde
Bzovius t
nus Hunga
ſce Benedi
tiam ad Ep
rat, adeo
transferr
quin Bea
cerinus
dubium
Hieronym
nus in Ch
C
Beatorum
censitus,
Vrbs in C
Fr. Auguſt
vita ſanc
quam du
tur.

Croatam, Dalmatā alijs asserentibus: è quibus alij Traguriensem, alij Brachiensem fuisse tradunt. Id enim clarissimi viri assequi etiam solent, vt post mortem variæ patriæ, & vrbes suos fuisse contendant, quemadmodum de Homero Cicero scriptum reliquit. *Hungarum* fuisse scripserunt Leander Albertus lib. 3. de viris illust. Tit. Item Episcopi alij: & *Augustinum*, inquiens, *Hungarum, virum sanctissimum, ad Prasulatum Zagrabiensem Benedictus Vndecimus Pont. in Romana curia existentem euexit anno Domini 1304. & exinde ad Nucerinam, ubi miraculis claret.* Abraham Bzovius. tomo 14. annalium ad annum 1332. *Augustinus Hungarus, Zagrabiensis Prasul. Hic ab eodem sum. Pontifice Benedicto Vndecimo, propter Religionis summam obseruantiam ad Episcopatum euectus, multa sanctitatis exempla ediderat, adeò vt ad cathedram Nucerinam tandem aliquando transferri meruerit.* Plodius scribit, dubitari non posse, quin Beatus Augustinus, prius Zagrabiensis, postea Nucerinus Episcopus, Hungarus fuerit, quòd id tanquam indubium tradant Authores valde graues, Taegius p. 1. c. 6. Hieronymus Borsellus li. de Generalibus Ord. Lusignanus in Chronico anno 1300.

Croatam fuisse indicat Indiculus Sanctorum, & Beatorum nostri Ordinis ad finem martyrologij, sæpè recensitus, dum illum Zagrabiensem vocat, Zagrabiā namq; Vrbs in Croatia est: titulo enim *Confessores*, sic habet: *Fr. Augustinus Zagrabiensis, Hungarus, Nucerinus Episcopus, vite sanctimoniam pluribus miraculis consignauit. quamquam dum etiam dicit Hungarum, res obscurari videatur.*

Cicero
pro Po.
Arch.
Leand.
fol. 120

Bzov.
a. 1332.
n. 16.

Plod.
p. 1. de
vir. ill.
l. 1. col.
241. &
2. p. 1.
2. col.
160.

Indis.

Dalmatam

Dalmatam afferunt, officium, *Luceria* in laudem B. Augustini indulto Ioan. 22. recitari solitum: Dominicus Graulina, S. Theol. Mag. hoc nostro seculo eruditione nulli secundus, in voce Turturis p. 2. c. 12. dum ait: B. Ceslaus S. Hyacinthi Frater in *Pratistauia*, Vterq; Petrus Consalvus, Thelmus, & Amarantus in *Lusitania*, Albertus Magnus in *Germania*, Augustinus *Dalmata*, in *Luceria Apulia* & alij, quorum dies festus in suis prouincijs anniuersaria commemoratione recolitur. Alphonsus Fernandez in concertatione Prædicatoria, catalogo Episcoporum, tit. *Episcopi Dalmata*: B. Augustinus Gazzotus, Episcopus *Zagrabiensis*, deinde *Nucerinus*, de quo in sua Ecclesia officium agitur. Quod fuerit *Dalmata Traguriensis*, habent precitatum officium, Episcopus Tomko, alijq; afferentes extare etiamnum familiam *Cassatensem*, ex qua originem duxerit. Quod *Brachiensis*, refert Stephanus à S. Seucro, scribens, propterea olim *Brachientes*, B. Augustini miraculorum fama increbescente, sinu *Adriaci* maris foeliciter pertransito, ad portum *Fortorium* appulisse, indeque *Luceria* progressos, corpus B. viri, tanquam compatriotæ, vt *Brachiam* deferrent, suffuratos: sed cum ad eundem portum redissent, vt insequente die mare transmitterent, ipsa nocte sancta ossa, *Luceriam*, ad D. Dominici, vnde sublata fuerant, diuinitus remeasse. Plodius hanc litem dirimere conatus, opinatur dici posse, duos eisdem Ecclesijs *Zagrabiensi*, ac *Lucerensi* Episcopos ejusdem nominis, *Ordinis*, & Beatos diversis temporibus, *Hungarum* sc. & *Dalmatam* præfuisse; è quibus *Hungarus* anno 1332. mortuus fuerit: *Dalmata* verò post annum 1465. ad Epi-

scopatum

scopatum sit evectus. Sed præter alia, officij antiquitas ex tempore Joannis 22. in festo B. Augustini recitari soliti, quod eum *Dalmatam* vocat, huic conciliationi refragari videtur; recitabatur enim officium illud vno seculo, & amplius, quàm Augustinus Dalmata, cujus meminit Plo- dius, non dico, esset, sed esse posset Episcopus. Quod au- tem B. Augustinus Hungarus dicatur, non ob stare, quin Dalmata fuerit, familiari colloquio Episcopus Tomko dicebat, quòd Dalmatæ sub Hungarici Regni corona exi- stentes, Hungari solerent interdum appellari. Mihi verò, cùm in re hac jam nihil decernendum occurrat, suam cuiq; liberam sententiam dimitto. Quacumq; enim de- mùm ex recensitis, patria extiterit, ad nostram facit scrip- tionem, cùm Zagrabienfis Episcopatus ad Hungariæ re- gnum etiamnùm pertineat, & Dalmatia tota, quo tem- pore B. Episcopus vixit, ac longè etiam postea, sub vna Hungariæ Provincia nostri Ordinis comprehenderetur. Quòd interdum Nuceriæ Episcopus ab authoribus dica- tur, per errorem ex vocum similitudine factum est. Cœ- terum Nuceria Vrbs est in Campania, Luceria in Appulia. Beatum Augustinum de puritate virginali, & propheti- co spiritu, qui etiam recedens ex Patria dixerit, eam ingra- titudinis ergò ossa sua non habituram, Stephanus à S. Se- vero commendat. Translatio corporis ejus ex priori se- pulcro sub terram effossò, ad eminentem tumulum mar- moreum, in quo nunc colitur, anno Christi 1601. facta est. Quia verò Officij illius Ecclesiastici sæpe memini- mus, daturusquè promissimus, ecce illud exhibemus.

CAPVT DECIMVM OCTAVVM.

Officium, in festo B Augustini Episcopi, Luceria à Fratribus Prædicatoribus recitari, & decantari, Iohannis 22. sum. Pontificis Indulto, solitum.

Ad Vesperas super Ps. Antiph.



Ecce Civitas Lucerina, continens thesaurum pretiosum, clarificata es doctrina per nova lucis radium: gaudet plebs, quam Deus tanti Patris meritis decoravit.

Psalmi, Laudate pueri, cum cæteris.

Capitulum.

*Eccles.
c. 50.*

Quasi Stella matutina in medio rebus, & quasi Luna plena in diebus suis, & quasi Sol refulgens, sic iste effulset in templo Dei.

Responsorium.

Augustinus, Præsul Lucerinus, impetret nobis gratiam, & per ejus merita ipse Deus donet reis veniam, Ut omnes ad illum perducamur, Et cæli gaudijs frui mereamur.

✠. Intercede pro nobis, Præsul Lucerine, fons pietatis. Ut omnes, & cæt. Gloria Patri. Et cæli.

Hymnus.

Æ terna regi gloria,	Pro Augustini gloria.
Deuota laudum cantica	Prædicatorum Ordinis
Fideles soluant hodie	Præsul namq; almiscus,

Mundi

Mundi jam fulget terminis	Alti Regis magnalia.
Ciuis effectus cœlicus.	Nitamur totis viribus,
Carnis liber ergastulo,	Nectamus preces precibus,
Poli potitur gloria;	Vt Augustini meritis
Pontificali cingulo	Cœli fruamur proemijs
Stola dotatur regia.	Præsta Pater ingenite,
Fragrans odor de tumulto	Iesu cum Sancto flamine,
Cum gestorum frequentia,	Vt Augustini precibus
Clamat pro Christi famulo	Cœli jungamur Ciuibus, A.
V. Ora pro nobis Beate Pater Augustine.	
R. Vt digni efficiamur promissionibus Christi.	

Ad Magnificat, Antiphona.

Gaude felix parens Dalmatia, nouæ prolis dans mundo gaudia, sed tu magis plaude Luceria, tanti Patris dotata gloria: lauda tota mater Ecclesia, noua laudis agens solemnia, alleluja.

Magnificat.

Oratio.

Omnipotens sempiterne Deus, qui Beatam Augustinum, de Dalmatia, Ordinis Prædicatorum, in verum Præsulem Lucerinum eligere voluisti, quiq; ei dæmones expellendi, & cunctorum morborum languores sanandi gratiam contulisti; concede, quæsumus, ut qui ejus festa percolimus, ipsius apud te patrocinia sentiamus. Per Dominum &c.

Ad Matutinum, Invitatorium.

Saluatori nostro laudes decantemus: qui regni cœlestis proemium Sancto contulit Præsuli Augustino. Venite.

Ad Matutinum, Hymnus.

C hriste Saluator omnium,	Iter sectans humiliter
Rector, spes, & proemiū,	Sui Patris Dominici,
Exaudi vota cordium	Iesum Christum se induit,
Pro sancto, gemma Præsuli.	Adorans, laudans extulit,
Præsul in fide claruit,	Mentem diuinis imbuit,
Malorum carens nebula,	Cuncta caduca respuit.
Christo seruire studuit	Laus sit Parenti Domino
Sub paupertatis regula.	Laudem canamus vnico,
Corpus afflixit fortiter	Laus sit amborum flamini,
In sudore multiplici,	Per tempora laudabili. A.

In I. Nocturno.

Ant. Iste Sanctus gloriosus, tamquam bona arbor secus aquarum decursus plantata, dedit fructum suum in tempore suo. *Pf.* Beatus vir, qui.

Ant. Dominus Iesus Christus, dixit Beato Præsuli Augustino, seruus meus es, à me postula: postulauit, & dedit plebem Lucerinam in custodiam sibi. *Pf.* Quare fremuerunt.

Ant. Sanctus Præsul Augustinus, voce mirifica ad suum clamauit Dominum, & exaudiuit eum de monte Sancto suo. *Pf.* Domine, quid multiplicati.

℟. Amavit eum Dominus.

Lect. I.

Augustinus, Cuius Traguriae Urbis, ex nobilibus, & pijs parentibus originem duxit: qui à pueritia Ordinem Fratrum Predicatorum intrans, & litterarum studijs traditus, gemina scientia, philosophica, & theologica efficacissimè claruit. Adcò etiam fuit purus, innocens, Deum timens,

verax,

verax, pius, mitis, & ab omni prauo opere abstinens, ut Ciuitatis Lucerina, defuncto priori Episcopo, tempore Pontificatus Sanctiss. Pat. Dom. Ioannis 22. diuina inspirante gratia, fuerit electus, & confirmatus Episcopus. Infinita verò miracula, qua Deus per merita ipsius tam in vita, quam post mortem ostendit, nemo posset lingua referare. Ex ijs tamen, qua post ejus mortem facta sunt, nonnulla narrabimus. Die tertio Augusti, quo B. Augustinus obiit, tota Ecclesia Fratrum Predicatorum plena existente hominibus, qui ad illius corpus venerandum conuenerant, Paschalis de Quarato, Comestabulus Capitanei Luceria, ne pra nimia multitudine & compressione periculum aliquod emergeret, cum, ut homines contineret, propius ad foueam, qua pro tumultu parata fuerat, accessisset, fortiter impulsus, in eam cecidit. Quo casu, ensis, quo erat accinctus, de vagina egressus est, & pomo ipsius terra infixus, erectus mucro bene acutus Paschalem rectè per pectus excepit omnino transfigendum: sed Beati Augustini auxilio, mucrone ad pomum curuato, ab omni lesione liber euasit. Tu autem.

R. Die mensis Augusti tertia, cum tota Predicatorum Ecclesia hominibus esset plena: Paschalis de Quarato, ex magna impulsione cecidit in foueam, ense suo perimendus: Quem Deus Beati Augustini meritis seruauit illasum. &. Hoc primum signum fecit Dominus, post tempus serui sui obitus. Quem Deus,

Lea. II.

Die vigesimo ejusdem mensis, mulier, nomine Odina, cuiusdam de Bononia uxor, cum ex morsu canis haberet tibiam corrosam, rubeam, & tumefactam, concepta deuotione erga B. Augustinum, ad ejus sepulcrum accedens, & super ipsum aliquantulum requiescens, statim perfecte surrexit

curata,

curata, remanentibus solis foraminibus dentium canis, ad miraculum ostendendum. Eodem die Philippus de Florentia, patiens rigores febriles, cum ad idem sepulcrum accessisset, & deuotius ibi quiescisset, statim curatus ab omni infirmitate surrexit. Ipsamet die Isolda, uxor Nicolai apothecarij de Ciuitate S. Marie, patiens tumorem maximum in gutture, ita ut vix comedere posset, cum ad sepulcrum veniens ibi deuotè procubisset, illico tumor euauit, ipsaq; recessit perfectam sanitatem adeptam. Die 26. ejusdem Auribella de Fogia, longo tempore à dæmone vexata, ut vix per horam valeret quiescere, ad sepulcrum cum deuotione delata, perfectè fuit protinus liberata. Tu autem Domine.

R. Auribella de Fogia, jam diu à dæmone adeo vexata, ut non valeret per horam quiescere, ad sepulcrum cum deuotione delata, Perfectè fuit protinus liberata. **V.** Laudetur Deus gloria, qui Augustini meritis, mira fecit mulieri. Perfectè fuit.

Leet. III.

Die 27. quidam Guillelmus de ciuitate predicta, cum multos annos passus fuisset febrem quartanam, concepta deuotione ad merita Venerabilis Episcopi, emissog. voto, accessit ad ejus sepulcrum, ubi deuotè orans, ex eo tempore se sensit à febre curatum. Eodem die Raynaldus de Barulo, cum per biennium passus fuisset grauem dolorem lumborum, ita ut de loco in alium locum se mouere non posset, concepta deuotione, ad sepulcrum cum reuerentia veniens, cum ibi deuotè orasset, statim ab omni dolore, & infirmitate curatus est. Die 28. ejusdem, Marcus, filius Angele de ciuitate S. Marie, habens à natiuitate sua brachium dextrum aridum, & sine ullo vsu natu-

rati,

rali, ad sepulcrum cum deuotione delatus, & supra ipsum parum
per procumbens, illic cum sanato brachio surrexit. Eodem die
Guillelmus, filius Philippa de Luceria, cum à mense Maij sexta
Indictionis, tunc currentis, ex quadam infirmitate superueni-
ente loquendi usum prorsus amisisset, itaut nec verbum uni-
cum posset proferre, ad sepulcrum cum deuotione accedens, ibiq;
deuotè procumbens, continuò pristinam loquendi facultatem re-
cepit. Tu autem.

R. Romualda de S. Seuerò, quendam habens Filium, mor-
bo caduco laborantem, Deuotè Beatum exorauit Augustinum,
vt illum sibi donaret sanum ac liberum. V. Qui ad ejus se-
pulcrum portatus, protinus surrexit curatus. Deuotè. Gloria.
Vt illum.

In II. Nocturno.

Ant. O populi fideles, scitote, quia omnium creator,
sanctum suum mirificauit, & ideo lumen vultus sui signauit su-
per eum, dando latitiam magnam in corde illius. Ps. Cum
inuoc.

Ant. Domine Deus, omnes, qui spem habent in te, glo-
riabuntur, quoniam tu benedices eis, scuto bonæ voluntatis tuæ
coronans eos. Ps. Verba mea.

Ant. O Domine Dominus noster, quàm est laudabile
nomen sanctum tuum in toto orbe vniuerso, quia paulominus
gloriosum sanctum tuum ab Angelis minuiisti, honore eum de-
corasti, & super opera manuum tuarum constituisti. Ps. Do-
mine Dominus noster.

V. Instum deduxit Dominus.

Lect. IV.

Eodem die Margarita, soror Romanella de Ciuitate S. Mariae, cæca à natiuitate, & corpore ita contracto, & curuo, ut nullo modo posset erecta incedere, sed quasi ventrem in terram protraheret, ad B. Augustini sepulcrum cum deuotione portata, cum super ipsum paullulum orasset, & de sepulcri puluere oculos abstersisset, statim plenè illuminata, extensaq; & erecta surrexit ab utraq; infirmitate curata. Eodem die Ioanna de Ciuitate etiam S. Mariae, prorsus contracta, & curua, ut recta ambulare non posset, & omninò surda, quæ nihil audiret, deuotè ad sepulcrum accedens, ibiq; orans ab omni sua infirmitate liberata est. Eodem die Gregorius priuignus Ioannis de Citrario, ex Ciuitate S. Mariae, qui videndi facultatem totaliter amiserat, emisso voto, quod ad honorem B. Augustini sex missas cantari, & cereum super illius sepulcrum accendi curaret, continuò restituta sibi videndi facultate, vidit. Tu autem Domine.

R. Herricus de septem Fratribus, Ciuitatis S. Mariae habitator, magnis oppressus doloribus, & rarò valens aliquò pergere, Quod esset toto corpore contractus. V. Iuxta Beati viri sepulcrum positus, incolumis redijt ad propria suis pedibus. Quod.

Lect. V.

Ipsamet die filius Bartholomæi Macij de Apicio, qui septem mensibus ambulare non poterat, habens crura omninò contracta, per parentes ad sepulcrum deuotè portatus, pristina statim sanitati restitutus fuit, & ambulauit ut sanus. Eodem die Ioannes de Sanctorello, & Balictus Maciteleonis,

patientes

patientes febrem acutissimam, concepta deuotione ad B. Augustinum, dixerunt: o vtinam haberemus paululum pulueris sepulchri B. Augustini, quem aqua respersum biberemus, sicq; sanitatē consequeremur: & statim, his dictis, febre cessante, perfectē senserunt, se, à qua affligebantur infirmitate, sanatos. Eodem die Romualda de S. Seuero, filium morbo caduco laborantem, qui nullis poterat remedijs liberari, ad B. Augustini sepulcrum cum deuotione portauit; qui super illud positus, post modicum surrexit perfectē curatus. Tu autem Domine.

R. Nobilis Helena de Casali nono, vexata semper à dæmone, qui siue hiemali, siue æstiuo tempore, rarò sinebat ipsam quiescere: Non aliquo remedio potuit liberari, donec ad sacrum tumulum fecit se portari. V. Mirum, & magnum prodigium, factum per Augustini suffragium. Non aliquo.

Lect. VI.

Eodem die, Ioannutius, filius Ioannis Hyppoliti Bucerij de dicta S. Maria Ciuitate, cum semper à natiuitate vsq; visu caruisset, ductus à Patre maxima cum deuotione ad sepulcrum, dum pergeret, clamauit, Pater dimitte me, quia bene, & clarè video, & absq; duce per me pergere possum; sicq; miraculosè redditus est sanitati. Eodem die, Flos, uxor Nicolai de Aqua nigra ex Ciuitate S. Maria, singultu grauissimo laborans, cum nullo posset remedio liberari, ad sepulcrum cum deuotione profecta, ibiq; morans per horulam, statim est à sua infirmitate sanata. Eodem die Leo de Longobuco ex prædicta Ciuitate, qui à Majo anni sextæ Indictionis auditum ambarum aurium prorsus amiserat, cum emissio voto ad idem sepulcrum orasset, auditum perfectē recuperauit. Tu autem Domine.

R. Preciosa filia Guarnata, patiens in gutture dolorem

maximum, amissa loquendi potestate, appropinquabat ad mortem, sed, Cum ad sanctum sepulcrum venisset, & de ipsius terra bibisset. *Ps.* Statim gutturi tumor euauit, & ipsam Dei gratia sanauit. Cum ad. Gloria. Cum ad.

In III. Nocturno.

Ant. Beatus Augustinus, requiescit in monte sancto Dei, quia vixit in hoc seculo absq. macula, & veritatem semper habuit in ore suo. *Ps.* Domine, quis habit.

Ant. Sublimare, Domine, in potentia tua, quia gloria, & honore decorasti Beatum Praesulem Augustinum, quoniam sperauit in te, & à gratia tua nunquam est separatus. *Ps.* Domine in virtute tua.

Ant. Accipiet benedictionem à Domino, & misericordiam à Deo salutari suo B. Augustinus, qui fuit innocens manibus & mundo corde, nec in vano animam suam à Deo recepit. *Ps.* Domini est terra.

Ps. Iustus, ut palma florebit.

Lect. VII.

Eodem die, Notarius Odorifius de Monte Odori, ex Civitate prædicta, cum longo tempore ex dextera auricula nihil potuisset audire, accedens cum deuotione ad B. Augustini sepulcrum, & nonnihil pulueris, qui erat super illud, eidem auriculæ imponens, statim Beati viri meritis recuperavit auditum. Die penultimo ejusdem mensis, Henricus de septem Fratribus, incola Cinitatis S. Mariae, qui per triennium, graues, & varios dolores passus fuerat in toto corpore, ita ut esset omnino contractus: curauit se ad sepulcrum deferri, ubi ab omni sua infirmitate curatus, sanus ad propria pedibus suis rediuit. Eodem

die

die, Angela,
ennium malè
est liberata.

R. Bar

atq. multa tot
trem suum de
quam in Eccl
de recepit.

Eodem
cum pa
sepulcr
est. Eodē die R
Ha, calculo la
nam emitter
tione ad sepu
titate, tota
ria Helena.

it aut nec reg
sepulcrum fu
berata. Die
Germano Lu
crum per ma
visum recepi

R. N

batur graui
medium, 2
Nam de f
eum sospitem

die, Angela, vxor Malafolij de Ciuitate S. Maria, per quadriennium malè à dæmonio vexata, ad idem sepulcrum perfectè est liberata. Tu autem Domine.

R. Bartholomæa de Alefina, filia Seueri, quæ fuerat surda, atq; mutata toto vitæ suæ tempore, Deuotione concepta, per Patrem suum delata est ad Beati Prasulis sepulcrum. V. Postquam in Ecclesia sacri Antistitis stetit, loquens, & audiens, inde recessit. Deuotione.

Lect. VIII.

Eodem die, Matthæus Maccaronus de Ciuitate prædicta, cum pateretur duplicem tertianam, hausto deuotè puluere sepulcri cum aqua, protinus ab omni infirmitate curatus est. Eodè die Raynaldus, filius Francisci Leonis de Ciuitate prædicta, calculo laborās, ita ut multo tēpore liberè, & sine dolore urinam emittere non possèt, ductus à matre sua cum ingenti deuotione ad sepulcrum, ibi emissæ urina absq; dolore in magna quantitate, totaliter est ab infirmitate curatus. Eodem die Dopriæ Helena, de Casali nouo, per viginti annos à dæmone vexata, ita ut nec requiescere, nec aliquo remedio posset liberari, cum ad sepulcrum fuisset deportata, statim fuit ab omni vexatione liberata. Die ultimo ejusdem mensis, Philippa, filia Nicolai de S. Germano Lucerini, cum ex vno oculo nihil videret, ad sepulcrum per matrem suam cum deuotione perducta, statim plene visum recepit. Tu autem.

R. Nicolaus Calaber, Ciuitatis S. Maria incola, tristabatur grauitè, quod filio infirmo, ac desperato nullum esset remedium, Qui in B. Augustinum sisus, persensit auxilium. V. Nam de sepulcro arripiens puluerem, ori infundens, erexit eum sospitem. Qui in B. Augustinum.

Lect. IX.

Die primo Septembris, VII. Indictionis, Mansella de Casali nouo, per multos annos grauiter à dæmonibus vexata, nullis potuit medijs liberari. Cum verò semel à viro suo ad Ecclesiam B. Mariae de monte Oliueto, viuentis ad huc Beato Augustino, & in suo Lucerino Episcopatu morante, duceretur, ceperunt dæmones altis vocibus clamare, & dicere, faciet nos hinc exire Augustinus, ignorantibus, qui audierant, de quo Augustino dixissent. Mortuo deinde Beato Episcopo, & multa faciente miracula, eadem mulier à viro suo ad Beati viri sepulcrum cum fide, & deuotione est ducta. Illis igitur pergentibus, duo ex dæmonibus ad sepulcrum non præsumentes accedere, in itinere de obsessæ corpore recesserunt, bouem, qui in campo pascebatur, mactantes. Cum vero ad sepulcri locū peruenissent, tertius etiam dæmon cum maximo ululatu exiens, mulierem liberam dimisit. Tu autem Domine.

R. Simon de Barulo, percussus cæcitate, poposcit à filio suo Nicolao, vt se per manum duceret ad Ecclesiam, in qua Sancti Episcopi erant reliquia, Vt ijs ad oculos positis, Lumen mereretur accipere. **V.** Respiciensq. S. Præsul ejus fidem, ac pietatem, ad reliquiarum contactum præstitit sanitatem. Vt ijs ad oculos. Gloria. Lumen.

Ad Laudes, Antiph.

Testimonia tua, Iesu benigne, credibilia facta sunt nimis, & ideo sancti tui meritis, Ecclesiam tuam decet sanctitudo in longitudinem dierum. Ps. Dominus regnavit. cum reliquis.

Fideles populi gaudete in Domino, ac in latitia magna

toto cordis affectu ei seruite, quia tam preciosum thesaurum Civitati praeiit Lucerina.

Benedicamus Deo caeli in vita nostra, & semper in nomine sancto suo nostras manus leuamus, qui labijs exultationis concedat nobis laudare nomen sui Praesulis gloriosi.

Patrem, & Filium cum Sancto Spiritu toto corde laudamus, qui corpus tam mirificum residere facit in Ecclesia B. Dominici Lucerina.

Novum canticum cantate Domino, quia semper infinita laus ejus in Ecclesia suorum sanctorum à cunctis fidelibus animo valenti decantatur.

Capitulum, ut supra.

Hymnus.

O Venerande Pontifex,	Infernus tibi ululat,
Augustine dulcissime,	Fretumq; maris intonat
Audi rogantes serulos,	O Sidus maris fulgidum,
Quaerentes in periculo.	Absolve nexus criminum;
Aufer necis dispendia,	Et fletus quoq; supplicum
Confer vite stipendia,	Immuta, dando gaudium
Quò post carnis exilia	Laus sit parenti Domino,
Tecum sumus in gloria.	Laudem canamus unico,
Te nostra sonant carmina,	Laus sit amborum flumini,
Et Angelorum agmina:	Per tempora laudabili. A.
✠. Justus germinabit &c.	

Ad Benedictus, Antiphona.

Benedictus Deus, Rex caelestis, qui per Beati Augustini Antistitis Lucerini merita, tot in terris operatus est mirabilia:

unde

unde letantur Angeli, exultant Archangeli, & omnes electi,
una voce canentes, semper dicunt, gloria tibi Domine.

Oratio.

Presta, quaesumus, omnipotens, & misericors Deus, ut,
qui Beati Augustini Episcopi Lucerini gloriosi solemnita-
tem deuotissimo celebramus officio, & temporalem nobis
suis precibus tranquillitatem tribuat, & vitam conferat
sempiternam. Per Dominum nostrum Jesum
Christum. &c.

Exemplar huius officij extractum ex vetusto ori-
ginali, quod antiquo pergamento seruatur in archiuo
Conventus S. Dominici Urbis Lucerinæ, fideliter colla-
tionatum per Abbatem Carolum Strangiam, Ordinarium
Actuarium, & publicum Apostolica autoritate Nota-
rium Episcopalis Curiae Lucerinæ, obtinuit, & transmisit
mihi Admodum Reverendus Pater Frater Dominicus
Gravina, S. Theol. Mag. Regiæ Cathedræ The. in Vniuer-
sitate Neap. moderator, Archiepiscopalis Curiae The.
& S. Off. Consultor, anno 1636. Pauca alicubi verba,
quæ, propter Italicum idiotismum, vulgò non
intelligerentur, immutata; sententia
fideliter retenta,

*De Beato Mauritio Hungaro, qui obiit anno
Christi 1336.*

CAPVT DECIMVMNONVM.

*B. Mauritij regium genus : ortusq; ejus à B. Virg. Deip
prænunciatus.*

Beatus Mauritius, Hungarus, Ordinis Prædicatorum institutum professus, genus è Pannoniæ Regibu, s; juxta authores, quos infra citabimus, duxit. Pater illi Demetrius Banus, ex Chak nobilissima familia : ipsiusq; futura magnitudo, à Beatissima Deiparente fuit prænunciata. Cum enim mater illius, jam quatuor menses prægnans, diuturna febris vexaretur, adeò ut de valetudine desperaret, appropinquante postmodum tempore pariendi, in somnis vidit quandam in veste candidissima, forma præcellenti matronam, quæ blandiore oratione metum illi omnem mortis ademit, & bono animo esse jussit; fore prænuncians, ut filium pareret, sanctitate, quàm genere, magis illustrem. Memor tantum esset, hora partus imminente, signo salutiferæ crucis pectus suum communire, ac dicere : *Succurrat tibi Virgo, felix Christi Mater, ex cujus utero Vnigenitus æterni Patris Filius prodijt.* Addidit, ut Angelicam salutationem sapius proferret, ac identidem signum Crucis pectori imprimeret, & propterea mortem amplius neformidaret, ac filium

nasciturum

nasciturum expectaret, qui Deo, & hominibus, futuram propter sanctitatem, charus foret. Caterum se esse Dei Genitricem, quæ loqueretur, & futura prædiceret, certo certius cognosceret.

CAPVT VIGESIMVM.

Indoles studia, Prædicatoriæq; Religionis amplexus.

Natus infans, totos tres annos febricitauit, sed postmodum Dei beneficio conualuit. Puer, cum decimum annum attigisset, secutura magnitudinis signa non incerta dedit: si quidem in puero senem agens, non se colludentibus æqualibus, ut illa fert ætas, commiscebat, neq; aliquid puerile cogitabat. Sed, ubi quies erat à studijs, aut orationibus vacabat, aut à sanctis viris, ædes paternas frequētantibus, vitas sanctorum audiebat; perquæ exempla eorum incredibili conatu ad summam virtutem contendebat. Intra paternam domum penitus quoddam cubiculum sibi delegerat, in quo pulcherrimè exornato aram extruxerat, & ibi cum æqualibus, sacra, quæ in templis celebrari conspexerat, ut ut poterat, imitabatur. Præter has hymnodias, catechistæ munus præsumens, pueros bonis moribus imbuebat, eosq; ad æternæ vitæ desiderium inflammabat. Aliquando Diui Dominici sodalem in ædibus paternis nactus, summis precibus, ut vitam alicujus sancti ab eo audiret, flagitauit. Recitauit ille actiones D. Alexij: à cujus exemplo tantum ardorem ignis diuini concipit, ut de relin-

quando

quando sæculari statu, & de Religione aliqua ineunda jam
tum cogitarit. Istud porro, ne dum faceret, multi amico-
rum, & consanguineorum obfuerunt, matrimonijq; ju-
go subdiderunt, data ei in conjugium virgine lectissima,
Amadei Hungariæ Palatini filia. Istud matrimonium,
quod invitus inuisset, deferere cogitavit: tantumq; apud
sponsam sanctis persuasionibus promouit, vt & illa quoq;
coelestium amore succensa, monasterio in insula Danubij
sefe indiderit, potestatemq; Mauritio dederit religiosum
institutum profitendi. Ita ambo, triennio in conjugio
peracto, contemptis, quas possidebant, opibus, Budæ in
insula Danubij, Christum pauperem inopes secuti, Divi
P. Dominici Religionem amplexi sunt anno Dom. 1306.

Sciuit hoc generi consilium focer, & ingenti dolo-
re, & iracundia percitus, Ladislaum Vernerum, Budensem
judicem rogauit, vt Mauritium veste monastica exueret, &
ad matrimonij consuetudinẽ reuerti compelleret, vel re-
nitentem in uincula conijceret, neq; prius inde egredi si-
neret, quàm se obtemperaturum sibi promitteret. Detru-
sus in carcerem profundissimũ, nullis precibus, aut minis
potuit impelli, vt Divi Dominici vestem, & cultum abijce-
ret. Quamobrem perspecta illius in sancto proposito con-
stantia, vinculis emissus, & Bononiam, à Patribus, ne quid
aduersi iterũ emergeret, subuerentibus, transmissus, apud
Beatissimi P. Dominici sepulcrum summam perfectionis
in magna spiritus tranquillitate consecutus est: post trien-
nium, autem ab iisdem ipsis patribus, qui illum in Italiam
miserant, reuocatus est in Hungariam.

CAPVT VIGESIMVMPRIMVM.

*Virtutes illius, & exercitia.*Mat.
c. II.Mat.
c. II.

IN primis maximè studebat, vt monasticis legibus exactissimè satisfaceret, nihilq; omitteret, quod ad perfectam vivendi normam pertineret. Deinde illud Christi Redemptoris consilium, *Discite à me, quia mitis sum, & humilis corde*, assidue in memoriam revocans, mira mansuetudine, & sui contemptu eminere conabatur. Nihil erat illius oratione submissius, nihil vestitu abjectius. Vestes meliores sibi à Præfecto Cœnobij oblatas, tritis, & pannosioribus commutabat. Cilicinam asperissimam perpetuò gestabat, per hyemis rigores vnā levissimam mortificandæ carni induebat. Nemo iratum, aut aliqua affectione inordinata commotum vidit. Nemo friuola, aut ridicula ex eius ore audiuit, neminem talia se coram loqui permisit, quòd diceret, *rationem esse Deo reddendam de omni verbo otioso*. Orationum studio, dies, noctesq; incumberebat: præscriptos modos orandi nunquā intermittebat. Ad matutinas preces primus omnium surgebat: ijs absolutis, in templo flens vbertim pernoctabat. In templo, cella, aut vbiq; esset, voce, vel corde Deum exorabat. Venerabilem Eucharistiam maxima devotione venerabatur, & vt ante eam perpetuo lucerna luceret, oleū ostiari emendicabat. Psalteriū Davidicū quotidie, vel saltem quinquies in hebdomada, integrè recitabat. Præter hoc, septem Psal-

mos,

mos, quos à poenitentia, & alios, quos à gradibus appellat, nec non officium pro defunctis, ac litanias in singulos dies adijciebat. Duris tremendisq; flagellis corpus cadebat; humi prostratus, sua, aliorumq; peccata amarissime deflebat. Carnes, totis triginta annis, quibus in Religione vixit, nunquam esitavit. Ieiunium continuum à festo exaltationis sanctæ Crucis vsq; ad Christi resurrectionem perpetuo servavit. Cibos quotidianos sibi detrahebat, & Superiore permittente, pauperibus dividebat. Voluntaria etiam jejunia jejunijs continuabat, sed præcipue feria sexta Passionis Dominicæ dedicata, vix ad panem legumina adhibens, corpus inedia macerabat. Conciliandis discordibus, & consolandis moerentibus ingenti cum fructu incumberebat: neq; tantus erat ejusquam moeror, aut ægritudo, quam ille non leniret, aut leuaret. Non minore quoq; studio, & charitate ægrotantes ubiq; existentes subleuabat, eosq; ad patientiam, dolores, & molestias, exemplis sanctorum, & Christi Domini animabat, & alia pietatis exercitia faciebat. Culinæ, Refectorij, Valetudinarij, Sacristiæq; ministris magna cum sollicitudine, tum alacritate inseruiebat: nihil (quanquam adeo præclaro stemmate ortus) se fecisse arbitratus, nisi ex præscripto Apostolico, *subjectus esset* *omni humane creaturæ propter Deum*; exemplo Christi Domini omnibus ministraret, & usquequaque humiliaretur, ut denique juxta ejusdem Redemptoris promissa æterna mereretur felicitate exaltari.

1. Pet.

2.

CAPVT VIGESIMVMSECVDVM.

Miracula, quibus illum Deus viventem decorauit.



Anticitatem porrò vitæ, miraculis illustrauit. Aliquando januis clausis, domo quadam exiit, & Ecclesiam clausis item foribus intrauit. Hospitio diuerterat apud Benedictum virum probum, in loco, qui dicitur Vacium, iuxta Danubium. Ibi hospes, exploraturus quid nocte concubia Mauritijs ageret, cubiculum ingressus, minimè reperit. Mox vniversa domo perlustrata, januam clausam, & clauis obfirmatam cum inuenisset, Mauritijs autem nusquam videret, ratus id, quod erat, ad templum stupore plenus perrexit, in idemque orantem cum comite aspexit: atque à Sacerdote, clauso ostio templi introiuisse didicit, cum is affirmaret, ea nocte nemini aperuisse Ecclesiam, quam obseratam custodiuit. Alia quoque nocte ante gallicinium Mauritijs in templo impensius orabat. Iacebat tunc fortè ibidem in feretro aliquis mortuus summo mane sepeliendus. Hunc Satan, vt Mauritijs orantem perterrefaceret, adeò commouit, vt is surgere, & è feretro egredi cerneretur. Cæterum Mauritijs, tantum abest, vt timeret, vt etiam intrepidè ad loculum accesserit, & signo Crucis munitus, per Iesu Christi venerandum nomen mortuo imperauerit, ne se, quisquis esset, amplius moueret, aut è feretro egredi tentaret. Paruit defunctus, & requieuit: Mauritijs autem callidi hostis tunc fuisse eas insidias animadvertit. Aliquando ad

Provinciale

Provinciale
ex alienis
Paulus, Cr
acutissima
flamman
quiret, M
sius obsec
das fauce
signo Cru
statim atq
prophetia
na ab illo
tandimo
suos vsus
mel Deo
Repugn
ses mor
atque is
stituere
deinde a

C
Prætor



Provinciale Capitulum multi Patrum sui Ordinis, etiam ex alienis Provincijs convenerant. Interfuit inter eos Fr. Paulus, Cracoviensis Lector, sed qui paulò post in febrem acutissimam inciderat. Is, quòd vlla arte medicorum flammam ardentissimam extinguere, aut temperare nequiret, Mauritium, qui decumbenti ministrabat, impensius obsecrauit, vt aquam illi ex proximo puteo ad ablundas fauces exustas adferret. Allatam ille, infirmo rogante, signo Crucis benedixit, & Paulo aestuanti porrexit. Hanc statim atq; Paulus hausit, repentè convaluit. Spiritu etiam prophetiæ clarus fuit. Narrant Regē Hungariæ, aliqua bona ab illo, eo tempore, quo monasterium ingrediebatur, sanctimonialibus in Insula Danubij relictæ, occupasse, inq; suos vsus convertisse. Obsecrabat illū Mauritius, ne res semel Deo dicatas detineret, sed Christi Virginib⁹ restitueret. Repugnabat ille; cūq; ei Mauritius citam infra sex menses mortem prædixisset, evenit, quod prænuñciauerat: atq; is serò facti pœnitens, filijs, vt erepta Monialibus restituerent, præcepit. Sed ad narrationem istam nonnulla deinde annotabimus.

CAPVT VIGESIMVM TERTIVM.

Preiosa mors B. Mauritiij prodigijs, visionibus, miraculisq; illustrata.



Is, & alijs plurimis admirandis cum Mauritius clarus esset, tandem cursu vitæ consummato, ex hac vita Iaurini decessit, paucis ante solem-

nitatem

nitatem Paschalem diebus, mense Martio, anno Christi 1336. Cum ei Nicolaus Iauriensis Episcopus, toto populo, qui confluxerat, astante, iuxta in Ecclesia persolueret, & sacratissimum Christi corpus, accensis de more funalibus, sublatum manibus, inter sacrificandum populo ostenderet, omnibus cernentibus, sanctum illud cadauer, oculos, inspectandæ sacræ hostiæ gratia, traditur aperuisse, idemq; fecisse, cum Pontifex Calicem consecratum sustulisset: ac tunc demum oculos clausisse. Tanta etiam odoris fragrantia ex ejus membris emanauit, ut mirificæ suauitate omnium nares repleverit. Prior Provincialis monasteriorum Hungariæ, cum Budæ in Ecclesia post matutinum officium oraret, Mauritium vidit in veste sui Ordinis candidissima venientem. Quem cum interrogasset, mortuus ne esset, an viveret; mortuus equidem sum, inquit, quod ad corpus attinet: sed nunc vitam ago longe foeliciorem: periculum tamen moriens adiui per maximum, à quo me clemens, & misericors Deus exemit. Hisq; dictis, disparuit. Quidam oculis captus, spei plenus ad sepulcrum B. viri accesserat: ex quo cum nonnihil terræ desumpsisset, & oculos cæcutientes perfricuisset, lumen aspexit, & visum recepit. Plurima alia miracula, per intercessionem Beati Mauritiij Deus operatus est, ad ostendendum, quod ille mirabilis est in sanctis suis, & sanctus in omnibus operibus suis. Quæ in vnum collecta, scriptisq; consignata, ad Capitulum Generale Ferrariæ, ad B. P. Dominici, anno Christi 1494. sub Fr. Ioachimo Turriano, Veneto, 35. Ord. Prædicatorum Generali Magistro celebratum, Plodio teste, delata fuerunt.

CAPVT VIGESIMVMQVARTVM.

Annotationes ad vitam B. Mauritij.

BEati Mauritij vitam scripsere, Marcus Antonius Flaminius apud Leandrum, Ferdinandus de Castillo, Plodius, Bzovius in annali. Eccles. ad annum 1336. Seraphinus Ractius lib. de sanctis, & B. Ord. Præd. aliqñ, qui omnes tradunt eum ex Regia Hungariæ stirpe propagatum.

In Indiculo ad Martyrologium Ord. sub Clemente octavo, de eo sic habetur Tit. de Viris Beatis confessoribus. *Fr. Mauritius Hungarus nobilissimo Regum sanguine ortus, cum tres annos cum uxore per sanctè vixisset, consensu mutuo, illa in monasterio sacrarum Virginum, ipse in Prædicatorum Religionem se recepit, tantosq; in virtutibus progressus fecit, ut miraculis illustris, in Hungaria pro Beato colatur.*

Meminit illius Thomas Bozius Oratorij Præbyter, opere illo insigni de signis Ecclesiæ lib. 15. cap. 5 *Mauritius, inquit, Pannonius, & Comes ejus, ex Ord. S. Dominici, domo, in qua hospitabatur, clausa egressus, templū simili modo observatū pervasit. Id accidit in Vachis oppido, ad ripā Danubij posito.*

Narratio illa de prænunciata à Beato Mauritio Regi Hungariæ morte ob bonorum Ecclesiasticorum contemptam restitutionem, difficultates patitur. primò, quia Flaminius, & post illum Plodius, Regem illum Nicolaum vocant. id enim verum esse non potest, cum neq; B. viri seculo, neq; unquam aliàs ex Hungariæ Regibus ullus

Leand.
l. 5. f.
117.
Castill.
cent. 2.
Plod.
de Vir.
illust. l.
1. a col.
142.
Bzov.
to. 14.
4. 1336.

extiterit,

extiterit, cui Nicolao nomen, vt ex vniuersis Hungaricarum rerum scriptoribus est manifestum. Quare consultius Abraham Bzovius nomen Regis omisit. Secundò, quia facile non fuerit cernere, cuiam Regi ea narratio conveniat. Neq; enim videtur esse potuisse Carolus Robertus, sive CarloBERTus, qui anno 1310. regnum capessuit; nam is decessit anno 1342. sex nimirum annis à B. Mauritij morte, adeoq; esse non potuit, cui prædictum sit à B. viro, post semestre moriturum. neq; etiam quicumquam Regum præcedentium, ex quo B. Mauritius Ord. fuit ingressus, an. sc. 1306. non enim V Venceslaus, sive Ladislaus, V Venceslai Regis Boemix filius, aut Otho Bavarix Dux; qui non mortui Reges, sed Regno explosi. neq; filios post se reliquerunt, quippiam in Hungaria possidentes.

Tertiò, quia ex literis quibusdam Capituli Iauriensis, insinuat quidem agitaram esse causam de bonis B. Mauritij, à Comite Nicolao Peek, proximo, & cognato eius possessis: sed in ijs plana est attestatio ipsius B. Mauritij, ea se de assensu, & permissione sui Ordinis eidem Comiti renunciasse; nisi quis putet eas litteras ab injusto detentore fuisse confictas. litterarum exemplar est huiusmodi.

Capitulum Jauriensis Ecclesia, omnibus Christi fidelibus presentibus pariter & futuris, presentes litteras inspecturis, salutem in Dom. semp. Ad vniuersorum notitiam, harum serie, volumus peruenire, quòd Religiosus, & Deo amabilis vir, Frater Mauritius, filius quondam Demetrii Bani, de genere Chak bona memoriae, de Ord. FF. Predicatorum, de Conuentu Jauriensi, coram nobis personaliter constitutus, quasdam possessiones suas hereditarias, videlicet Kamar, & Golumbuk in comitatu

Saladiensi

Saladiensi
ni, de gener
conulisse. e
dislai, Del
primlegiali
tur possediss
versis, quo
te possidendo
consensu Or
ue instrum
sui Progeni
maut ea a
mitatem, p
munimine
Præposito,
de, cæteris
F
Magistri
à se excep
hi commu
Colleg. Sc
F
manusq; e
scetempo
gnific

Saladiensi existentes, confessus est, Comiti Nicolao, filio Step-
hani, de genere Peek, proximo, & cognato suo dedisse, donasse, &
contulisse. eo modo, quo ipse, & genitores sui ex donatione La-
dislai, Dei gratia, Sereniss. Regis Hungaria, prout in literis
privilegialibus ejusdem vidimus plenius contineri, dignoscun-
tur possedisse, cum omnibus utilitatibus, & pertinentijs uni-
versis, quocumq; nomine censeantur, perpetuò, pacificè, & quie-
tè possidendas, tenendas, & habendas heredum per heredes, de
consensu Ordinis sui antedicti, & admissione. literas etiam, si-
ue instrumenta, quibus mediantebus ipsas possessiones, ipse, &
sui Progenitores possederunt, in manus ante dicti Comitis affir-
mauit ea assignasse. In cujus rei memoriam, & perpetuam fir-
mitatem, presentes concessimus literas, sigilli nostri autentici
munimine roboratas. Anno Dom. 1331. Magistris, Brictio
Præposito, Matthia Lectore, Georgio Cantore, & Petro Custo-
de, cæterisque Fratribus Ecclesia nostra existentibus.

Ex Archiuo Banffiano, Illustrissimi Comitis, &
Magistri Tavernicorum, D. Christophori Banffij fideliter
à se exceptas, R. P. Iacobus Nemethi, Soc. Iesu, amicè mi-
hi communicauit hoc anno 1636. die 26. Octobris, in
Colleg. Soc. Iesu, Posonij.

Familia Chakiana, è qua ortus B. Mauritius, ger-
manusq; ejus Charus, de quo proximè dicemus, etiam hi-
scæ temporibus est in Hungaria longè spectabilis, & ma-
gnifica; virisq; pietate, fortitudine, prudentia, fi-
de, & omni virtute præstantibus cu-
mulata.

*De Fratre Charo, siue Carolo Hungaro. floruit
ad 1336. Christi annum.*

CAPVT VIGESIMVMQVINTVM.

Plod. l.
I. de V.
II. col.
244.

DE hoc ita ex Ambrosio Taegio, & Hieronymo Borfello scribit Plodius. *Germanus fuit Beato Mauritio, qui etiam Prædicatorij Ordinis sacro habitu suscepto, Frater Char, siue Charus, vocatus est. Is Virginalis puritatis florem, Deo ab ineunte ætate deuouit, quem illesum, ac wirentem (ut fidei Confessariorum illius testimonio comprobatum fuit) ad obitum usq; custodiuit. Sanctissimè planè vixit, humilis, mitis, patiens, spiritu feruens, in oratione assiduus. Qui deniq; cum Iaurini, mortalitatis nexibus magna opinione sanctitatis absolutus, ad cælestem patriam euolasset: corpus ejus in templo Ordinis, loco eminentiore juxta majus altare, solemnè pompa tumulo illatum fuit. Floruit circiter annum Christi 1336. paulò ante, vel postea.*

Porro dolendum sumòpere est, quòd tam istius, quàm Fratris ejus B. Mauritij sacra ossa vnà cum templo, & cœnobio, siue ex irruptione Turcarum, & occupatione Urbis Iauriensis, siue ex incendio propter incuriam militis cujusdam an. Dom. 1566. excitatum, quo vniuersæ domus, & sacra Ædes, præter Cathedralè, conflagnarunt, ita perierint, ut neq; quo extaret loco cœnobiũ nostrũ, dicere possint ejusdem Urbis inquilini. Dominus Stephanus Sennyei, Episcopus Iauriensis, Regniq; Hungariæ Cancel-

Iarius,

Iarius, mag
(quo etiam
proximia,
dolebat se n
reliquis in
piam ex eis
euerit cura
sanctis in C
etiam Iauri
natale solu
celebranda
hominum
Opandum
res relinque
pastor, cura
tutor vidua
hominibus
pagator: v
que Ecclesi
9. cal. Sept
B.
scripsere S.
tit. 23. c. 11
fil. Cent. 2
rio 12. Plod
574. & p. 2
bus omnib
copiose mi
finit mora

Iarius, magnus Ordinis N. amicus, & Patronus, an. 1635.
(quo etiam ad sollicitatem, euolauit, ut par est credere,
pro eximia, qua inter mortales vixit integritate, & pietate)
dolebat se nihil de sacris illis, Beati cum primis Mauritij,
reliquijs investigare potuisse: addebatq; si speraret quip-
piam ex eis reperiri posse, totum etiam illius Urbis solum
euerſi curaturum. Viuat Praeful Illustrissimus Felix cum
sanctis in Coelis, qui fuit in sanctos piissimus; adeo ut
etiam Iaurino, pedes, per multa milliaria, Sabariam, ad
natale solum Sancti Martini Turonensis Episcopi, pro eius
celebranda festiuitate, summo exemplo, cum innumera
hominum vtriusq; sexus multitudine peregrinari soleret.
Optandum, ut diutius vir tantus vitam duxisset, ne plu-
res relinqueret desolatos. Erat enim pater Patria, vigilans
pastor, curator animarum, & Ecclesiarum, adiutor Pauperum,
tutor viduarum, defensor pupillorum, & in omnibus Deo, &
hominibus placere studens, magnaq; pietatis in Hungaria pro-
pagator: ut Reverendiss. D. Benedictus Vinkovith, Quin-
que Ecclesiensis Episcopus, in eius, quae fuit anno 1635.
9. cal. Septembris, morte deflebat.

B. Ioannis Dominici gesta, quae jam daturi sumus,
scripsere S. Antoninus Archiep. 3. p. hist. tit. 22. c. 5. &
tit. 23. c. 11. § 3. Ioannes Carolus, apud Leand. li. 3. Ca-
stil. Cent. 2. l. 2. cap. ult. Alphonſus Ciaconus in Grego-
rio 12. Plodius p. 1. de Viris Ill. li. 1. à col. 124. & li. 4. à
574. & p. 2. l. 3. col. 10. Bzovius ad annum 1418. è qui-
bus omnibus, cum primis vero ex Ioan. Carolo, qui non
copiose minus, quam ornatè, ea stilo consignauit, eadem
sine mora praebemus.

*Episto-
la ad
R. A.
D. Mi-
chaelē
Kal di
Pato-
chum
Sopron.*

*De Beato Joanne Dominici Florentino, Archi-
episcopo Ragusino, & S. R. E. Cardinali, qui
Legatus de Latere in Hungariam, Buda mor-
tuus, ac sepultus anno Christi 1418. mira-
culis ibi claruit.*

CAPVT VIGESIMVMSEXTVM.

Ortus, & educatio B. Ioannis Dominici.

IOannes Dominici Florentinus, Romanæ Pro-
vinciæ, Patrem habuit Dominicum, à quo Do-
minici cognomentum sortitus est, virum qui-
dem popularem, suo tamen in genere clarum :
maternum verò genus à populari item foemina, & eadem
pudicissima duxit. Neq; verò molli nimium, aut delicata
educatione enutritus creuit : sed, vt illis accidere solet, qui
operibus manuum, laboreq; victum sibi acquirere con-
sueverunt, necessaria adhibentes, rejectisq; deliciarum
superfluitatibus, rem suam agere diligentissimè curant :
tametsi in Dei timore, ac pietate pio parentum studio, ac
diligentia institutus est. Ad potiora siquidem, longèq;
majora, puàm illa ipsa paternæ domus fortuna require-
ret, diuina bonitate vocatus, non ea debuerat mollicie
educari, vt labores, quos esset pro Domino toleraturus,
illis delicijs refugiendos putaret, aut certè in perferendis
illis infirmior appareret : sed apprimè in his educatus re-

rum

rum difficultatibus, ad majora semper ex his videretur evocari discrimina. Ita perfectò & in Moyse viro illo sanctissimo gestum accepimus, qui cum multa, & longè maxima pro divina esset voluntate factururus, in summo vitæ timore ortus, clam enutritus, deinde fiscellæ, & aquis commendatus, hæc suæ natiuitatis primordia est fortitus. Davidem quoq; acceptissimum Deo virum, pastoralis cura enutriuit primū, deinde regalis invidia, mortisq; expectatio diuturna, periculorūq; infinita depressio, currentē hominē plurib⁹ retinere annis, quoad regni fastigia, post talia, tantaq; rerum omnium volumina perveniret, ut etiam euadendi gratia stultitiā simulare illi fuerit opportunum, Dei sic providentia disponente. Ita ergo & Ioanni Dominico nostro, quem miseratio ipsa diuina ad res magnas, & graues vocarat, evenire operæ pretium fuit, ne tanquam novus, sed exercitatus, longeq; expertus in acie videretur; nec ad primos congressus pedem omnino ut timidus, aut delicatus, inanisq; referret, sed, ut athleta fortissimus, hostium cuneos innato quodam robore securius penetraret. Nihil tamen nato infanti defuit, nec toto illo tempore, quo apud Parentes versatus est, quopiam caruit, quod condicioni, & fortunis suis conveniret.

CAPVT VIGESIMVMSEPTIMVM.

Studia illius, & operationes.



Vt primū verò eam attigit ætatem, quæ optimis posset moribus informari, quæ parentibus posset aliqua sua opera, auxilio, & adju-

mento

mento fore, mox ad eas artes concessit, quæ vtriusq; videbantur quam maximè profutura, quibus victum & sibi, & alijs pro facultate subministraret. Coeterum licet parentibus ille deuotissimè obtemperaret, magis tamen, voluptuosius, & solertiori quodam studio circa ea obuoluebat loca, quæ viderentur ad religionem, & pietatem proximiora fore; diuturnoq; opere expleto, nunquam animo quieuisset, quin ad Ecclesias se conferret, pia vota sua Domino soluturus. Fastidire quidem jam incipiebat animo quicquid mundanum illi ante oculos obtigisset. Insignibus verò, festisq; diebus, adolescentium, seu puerorum societates, & confraternitates, perfectis primùm diuinis laudibus, studiosissimè visitabat, illasq; eorum ceremonias, nihil prætermittens omninò, diligentius obseruabat. Si quid verò temporis superfuisset, iterum diuinis rebus id totum tribuere properabat. Opperiebantur autè nonnunquam illum parentes domi, cum ille cibi, ac potus, domusq; paternæ obliuione concepta, nec necessarij quoq; victus curam gerere videretur, sed ita in his absorptus, vt in omnibus jã illa opinio esset, eum breui religionem esse petiturum. Quare parentes ejus, ob filij charitatem, non nihil doloris, & anxietatis assumpserant, cernentes omnium sententia tanto filio se quantotius esse priuandos. Maximè autem Prædicatorum Ecclesiam frequentabat, ibiq; cupidissimè diuinis rebus intendens non ante redibat domum, quàm in Vesperam dies inclinasset. Erat enim domus illa florentissima cum virorum excellentia, cum religionis sanctimonia, literarumq; multa peritia. Quo circa in ea tanta deuotione

versabatur,

versabatur, ut, qui Ioannem voluisset, haud alibi frequentius, quàm apud Prædicatorum domum inuenisset. Unde & proverbio cautum apud parentes erat, cum quis Ioannem postulasset, *ubi credis hominem facilius, quàm apud Prædicatorum familiam inuenire? ibi diuturnas orationes agit, nostri penè oblitus.* Quasi verò jam prælagiret animo se ad altiora vocatum, sæcularibus illis exercitationibus nulla ratione intendere videbatur mente, ac si nostri Salvatoris sententiam didicisset: *Operamini non cibum, qui perit, sed qui permanet in eternam vitam.* Proinde ubicunq; Verbum Domini prædicari audiuiisset, illò se conferebat tanto studio, ut nonnunquam veluti stupidum homines accusarent; negligentem, desidem, temporis amissorem, ac propemodùm vecordem puerum vocitantes. Cæterum illa, quæ videbatur segnitie in rebus mundi agendis, non ex vitio, sed ex virtute internæ contemplationis prodibat, non quòd operari renueret, sed quòd ea, quæ ipsi proponebantur, illi opera non placerent. Neq; verò hoc ignorauere parentes, cum aliàs solertissimus esset, sed eius studia cognoscentes, ita utebantur eo, ac si jam pridem filium amisissent. Quippè nec contristare illum, quem tenerrimè diligebant, vlla ratione volentes, quandoquidem nulli vitio videbatur obnoxius, putabant ea non ob negligentiam ab eo fieri, sed propter tædium sæculariū rerum, illa ipsa vita tùm quidem sibi instituisse. Nam & societatibus optimis delectabatur plurimum, semperq; cum his versari, quorum fieret virtute melior, & deuotione præstantior. Itaq; nemo sibi persuadere poterat, eum absq; aliqua alia maiori virtute, & gratia, tali pacto vitam con-

Io. c. 6.

ducere.

ducere. Verba præterea eius his faciebant fidem, & spem optimam promittebant, cum essent graua, opportunè prolata, deuotionisq; & sanctitatis plena. Igitur deinceps nihil sibi negabatur domi, ad nullas verò res cogebatur, nisi ad quas necessitas compulisset. Parentibus quidem ita erat obtemperans, vt non multum eis laborandum esset, cum quid eum facere, vel dicere decreuissent. Paucis verò in rebus illi molestias inferebant, animadvertentes eum secretioribus horis quibusdam orationibus, quas materno studio didicisset domi, deditiorem esse, quàm in omnibus alijs rebus. Porro conuicinis, & coætaneis suis ita erat acceptus, & charus, vt cum quid eis temporis vacaret, Ioannem Dominici filium auidissimè conuenirent.

CAPVT VIGESIMVM OCTAVVM,

Ingressus in Ordinem Prædicatorum.



Cum ergo jam dudum in animo statuisset religionis ingressum, ad nullam aliam quàm ad nostram videbatur esse propensior, cum & in ea prospiceret viros, & spiritus feruore, & carnis nobilitate præcipuos, ac præterea peculiari quodam ad nostros vocaretur affectu, quòd & conuicinis, & suorum apud nos haberentur sepulchra peruerusta maiorū, quare tandem Prædicatorum habitum annos jam 18. natus à patribus postulauit. Intuitus autem adolescentem is, qui tunc Prior erat, quid causæ foret tunc percunctatus est, cur is, qui jam parentibus plurimo posset esse præ-

fidio,

fidio, & auxilio, eos ita relinqueret: Eorum illum fenestæ misereri debuisse, ac præterea, quantis, si eos relinqueret, angoribus, & difficultatibus facto isto compleret. Ille verò, *longè plura Deo quàm parentibus, animæ quàm corpori se debere* reposuit; quocirca, ut reciperetur, suppliciter postulare. Cujus propositi firmitate perccepta, se quidem morem illi gesturum respondit; cæterum hoc sine Patrum consensu fieri vlla ratione non posse, se verò pro eo cum Patribus verba facturum. Iret interea, & secum omnia diligentius cogitaret, examinatisq; omnibus, parentum, si fieri posset, veniam postularet; eorum, si id fecisset beneplacito, omnia melius & quietius proventura. Relata igitur hac postulatione ad Patres, varia fuit inter eos sententia. Erat quidem jam pridem notus ferè omnibus; & hi quidem annuendum putabant adolescenti, neq; reiiciendum esse, qui ad seruiendum Deo veniret, omninò judicabant: alij verò aut superledendum, aut negandum censebant penitus. Eorum autem hæ rationes fuerunt. *Rudem adolescentem, & quamvis bonum, ineptum tamen, & inertem fore, omnes à diu hominem cognovisse. Otio verò satis deditum, & qui non nisi in Ecclesijs versaretur terendo tempus: Videri ex his posse, laboris fugiendi gratiâ potiùs, quàm deuotione moueri. Præterea jam satis prouecta ætatis esse, omninò literis esse ineptum. Scire se, & id ex eo audisse, eum prima etiam elementa ignorare. Quiq; ferè annos sit 20. natus, quid de illo facturi sint ignorare: satis laycorum, & rudium hominum domi esse. Posse verò desiderio suo satisfacere in aliqua alia religione, quæ ita literarum peritiâ non requirât, ut nostra. Ad hæc adijcebant, nostram religionem à prædica-*

tionis officio Prædicatorum vocari; Hic verò cum impeditioris sit linguae, ac balbutientis, ut nostis omnes, & experimento probare potestis, quid tandem ejus consortio indigemus? Quare omnino ad aliam religionem properet, suadendum illi; utilior sit, & ad singula religionis munera aptior, quàm esset in nostra: idq; demum sibi videri. Erant autem in eo collegio excellentes viri nobilitate carnis, & scientiâ clari: Quos inter vnus erat, ex quo omnium pendebat sententia. Hic, annuentibus cunctis ut diceret, ut erat vir eloquentia, & gravitate insignis, in hunc ferè modum locutus est. Ego quidem Patres, ac Fratres mei, frequenter in hoc collegio nostro fui, deq; varijs rebus & verba feci, & alias sententias præclaras audiui, quibus vehementer delectatus sum: Nunc autem videtur mihi, non religiosorum, at secularium, vel potiùs gentilium more (pace omnium dixerim) in hac ipsa re, quam tractamus, de futuris euentibus augurari velimus; tanquam in nostra sit positum potestate, hominum mores bonos vel malos efficere. Et quamvis existimem, eos, qui hunc adolescentem reijciendum putant, bono quodam & sincero Zelo moueri: hebetioris tamen visus esse noscuntur, qui mala vel bona, quæ circa eos posita sunt, intuentur solum, à longioribus verò aciem sui aspectus remouendam putant. Utq; hoc vitiosum esse certò scimus, ita de futuris nimium præsagire velle, præsumptuosum, ac summa vituperatione dignum, in religioso præsertim, existimo. Itaq; in hoc reijciendo adolescente magnoperè animaduertendum censeo, ne volentibus nobis domui nostræ proficere, ac sapientes, & prudentes videri, diuinam gratiam negligamus, quam suadet Apostolus nequaquam in vanum recipiendam esse. Lubrica quidem Dei gratia est, tumq; verò capitur, cum aduenit: haud

in nostra

in nostra est potestate eam reuocare, cum semel abjerit. Generosi quidem cum sit animi, nequaquam, semel abjecta, citò regreditur: Sed differt, ut melior his, qui eam efflagitant, videatur. Hic ergò adolescens non nisi diuinà gratia illustratus ad nos hodie se contulisse putandus est; quam nos ei nulla ratione negare debemus, quandoquidem illam Deusei condonare dignatur. Quales enim sumus nos, cuiusue meriti, ut diuinas illustrationes metiri, aut dijudicare velimus? An ignoras Diuinorum iudiciorum rationem inexplicabilem esse, attingi quidem aliquo modo posse, comprehendere nunc omnino impossibile fore? Prasumptuosi hominis est, & diuina minimè sapientis, altiora se quæstum ire. At de idem iuuenem, semperq; in Ecclesijs obuersantem, negligentia deditum, respuendum censemus. Sed & bonum etiam paulò superius dicebatis. Qui in templo libenter moratur, nulla ratione accusandus est. Quid enim dicere-tis, si in platea, si in foro, si in ludis, & ganeis, siq; in alijs bu-jusce modi locis fuisse versatum sciretis? Negligentiam verò su-gere, non optare videtur, qui religionem ingredi curat, nisi vos omnes negligentes, aut desides vestrà sententia faciatis. Sunt certè nobis permulta exercitia, quàmmaxime occupationes, plurimi varijq; conflictus, quibus ne morula quidem, si modò re-ligiosi verè esse velimus, vacandum nobis profectò sit. Sed ru-dis, & omnino ignarus est. Creditis Patres abbreviatam ma-num domini esse, ut non possit ex his lapidibus (ut ita dixerim) filios Abrahe suscitare? Nonne & Dauidem ex pascuis, & Moy-sen, & Amos ex omnibus penè elegit Dominus? Neq; enim, aje-bat Apostolus, fortia & nobilia sed ignobilia & contemptibilia elegit Deus, ut fortiora & robustiora confunderet, ne gloriatur omnis caro coràm illo. Quo circa videte ne Spiritui Sancto re-

sistatis, quia ubi vult spirat, vocemq; ejus audis, nescis autem unde veniat, aut quò vadat. Quòd si bonus vestrà sententia est, bonum qui renuit, non satis animo, & mente consistit. Ex sua namq; natura, bonum nunquam (teste Philosopho) sui appetitum abijcit. Quare infectus appetitus est, qui non solum non concupisci bonum, sed etiam ultro se ingerens excludendum putat. Neq; verò id multum refert, quòd atate, ut dicitis, prouectior sit, ut ad literarum studia reddatur omnino ineptus: Sed Deo nequaquam impossibile est, qui jam pridem sic ejus animo inspirauit, ejus quoq; sic ingenium illustrare, ut longè doctior multis euadat, atq; præstantior. Annè memorià excessit, Apostolos omnes, & atate prouectos, & ingenio rudes à Domino fuisse delectos? Ipse enim os, & sapientiam tribuit, ipse prudentiam, ipse bonitatem, spiritusq; gratiam, quibus voluerit, impertitur. Vidimusq; sapissimè eos, qui videbantur ingenio multum valere, ineptos deinde, atq; obtusos euadere, negligentia hoc, aut contraria consuetudine faciente: eos verò, qui nullius videbantur probitatis futuri, in egregios, & summos viros conuerti. Nihil enim adolescentis vià obscurius, nihil inuolutius, atq; in nulla re magis quàm in ista vidimus homines fuisse deceptos. Quòd si pro diuina voluntate, ob ingratitude nostram, qui diuinare volumus, nobis accideret, iste verò in amplissimum & singularem euaderet virum, quanta nostris pœnitentia esset, cum deinceps ejus gloriam cerneremus? Itaq; diuina gratia prœuenienda potius est, quàm prœoccupanda. Quòd si lingue impedimenta profertis, nimium certè de diuina bonitate diffiditis. Nonnè & Esaiam pollutum labijs ipse prophetam fecit, & Ieremiam loqui omnino ignarum suo populo predicatorum dedit? Linguas ipse infantium disertissimas reddere no-

uit,

vit, qui Balaam asina nec elocutionem omnino sua virtute negavit. Moysen quoque, & impeditioris lingue fuisse, manuumque, grauiſimarum, sacra litera ferunt. Ergo ne hac quoque causa reijciendus videtur. Quamquam & illa ipsa adolescentis huius impeditio linguae, non ad elocutionis turpitudinem, non ad impedimentum, sed ad decorem, atque delicias, si recte considerare velitis, ei videtur esse tributa. Esto autem, quod horum nihil futurum certo sciremus, nonne in magna domo, inquit Apostolus, diuersa & varia genera vasorum esse oportere, & alia quidem aurea, illa vero argentea, hac lignea, altera vero testea? Gratia praeterea conferuntur diuersis diuina largitate diuersa. Dedit quidem & ipse quosdam Apostolos, alios vero Euangelistas, alios autem Pastores, & Doctores, ut saepe noster referebat Apostolus, ut qui ad unam rem ineptum se esse prospiceret, in altera semetipsum exercens, proximorum utilitati consulat, ut suae salutis, ut Domini gratiam est sortitus. Quamobrem nisi incerta pro certis velimus assumere, & ut praediximus, more gentilium diuinare, hunc adolescentem aduocandum censeo, illique gratiam quam postulat, concedendam: Deo vero cetera omnia relinquenda, cui non impossibile est, gratiam ei, atque virtutem talem tantamque conferre, ut omnibus nobis, & religioni nostrae, ac demum toti Ecclesiae DEI futurus sit magno ornamento, atque salutis. Quae omnia, ubi ex seniori, & praestantiori viro prolata sunt, in sententiam eius frequentes omnes iere. Advocatumque adolescentem, qui praeforibus operiebatur responsa, coram eis prostratum cum intellexissent, postulationum eius pijs annuere votis.

CAPVT VIGESIMVMNONVM.

Profectus ejus in religiosis moribus, vitæq; austeritate.



E Abitum igitur omnium suffragio consecutus, incredibile dictu est, quàm illo habitus nitore, ac forma, in alium visus sit virum mutatus. Neq; idem nunc illi aspectus, nec eadem corporis habitudo mox in adolescente apparuit: sed omni illa, qua ante videbatur, ruditate deposita, ac si anguis pristinam exuisset pellem, ruditas in decentiam, forma in gratiam, habitus in reverentiam, incessus, & corporis dispositio omnis in deuotionem repente conversa sunt. Fuit autem ejus ad Ordinem nostrum ingressus anno Salutis 1358. completus. Novitiorum autem custodiæ deputatus, mirum in modum ceteros in rebus omnibus antebat. Quippe literarum licet omnino esset ignarus, bonitate tamen ingenij, & sedula exercitatione, & assiduitate, & perseverantia celerrimè omnem divinarum laudum excurrit notitiam, ita vt brevi in his apprimè videretur educatus. Neq; vt pueri, vtq; adolescentes consueverunt, qui minùs, quæcunq; agunt, considerant, ore illas duntaxat libare nitebatur, sed corde, & mente, quantum illa pateretur ætas, & nonnunquam supra ætatem, contingere: Tantoq; desiderio ferebatur in illas, vt non auidius corporis assumere videretur cibum. Retinebat autem eas tenaci memoria, quæ ita in homine viguit, vt vulgata fama sit, quicquid semel didicisset, nunquam fuisse oblitum.

Mox

Mox ergò spei evasit optimæ, nec jam annumerandus erat inter eos, qui obtuso erant ingenio: sed ea, quam conservare studebat, spiritus denotione, & plurimarum cognitione rerum, jam sperabatur præstantissimus evasurus.

Namq; futuram in eo facundiam, & sermonis locutionem amplissimam omnia portendebant. Novitijs enim apud quos versabatur, nonnunquam salutaria ita depromebat verba, ut omnibus esset admirationi: tanto illa spiritus ardore dicebat. Neq; illi impedimentum linguæ detrahebat quicquam, quo minus persuadendi, ac prædicandi ei concederetur facultas, sed ea ipsa impeditio linguæ, ita in ejus ore delitiosè sedebat, ut ad gratiam, decoremq; potius, quàm ad inconcinnitatem videretur ei tributa.

Omnibus verò exercitationibus, quibus ille novitiorum status institui solet, tanto operè incumberebat, ut nulla in re aut inferior cæteris, aut deterior appareret. Cumq; tempus nequaquam superesse intellexisset, paucissimè indulgebat somno, moxq; exurgens aut divinis laudibus, aut privatis suis orationibus, aut lectioni vacabat. Deinde obedientiæ, & humilitati ita studebat, ut nullus Ioanne obedientior, nullus eo, gestu, & habitu haberetur humilior. Conversationis verò ita facilis fuit, ut omnibus miro quodam modo esset acceptus, & charus. Leuitati nunquàm deditus fuit, sed illa ipsa sollicitudine, qua usus in sæculo, illa gravitate, atq; deuotione accuratiùs utebatur. Cum autem professione jam confirmatus, satis illà novitiorum disciplina videretur imbutus, mox ad altiora se transtulit. Lino quidem ad carnem, deinde semper abstiniuit: carnibus, nisi cum hoc corporis valetudo postulaf-

fer,

fer, omninò interdixit, vinum aquà multa conditum sumens. Cibi proindè abstinèntiam amplexus, & vltra quàm illius ætatis facultas requireret, parcitati studens, omnia jejunia non solùm Christianis omnibus communia, sed etiam illa, ad quæ ex religione tenebatur, ad vnguem (vt ajunt) seruabat. Cùmq; ad solidiorem jam pervenisset ætatem, magis sibi proficiendum ratus, cœpit haud nisi semel singulis diebus cibum assumere: sæpissimè verò panis, & aquæ abstinèntiâ utebatur; etsi ei nonnunquam interdicebatur propter stomachi imbecillitatem. Quamuis enim satis esset robusto corpore, staturæ verò in proceritatem potiùs, quàm in paruitatem inclinantis; languebat tamen sæpè stomacho, Medicorumq; indigebat consilijs, & opitulatione. Nec alio utebatur lecto, quàm sacco, capite superposito puluinari, vili cooperimento contentus; straminibus quoq; laneis, & his admodum grossioribus; idem in suis quoq; vestibus omninò conseruans. Delectabatur tamen tunica, & scapulari albescenti, & nitido, vt animi, ita etiam corporis sordes agrè ferens.

CAPVT TRIGESIMVM.

Profectus in studijs.

ITaq; his optimis jam artibus institutus, Dialecticæ, atq; Philosophiæ præceptis incubuit. In quibus tamen sæculi artibus haud diutius immorandum ratus, tantùm hæc attingenda existimans, quo ad suo instituto satis sufficerent, tandem ad

sacras literas omnem operam suam conferre curauit. In
has verò tanto desiderio, & amore ferebatur, vt omnes sa-
crarum literarum subtilitates, quosq; illarum sensus, plu-
rimas quoq; ac varias Doctorum sententias, perspicaci, ac
claro ingenio penetraret. Neq; verò in his omnibus tam
saeculi, quam sacrarum literarum disciplinis, communis
illi, aut vulgaris eruditio fuit; sed accurata, & recondita,
ac singularis, vt in omni re, de qua disputandum esset, fa-
cilem ac promptam, ac praeterea eruditam, & gravem ipse
proferret sententiam. Consilio quoq; sincero pollebat &
grauis; & in his praesertim, quae ad animarum pertinere
videbantur salutem, tantam diligentiam adhibere cura-
bat, vt ejus nihil esset consilio clarius, nihilq; illius puta-
retur sententiâ posse afferri solidius. Sed & manuum ope-
ribus officiosissimus erat. Quippè & plurimos propria
manu transcripsit libros, musicâq; notâ impressit, qui ad
multa tempora, vt reliquiae quaedam, mira cum diligen-
tia conseruantur à multis.

CAPVT TRIGESIMVM PRIMVM.

Concionandi praestantia, & humilitas.



Stis autem ritè, & summâ diligentia comparatis, majorum suorum praecipis obtemperans, capit verbi Dei praedicator existere, multaq;
in ea re gratia apud populos eminere. Praesta-
bat cunctis ferè suae aetatis hominibus, memoria tenacita-
te, & mentis illustratione, vt ea, quae vellet, cito caperet,

& jam accepta, sempiternâ memoriâ retineret ; atq; eâ quæ maximè Prædicatores efficit gratos, pronuntiatione scilicet, quàm maximè excellebat. Neq; verò tam austerus erat in verbis, ut animos hominum desperatione deiiceret, neq; ita remissus, ut peccandi audaciam condonaret. Magis tamen prædicatio ejus ad contemplationis dulcedinem, atq; deuotionis ardorem propensior erat, quàm ad austeritatem. *Existimabat enim, generosum homines animum fuisse sortitos, magisq; sermonis dulcedine, quàm severitate conduci.* Quapropter ejus prædicatio, & sermo omnis, præter doctrinæ vivacitatem, qua pollebat plurimum, & amplissimam dignitatem, multa erat deuotione & sinceritate conditus, ut qui hominem audisset, tanquam exemplar quoddam Doctoris gentium videretur audire. Obtemperabant autem illius prædicationibus ferè omnes; nec id accidebat illi, quod Salvator dicere solitus erat, *neminem in patria sua prophetam acceptum existere*, sed divino quodam munere, in nulla patria acceptior erat, quàm sua: prædixerat enim Salvator noster, majora, quàm ipse faceret, seruos Dei quandoq; facturos. Quocirca non vna ejus prædicatione satiati abibant, sed eâ apud nostros perfectâ, si ad aliam, binamq; inuitasset, proficiscebantur omnes, & auidius illius ab ore pendebant in quinta, quàm in prima. Nam sæpissimè quinquies prædicabat in die, ita erat robusto corpore, & rerum multarum cognitione fecundus. Quodq; in hoc præstanti viro longè mirabilius erat, ipse sua virtute, & probitate, omnium, quam de eo habebant opinionem, superabat; tantâ gratiâ Deus illum perfuderat. In his tamen virtutum generibus, quibus vni-

Mat.
13. &
Marc.
6.

versæ

versæ religio
mansuetu
giens, pop
eum sciret
pla consti
tate fore;
cuius, atq;

CAP

Qualis in p



mis alijs n
genter &
tione, & l
nevolentia
præstabat
quibus car
quoq; virtu
familiarissi
modo tran
in semet ex
ret, nos à D
fuisse dorat
ultraq; c

versa religioni erat ornamento, atq; saluti, humilitati ac mansuetudini operam adhibebat, hominum laudes effugiens, populorumq; fauores, mirum in modum, deuotans: cum sciret, homini religioso, & in aliorum praefertim exempla constituto, nil periculosius superbiâ, & animi tumiditate fore; quam qui superasset, in alijs rebus posse salicuius, atq; vtilius Domino famulari.

CAPVT TRIGESIMVMSECVDVM.

Qualis in praefecturis Ordinis, ad quas inuitus promotus.

Icet verò per omnem vitam ita faciendum putauerit, nonnullas tamē in nostra familia praefecturas adeptus est. Nam & Prioratus honore ornatus est, & in Romana Provincia plurimis alijs muneribus donatus. Quae omnia cum ita diligenter & studiosè, & cum summa omnium commendatione, & laude perfecisset, omnium in se prouocauit beneuolentiam, & amorem. Nam & prudentia singulari praestabat, & digna meritis erga omnes solertiâ utebatur, quibus carus omnibus, & amabilis erat. Discretionis quoq; virtutem, longè gubernatoribus opportunam, sibi familiarissimam habuit, vt in omnium se miro quodam modo transformeret naturam, nec austeritatem, quam in semet exercebat, in alios vellet experiri. Cum enim sciret, nos à Deo factos omnes, non autem paribus gratijs fuisse donatos, imbecillitati omnium consulens, ac piè vniuscuiusq; conditioni prospiciens, nil inexpertum, aut in-

exploratum, post se relinquere properabat, quo minus omnia, si fieri posset, euaderet.

CAPVT TRIGESIMVM TERTIVM.

Quòd Magisterium recusauerit: quanta etiam virtutis eius sermo, & prædicatio.



Umq; esset omnium sua ætate doctissimus, & multarum rerum scientiâ nulli secundus, Magisterij tamen dignitatem, nunquam assumendam putauit, licet ad hoc eum Patres Ordinis quàm sapissimè impulsissent. Hac igitur de causa, pro Diuina voluntate, populorum Magister esse promeruit, eoq; illustrior, quò non corporis, sed animorum Magisterio excelebat. Quippè tam validus illi, & acutus, & usq; ad interiora animi & spiritus, penetrans sermo collatus est, ut mutare animos, figere mentes, adunare plebes, continere populos, incredibili quodâ priuilegio facillimè posset. Itaq; non sceleribus dediti, non perditissimis moribus instituti, non deniq; illi, qui nullo Dei agebantur timore, ac metu, resistere valebant viuacitati, & efficacix sermonis eius: sed confestim mutatâ sententiâ, animisq; conuersis, in aliam se viuendi transferebant formam, ut ex audacibus mansueti, ex impijs pijsimi, & ex petulantissimis fierent morum grauitate præcipui. Mulierum quoq; leuitates, lasciuias, atq; omnis generis pompas, ita deuotione coercuit, ut abjectis illis pompæ secularis illecebris, ac periculosissimis lenocinijs, ad religiosam vitam pluri-

ma se
abijset, e
scorum ci
Cùm q; pe
lene vitan
sulano co
numera
mo sum
xit, & in
tum exer
nouare, a
vium ani
demonia

CA

Prim



bus, iste
omnium
nam corp
monibus
formam
Abbatem
telle non

mæ se conferrent. Sequebantur illum plurimi quocunq;
abiisset, ejus præstantiâ, & sanctitate illecti, perq; Hetruscorum civitates omnes, hujus viri celebrabatur nomen.
Cumq; permulti, relicto sæculo, ad religiosam se contulissent vitam, Monasterium Sancti Dominici in monte Fesulano constituit, in quo discipulorū haud negligendum numerum adunavit; quam domum deinceps, non minimo sumptu, Barnabas Aliorum clarâ familiâ ortus extruxit, & in pluribus ornauit. Quo in loco, egregijs virtutum exemplis, religionis coepit instituta, ac cerimonias renouare, ac plurima memoratu digna gerere, quibus civium animos, miro devotionis suæ exemplo, ad vitæ sanctimoniam inuitabat.

CAPVT TRIGESIMVMQVARTVM.

Primus in Italia religiosæ observantiæ instaurator.

NEq; verò hoc in sæculi hominibus solū illi facere concessum est: sed cum religiones omnes, penè ad tantum dissolutionis venissent, vt paulò minùs Religiosi à sæculi distarent hominibus, iste in Italia primus, spiritus sui feruore, animos omnium sic accendit, vt collapsas, & jam pridem in ruinam corporis, & spiritus proruentes religiones, suis sermonibus restauraret, & optimis institutis in pristinam formam redigeret. Ajunt, eo tempore Florentinæ domus Abbatem, Gvasconum nobili familia natum (& ob id fortasse non ita religioni, quam esset professus, deditum, vt

decebat)

decebat) huius prædicatione, quam casu audierat, mente, ac animo sic fuisse mutatum, ut ipse inter primos annumeratus sit, qui, prætermisiss omnibus Prioris vitæ præludijs, ad religionis observantiam, summa omnium admiratione, regressus, mira deinceps devotione, & sanctimonia vitæ tempus omne absumpserit, & ita profecerit, ut plurimos, ad longa usque tempora perseverantes, condiscipulos in domo Domini adunare curaverit. Idem verò Pisis, & apud Lucanos ejus operâ gestum est: deinde Cortonij etiam, & ad Fabrianum oppidum, unde Romam ejus devotionis fama perlata est. Inde ulterius prætergressus, Venerias usque concessit, qua in vrbe clarissima, tantam & nobilium, & populi gratiam est consecutus, ut diutissime in eorum memorijs vixerit, tenuerintque non solum ejus gesta, sed etiam scripta, summâ veneratione dignissima. Plurimi quidem ex Urbis Florentiæ & Venetorum nobilibus, relicto sæculo, religiosam delegere vitam. Nobiles quoque; fœminæ nonnullæ, spiritus fervore tantopere sunt accensæ, ut in ea vrbe egregium nobilium mulierum Monasterium constituerit, quod Corporis Christi titulo nuncupavit. Cujus tanta dignitas, ut aliud nullum Venetijs esse ferretur, longo tempore, quod illi regularis vitæ observantiâ posset æquari. His creditur præclarum charitatis edidisse librum, vernaculâ quidem linguâ compositum, sed multa elocutione, & sententiarum gravitate præcipuum. His primas ex Monasterio, quod Pisis est, contulit matres, cui quidem plurimum adjumenti, & favoris dedit, quandoquidem insignes matronas Venetijs, & Ianua venientes, in eo recipiendas misit. Ex quibus egregium

Monasterium

Monaste
vrbe est;
religiosa
primam
cunt, ex V
& plurim
sertim (n
fuerunt
atq; deco
rentius P
sul Floren
paccius,
tute, atq;
accrevit,

CA

Commen



præcipuu
lo nuncia
res, Flore
tione dim
R. Joanni
vita integ

Monasterium Sancti Petri Martyris, quod in Florentina vrbe est, prodijisse videtur, quod omnium, humilitate, & religiosæ vitæ conuersatione clarissimum extat. Nam & primam huius Monasterij matrem, quam Priorissam dicunt, ex Veneto patre, viro nobilissimo natam ferunt. Sed & plurimi ejus studia imitati, & in nostra religione præfertim (nam alios nominare longissimum esset) maximo fuerunt & nostris, & vniuersæ Dei Ecclesiæ adjumento, atq; decori, videlicet Ioannes Mafius Florentinus, Laurentius Pisanus, & Antonius, sive Antoninus, deinde Præsul Florentinus: Andreas Duecius, Bartholomæus Lappaccius, & Ioannes Pictor, & permulti alij, quorum virtute, atq; doctrinâ, plurimum nostræ religioni dignitatis accreuit, & gratiæ.

CAPVT TRIGESIMVMQVINTVM.

Commendatio S. Vincentij Ferrarij de B. Ioannis præstantia: libri editi, vis Predicationis.



Ad cumulum quoq; ejus laudis, & gloriæ facit, quod cum Sanctus ille Vincentius Ferrarius, Hispanus Valentinus, vir doctrina & sanctitate præcipuus, Ianuam sive Genuam, verbum Domini populo nuncians, advenisset, eumq; hortarentur Florentini ciues, Florentiam se conferret. hoc responso illos ab ea petitione dimouit: *Non se ad has Ciuitates missū, alteri, nimirum F. Joanni Dominici, à Deo eas creditas esse, cujus doctrinâ, atq; vite integritate suos mores componerent, atq; emendarent.*

Neq;

Neq; verò hoc facere verbis satagebat solùm : sed etiam scripto plurima refellebat crimina, & objugabat delicta, in faciem eos arguens, quos vidisset in Domini leges nimium audaces. Nam cum Poeta Collutius (in alijs vir excellens) de fortuna & fato, quendam edidisset librum, in quo non satis probè de fide videbatur sentire, poeticâ forsitan licentiâ ductus, cum quandoq; is liber ad ejus devenisset manus, passus nequaquam est impunè illius abire sententias : sed mox adversus eum edidit librum, quem *Luculam* appellavit, in quo omnia ejus maledicta purgavit, ut faciliè eo ipso, & illius errores, & hujus pietas, atq; eruditio designentur. *Commentaria quoq; in Ecclesiasten descripsit : Et in Cantica canticorum meditationes egregias, & super Magnificat alma Dei genitricis, laudes multa devotione conspicuas.* Suarumq; predicationum terebantur manibus libri, quorum lectione nil dulcius, nec quicquam eorum eruditione præstantius. Sed *super Epistolas Pauli*, ad quas miro afficiebatur amore, & *pro Psalmorum explanatione*, nequaquam negligenda descripsit, quæ tantâ sunt dignitate referta, ut longè mirabile considerantibus videatur, tantam in homine virtutis, & intellectus gratiam extitisse. Tanta verò fuit, & ita excellens, ut etiam cum prædicaret, permulti scriptores adessent, qui ea, quæ diceret, summo studio & aviditate, literis commendarent, ne scilicet nunc primum audita citius elaberentur. Multa quidem inerat homini dignitas, multa auctoritas, atq; populos ita ducebat, ut pueros solent pii parentes, nummo, vel pomo, quò voluerint, permovere. Neq; ita is, qui improbo est confectus amore, amatam desideratamq; faciem contueretur,

nec ita narrantis pender ab ore, ut populi in ejus auditio-
nem omnes faciebant. Semper enim se noua, semper me-
liora atq; cultiora, quæ prædicaret, arbitrabantur ex ho-
mine audituros. Nam præter eloquentiæ venustatem,
qua naturali quodam priuilegio excellebat, opinione
quoq; & odore virtutum omnes ad sanctimoniam pro-
vocabat. Nihil quidem in homine durum, nihil asperum,
nihilq; obtusum: sed ea, quæ viderentur difficillima fore,
illa ejus pronuntiatione, atq; explanatione facilia euade-
bant, & dulcedinis, & suauitatis plena. Cumq; multa sibi
darentur, ut fieri prædicatoribus solet, ille innata quadam
ad egenos pietate, ita omnia distribuenda curabat, ut plu-
rimorum miseras propria compassione leuaret. Ejus
proinde operâ puellæ nuptui tradebantur, pro eis ipso
procurante dotē, vinculis ut liberaretur captiui, efficiebat,
varijsq; detentos arūis, sua providētia, atq; solatijs refo-
vebat. Consolationi autem eorum, qui angustijs, & ca-
lamitasibus tenerentur, tam egregiè erat suauiterq; natus,
& aptus, ut nulla vis ægritudinis esset, nec adeo grauis
dejectio animi, nec ita acerba consternatio mentis, quam
non ad modestiam, seu temperantiam, sua exhortatione
atq; suafu reuocaret. Iratorum quoq; hominum, & ad
injuriarum ultiones, atq; vindictas ardentium, odijs,
diffidijsq; sedandis adeo præstans, ut quosq; exacerbato
etiam animo, & maxima iracundia æstuantēs, ad patien-
tiam, ad tolerantiam aduersorum, ac denique ad pacem,
conciliatis inuicem animis, prouocaret. Nec quisquam
ejus ætate fuit, qui tanta in animos hominum posset effi-
cere, quantum in omnire, & persuadendo, & arguendo

valebat. Itaq; cum sæculi hominibus de rerum mundanarum contemptu, atq; despicientia, de divinibus beneficijs, de supernæ felicitatis consecutione, de tolerandis ac perferendis præsentis vitæ laboribus, de diuturna mortis expectatione, deq; alijs hujuscemodi sanctissimis conferebat rebus, quibus in eorum mentibus sæculi hujus amorem extingueret, & ad cœlestis patriæ desideria animos inflammaret. Quocirca juvenum tantopere excitabat ingenia, vt permulti nobilium filij, ejus adhortationum suauitate pellecti, de gremio quodammodo auellerentur parentum; filiaquæ, relicto dulci matrû suarum complexu, sæculi abjectis illecebris, atq; pompis, ad religionis statum deuotione maxima demigrarent. Tantum quidem illi tribuebatur ab omnibus, vt tanquam ex Deo dicta, omnia Ioannis Domînici verba susceperent, quæ nulla ratione transgredi oportere, singuli rectè sentientes putant. Qua ex re nonnulli ciuitatum primarij, pro filiorum (vt arbitrabantur) amissione, tanta in eum indignatione concitati sunt, vt nec etiam ab ejus contumelijs temperarent, sæpissimèq; in suis consilijs agitarent, eum à suis ciuitatibus deturbare. Ille verò, vt erat mitis, & innocens, ita eorum calumnias tolerabat, vt Stoicorum quempiam, qui nulla (vt volunt) passione moventur, putares. Cumq; pro ea, quam prædicabat, veritate (ex qua plerumq; non mediocriter homines indignantur) plurimis esset infensus, nihilominus pro innata charitate, qua singulis erat affectus, complectebatur omnes, nec animum remittebat, quominus illa proferret, quæ salutaria hominum animis viderentur. Ita & arguere cum modestia, vt eorum animos

sibi,

sibi, & alijs
rat. quod
erat infest
debat arde
oculos co
quæ pauld
ad aquas
rent, vt fe
ita profes
rum præf
cationes a

CA

Ad digni



ram accep
arbitratus
uitati, eur
verò, vt er
nuebat, c
humanis
terum vi
voluntati

sibi, & alijs conciliaret, illa ipsa mansuetudine consuenerat: quodq; in homine mirabilius fuit, quantò permultis erat infestior, eò illorum quisq; ad eum audiendum accedebat ardentior. Subitò quidem omnium in se mentes & oculos convertebat, memoriâ nequaquam retinentes, quæ paulò ante aduersus hominē cogitassent. Nam cùm ad aquas Diuinæ gratiæ, quæ illius ex ore fluebant, accederent, vt serpentes solent aquas ingressi venena relinquere, ita profectò eveniebat istis, qui extra Ecclesias positi, virum præstantissimum laniabant, cuius tamen ad prædicationes avidissimè concurrebant.

CAPVT TRIGESIMVMSEXTVM.

Ad dignitates Ecclesiasticas pro Ecclesiæ necessitatibus promotio.



Um summus Pontifex Gregorius XII. apud Lucam versaretur in summis rerum difficultatibus constitutus (quòd tempora diri schismatis essent) jamq; pridem Ioannis Dominici claram accepisset famam, necessarium fore sibi hominem arbitratus, ac præterea Florentinæ cupiens gratificari ciuitati, eum Ragusinæ Ecclesiæ præsidem declarauit. Ille verò, vt erat mitis, & bonus, eam dignitatem suscipere renuebat, cupiens magis animarum saluti intendere, quàm humanis fauoribus ad hæc fastigia promoueri. Cæterum videns Pontificem ita decreuisse, annuit quidem voluntati ejus; nunquam tamen voluit ob humilitatem

consecrari, sperans se denuò, sedatis perturbationibus, ad ordinem rediturum.

3. p.
hist.
tit. 22.
c. 70

De hac re agens S. Antoninus Archiepiscopus Florent. B. Ioannis Dominici discipulus, & auctor veracissimus, ita narrat. Anno Domini 1406. de mense Nouembris, Innocentius VII. migravit ad Dominum, gravi infirmitate à Domino visitatus. Vt autem fuit transitus Innocentijs Florentia nunciatus, vir religiosus Ord. Præd. per cuncta laudabilis Fr. Ioannes Dominici, egregius Prædicator, potens in opere, & sermone coram Domino, & omni populo, qui pluribus continuatis quadragesimis Florentia prædicauerat in Ecclesia Cathedrali, & S. Mariae nouella, & bis in die cum maxima gratia, & fructu, propter fragrantem odorem sanctitatis ejus, & facundiam, & sapientiam, ut feruidus zelator Ecclesiastica unitatis, tunc moram trahens cum multis Fratribus in Conuentu S. Dominici Fesulanensis diœcesis, ab eo funditus edificato, accessit ad Magistratum Florentinum, exhortans ipsum, & persuadens operam dare, cum eligendo Pontifice pro unione fienda. Qui eum non surda aure audientes, decreuerunt communi consilio ad curiam destinare, futuram electionem præuenientes. Quo facto, pedestes, ut humilis, & pauper, Romam profectus est, inuenitq. cum applicuisset, conclauē Cardinales intrasse, qui considerantes pericula magna, quæ possent contingere in mora electionis, demum decreuerunt electionem sequi, per chirographum facta promissione, juramento, & voto à quocumq. Cardinalium, ut si contingeret eum eligi, daret omnem operam, & diligentiam absq. fraude, & dolo ullo ad unionem efficiendam, etiam si oporteret eum propter hoc Papatui cedere. Electo igitur Angelo, & Gregorio XII. nuncupato, immediatè renouauit promissionem

juramenti,

juramenti
cerat. Quoc
& Communi
valde, spe fu
autem Joana
portunitate
Gregorio, &
mocinatus
bus pluribus
dam: ad qu
stra pro loco
tem Gregori
tionem ejus
Venetys, cu
cundiam, &
memoria, &
cuncta per
quenter ac
pleto sermo
tiam, & vi
bi destinatu
nè redeundi
entē ad susci
cū ad Cardin
Ecclesiæ ad
Pontificū
cebat op
Ragulinu
propter al

juramenti, & votum, quod ipse cum cæteris ante electionem fecerat. Quod cum per literas significari mandasset Principibus, & Communitatibus plurimis, omnes gauisi sunt gaudio magno valde, spe futura unionis eum ad cælum extollescentes. Prefatus autem Joannes Dominici, in publico postmodum Consistorio, opportunitate sibi data, ex parte Communitatis Florentinae coram Gregorio, & Cardinalibus tam scientificè, quàm luculenter sermocinatus est, supplicans, exhortans, & persuadens rationibus pluribus ipsam unionem, quantum in eo erat, consequendam: ad quod Communitas ipsa offerebat ciuitates suas, & castra pro loco, & omne auxilium, & fauorem. Cognoscens autem Gregorius prefati Fr. Ioannis scientiam, sanctam conuersationem ejus in Domino, cujus olim familiaritatem habuerat Venetijs, cum in minoribus esset, nec ignorans sapientiam, facundiam, & industriam ejus in agendis (erat enim tenacissima memoria, ut penè omnia in mente recenter haberet, qui ferè cuncta perlegerat) ei mandauit, ut à curia non recederet, frequenter accersiri faciens in consilijs secretis, & alio loco: expleto sermone cunctis gratissimo, Gregorius, qui ejus & prudentiam, & vitæ sanctitatem Venetijs nouerat, ut Angelum Dei sibi destinatum ad tantum opus suscepit, nec licentiam ad Ordinem redeundi concedere voluit: sed non se ingerentem, vel ambientem ad suscipiendum Archiepiscopatum Ragusinum coegit: postea etià eum ad Cardinalatū exaltans. Pontif. quippe Greg. jura Rom. Ecclesiæ ad se deferenda credens, quandoquidem verorum Pontificū successor existeret, Benedict⁹ verò intrusus, enitebatur optimis viris statū suū, & Ecclesiæ cōfirmare. Itaq; Ragisum Præsulem sibi jungere studens, nihil veritus propter aliorum Cardinalium contradictionem, modò

tit. 22.
cap. 11.
§. 3.

viros

viros optimos in Ecclesia collocaret, quatuor Lucæ con-
sistens Cardinales creauit, alterum sancti Sixti titulo præ-
ficiens, Ragusinum videlicet Antistitem Ioannem Domi-
nici, & Magistrum Lucam ex Humiliatorum religione,
virum egregium, aliosq; duos præstantes viros & excel-
lentes, quibus existimauit statum suum quam maximè ro-
borari. Sed longè secus, ac speraret, euenit. Indignati
etenim Cardinales cæteri, atque de fuga cogitantes (time-
bant enim, ne qua uis à Pontifice inferretur) non mini-
mum anxietatis Pontifici attulerunt. Ciuib; quoq; Flo-
rentinis, maximèq; rempublicam gubernantibus, vel
quòd facto isto haud dubiè & Pontificis, & Ladislai Regis
Siciliæ augerentur vires, vel quòd alijs pro suo arbitrio
eam voluissent dignitatem conferri, vel certè quòd jam
pridem supra memoratis causis Ioanni Dominici infensi
animis essent, non satis grata horum promotio fuit. Po-
pulares quidem summis hominem laudibus extollebant,
suis quidè virtutibus Ioannem Dominici ad Cardinalatus
gloriam peruenisse vociferantes, fieriq; tali homine posse,
vt hisce malis, & scissionibus ejus opera, & suasu finis im-
poneretur. Cæteri calumniabantur, dicentes, hypocritam
hominem, ac simulatorem, mundi gloriam fore contem-
nendam magnificè suasisse, ea verò idcirco vigilia jejuna-
se, vt hilarior interesse posset festiuitati. Atq; his & hu-
jusmodi verbis in præstantissimum inuehebantur virum.
Ille autem nec dignitate elatus est, nec horum calumnia
dejectus. Neq; ob eam, quam consecutus est dignitatem,
aut pristinam deuotionem, & sanctimoniam vitæ remisit,
aut corporis habitum commutauit: sed eadem viro hu-

milicas,

milias, eadem victus austeritas, non alia illi in conversatione facilitas fuit, quàm ante habuisset. In summis autem rebus cum esset præter suam voluntatem constitutus, ea tamen omni studio & facere, & dicere meditabatur, quæ existimaret Ecclesiæ Christi, & proximorum salutis conducere. Sed cum multæ difficultates adessent, ne una quidem die res tanta poterat in summa hominum, & sententiarum varietate componi. Sed neq; rationi consentaneum fuerat, recedentibus à Pontifice ob eam indignationem Cardinalibus alijs, ut ipse quoq; abiret, à quo nuperrimè esset ea dignitate ornatus. Quis lenim laudasset hominem, si hodie Cardinalis declaratus, postridie se Pontificis adversarijs conjunxisset? Quod enim unio sibi gratissima fuerit, ex his quæ deinde gessit, facillimè intelligi potest. Itaq; unio adversarius est nunquam, sed eam cupidissimè exoptabat: habendam tamen esse & temporum, & hominum rationem, volebat. Cum ergo à Gregorio ferè omnes Cardinales abcessissent, cum solis quatuor derelictus, Luca Senas se contulit: sed ij, qui cum Benedicto XIII. Avinione se pro Pontifice gerebant, omnes profugerant. Pisis itaq; pro Concilio congregando convenientes, utrosq; Pontifices ad indictam diem conuocauere. Ea ubi Pontifex Gregorius intellexit, Cardinales omnes, qui Pisis convenerant, ut Concilium aduersus Pontifices celebrarent, ut hæreticos & schismaticos, & sanctæ Ecclesiæ inimicos, omni Ecclesiastica dignitate priuauit, & ita scribendum Christianis Principibus, & populis censuit, congregationem illam, non Concilium, sed conciliabulum appellans, quòd nullius Pontificum auctoritate

constaret.

constaret. Deinde ut plurimos in sententiam suam traderet, novos alios Cardinales, bonos quidem, ac seniores viros creauit; tamen si minimum eares roboris Gregorio, aut fidei attulerit, quod scribentes ij Cardinales, qui Pisis erant, aduersus Pontifices, plus fidei apud homines obrinerent. Gregorius autem Pontifex, ut quietius viueret, Ariminum se contulit. Qui vero Pisis erant Cardinales, coeteriq; proceres, & legati, omnes aduersus ambos Pontifices pro sanctae Ecclesiae vniione se certare putantes, cum nullus venisset, his omnibus, quae videbantur ipsis facienda, peractis, tandem in eos, ut in haereticos, ac schismaticos sententiam protulerunt. Deinde 17. Calendas Iulij Anno Domini 1409. pro nouo eligendo Pontifice in Archiepiscopatu inclusi, summum Pontificem Petrum Cretensem, Mediolanensem Archiepiscopum, eruditum & precipuum virum ex Sacro Minorum Ordine, elegerunt, cui Alexander V. nomen impositum est. Quibus ita gestis, plurimae Regum, & Principum legationes Venetijs convenerunt, quarum altera quidem pro Gregorio, aliae pro Benedicto, plures pro Alexandro erant: ita ut, quod rebantur apud Pisas congregati schisma per noui Pontificis electionem tollendum, maiores vires acceperit, non iam duobus, sed tribus pro Pontificibus, Gregorio, Benedicto, Alexandro habitis: magisque exarsit, cum decem mensium intervallo, mortuo Alexandro, ab illius aëclis Balthasar Cossa, Appulus, Legatus Bononiensis, electus esset Pontifex anno Christi 1410, idibus Maij, Ioannesq; 23. nuncupatus.

CAPVT TRIGESIMVMSEPTIMVM.

*Ad res Ecclesiæ componendas serio agit cum Gregorio,
vt Pontificatui resignet.*

IN hac verò rerum omnium perturbatione summo studio, & diligentia nitebatur Ioannes Dominici, Gregorio Pont. suadere, vt Pontificatui pro Diuina voluntate resignaret. Memorabat autem intueri illum oportere, cum multo conatu curasset, quæ suo statui viderentur salutaria esse, quoniam pacto omnia inania euasissent; fore, si ipse cessisset, vt pax, & tranquillitas tandem Ecclesiæ redderetur. Nec debere illum, dum rebus suis intenderet, Ecclesiasticæ vni-
oni cum summo sui dedecore impedimento esse. quin eò libentius eum debere in hac ipsa re consentire, quò semper & viri optimi, & mansuetissimi nomen habuerit, cuius conseruandi, prudenti homini non minimam operæ pretium est, sollicitudinem esse: pro communi quoq; reipub. bono bonis omnibus priuata etiam sua commoda esse relinquenda. Quocirca, Pontificatui, quem aliquando vel morte esset amissurus, si cederet, eum immortalem famam, & æternum nomen esse acquisiturum. *Ego quidem ò Pater beatissime, non alia de causa existimo Deum me tibi commitem præstitisse, nisi vt qui alijs suaferim multis, tibi quoq; pro animi salute suadeam. Quis enim apud te mea pro causa stabat, vt me nil tale aliquid cogitantem ad tantum culmen promoueres? Deinde, Pater Sanctissime, credisnè tantas animo-*

rū à tua beatitudine alienationes ex Diuina voluntate non pro-
 venire? Nonne & ciues tui debuerant, omnibus etiam alijs con-
 traria sentientibus, in tua deuotione manere? Sed & mea ci-
 uitatis ciuium, quos nuper vna binis Cardinalibus honestasti,
 quis nam tibi voluntates ademit? Non sunt hæc omnia nisi
 Diuina voluntatis indicia? Sed etsi omnia pro nobis videren-
 tur humana militare iura, nonne Diuina voluntas apud nos
 semper his omnibus debet esse præstantior? Ad nostram siqui-
 dem salutem semper ille aspirat. Diuersis autem vjs, & arti-
 bus id ipsum, vel ignorantibus nobis, vel certè nolentibus, pro
 bonitate efficere consuevit. Et hos quidem aduersis in cœlestia
 horrea, contritis his primùm paleis, reponendos curat; alios
 verò secundis rebus ad sempiterna perducit. Quid igitur am-
 plius expectandum censes? nonne melius est, integris adhuc re-
 bus, ultrò ad id venire, quò veniendum nilominus esse & præ-
 terita, & præsentia omnia probant? Nam & de futuris quis
 dubitat? Roma in periculo est, quæ diutius in fide permanfit.
 Viterbium amisisti, nepotem tuum, quem civitati præfeceras
 captum nuperrimè accepisti. Omnia verò aduersarijs tuis se-
 cunda, tibi singula, etiam quæ videbantur tutissima, aduersan-
 tur. Itaq; Pater beatissime, non pertinaciter censeo cum diuina
 voluntate pugnandum. Quippè Dathan, & Abiron, qui pro
 Pontificatu aduersus Moysen summa pertinacia pugnaere, scis
 quali, quæue acerba animaduersione puniti sunt. Magis autem
 temporali, ac perituro Pontificatu cedens, Dauidi illi
 sanctissimo similis esto, quem cum filius exegisset regno, ille verò
 profugus abiret, Semei Geracite insultante Regi, lapides in eum
 & terram mittente, conuijsq; plurimis maledicente, prin-
 ceptis vnus in eum voluisset irruere, regis injurias ultū ire, caue

enfeceris,

nefeceris, inquit. Dominus enim præcepit illi, ut malediceret David. Quis scit, si pro his maledictis Deus misereatur mihi? Suadeo ergo tibi, Pater beatissime, omnia tua in diuina voluntate ultrò reponas, ne videaris tum cedere, cum amplius rem ipsam retinere non possis. Vicarius Christi es, ad arbitrium ejus, & retinere, & tandem relinquere dignitatem decet. Ipse tibi, si ei placuerit, auxilio erit, ipse causam, & dignitatem tuam tuebitur, ipseque mutabit hominum voluntates, quo certè loco, & tempore, & modo sibi uidebitur, qui omnia hæc pro suo arbitrio temporalia versat. In cum ergo omnia tua reijcias, ipse te fouebit, & nutriet; ipse, si non has perituras hominum dignitates, aliam tibi gloriam pro hac tua humiliatione in cælestibus reseruabit. Erat Gregorio mite, & perhumanum ingenium, & ad optima quæque promptissimum, facileque his rationibus consensus, ad ea paratissimum se esse ostendens, modò non ipse solus, sed & ceteri Pontificatui resignarent. Vtquæ res ferri ageretur, Ioannem Dominici ad Sigismundum Hungariæ, & Boemiæ Regem, virum Catholicæ fidei zelo, animi magnitudine, & prudentia singularem an. sui Pontif. tertio, Christi verò 1409. Legatum misit, qui cum eodem statu Ecclesiæ ritè componendo conferret. Sunt enim authenticæ literæ Ioannis Cardinalis S. Sixti Legati Greg. 12. datæ Budæ pro indulgentia 140. dierum, Ecclesiæ S. Mariæ in insula Danubij, Corpusque B. Margaritæ Virginis visitantibus, & cœt. anno Pontif. ejusdem Gregorij tertio, quas agentes de Sancta illa Virgine integrè profereamus. Cum autem is electus fuerit ad finem anni 1406. Pontifex, liquet annum illum fuisse Christi 1409.

CAPVT TRIGESIMVM OCTAVVM.

Legatus iterum pergit ad Sigismundum, Regem Romanorum, & Hungarorum.

Interim mortuo Alexandro, Ioanne autem 23. viro quidem, vt ex Leonardo Aretino ait D. Antoninus, in temporalibus magno, in spiritualibus verò nullo, in eius locum suffecto, per opportunè etiam Sigismundus ipso anno 1410. Romanorum, haud sanè Imperator, vt pleriq; scribunt (cum Imperium anno duntaxat Christi 1433. capessiverit) sed Rex fuit inauguratus. Tum verò Ioannes Dominici, Ragusinus Antistes, & Cardinalis, multis verbis rem ipsam apud Gregorium prosecutus est, vt animum ad Ecclesiæ unitatem intenderet. Quod cum ab eo facillè impetrasset, Sigismundus verò omnem, operam suam promississet, ejusq; rei causa è Germania in Gallias venisset, & literis, & nuncijs rem ipsam studiosissimè prosequeretur. Tandè ex Pontif. voluntate rursus se contulit Ragusinus Cardinalis ad Sigismundum, de hisce rebus sanctissimè consulturus. Omnibus autem spectatis, & cognitis, rem omnè in Ioanne 23. esse consebant. Quippè cum jam Gregorij voluntatem accepissent in Ecclesiæ unionè vehementissime inclinatum, si Ioannem ad hoc usq; perduxissent, omni procul dubio rem omnem sperabant se esse consecuturos. Itaq; secretioribus literis Ioannis animum cautissimè temperandū esse decernunt. His gestis,

cūm Rag
rerum exp
venerat) r
Ne verò Io
mento esse
ta cum Im
tantam po
sebant; p
Civitas ta
nalis cūm
taria mag
mandata
eundi con
motus Po
sine Frater
ipsis pers
uimus sed
salutem.
vt nos e
sed magis
ramur. I
miseretur
ab alienis
vel ciuib
citer in m
vt priuat
eos benef
luerim
sunt, vel

cum Ragusinus Cardinalis ad Gregorium revertisset, iamq;
rerum expectaretur euentus, cepit Sigismundus (vt con-
venerat) rem ipsam cum Ioanne summo studio agitare.
Ne verò Ioannes Ecclesiasticæ unitati videretur impedi-
mento esse, Legatos duos ad Sigismundum misit, qui mul-
ta cum Imperatore tractantes, nullo tamen pacto rem
tantam posse componi, nisi Generali Concilio facto cen-
sebant; pro quo sanè celebrando Constantia Germaniæ
Ciuitas tandem est constituta. Cum ergo Ragusinus Cardi-
nalis tùm jam apud Gregorium multa suaderet, quæ salu-
taria magnoperè viderentur, m. c. imè verò vt literas, &
mandata ad Synodum perferenda perficeret, jam tempus
eundi commemorans esse, verbis ejus altera ex parte com-
motus Pontifex respondisse fertur. *Tu quidem nobis, ô Ragu-
sine Frater, ea verbis tuis suades, quæ nos jam dudum nobis
ipsis persuasimus sapè. Neg, enim usq; adeò hanc concupi-
uimus sedem, vt non magis Deum amauerimus, animaq; nostræ
salutem. Quæ ergò nunc tibi referemus, non idcirco sint dicta,
vt nos existimes vllâ ratione Diuinæ velle voluntati obistere,
sed magis, vt pro hominum ingratitude hoc extremo loco que-
ramur. Nemo enim adest, qui doceat vices nostras, nemo hujus
miseretur senectæ, nemo hos deinceps reuerbitur canos. Quæ si
ab alienis reciperem tolerabilius id forte fuisset. Sed quid ego
vel ciuibus meis, vel tuæ ciuitati feci, vt tam acerbè, tamq; atro-
citer in me debuissent conuerti? Iam enim non vt Pontifex, sed
vt priuatus loquor. Prætereo, quòd Venetus sim ciuis, quòd in
eos beneficia multa contulerim, quòdq; semper eos in honore ha-
buerim. Et profectò longè pro eis maiora fecissem, si vel voluis-
sent, vel certè postulassent. Nunc autem cum Davide sanctissi-*

ps 68. *mo dicere possum. Extraneus factus sum Fratribus meis, & peregrinus filij matris meæ. Civibus quoq; tuis, nonne Pontificatus mei annis tribus, tres Cardinales concessi? Equidem meo tempore id consecuti sunt, quod ante nunquam, utq; experimento ipso probabunt, in posterum fortasse nunquam erant habituri. Tandem verò sustini, qui simul contristaretur, & non fuit,*
 ps 68. *qui consolaretur, & non inveni. A Ioanne hoc suo simulacro videant, annis quinque quot sint consecuti, nominentq; eos nominibus suis. Qui si Ladislao adhasi, fateor (teste Deo) non alia me fecisset ratione, quam ut Ecclesiæ causas tueretur. Et quandoquidem omnes in me ferebantur, fideliorem certè huic sedi reperi neminem. Quantum ad Pontificatum attinet, ego jam a modo senex, pro vobis potius, & vestra, quam mea commoditate hætenus illum retinui. Existimabam præterea jus suum tueri unicuiq; esse concessum. Nam si leges omnes habeant tempore, & negotio isto perverti, jus, falsq; semper pro meo Pontificatu stetit. Sed quando ex signis (ut sæpe retulisti) seculus est ab æterna lege prorsum, meliori certè consilio credo; equidem volente Deo, libenti animo cedo, etiam si mille lites, & hominum controversiæ adessent. Cæterum, Ragusine, vide, ne nos soli in causâ istâ miseri euadamus. Nosti insidias hominum, nosti mores, & studia quanta sint, & qualia. Ego enim in hoc angulo meo relictus atq; desertus, documentum posteritati ero, ne quis in humanis rebus, longè aut in hominum fide, aut in eorûm pollicitatione confidat. Ita ergo dispone singula, ut eorum animorum salutem, & Ecclesiasticam tranquillitatem, tandem verò & nostro honori, quàm prudentissimè atq; cautissimè consulas. Ea ubi senior verba perfecerat, Ragusinus Cardinalis, Pontificè consolatus, bono eum animo esse respondit.*

Quò

Quò autem
 basti, com
 ita disposuit
 binar omni
 teras quiden
 uatas, in qu
 mittantur
 rit, primis

CA

Cardinalis



ritia clar
 percepra
 stantiam
 Octobris 2
 cult. Diffu
 ut promife
 bant. Ver
 tuicà sente
 se, altiori
 veller ager
 transmissis
 est. Signa

Quò autem magis, Beatissime Pater, ingratos homines esse probasti, eò maximè divinam debes agnoscere voluntatem, quæ si ita disposuit, parendum est. Honorem autem sanctitatis tuæ tuemur omni studio, & conatu. In modo binas literas facito, alteras quidem mandata communia continentes, alteras verò priuatas, in quibus singularia quadam in tempore aperienda, committantur; fore, ut Ioannes Pontifex, si ad Synodum venerit, primis fallatur, continentia aliarum ignarus.

CAPVT TRIGESIMVMNONVM.

Cardinalis Ragusinus, Carolusq; Malatesta ad Concilium Constantiense accedunt.



Hic igitur in hunc modum gestis, omnibusque comparatis ad iter, Ragusinus Cardinalis, & Carolus Malatesta, vir armis, & literarum peritia clarus, à Pontifice exorata venia, ejus benedictione percepta, non sine lacrymis ab illo digressi Constantiam versus iter direxere. Ioannes initio mensis Octobris 23. Anno salutis 1414. Bononia Veronā se contulit. Dissuadebatur autem ei à pluribus, ne ad Synodum, ut promiferat, properaret, idq; multis rationibus astruebant. Verùm ille, ut conuenta seruaret, nullo modo potuit à sententia dimoueri. Ferunt autem eum sæpè dixisse, altiori quadam, & maiori se virtute agi, qua, etiam si veller agere secus, non posset, cùm illò properaret. Igitur transmissis alpiibus, tandem Constantiæ proximus factus est. Sigismundus Rom. Rex ei obuius fuit, multaq; cum

reuerentia,

reverentia, & honore profecutus, Constantiā vsq; deduxit. Quò postquam ventū est, Synodo jam incepta, venerunt & Ragusinus Cardinalis, & Carolus, plena secū Gregorij mandata ferentes. Tanta verò hominum millia in eo loco convenerant, vt supra quadraginta equorum millia fuisse ferantur. Confirmata autem Gregorij auctoritate Synodo, cum jam mandata Pontificum scrutarentur hi, qui praefecti negotio erant, attulissentquē Ragusini Cardinalis, & Caroli communes literas illas, vt earum tenorem Ioannes Pont. inspexit, fertur dixisse suis, *Gregorium Fraternalē Ragusinum Cardinalem tractasse*. Ignorabat autem quid in secretioribus haberetur. Itaq; cū Ragusinus, qui sancta quadā astutia fallebatur, existimaret jam se periculum evasisse, securior factus, cū instaret, quo ista omnia conficienda erant modo, coepit Ioannes Pontifex longē magnificis, & amplissimis rem exornare verbis, omnesq; ad capitis vnitatem hortari, paratissimū se asserens fore, si alij cederent, etiam Pontificatui resignare. Ad idem Sigismundus, optimis, & pijsimīs hortabatur verbis, Pontificis mentem plurimū laudans, fidemq; verborum ejus deposcens. At ille, non alia, quā vidisset, Gregorij mandata adesse existimans, jurejurando, ac literis coram tota Synodo se facturum promisit, si modo Gregorius ipse verē ac syncerē cessisset. Iam enim de tertio Pontifice actum erat, quandoquidem nec venisset ad Synodum convocatus, nec legatos etiam destinasset. Tū verò assurgens Ragusinus Cardinalis cū Carolo, coram toto illo conventu hujuscemodi orationem habuit. *Et si virtutes omnes, Praesul amplissime, tuq; Rom. Rex inuictissime, & vos, qui ade-*

stis,

stis, omnes, qualis, quantum suè homo sit, adstruant, atq; probent, nulla tamen est, quæ ita homines prodit, ut fides facit. Et quidem fide saluati sunt omnes, eademq; saluantur. Per fidem enim sancti victoriâ sunt consecuti, per fidem iustitiam operati, perq; fidem æternas promissiones adepti. Et verò quamuis ea in rebus multis posita sit, in nulla tamē re magis, quam in capituli unitate consistit. Nā & vna fides, & vnū baptisma, vnus Deus, & Pater omnium, magisterq; vnus, & legislator existit. Vnū præterea corpus multi sumus, omnes qui vno pane, & vno calice participamus. Neq; uerò plures partes in infiniti tunicæ suæ passus est fieri Christus: nec, cum alia vestimenta diuiserint, eam scindere, aut diuidere impijs illis concessū est: sed illam fortiri, ut vnius tantum vsui esse posset. Spiritu Sancto illis (ut arbitror) inspirante: quatenus hoc exemplo futuris hominibus suaderent, ab ejus tunica scissuram quam maximè esse cavendum. Postremò, cum unica sit, & incontaminata virgo mater Ecclesiæ, vni duntaxat viro copulanda profectò est, quandoquidē, Apostolo teste, & virū ipsius vnius esse vxoris oportet. Quos autē Deus conjunxit, homo non separet. Quæ omnia, cum ingenti, ac summo desiderio cuperet noster ipse Gregorius, distulit tamen in hanc usq; horam, & diem, quod hominum non cerneret animos, ad eam rem, ut opportunum fuerat, esse dispositos. At, ubi ex multis signis diuina voluntas illi innouit, pro Ecclesiæ tranquillitate, ac pace nos suos legatos ad hanc sanctam Synodum destinauit, ut ejus nomine, in Dei, & Ecclesiæ manibus omnia reponentes, ea disponatis, & de illius dignitate, & de cæteris omnibus, quæ vniuersorum conducere saluti videantur. Ea cum dixisset, coram secundis explicatis, & in omnium audientia lectis, adiunxit: Pontificatui

Ad
Hebr.
c. 11.

Ad
Ephes.
c. 4.
1. ad
Cor. c.
10.
10. 10.

2. ad
Cor. c.
11.
1. ad
Tim. c.
3.
Mat.
c. 19.

ergo, & omni quod, habuisset, aut habere potuisset, juri, ejus nomine liberè cedimus, & syncerè, ac sine dolo renūciamus, humilitatis, & operis à Domino præmia percepturi. Et adjecit. Ego quoq̃, qui illius hic Legatus assisto, cum meo jam functus officio sim, & pileo, & dignitatē ab eo mihi collatā spontē, ac ultro resigno. Ea cum Ragusinus dixisset, obstupuit Ioannes, ac planè totus obrigit, deprehensum se, ac circumuentum omnino intelligens; nullamq̃ sibi deinceps superesse viam ratus, pro tempore pauca respondit, se pro causa sua cogitaturum. Cum verò Ragusinus Cardinalis ad inferiorem locum, alios inter Episcopos se contulisset, Sigismundi hortatu, & Patrū, qui aderant, auctoritate, illū & Cardinalatus dignitati, & Consilij præsentia restitutum, atq̃ honorandum cum ingenti gloria decretū est.

CAPVT QVADRAGESIMVM.

Quid egerit pro schismate tollendo in Concilio.



ETaq̃; jam nihil in ea Synodo gerebatur, nihil apud Rom. Regem, vbi Ragusini Cardinalis auctoritas non intercessisset. Maxima enim apud Sigismundum ejus dignitas habebatur, plurimumq̃; Ragusino Cardinali tribuebatur ab omnibus. Iam verò, remotis omnibus, quæ videbantur Synodum impedire, liberiùs cuncta gerentes, ambos illos, videlicet Benedictum, & Ioannem, veluti sanctæ Ecclesiæ terribilissimos hostes, utq̃; hæreticos, & schismaticos, omni honore, ac dignitate priuauerunt anno salutis 1415. Deinde

plurimas

plurimas pro sanctæ Ecclesiæ reformatione instituerunt leges. Cum tandem omnia satis ex sententia viderentur esse composita, ad novum eligendum Pontificem conveniunt. Ea verò electio, hac maximè ratione fuit præ alijs omnibus admiranda, quòd non, vt aliæ fieri consueverunt, à Cardinalibus solis est facta, sed ab ijs, & ab vna quaque natione, quæ ad eam viros egregios electores destinauit. Nec minimas Ordo Prædicatorum, ad eam vnius Ecclesiæ totius Capituli electionem partes contulit, cum in ea, præter Fratrum Ioannem Dominici Cardinalem, etià Fr. Leonardus Statius, Magister Ordinis Generalis extiterit. Addit Ioannes Carolus Fratrem Dominicum Archiepiscopum Tolosanum, quem tamen in decreto electorum Concilij Constantiensis non reperio. *Tertio igitur Idus Nouembris, anno salutis 1417. ingenti omnium frequentia, & assensu, Odonem Columnam, in summum Pontificem elegerunt, quem Martinum V. appellauere quòd ipsa Sanctiss. Episcopi Martini die fuisset electus.* Qui mox Ecclesiæ, & Christianorū compositis rebus, solutaq; Synodo, ad Italiam remeans, summo honore, plausuq; susceptus est. Igitur in hac ipsa Synodo plurimū apud omnes valuit Ragusini Cardinalis auctoritas, cum sermonis elegantia, & virtute, cum prudentia, & ingenio singulari. Nā illius ex ore omniū videbatur pendere sententia. Quippè & adire omnes, quosq; hortari, præclaras in omni re sententias facere, & apud singulos miræ dignitatis existere solit⁹ erat. Maximè autem in persuadendo, quæ vellet, tolerantissimus habebatur. In quo tam excellentèr alios anteibat Ragusinus Cardinalis, vt laudes ejus vniuersa Synodus prædicaret.

Concil.
Const.
Sess.
41.

Accedebat ad hoc amplissima probitatis opinio, quæ ita omnium animis erat inserta, ut quæcunq; diceret, quæcunq; consuleret, quasi ex diuino oraculo viderentur accepta. Ferunt eum ob insignem de eo apud omnes famam, nonnullas ad Pontificatum voces fuisse sortitum. Sed, qui sui contemptum semper adamaueret, nihil illum suffragia omnia poterant delectare, id vnum præ oculis habentem, ut, schismate sublato, Christi Ecclesiæ foret in tempus omne consultum.

CAPVT QVADRAGESIMVMPRIMVM.

Quanta auctoritate Ioannes apud Regem Rom.

IAnta præterea erat huius viri apud Regem Rom. Sigismundum auctoritas, tanta fides, tantaq; deuotio, ut eum suis omnibus intimioribus consilijs perpetuò adhiberet, non mediocri aut vulgari, sed arcta & intima cum Ragusino Cardinali familiaritate suscepta. Mira quoq; ad illum Procerum erat reuerentia; ad illumq; veluti ad Patronum, & suæ quique salutis alumnum confluebant. Itaq; si interpretandæ leges, si statuta condenda, si discordiæ componendæ, si salutaria cõsilia, pro animarũ præcipuè beneficio forent hominib; conferenda, nemo eo ingenio major, nemo circûspectione solidior, nemo ipso habebatur illustrior. Nulla in gerendis rebus animi ægritudine agebatur, nec hominum gratia plus apud eum valebat, quàm tuitio rerum, quæ ad ejus perferrentur manus; qui sciret, iustitiam, quæ omnia refert in Deum, humanos quosq; respectus, ubi animi salu-

tem adesse non viderit, abijciendos putare. Cumquē talis esset, ac tantus, ut pro maximis, quæ ad eum deferbantur rebus, immensas posset coaceruare diuitias, vel saltem suis elargiri cognatis, maluit tamen in terra minus egere, quam plus habere, ut ditior, & copiosior esse posset in cœlo, ijs duntaxat contentus, quæ sua dignitas postulare. Si quid autem necessitate majus adesset, id totum egenis, ad quos miro afficiebatur amore, tribuendum curabat. nequē ditiores facere suos, sed illa solum, quæ viderentur eorum conditioni, atq; fortunis consentanea, eis conferre studebat. Sed & qui apud illum vivebant, tales erant, ut esto quis ignoraret, cujus domini familiares essent, ipsa eorū compositio, & aspectus, miro eos proderet modo. Tales inquam erant, ut non aulam, sed religiosorum familiam referre viderentur.

CAPVT. QVADRAGESIMVMSECVDVM.

Sigismundus à Martiuo Pontifice Legatum postulat Ioannem Cardinalem in Hungariam, contra hæreses recens exortas.



Taq; ob eas res non poterat Sigismundus ejus familiaritate satiari, quin inmodico, quò sibi majori quodā nexu copularetur, Pontificē postulauit, ut eum Legatum in Hungariam destinaret. Ejus autem legationis causa fuit hæresis, quæ inter ejus regionis fideles astuta se quadam malignitate diffuderat. Capita autem illius hæresis habebantur duo: aliud quidem eorum,

qui

quide Christi paupertate fidei contraria sentiebant, quæ ortum habuisse Ionnis XXII. temporibus fertur ab ijs, quos Fraticellos vocabant: aliud eorum, qui Nicolaitarum more, fœminarum vsum promiscuum esse volebant, quæ simplicis animæ hæresis dicta est; & cum noua esset, & carnalibus hominibus abundè placeret, mortalium multos infecerat. Ex illis duabus, perditii homines hæresin vnā condentes, & permultos alios subinferentes errores, Boemiam, Hungariam, Poloniam à vera fide auerrebant; & in perniciem tantam eruperant, vt inuicem se armis tueri, atq; defendere auderent, tumultusq; multos, & seditiones periculosissimas excitarent. Pro hac igitur hæresi excindenda, funditusquæ extirpanda, Ragusinus Cardinalis Sigismundi rogatu in Hungariam, Boemiamq; Legatus dimittitur, ad quæ loca, Synodo jam perfecta, vnā cum eodem Rege cum peruenisset, inuenit hæresin tantoperè confirmatā, multorum Principum, & Procerum fauoribus roboratā, vt nec adhortationibus, nec optimis virtutum exemplis, non solertissimis disputationibus, nec Ecclesiæ interminationibus, aut poenis à concepta jam pridem pertinacia dimouerentur. Apparebat igitur Viro sancto eos non nisi armis, violentia, & supplicijs esse ad veritatem fidei reuersuros. Suadebatq; Sigismundo, vt ex lege in contumaces ageret, paruamq; illam scintillam tempestiuè extingueret, ne incendio postmodum adaucto, nullus esset remedio locus. Noluit Sigismundus feueritatem legum in pertinaces propositi exercere, vana spe adductus aliarum rationū, quibus existimabatur aliquando illos ad vnitatem fidei posse reuerti.

CAPVT QVADRAGESIMVM TERTIVM.

Legatus, remedio frustra tentato in hereticos, Budam se confert, vbi infirmatur, moriturq̃.

Vbi vidit Ioannes, Rom. Regem in sententia persistere, se verò minimum ibi fructificare, ne sancta canibus videretur dedisse, quibusdam in eis locis interminationibus factis, Budam se recipere statuit, totius Hungarici Regni sedem, vt illam in religione, & integritate fidei catholica conseruaret. Sed cum ibi quasi jam animo prælagiret, ociùs sibi vitæ terminum affuturum, multa diligentia, & studio cœpit Diuinis rebus incumbere, vigilijs, orationibus, jejunijs, quotidianaq̃; sacrificandi consuetudine, quod sibi temporis superfuisset, insumens. Et quasi publica jam videretur cura liberatus, rem suam incredibili devotione gerebat. Insignis in eo pietas, & miserorum compassio fuit, nulliq̃; rei parcebat, vbi cerneret eorum miserijs posse subuenire. Itaq̃; egregia illius fama & in ea Vrbe, & circumjacente Provincia breui amplissimè diffusa est, ita vt cuncti eum ob vitæ sanctimoniam, omni reverentia, & honore dignissimum iudicarent. Itaq̃; sic cursu consummato, cum febri ardentissima correptus, tandem vitæ finem sibi adesse sciret, ad Proceres omnes, ac domesticos, qui vndecūq̃; conuenerant, vt in tanti Viri transitu collacrymarent, quasi ei supremum officium præstaturi, in hunc modum lectulo insidentem verba fecisse B. Præsulem scribunt.

Quamuis

Ad
Phil.
6. 1.

10. 9. 9.

Quamuis ego multa, Fratres, & filij mei, in presenti vita pro mea, & aliorum salute ex Deo consequi desiderauerim, nihil tamen tantoperè concupiui, ut ab hujus miseria carnis dissolvi & esse cū Christo. Quaram rerum ea quae sum consecutus uiuens, hoc fecit bonitas Diuina, non virtus mea. Quae uerò non sum adeptus, mea potius uolo existimare causa prouenisse, quam aliorum. Homo quidem peccator cum fuerim, si me Deus ita non exaudiuit, ut cupiebam, scimus, quia peccatores Deus non exaudit, ut salix caecus ille natus referebat. Quod cum ita sit, utriusq; & bonis, & peccatoribus, terminus uitae desiderabilis esse debet. Bonis quidem, ut laborum suorum premia, longè meritis suis percipientes maiora, bonitatē Dei in semetipsis agnoscant: malis uerò, ut iam tandem aliquando desinant esse peccatores. Hac ergò extrema causa, non uirtutis propriae confidentia, ego peccator opperiebar mortem, cupiebamq; ab his peccatorum nexibus liberari. Quod cum intelligam, me in proximo consecuturum, Deo immensas gratias ago, cuius ope gratiam, atq; misericordiam me habiturum spero. Id ut facilius adipiscar, oro, atq; obtestor, ut si quid aliquando in uobis deliqui, ueniam mihi, atq; indulgentiam prestare, atq; condonare dignemini. Caute autem, ne mei fortassis opinione ducti, huic corpusculo funeris pompas, cum è uita excessero, faciatis insignes; sed, ut Fratrem decet, apud uenerabiles illos Sancti Pauli primi Eremita Fratres, meum, oro, corpus deponite: ipsi me seruent, & mihi apud Dominum sanctis illis suis orationibus suffragentur. Terra igitur, tanquam propriae matri, vos unà cum eis hoc mandabitis artus; fanebres autem illas pompas, in suffragia, & orationes pro animi mei salute conuertite. Id enim & Deo erit acceptius, & necessitati meae scio futurum esse melius.

Quod

Quod autem
relinquam
petis, & mei
dixisset An
lacrymatus
ris, & ad pa
nium, qui a
dextera, P
cū omni
catus, uel
ledicens (c
deuotissim
felix ille sp
non manu
uit. Fuit
quem in sp
uidebatur

CAPVT



lacrymis c
ligio forū
que tanto
mitem no

Quod autem vobis Fratribus, & filiis meis in hoc meo decessu relinquam, nihil inuenio, nisi ut pacis, & fidei semper jura seruetis, & mei memoriam vestris orationibus inferatis. Ea cum dixisset Antistes, collacrymantibus cunctis, ipse pariter lacrymans est. Deinde omnibus ad Dominum consalutatis, & ad pacis deosculationem vera charitate, atq; omnium, qui aderant, deuotione susceptis, demum extensa dextera, Pontificali eos benedictione consolatus est. Et cum omnia jam & publica, & priuata munera esset persecutus, veluti jam suo videretur functus officio, cunctis valedicens (jam pridem sacrosanctis Sacramentis omnibus deuotissime roboratus) ac si subito arriperetur somno, felix ille spiritus relicto corpore, ex hac lutea domo, ad non manufactam, angelicis comitatus obsequijs euolauit. Fuit vir in omni genere virtutis excellens, apud quem in spirituali vita omnis mediocritas sordida semper videbatur, & erat.

CAPVT QVADRAGESIMVMQVARTVM.

Funus, & miracula ejus post mortem.



Vnde verò ad ejus transitum commota omnis Ciuitas est, omnes artium officinæ oclusæ, singuliq; ad ejus funus in multa deuotione, & lacrymis concurrerunt. Præcedebant autem ex more Religiosorum omnium familiæ cordialibus lacrymis plenæ, quæ tanto patrono deflebant se jam destitutas esse, cui similem non existimarent se facile reperiunt. Circa vene-

rabile autem corpus ejus ingens erat luminum, ac funa-
 lium multitudo, familiaresq; ejus lugubri veste induti fe-
 retum ambiebant, nec segniore illis lacrymæ erant,
 quàm si parentis, aut filij funera celebrarent. Proseque-
 bantur autem funus, magistratus primùm, deinde proce-
 res omnes, nobilium postremò, & popularium sexus
 utriusq; innumera multitudo, qui omnes, ut in proprio
 funere, lamentabantur, atq; dolebant. Deportatum què
 est venerabile corpus ejus ad templum Sancti Pauli pri-
 mi Eremitæ, quæ domus in suburbano erat ciuitatis Bu-
 dæ, ibiq; omnibus ritè perfectis, tandèm insigni sepulchro
 traditum est. Miraculis post mortem ad ejus tumulum
 illustratum, testantur omnes vitæ illius descriptores, ne-
 mine inficiante.

l. cit.

S. Antoninus. *Ad cælos migravit sepultus in mona-*
sterio Fratrum S. Pauli primi Eremitæ, ubi dicitur miraculis
clarere. Io: Carolus, ex quo bonâ partem vitæ hujus S. Viri
 l. c. ipsis ejus verbis decerpimus. Ferunt autè in eo templo ad ejus
 venerabile corpus prodigia fieri multa, plurimasquè ibi ima-
 gines astare, prodigiorum testimonia referentes, quæ meritis
 hujus B. Viri fideles essent consecuti.

li. 4.
biblio-
theca
l. c.

Sixtus Senensis. *Sepultusq; est in templo Dni Pauli*
P. Eremitæ, miraculis multis coruscans.

l. c.

Ferdinandus Castillus. *Parietes sacelli, in quo corpus*
B. Viri jacebat, cereis, imaginibus, tabulis, alijsq; monumentis,
voti causa, ad annum usq; Christi 1540. quando Turcæ, Buda
occupata, ejus ossa dissiparunt, sacraq; omnia violarunt, con-
spicui extitere. Io: Michael Plodius. *Sanctè obiit Buda, Sa-*
Pont. Legatus, ubi gratias, & miracula multa patravit, ple-

risq;

risq; à varijs infirmitatibus ad illius sepulcrum curatis; ob
quam causam sacelli parietes, cereis olim, notisq; tegebantur.
Corpus ejus dispersum fuit, uti etiam omnia sacra pessundata
anno 1540. Turcis eam Urbem occupantibus.

Abraham Bzovius. Maximam opinionem sanctita-
tis apud omnes reliquit, quam etiam miracula ad ejus sepul-
crum patrata, testata sunt, & merita illius viri apud Deum
quanta sint, abundè declararunt.

Pro his, quæ referunt Castillus, & Plodius, Tur-
cas, reliquias sanctorum, resq; sacras Budæ pessumdedit, &
facit etiam quod nuper scripsit Author libri de Rep. & Sta-
tu Regni Hungarici, Turcarum Principes, in ea Vrbe,
publica balnea (quæ & viventibus gloriosa, & mortuis
sibi salutaria putant) exædificasse, incrustata monumen-
tis marmoreis, quæ antea in templis Christianorum fue-
re posita, imaginibus tamen, si quæ insculptæ fuerant,
refecatis, & toto opere perpolito; et, quæ loca Hungaris,
incolumi & florente Buda, uoluptatis domicilia fuerunt,
ea religiose, superstitiose, Turcas ornasse: flagitiose con-
tra prophanasse, quæ antea fuerant sacrosancta.

Migrasse ex hac luce B. Io. Dominici anno Christi
1418. scribunt S. Antoninus, Sixtus, Bzovius, aliq; qui-
bus potius credendum esse arbitror, quàm Ioanni Carolo,
ad annum 1420. & Plodio, semel ad annum 1420. & aliàs
ad 1419. obitum illius referenti præcipuè cum S. Anto-
ninus illis temporibus vixerit, ac pro magistro suo, viroq;
tanto sollicitus, eam temporis circumstantiã non videat-
ur potuisse ignorare. Licet enim ipso anno 1418. abso-
lutum fuerit Concilium Constantiense, illoq; absoluto,

l. c.

pagina
611.

11. c.

Plod. p. 1
l. 1. col.
125. &
2. p. l. 2
col. 222

Conc.
Const.
sessio.
450

B. Vir cum Sigismundo Romanorum Rege in Hungariam profectus sit, quia tamen absolutio illa fuit die 22. Aprilis ejusdem anni, ut constat ex actis ipsius Concilij, octo adhuc mensium intervallo omnia ea præstari potuerunt, quæ à B. Ioan. Dominici pro legationis suæ munere facta, ac cætera itidem, quæ ante ejus obitum contigisse narrantur.

Plod.
p. 2. l.
2. col.
222.
V. ap-
pend. 2.
ad Syn.
Strig.
a. 1629
3. p. tit.
22. c. 7.

Quòd sepultus asseritur in templo S. Pauli primi Eremitæ, est omnium de illo scribentium sententia. An verò Ecclesia illa Ordinis nostri fuerit, non item. Asserit Plodius: sed reliqui, Sanctus cum primis Antoninus, discretè docent fuisse Ord. Fratrum S. Pauli primi Eremitæ, qui in Hungaria (in qua etiam nūm loca aliquot obtinent) quondam maximè floruerunt, pietate, domorum, religiosorumq; virorum frequentia. Nec semel id adstruit Sanctus Antoninus, nam alio præterea loco ab illo, quem proximè dedimus, ita scribit: *Sepultus est autem in Ecclesia Fratrum S. Pauli primi Eremitæ regularitèr viuentium.* Cur verò apud illos Religiosos B. Ioan. Dominici sibi sepulturam elegerit, causam reddit Ioannes Carolus, quòd Prædicatorum Ordo Cœnobium tempore illo non haberet in Vrbe Budæ. Quæ sanè ratio admitti non potest, cum Budense nostri Ordinis Cœnobium, non solùm dignitate, propter Regiam aulam, Generaleq; Provinciæ Hungariæ studiū, sed & antiquitate præcipuum extiterit, quando generalia in ipso Ordinis totius Comitia anno Christi 1254. sub Vmberto Burgundo, V. Generali Ordinis Magistro in eis electo, habita fuere. Regularis fortasse pietas, virensq; obseruantia, qua tunc, S. Antonino teste, Religiosi illi San-

Qui Pauli
ut sua illis
in eos am
pestilencia
parator, a

CAPV

Encomia



dignitate
entia ser
gens an
litterar
totum se
pando, m
sum, & p
gica, Phi
Canon. &
libro, qu
buisse Do
dicit, es
scientia
magnum

Et Pauli primi Eremitæ vigeant, Sanctum virum illexit,
ut sua illis ossa cuperet demandata, quò vel ea ratione, suū
in eos amorem, ipse regularis vitæ, quæ ob totius Europæ
pestilentia corruerat, in Ordine suo primus per Italiam re-
parator, apud omnes faceret, relinqueretquè testatum.

CAPVT QVADRAGESIMVMQVINTVM.

*Encomia nonnulla, quibus B. Ioannes Dominici à Sancto
Antonino, alijsq; celebratus est.*

MIræ sunt laudes, quibus B. Ioan. Dominici à vi-
ris illustribus commendatur. Sanctus Anto-
ninus inter alia sic ait. *Frater Ioannes Domi-
nici de Florentia Cardinalis Ragusinus, ultra
dignitatem eximiam in Ecclesia Dei, in scientia, & sapi-
entia sermone, ac morum sanctitate effulsit. 16. ætatis sue æ-
gens annum, vel circa, Ordinem ingressus est Prædicatorum,
litterarum ignarus, sed egregia indolis. Qui otia horrens,
totum se studio lectionum tradidit, somni tempus vigilijs occu-
pando, memoria tenacissima, ut nihil obliuisceretur apprehen-
sum, & perspicacis ingenij, tempore breuiori doctissimus in Lo-
gica, Philosophia, & Theologia euasit, nec etiam expertus juris
Canon. & Matheseos. Qui tamen sub iurejurando testatur in
libro, quem Luculam noctis appellauit, se in nulla scientia ha-
buisse Doctorem, unde, quasi alter Augustinus, per se omnia di-
dicit, & intellexit, quæ legere potuit. opera ejus protestantur
scientiam ejus. exhibebat in materia, & modo euangelizandi
magnam gravitatem, & quasi Majestatem. Vox ejus sonora,*

quasi

quasi tuba, nec extollebat, nec suppresserat, sed valde imprimebat, non solum aperte docens, & delectans, sed & flectens, corda etiam obdurata emolliens. Rarissime allegabat Poetas, vel Philosophos, cum tamen dogmata eorum in mente haberet, & sententias eorum, sed sacra pagina erat testimonium suæ doctrinae, quam nonis, & miris expositionibus decorabat. Vitiis rigidus, sed honestus obfurgator. Deotus, & feruens quotidie celebrabat. Hamilis in habitu, incessu grauis, statura magnus, aspectu graciosus, pauperibus, & ignobilibus affabilis, mediocribus communis, magnatibus reuerendus. Consilio magnus ad omnem materiam, facie iucundus, & cum grauitate. Pudicissimus, & circumspectus, ita ut nunquam sinistra vel minima suspicio de eo oriretur in hominibus. Nec solum simplex, ut nemini machinaretur dolos, vel hypocrisim ostentaret, sed & rectus, ut aliorum non supplantaretur insidijs. Tantus paupertatis amator, ut non solum argentum, & aurum ei deesset etiam in via, aut in vestimentis duplicatis, sed nec libros ad legendum, & predicandum, nec bibliam possideret. In abstinentia cibi, & potus austerus sibi, & in vigilijs nimis, ut in somneitatem aliquando incurreret periculosè, singularitates euitans. Zelator religionis etiam in ceremonialibus, in laboribus plurimis, indefessus in legendo alijs, in predicando populis, in audiendis confessionibus. Primus suscitator obseruantie regularis in Italia, qua jam collapsa erat in Ordine Predicatorum. Defuncto Innocentio Papa VII. à Domino Florentino destinatus ad curiam, ut futuro Pontifici suaderet unionem Ecclesie, coram electo Gregorio XII. sermonem fecit in publico consistorio ad unionem exhortans, & Ciuitates quaslibet offerens Communitati subiectas ex parte ejus, pro loco ad id efficiendum conueniendi.

expleto

expleto sermone cunctis gratissimo, Gregorius, qui ejus & prudentiam, & vitæ sanctitatem Venetijs nouerat, ut Angelum Dei sibi destinatum ad tantum opus suscepit, nec licentiam ad Ordinem redeundi concedere voluit, sed non se ingentem, vel ambientem ad suscipiendum Archiepiscopatum coegit, postea etiam eum ad Cardinalatum exaltans. In eo plurimos labores, & persecutiones sustinuit, factus in derisum populo Florentino, cui prius fuerat acceptissimus, quia noluit acquiescere iniustitiæ quorundam satraparum, non sincere unionem tractantium. Sua virtute, & prudentia sustentauit curiam Gregorij. accessitq. ad Imperatorem Sigismundum in habitu transformato cum paucis tanquam Plebanus, & cum eo tractauit modum ad unionem efficiendam, quæ demum secuta est, cujus non modica causa ipse fuit, à Gregorio vice sua ad Concilium Constantiense legatus. Peracto Concilio, & unione secuta in Martino V. ibi canonicè in Papam electo, & coronato, ad requisitionem Sigismundi missus est Legatus in Hungariam, ad extinguendam heresim exortam Boemorum. Qui profectus illuc, videns gentem illam obduratam in ea heresi, verbis, nec disputationibus posse reduci, consuluit Imperatori, ut illos gladio exponeret, cum adhuc debiles essent in potentia, ne forte multiplicati postea domari non possent. Durus visus est Imperatori sermo iste, & carnaliter compatiens corporibus eorum ne occiderentur, & regnum illud desolaretur, non acquieuit fortè sperans per alium modum ab erroribus reuocandos. Pergens igitur Ioan. Dominici in Ciuitatem Hungaria Budam, infirmatus grauitè, spiritum suum Domino commendans, ad cælos migravit, sepultus in monasterio Fratrum S. Pauli primi Eremita cum honore decenti, ubi dicitur miraculis clarere. Obijt autem anno Domini 1418.

etatus sue 63. Cardinalatus verò sui anno 12. vel circa. Sic D. Antoninus, Sanctus discipulus pro Sancto Magistro suo laborans. Magnæ sanè virtutis argumentum sanctum adeò habuisse discipulum, & ab illo tam seriò commendari: at nec minor S. Ant. gloria, rā S. sortiti Præceptorem.

Ioannes Carolus, Ioannes Dominici, Ragusinus Antistes, ac S. Sixti Cardinalis, vir omnium sua etate clarissimus, ac præstantissimus, cuius si Religio nostra omnis in ævum lacrymis prosequeretur funus, ne minimam quidem ejus meritorum partem certè videretur, ut debuerat, persoluisse.

Sixtus Senensis. Ioannes Dominici, tit. S. Xisti Cardinalis, Archiep. Ragus., patria Florent., Ordine Dominicanus, Antonini Archiepiscopi Florentini præceptor, vir Sanctitate, scientia, & betrusca eloquentia effulgens, tantaq. ingenij solertia, & memoria tenacitate præstans, ut ipse in libro, quem Luculam noctis inscripsit, interposito juramento affirmet, se in nulla scientia præceptorem habuisse, sed exemplo Augustini, omnes per se ipsum disciplinas adidicisse, & intellexisse. Hic cum ad Concilium Constantiense à Greg. 12. pro unione Ecclesiæ missus esset, peracto Concilio, & unione inita, hortatu Sigismundi Imperatoris, à Martino Papa V. Legatus in Pannoniam mittitur ad extinguendat hæreses Boemorum nuper exortas, quò profectus, cum reperisset animos ita in hæresi obduratos, ut nec exhortationibus flecti, neq. ullis aut precibus, aut minis possent ab incepto renocari, desperatis r. bus, contulis se Budam, Pannonia Regiam, ubi mærore animi contabescens, mortalitatem exiit anno Dom. 1418. sepultusq. est in templo D. Pauli primi Eremitæ, miraculis multis coruscans.

Ioan. Michael Plodius. B. Ioan. Dominici, gloria

Hetrusca Provincia, & Sanctæ Ecclesiæ ornamentum. & inter alia: maledicta, injuriasquæ ingenti animo perferebat, nulli vindicta, sed soli tolerantia semper intentus.

Verinus Poeta.

*Dominici plebea domus, splendore Joannis
Emicat illustris, morum probitate, vel ipsa
Doctrina insignis, vitæq; exemplar honestæ
Dominici Sancti, Fesulanam condidit adem,
Cardineamq; apicem sola virtute recepit.*

In Conventu Fesulano Herruriæ, B. Joannis Dominici curâ è fundamentis erecto, visitur ejus effigies cum hoc Epitaphio: *B. Joannes Dominici de Florentia, Archiepiscopus Ragusinus, & Presbyter Cardinalis, Regularis vitæ in Italia reparator, ac cœnobij hujus fundator.*


Porrò illud in hoc maximo viro præter cœtera commendatione apprimè dignū, quod in dirissimo, periculossimoq; schismate, quo Christi Ecclesia discindebatur, tantum divinæ gratiæ munere valuerit, ut S. Antonini testimonio (quod & acta ipsa confirmant) magna unionis pars, causaq; fuerit; quamvis etiâ ex nostris, S. Vincentius Ferrarius, Prædicator ille Apostolorum simillimus, qui suis concionibus populos à Benedicti obedientia revocavit, Fr. Leonardus Stadius Magister Ordinis, Fr. Dominicus Archiepiscopus Tolosanus, Fr. Petrus Ripa Archiepiscopus Corinthiensis, Fr. Ludovicus Vallisoletanus, Joannis II. Regis Castellæ Confessarius, & pro eodem Regno in ipso Concilio Legatus, Fr. Antonius Acosta, Lusitanus, & Fr. Joannes Nucibo, aliq; in eadē arena strenuè desudarint. Ut proinde non immeritò gloriari debeat Hungaria, quòd

Verin.
lib. de
illustra
tione
Vrbis
Floren
tia.

Fern.
in con.
pred.
a. 1417
Grav.
to. 3.
præfer.
fol. 305

in tantis necessitatibus, per Sigismundum, suum, & Romanorum Regem, ac denique etiam Imperatorem, & per suum Ragusinum Cardinalem, adeo valide Ecclesiæ Catholicæ subvenerit, ut ferè ipsis, secundum Deum, illa ejus unionis, pacisque tranquillitas ascribatur; quodque ad cumulum illius laudis, & gloriæ, die festo S. Martini Sabariensis, Episcopi; Turonensis, cujus precibus, & intercessionibus res illas difficillimas Optimus Rex Sigismundus sapissimè commendarat, tantam unius Ecclesiæ Catholicæ capitis electionem, Deus Clementissimus voluerit celebrari.

Haud dubitem, Pie Lector, complures etiam alios viros sanctitate præclaros ex nostro Ordine Hungariæ Regnum collustrasse; quanquam hos tantum, quos mea interim assequi potui diligentia, ut cunq; descripserim.





PARTIS SECVNDÆ DE RE-
BVS PROVINCIÆ HVNGARIÆ
ORDINIS PRÆDICATORVM.

Liber Secundus.



Non virilis solum, sed foemineus etiam
sexus sub Ordinis Prædicatorum insignijs
in Hungaria gloriosè Deo militauit. Vir-
gines enim, & mulieres Sanctæ, mundi
regno, omniq; ornatu, ac delicijs ejus,
propter amorem æterni Sponsi Christi Iesu, contemptis,
ad sacra Monasteria convolantes, adeo spiritualis vitæ
profectu conata sunt, vt virtutum omnium, ac totius san-
ctitatis perfectione conspicuæ, vniuersis eandem religio-
sam perfectionem optantibus, exactissima se ad ævum
omne præbuerint exemplaria. Quamuis verò eæ plurimæ,
ac ferè innumeræ extiterint, illustriores duntaxat, &
quarum memoriam injuria temporum abolere non po-
tuit, ex optimis Authoribus, sincerisq; monumentis, ser-
uata annorum serie, describemus.

De Beata Helena Hungara, Virgine. ob. 1270.

CAPVT PRIMVM.

Vita B. Helenæ prorsus admiranda.



Vesprimium, Vrbs Hungariæ celebris, post Iaurinum, primò Fratres Prædicatores suscepit, cœnobiumq; ad annum Christi 1222. eis extruxit: nec ita longè post, etiam Sanctimonialibus ejusdem Ordinis asceterium sub Sanctæ Catharinæ nomine collocauit: in quo vitam planè cœlestem, & angelicam sanè plurimæ, sed Beata cum primis Virgo Helena exegit, indequè, mortalitate exuta, cœlestibus choris est adjuncta. Fuit illa natione Hungara, vsq; ad miraculum ferè admiranda, ac Magnæ illius Margaritæ, filiæ Belæ Quarti, Regis Hungariæ, Virginis Sanctissimæ Magistra; cujus sanctitas, quanta, & qualis esset, Christus Sponsus, multis, præclarisquè indicijs ostēdit. Vehementissima enim Passionis suæ contemplatione correptæ, stigmata sua in manibus, & dextro latere mirabiliter impressit, quæ tamen paulò antequā moreretur, obducta fuerunt. Cū die festo S. Francisci vulnus dextræ ejus manui imprimeretur, aureus circulus in vola, lilium candidū inclusum continens, apparuit. Quod cū aspexit, vociferari haud semel audita est. Ne, quæso, fiat istud mi dulcissime Iesu: ne, oro, istud mi Redemptor appareat. Frequentiùs, cū oraret, corpore in aera eleuabatur: cœlestes quoq; melo-

diæ

diæ circum illam personantes, nec non Sanctorum plurimi illi colloquentes audiebantur. Crucifixi, & Deiparæ Virg. imagines, ex altaribus, alijsq; locis ad ipsam, vnâ etiam in manus, & brachia illius descendebant. Lumina coelitus accensa coram illa apparebant: epistolæ auro diuinitus in manibus ejus scriptæ, legebantur. Nocte concubia orante, & in extasim rapta, Cruci affixa Christi imago ænea se à stipite explicauit, inq; amplexus Beatæ Helenæ, non sine ingenti sonitu delapsa, nulla vi accurrentium Sororum, & admirandum spectaculum contuentium, auelli ab ejus brachijs potuit; sed ipsa die sequente circa meridiem sensibus reddita, eam suo loco reposuit. Ingenti devotionis ardore erga sacram Eucharistiam flagrabat; quam cum à Confessario habere nequiret, Saluator ipse visibilis suis manibus Virgini porrigebat. Spiritu Prophetiæ claruit. Tantæ efficaciz fuit ejus contactus, vt non tantum ægritudines corporeas à plurimis depelleret, sed & herbas aridas virori pristino restitueret, ac floribus vernantes redderet, quas statim convellebat, ne ab alijs aspicerentur. Fœliciter deniq; ex hac mortalitate migravit in Monasterio præfato Sanctæ Catharinæ; cui morituræ, Saluator, magno & admirabili cœlestium comitatu se præsentem exhibuit, & miscens cum ea colloquia, ad perennem immortalitatem euocauit, euocatamq; multis miraculis illustrauit. Paralytici namquæ, & contracti, sanitati restituti; obsessi à dæmone, liberati; alijsq; curati. Propter quorum frequentiam, & magnitudinē, cum post annos septēdecim corpus ejus in aliū locū transferretur, imprimis, Sepulcro effosso, terra aliquot palmos in aere suspensa su

pra

pra ejus cadaver, ne ab ea obrueretur, reperta est. Deinde ex illius corpore cum quidam nonnihil recidere tentasset, viuus sanguis effluxit. Ex vulnere quoq; lateris tunc sua sponte aperto, odorati liquoris vena instar balsami purissimi scaturiuit, quæ totam viciniam fragrantia sua mirum in modum recreauit.

CAPVT SECVNDVM.

Quod B. Helena Magistra fuerit Sanctissima Virginis Regiæ Margaritæ.



Castill.
cent. 1.
li. 2. c.
ultimo
Plod. 1.
p. 1. 3.
co. 496
Bzov.
t. 13. a.
1270.
n. 16.
Ract.
de Vitis
SS. &
BB. Or.
Prad.

Væ hæcenus dedimus de B. Helena, ex bonis authoribus, Ferdinando Castillo, Ioan. Michael Plodio, Abrahamo Bzovio, Seraphino Ractio alijsq; accepta sunt. Equibus Bzovius, & Plodius mortuam anno Christi 1270. testantur, ipso scilicet anno, quo & Sanctissima Virgo Margarita, secundum ipsos, aliosq; plures, ex hac vita recessit, cujus fuisse Magistram B. Helenam, Plodius, Castillus, Indiculus ad Ordinis Privilegia, alijsquæ tradiderunt. Ne huius rei fidem eleuat, quod in manuscripta historia vetustissima Vitæ S. Margaritæ, Magistra ejus dicatur fuisse Olympias Comitissa, vt inter colloquendum R. P. Iacobus Nemethi Hungarus, ex Soc. Iesu, obieciebat, neq; enim propterea tantorum authorum testimonium infirmum existimauerim. Cum enim B. Margarita in Monasterio Vesprimiensi Sacræ Religionis habitum induerit, in eoq; per annos septē (vsq; ad 10. quippè ætatis suæ annum, quando ad Monasterium in insula B.

Virg.

Virg. Deip.
permanente
Matris, quæ
nis institutis
discipline fuer
Helena, quæ
rebat: quare
Comitissa,
ingressa, po
Neq; enim
pic esse mag
prius debet
vt tanquam
in B. V. Dei
(erat enim
Margarita,
vsq; volu
sprimienfi
git. Postq
ex Ordine
ricis conscr
agens per o
Est in Oppid
bene, beateq;
multitudo fa
sub regula, &
locus est visu
sacris initian
non immemo

Virg. Deip. à Bela Rege Patre extractum est translata) permanferit, dubitari nequit, quin Sanctiffimæ alicujus Matris, quæ in vita fpirituâli, & religiofa, cunctisq; Ordinis institutis, & ceremonijs exactiffimè verfata effer, difciplinæ fuerit demandata. Atquæ adeò ea indubiè fuit B. Helena, quæ omnium virtutum, & gratiarum decore florebat: quam etiam putem Magiftram fuiſſe Olympiadis Comitiffæ, quæ vidua vnâ cum B. Margarita monafteriũ ingreſſa, poſt paucos dies habitum religioſum accepit. Neq; enim vlla ad Ordinem ex ſæculo veniens, ſtatim incipit eſſe magiſtra, quæ vitæ, & perfectionis monaſticae prius debet eſſe diſcipula. Eadem tamen ſoror Olympias, vt tanquam nutrix, B. Margar. curam ſemper geſſit, ita in B. V. Deip. Monafterio, per omnia ejus egit magiſtram (erat enim jam matura ætate, ac prudentiffima) cui B. Margarita, præcipuo humilitatis exemplo, ad mortem uſquè voluit eſſe ſubjecta. Beata namquæ Helena in Veſprimienſi, vt diximus, monafterio vitam mortalem exegit. Poſtquam hæc ſcripſi, reperi etiam in Petri Ranzani, ex Ordine noſtro Epifcopi, opere, quòd de rebus Hungaricis conſcripſit, hujufcæ rei confirmationem. Is enim, agens per occaſionem Regis Bela, de S. Margarita, ita ait. *Eſt in Oppido, cui nomen eſt Veſprimium, monaſterium, fama benè, beateq; viuentium præclarum, in quo per id tempus erat multitudo ſæminarum Virginũ, Deo caſtè ſanctèq; ſeruientium, ſub regula, & inſtitutis, atq; habitu Fratrum Prædicatorum. Is locus eſt viſus præcipuè idoneus, ubi regia puella Jeſu Chriſti ſacris initiaretur. Ejus itaq; parentes, Deo factæ promiſſionis non immemores, eam illuc honeſto comitatu perductam, Religio-*

Ranz.
de re-
bus
Hung.
Indic.
15.

ni

ni B. Dominici deuenerunt. Suscepto deinde in tam tenera etate Virginum habitu, adhibita ei fuit quadam ex illarum contubernio, qua circa omnes seipsam bonorum operum praebebat exemplum. Ab ea voluit Monasterij Antistes, quam vocant Priorissam, educari puellam, ita ut ab ipsa disceret spiritalia cantica, & cætera, quibus constitutis horis, ac temporibus psalleret, ut dignis Deo dicata Virgini moribus informaretur. Helena illi nomen fuit. Quae adeo sanctè omnem suam egit vitam, ut, dum viveret, non solum multis claraerit miraculis: sed moriens etiam, ac post mortem, ut in hanc etiam diem, sanctitatis ostendere signa nequaquam desierit. Vnde & à Vesprimiensibus hodie quoque Beata Helena nuncupatur. Tali itaque sancta puella vsa magistra, vita illius integritatem imitari, quantum pueriles pati poterant anni, adnitebatur, matrem illam appellabat. Quicquid autem ei ab illa faciendum constituebatur, siue jejunandum, siue per noctem vigilandum, orandumque Deum, siue dandam operam alicui vili seruitio, ut sit in Virginum monasterijs, absque ulla mora exequi humiliter, & alacriter, obedienterque studebat. Hæc Ranzanus, rerum Hungaricarum sedulus indagator, qui triennium apud Marchiam Corvinum Legatum egit, eique opus præcitatum inscripsit. Notandum verò potissimum illud, quod ait, usque ad tempora, quibus hæc scribebat, in Hungaria Beatam Helenam miraculis effuluisse. per triennium porrò ad mortem usque Marchiæ, cujus & orationem in funere habuit, mansit Ranzanus in Hungaria, ab anno scilicet 1487. ad annum Christi millesimum quadringentesimum nonagesimum.

Monument



stri Ordinis
Vgone Cam
Helena de Hu
& magna per
Ordinis Prae
Regis Hunga
tutibus suis

In
Fr. Stephan
Margarita
pula, & Regi
men stigmat
tutatis in sig
Ei
Iuliu Magis
postea fuit,
tor. Soror E
Virgo omniu
pro magno m

CAPVT TERTIVM.

Monimenta, & authores, quibus B. Helena stigmata comprobantur.

HNastruendis stigmatibus corpori Beatæ Helenæ à Christo Sponso impressis, vniversi scriptores vnâ consentiunt. Nam præter jam memoratos, breue Chronicon Generalium nostri Ordinis post Constitutionum declarationes, in Fratre Vgone Campano 16. Magistro Generali ait: *Beata Soror Helena de Hungaria, quæ habuit quinque stigmata Christi, & magna perfectionis mulier in Hungaria; Sanctimonialis Ordinis Prædicat. fuit. Hujus discipula Beata Margarita, Regis Hungariæ filia, similiter sanctimonialis, mirabilibus virtutibus fulsit.*

Indiculus post Priuilegia Ord. à Gen. Magistro Fr. Stephano Vfusmaris edita tit. Virgines, sic habet. *Soror Margarita, & Helena de Hungaria, hæc magistra, illa discipula, & Regis filia, utraq; virtutibus refulgens. Helena tamen stigmata Domini Jesu in corpore passa est: magnum sanctitatis insigne.*

Et in alio catalogo post Ordinis Martyrologium, jussu Magistri Generalis, Fratris Hieronymi Xavierre, qui postea fuit, Sac. Romanæ Ecclesiæ Cardinalis, ita scribitur. *Soror Helena nostri Ordinis Sanctimonialis in Hungaria, Virgo omnium virtutum corona redimita, illud quoq; à Domino pro magno munere est consecuta, ut dolorum quinq; vulnerum*

Domini Nostri Jesu Christi in corpore suo sentire meruerit.

li. 15.
c. 59.

Thomas Bozius, de signis Ecclesiæ, postquam S. Patriarchæ Francisco Assisiati divinitus impressa sacra stigmata commemoravit, subdit: *Idem contigit S. Catharina Senensi, Helena Virgini Hungaria, quæ fuerunt ex Ordine Sancti Dominici.*

disput.
pro S.
Cath.
Sen.
imagi-
nibus.
S. 8.

M. F. Vincentius Iustinianus. *Divæ Helena Hungarica, præstantis sanctimonie femina, & Divæ Margaritæ Hungariæ Regis filiam magistra, eisdem plagis compuncta fuit, ut Leander Bononiensis, & Felix Castel Francus literis consignarunt.*

in Voce
Turin-
ris p. 2.
c. 12.

M. F. Dominicus Gravina. *Helena similiter Hungarica stigmatibus refulget, cujus disciplina tradita Margaritæ Regis Hungariæ filia, ad summum sanctitatis gradum pervenit.*

l. 13.
histor.
Ecclef.
ad an.
1270.
n. 3.

Ioannes Fridericus Matenensius. *Beata Helena, Virgo Ord. Præd. quæ stigmata Domini Jesu, ipsomet Christo imprimente, in manibus, & dextro latere recepit.*

c. 18.

M. F. Hyacinthus Coquetius, in opere verè aureo, quod nuperrimè editum, *Viscera materna B. Virg. in Ordinem Predicatorum* inscripsit, in quo de stigmatis, Ordinis nostri hominibus impressis, edisserit, idem disertè confirmat.

Quod & antiqua monumenta, picturæquæ testantur. Vt enim alia mitram, Ticini, sive Papiæ, quæ est Galliæ Cisalpinæ, Insubriæq; Vrbs inclita, & olim Longobardorum Regum sedes, vetustissima, atq; celeberrima omnium facultatum Academia, hodieq; clarissima, in celebri templo S. Thomæ, ad altissimum fornici arcum, à

centum quinquaginta circiter annis cernitur Beata nostra Helena cum stigmatibus, quæ recipit à Christo Crucifixo, hisceq; verbis, *Beata Helena de Hungaria, Virgo*. Nec verò est, cur quispiam ea super re contendat, sacrorum vulnerum privilegium ita alicui concessum existimans, ut id etiam alijs divinitus præstitum esse diffiteatur. Nam, præter alios plures, quorum meminit Iustinianus præcitatus, vel ex vno Ordine nostro supra sexdecim personas ex certissimis monumentis ijs insignitas probat Coquetius loco prædicto, videlicet, præter Helenam nostram, etiam Gualterum juniorem Argentinensem, Iacobum Ravenatensem, Catharinam Senensem, Brigittam Batauam, Osannam Mantuanam, Luciam Narniensem, Columbam Reatinam, Mariam ab Ajofrin Toletanam, Mariam à Sancto Dominico, Columbam Trocasani, Catharinam Ricciam Florentinam, Hieronymam Caruallo, Mariam Raggiam, Blancam Gusmanicam, Catharinam Raconissiam, Versulam Aguiriam Valentinam. Lege authorem, mirabere, & si amas, lætabere.

Coque-
tius
mat.
vise. c.
12.

De B. Helena nostrorum quidam sic ex tempore cecinit.

*Quam benè præcinnit (viuit post funera virtus)
Quisquis is est, probat hoc nobile Vesprimium.
Nam (laceo reliquos) Helenæ decoratur honore
Cui Diuinus amor stigmata sacra dedit.
Hujus cælestem terreno in pondere vitam
Morbida jam, vita reddita turba docet.
Balsama qua lateris spirant è vulnere, dicunt,
Non aliter redolent lilia, non rosula.*

F. Hy-
acint.
Schä-
ffer Or-
di. Pr.
SS. Th.
Lector.



DE BEATA MARGARITA,
BELÆ QVARTI REGIS HVNGARIÆ
FILIA, VIRGINE SANCTISSIMA.



IN gestis Sanctissimæ Virginis istius conscribendis, ob peculiarem, qua erga illam, Dei gratiâ, feror deuotionem, omnem conatum, ac diligentiam adhibui, vt nihil egregium omitterem eorum, quæ reperi possent apud vitæ, & operum illius scriptores, qui sanè multi sunt, & præclari. Nam ex Ordine nostro de illa scripserunt,

Author vitæ M. S. antiquissimæ hungarico idiomate, quam vnâ cum sacris ejusdem S. Virg. Reliquijs, Sanctimoniales, rabiem immanissimi Turcæ fugientes, ex Insula Danubiana B. Virginis Deip. Tyrnauiam detulerunt; & à R. P. Iacobo Nemethi, Hungaro, sæpè memorato descriptam; mihiquè commodatam, latinè vertendam curauit A. R. D. Michael Kaldi, Parochus Soproniensis, ac deinde Lector lauriensis, vir omni laude insignis, & Ord. nostri benefactor, ac Pater spiritualis.

Garinus

Garinus, S. Theol. Doctor, qui ex fusioribus veracium cestium dictis vitam ejus in compendium redegit Avinionone, anno Christi 1340.

Petrus Ranzanus, Siculus, Episcopus Lucerinus, libro de rebus Hungaricis, in Bela Quarto.

Georgius Eppius, Vimpinensis, S. Th. Lector, de Personis illustribus Ord. Prædicatorum.

Seraphinus Ractius, S. Theol. Doctor, In viris Beat. Ord. Præd.

Ferdinandus Castellus, S. Theol. Doctor, Philippi 2. Regis Hispan. Concionator, qui omnium fusissimè, & elegantissimè gesta illius conscripsit.

Ioannes Michael Plodius, S. Theol. Doctor, & totius Status Mediolan. S. officij Inquisitor Generalis.

Thomas Maluenda, S. Theol. Doctor, in annalibus Ord. Præd. Centuria prima.

Abraham Bzovius, S. Theol. Doctor, & Annalista Pontificius post Cardinalem Baronium.

Scripserunt & alij; Laurentius Surius, Carthusianus, qui Garini stylum aliquantisper immutavit.

Petrus Ribadeneyra, Toletanus, S. I. Theol. Reverendissimus Ioannes Tomko, Episcopus Bos-

sinensis, libro de Sanctis Hlyricis, Romæ approbato, & impresso. Præter hos authores, qui ex professo Sanctiss.

Virginis Margaritæ gesta stylo prosequuti sunt, alij plures per occasionem, & strictius illius meminerunt, quos suo

loco non præteribimus.

*Apua
Surius
18. In
nuar.
Indic.
15.*

*Cent. 1
lib. 3.*

*de Vir.
ill. p. 1.
l. 3. col.
497. &
seqq.*

*a. 1245.
fo. 13.
a. 1270*

*to. I.
18. In
nuar.*

*2. p.
floris
sanct.*

*28. In
nuar.*

CAPVT QVARTVM.

Ortus Sanctissime Virginis Margarita.

Beatissima Margarita, patre Bela, hujus nominis Quarto, Hungariae Rege, à Sancto Stephano, decimonono : Avo Andrea secundo, Sanctae Elisabethae parente : matre verò Maria, Theodori Lascari Graecorum Imperatoris filia, orta est anno Christi 1242. Ita enim, ex eo, quod vniuersi ferè rerum ipsius descriptores affirmant, suae aetatis annos 28. natam, anno Christi 1270. si ij nec dum completi, aut vero 1271. si completi, obijisse, subducta numeri ratione, colligitur. Cum vterò gestaretur, grassantibus tùm per Hungariam Tartaris, votum Parentes ejus emisserunt, si Deus Regnum liberaret, & filiam impertiret, eam Sacram Ordinis Praedicatorum monialium coetui, se perpetuò consecraturus, cùm primis, quod nulla è Regia Hungariae stirpe monialis, religionis intuitu monasterium primum ingressa, retroactis temporibus extitisset. Licet enim Helena, filia Belae II. qui cœcus est dictus, in Egmondensi Monasterio jam multò antea vitam duxisset, non tamen ex primaria Deo vacandi intentione, sed suae potiùs custodiæ causa illud ingressa; quanquam Deo postea inspirante, sacram sit Religionem amplexa. Audivit Deus pias preces, & filiam concessit, ac deniq; Hungariâ etiam à Tartaris liberavit. Neq; enim verum illud esse potest, quod aliqui scriptis tradiderunt, Tartaris à Rege Bela de-

Castell.
& Ri-
bad.

victis,

victis, &
Margarita
regnum il
runt, ut Be
pars nobi
cidit, fufu
ceribus, &
ad Tartar
cisq; ann
Bela, & co
Deus Hu
liberaret
ligione D
Dalmatia
gebant.
Deo, tam
gum Ca
Arce, ip
te. extar
bilissimi
vi dicati,
clesiæ in S
hujus rei
modi add

Cat
In
Bela
Ac

visis, & ex Hungariæ Regno depulsis, natam Sanctam
Margaritam, cum Tartari ab anno 1242. per triennium
regnum illud incendijs, rapinis, cœdibusq; adeo devasta-
rint, ut Bela ipso anno 1242. ingenti prælio, quo maxima
pars nobilitatis Hungariæ, cum innumera plebe con-
cidit, fusus, fugatusq; in Dalmatiam cum Coniuge, Pro-
ceribus, & gaza se receperit, ibiq; tamdiu delituerit, quo-
ad Tartari ad suas sedes redire, ut ex Hungaricis, Poloni-
cisq; annalibus Maluenda benè notavit. Quare votum, à
Bela, & coniuge Maria conceptum, illud fuit indubiè, si
Deus Hungaricum Regnum à Tartarorum oppressione
liberaret, ipsiq; restitueret, natam ex se filiam Deo in Re-
ligione Dominicanæ consecraturus, quod & factum. In
Dalmatia, in Arce Chissienfi, in qua Reges post fugam de-
gebant, editam Infantem, haudquaquam ambigimus;
Deo, tam insigni prole, aliarum duarum eorundem Re-
gum Catharinæ, & Margaritæ filiarum, morte in eadem
Arce, ipso anno 1242. sublatarum, iacturam compensan-
te. extat enim, Tomko teste, supra portam maiorem no-
bilissimi templi, olim à Diocleriano Principe impuro Io-
vi dicati, jam verò Christiana pietate Metropolitanæ Ec-
clesiæ in Spalatenfi Vrbe decori, tumulus, carmine (quod
hujus rei fidem facit) more illorum temporum hujusce-
modi addito.

*Catharina fulgens, & inclita Margari-
ta.
In hoc tumulo jacent absque vi-
Bela Quarti filia Regis Hungaror-
Ac Maria Lascari Regis Græcorum.*

Aperfidis

*Malu.
a. 1242
c. 16.*

*A perfidis Tartaris erant tunc fuga }
Mortua in Clisio, ac Spalaturn translata. }
Sub annis Domini mille cum ducent }
Quadragenta duo insuper præbens legentis. }*

Bapt.
Aeg-
natus
in The-
od. La-
sario.

Ex quo obiter colligere licet, non rectè scripsisse Aegnatium, Theodoro Lascati solam Irenem filiam fuisse, quam Ioanni Batazio in matrimonium iunxit. Apparet etiam, post Catharinam, & Margaritam extinctas, atq; adeò non ante annum 1242. Beatam nostram Margaritam in lucem prodixisse. Id enim nomen Margaritæ repetitum indicare videtur, quo parentes dilectæ filiæ defunctæ memoriam, in sacro Baptismate (ut consuetudo obtinuit) innouare voluerunt. Quòd autem Margaritam potius quam Catharinam innovarint, ea fortasse ratio fuit, quòd jam tunc ob caput S. Margaritæ Virginis, martyrisq; ex Oriente ab Andrea Belæ parente delatum, præcipua ad Divam illam Reges incitarentur pietate; si non jam inter patronos, ac tutelares Hungariæ delegerant, uti nunc factum videmus.

CAPVT QVINTVM.

Educatio pietas, ac prophetia in tenella ætacula.



Gitur anno prædicto ad finem vergente nata B. Margarita, & more iustitutorq; regio, insigniq; cura, & pietate educata, à prima jam ætacula ingentibus diuinæ gratiæ muneribus ita excelluit, ut præter tenellam corporis staturam, orisq;

habitum,

habitum, vix vlla infantis vestigia in illa extare viderentur. Quare adhuc bimula, Patris victoriam contra Ducem Austriæ, per Spiritum Prophetiæ prædixit, vt alio loco narrabimus. Cùm annum tertium puellula ageret, Regina Olympiadem Comitissam, relictam Comitum Thomæ Bodomarei, foeminam prudentissimam, accersiri curauit, eiq; filiam Margaritam ex tunc educandam, custodiendamq; tradidit; quam illa curam, ingentem fauorem, & gratiam arbitrata, libentissime suscepit. Inde post sex menses, Regina, assumptam filiam cum Olympiade, Vesprium ad Monasterium Sanctæ Catharinæ, in quo Sanctimoniales agebant Ordinis Prædicatorum, induxit, ibiq; (instar veteris illius Annæ, Elcanæ conjugis, quæ susceptum ex voto Samuelem, cùm jam esset ablactatus, in domum Dei adductum, ei perpetuò dedicauit) sanctam prolem, Deo, Beatissimæq; Virgini Deip. vt cum Rege vouerat, obtulit, & consecrauit: iterumq; illam Olympiadi commendans, rogauit, ne eam defereret, sed simul in monasterio commaneret; quod illa promptissimo animo exequuta, quarto deinde die sacra Religionis indumenta suscepit. Vix credi posset, quanto à toto coenobio Sancta Virguncula excepta fuerit gaudio, cuius cum ætate, virtus, singularisq; pietas in dies augefcebat. Dimidij anni spatio preces horarias Beatissimæ Virginis Deip. non ex codice, sed ab alijs sacris Virginibus psallentibus duntaxat auditas, perfectè memoriæ mandauit, ac recitauit. Ludos pueriles, quibus illa solet ætas gaudere, respuens, alijs ludentibus, orationi vacabat. Quod si vrgeri ab alijs puellulis videretur, dicebat, *mecum venite,*

i. Reg.
c. I.

& templum prius ingressæ, B. V. Deip. Angelicam præcatiunculam recitantes, salutemus: deinde lusitemus. Nulla recapiebatur nisi seria, nullis aures accommodabat, nisi grauib, & spiritualibus. Crucem aliquando conspicata, cœpit, quid rei esset, ex sororibus sciscitari. Illis agentibus Signum esse Crucis, in qua Deus Dei filius, carnem humanam indutus nostræ causæ salutis, pretiosum sanguinem suum fudisset, ad eam protinus accurrit, ibiq; prostrata adorauit, amplexibus excepit, oscula fixit, elataq; ad Crucifixum voce, dixit, Me tibi perpetuum, Domine, credo, atq; committo.

CAPVT SEXTVM.

Quadrimula S. Ord. Præd. ingressa, Virtutibus fulget.

IAm verò quadrimula, exoptatum sacre Religionis habitum poposcit & flagitauit, eumque tanta grauitate, & reuerentia suscepit, vt circumstantes dederit in stuporem. Quo suscepto, iuxta ætutulam, summa cum pietate ad omnem religiosam obseruantiam vitam instituebat. Potissimè verò precibus operam dabat; à quibus cum magistra, ne corpusculum plus nimio gravaret, cuperet quadantenus revocare, tandiù plorauit, donec ipsa lacrymis puellæ innocentissimæ victa, liberam ei faceret in oratione perseverandi potestatem. Porro quinquennis, vbi vidit cœteras Sorores cilicia ad carnem gestare, mōx virtutis æmulla, quasi ætatem pœnitentiæ opportunam ageret, à Ma-

gistra

gistra, vnum ex his sibi gestandum ardentibus adeo precibus depoposcit, vt ei cedere necesse fuerit, quamuis, ob corpusculi teneritudinem, ne conficeretur adhuc immatura, id illi postea sit ademptum. Sed nec sic conquiescere potuit, quin cilicino funiculo vteretur, eo virgineos lumbos ad nudam cuticulam incingens. Summoq; desiderio præstolabatur, quò tandem vegetiori ætate cilicinam vestem posset assumere. Hinc vbi septimum ætatis annum attigit, asperâ satis assumptâ, in Adventu Domini, Quadragesima, Ieiunijs quatuor temporum, Vigilijs solemnitatum Christi, & B. V. Deip. Apostolorum, & præcipuorum Sanctorum corpusculum afflictabat. Cernens etiam Sanctimoniales, potissimum à Completorio, sanguine, propria, & aliena peccata expiantes, sese flagellis acriter cedere, ad Magistram humiflectens, flagellum instanter deposcebat, tum in sacrificiam secedens, seipsam validè pro viribus vellicabat. Vilissimis vestibus lætabatur; quæ si è meliore materia ei darentur, deferre eam pudebat: si verò à Præfecta gestare juberetur, lotione scutellarum, & vasculorum, in culina quàm citiùs maculare studebat. Si quando Regis filia vocaretur, maledictû, & probrum objectum sibi esse cum lacrymis querebatur. Quantam mihi, mea Mater, (dicebat Magistræ) faciunt injuriam: namq; me Regis filiam appellant. Mirandum proinde non erit, B. Margaritam perfectionis religiosæ structuram ad sublimia adeo evexisse fastigia, quæ in humilitate, ejusdem immò etiam Christianæ perfectionis alphabeto, tam solida, profundaq; à tantilla ætate jecerit fundamenta.

CAPVT SEPTIMVM.

In nouum Monasterium à Patre extructum inducitur.



Hec, aliaq; id genus, Sanctæ Virginis Margaritæ egregia fuere in Ordine tyrocinia, quæ ubi parentes ejus notare cœperunt, ad insulam Danubij, quæ prius Leporum, ab eo tempore B. Virginis, ac postmodum Beatæ etiam Margaritæ Insula nominata est, Monasterium insigne, ad Dei, Beatissimæq; Virg. Deip. Mariæ honorem è fundamentis erexerunt, & ad finem perductum, regijsq; muneribus locupletatum, consecrandum curarunt. Ad hoc Sancta Margarita, annum decimum suæ ætatis agens, ex Monasterio Vespri-
miensi cum nonnullis pijs alijs Sororibus deuecta est. Ex
ijs, vt colligere est ex indiculo Sororum pro processu Ca-
nonizationis S. Virginis, quem inferius describemus, fue-
runt Sorores, Catharina, quæ jam supra annos triginta in
Vesprimiensi Cœnobio vitam egerat, prima B. Margaritæ
latinitatis Magistra. Eliana, quæ tantundem temporis
ibidem vixerat. Agatha Vesprimiensis, Alexandra, Bene-
dicta, Cæcilia, Helena. Elisabettha, filia Sor. Olympiadis,
Socia B. Margaritæ, simul enim ex vno libro studuerant,
simul tam in choro, quàm alibi manserant. Iudith, quæ
etiam S. Margaritæ Socia fuerat, simulq; colloquentes,
quid legissent, vicissim examinabant, & oratiunculas per-
discebant. Fortassis & aliæ ex eodem Monasterio, quæ ad
meam noticiam non venere. Fortè etiam plures sub no-

vum recentis cœnobij incolatum ad sacrum habitum sunt receptæ, vt ex eodem indiculo facilè colligescit; nam & brevi tempore adeò excrevere Sorores, vt numerum septuagenarium implerent. Cui verò ex Ordinis Fratribus Sanctimonialium præfectura, & cura tunc primum demandata fuerit, hætenus non legi, nisi quòd Ranzanus scribit, Fr. Vmbertum, virum pientissimum (qui inter, eos recensetur, quos antiquitas Beatorum vocabulo indigitaui) eruditissimumquè, à Bela Rege vocatū, Monasterio fuisse præfectum, idq; muneris vsquè ad Sanctissimæ Margaritæ in Ordine professionem, adeoq; biennium tenuisse. Verba eius sunt. Absoluto igitur opere, accersit in Hungariam Vmbertum, Theologum doctissimum, ac religione præstantem, qui per illud tempus erat Generalis Ordinis Predicatorum Magister. Huic Rex, & Regina, à se constitutum tradunt Monasterium, petuntq; vt ab illo eorum filia à Vespriensi ad hoc in Insula, quam dixi, structum cœnobium transferretur, adhiberenturq; ei ex omni numero selectæ, quot viderentur esse necessariæ, atq; viles virgines, cum quibus Deo, Beateq; Mariæ in Sancti Dominici Religione famularetur. A templo autem in honorem B. Virg. condito indidit Rex loco nomen, vt diceretur Insula S. Mariæ, quæ antea vetusto vocabulo insula Leporum cognominabatur: quamquam eam hodie vulgus B. Margaritæ insulam vocitant. Vmbertum, vt talem, tantumq; depositum thesaurum diligenter fideliterq; seruaret, illi Monasterio præfecerunt Antislitem, qui regiam, sanctamq; puellam, ac cæteras Deo dicatas Virgines regeret, ita ut ille, non quæ sunt mortalis huius vitæ, sed, quæ essent cælestia, ac futura beatis parata bona, assidue, & quantum pateretur humana im-

becillitas,

becillitas, meditarentur. Quod & illa mirum in modum exequi studuerunt. Et quanquam inter se, bene sancteq; viuendo, plurimum certarent, quenam ex ipsis esset, qua Deo seruires feruentius: comperit tandem earum prudens Antistes, Beatam Margaritam, in cunctis, qua essent puritatis, sanctitatisq; atq; integritatis vite, cæteris antecellere. In Hungaria vero tantus vir, rogante, suadenteq; Rege, tamdiu demoratus est, donec Sancta puella peruenit ad duodecimum annum ætatis, quo idonea esset, & decreto Sanctorum Rom. Ecclesia Patrum de more profiteretur Religionem. & cæc. Sed planè hæc Ranzani narratio in aliquibus vera esse non potest; nam tempore ingressus B. Margaritæ in novum Beatissimæ Virginis Deip. cœnobium, anno nimirum 1252. quando illa agebat decimum ætatis annum, Vmbertus, Ordinis nostri Generalis Magister adhuc non erat, qui biennio post, anno 1254. in Capitulo, Budæ, Hungariæ vrbis præstantissimæ celebrato (post mortem B. Ioannis Teutonicæ, qui obiit Argentinæ 1253. pridie Nonas Nouembris) inijs Magistratum, vt nostri Ordinis annales perhibent vniuersi. Idem etiam Vmbertus, ex Provinciali Franciæ factus est Generalis, vt iidem tradunt annales: non igitur tempore illo potuit in Hungaria Sanctimonialium curæ præesse. Itaque, cui tunc primum ex Patribus cura illa sit demandata, mihi hactenus non est omnino exploratum, quamuis dubium non sit, virum omni sanctitate, & eruditione præstantem ad eam fuisse delectum. Plurimo sane tempore Fr. Marcellus, qui etiam Hungaricam Provinciam moderatus est, B. Margaritæ spiritualis Magister, ac ductor fuisse, in ejus vita M. S. haud semel traditur:

num

num vere
vum mon
melegisse
scilicet su
nem B. N
ejusdem V
to in Hun
lemnitas
charitalq
centia est.
Parens, re
quibus ad
jaspide, ca
phus, latic
cer ornate
gemmisq;
tiolis ma
niales no
chariorib
fugientes
late) ab an
monialibu

Pro
M
M

num verò à principio ingressus ejusdem S. Virg. in novum monasterium, eam curam suscepit, non memini me legisse. Quod autem biennio transacto, duodecimo scilicet suæ ætatis anno, solemnem Religionis professionem B. Margarita Soror emisit, & quidem in manus ejusdem Umberti, Generalis jam electi in Capitulo, habito in Hungaria, petentibus Regibus, ut eò Professionis solemnitas esset augustior, & ipsorum in Ordinem amor, charitasquæ testatior, concors scriptorum omnium sententia est. In ipsa porro solemnitate Professionis, Bela Parens, regia Deo, Deiparæq; Virgini munera obtulit; è quibus adhuc visuntur candelabra duo ex lapide pretioso jaspede, calix cū patena, lōgitudine duorū palmorū, & amplius, latitudine ampla, vnionibus, auriq; pigmēto insignitè ornatus: vestes sacerdotales, quas casulas dicunt, auro, gemmisq; rigentes, in quibus Crucifixi extat imago, pretiosis margaritis, vnionibusq; constructa: quæ secum moniales nostræ, cum B. Margaritæ reliquijs, alijsquæ rebus charioribus, ex Insula Danubij, à facie immanissimi Turcæ fugientes, olim Tyrnaviam, ac demum Posoniū, (eò translata) ab an. circiter vigesimo detulerunt. De ipsius Sanctimonialibus, quæ fuerint B. M. Magistræ, dictum.

CAPVT OCTAVVM.

Professa, quàm egregie virtutibus claruerit.



gitur Ordinem S. Margarita professa, tam multis atq; excelsis claruit virtutum insignibus, ut non modò Sororibus reliquis, sanctæ obser-

Sup. à
pagina
114.

vantiæ,

vantiæ, totiusq; perfectionis exempla præberet: sed & virgines alias, atq; matronas genere illustres, magnatum, ac Principum conjuges, ex omnibus regni partibus pertraheret, quæ de illius moribus vehementer ædificatæ, partim idem vitæ genus amplectebantur, partim ejusdem se pietati, ac precibus demississime commendantes, ad plagas suas remigrabant. Sive enim corporis castigatione, sive moderatione affectuum, sive constantiæ, justitiæ, prudentiæ, religionis, proximi, Deiq; dilectionis, cunctarumq; virtutum, donorum, & gratiarum Spiritus Sancti ornamentis adeò excellebat, ut ejus unica vita totius rectè viuendi rationis compendium, & exemplar exactissimum omnibus esset, & porro sit. Vulgaribus, monasterio consuetis cibis, ipsq; nusquam priuatim, sed in communi semper refectorio utebatur, nisi matre, vel sororibus monasterium visitantibus, & id sanè quàm raro, nec nisi obedientiæ vi à Matre Priorissa adacta. Quod si cibus delicatior, aut paulò generosius vinum sibi apponeretur, respuebat. Crebrò mensæ cum reliquis assidens, majori temporis parte, quo illæ vefcebantur, obvelata facie, secum tacitè perorabat. A festo exaltationis Sanctæ Crucis vsq; ad Pascha, pro more Ordinis, quotidie jejunabat. Si quando Priorissa, eam, quòd esset imbecillæ, tenerimæq; constitutionis, cogere vellet uti dispensationibus, tamdiu plorabat, donec illa lacrymis victa, jejunare permitteret. In pervigilijs solemnitarum Christi Domini, Pentecostes, Beatissimæ Virg. Deip. Apostolorum, aliorumq; Sanctorum celebriorū, per totam etiam Quadragesimam, & omnibus totius anni quartis, & sextis feriis, ut plurimum so-

lo pane,

Io pane, & aqua contenta, jejunabat. Toto triduo ante Pascha nihil omnino cibi, vel potus degustabat. A carnibus toto vitæ tempore abstinuit, nisi graui, patenteq; infirmitate derenta. Aegritudines namque suas omni diligentia occultabat, ne propter eas hære in valetudinario, & carnes sumere cogeretur. Quare grauem aliquando fluxum sanguinis per dies quadraginta perpeffa, interfuit cum reliquis communi cœnaculo, cubauit in dormitorio, omniaq; monasterij officia, perinde ac si sana fuisset, obiuit, id vnica secretò resciente Sorore, cui vetuit, ne alijs ediceret.

CAPVT NONVM.

Lecti vestiumq; asperitas, cilicij, & disciplinarum usus.



Ante lectum, quem alijs persimilem habebat, expanso super pauimentum corio, lapideq; pro ceruicali appposito, tantillum quiescebat. quamquam cum ad matutinas preces media nocte confurgendum erat, tunc lectum intraret, vt ita semper lecto iacuisse crederetur. Lineis ad carnes nunquam usa est. Vestes, quibus induebatur, viliores, rudiores, asperioresq; erant vestibus cœterarum, quas nunquam per totam quadagesimam, raro etiam admodum alijs temporibus permutabat. Inde propter vetustatem, longioremq; illarum usum, sordium, vermiumq; molestijs afflictata, cum rogaretur, vt mundari, ac repurgari eas sineret, dicebat. Ne sit, dilectissimæ Sorores, ista res vobis curæ. Permit-

cite, quæso, corpus meum, amore Domini nostri Christi Iesu, ab his vermibus lacerari. Quod obsequium adeo ipsi Sponso Christo perplacuit, ut cuidam ex Seraphico Ordine S. P. Francisci Religioso, præ cæteris, sanctitatis fama præstanti, in visione ostenderet, vermes illos in uniones, lapillosq; pretij inæstimabilis, quibus exornaretur Virgo Sancta, permutatos, sicut ipse aliquibus postea reuelavit. Apparet hinc, non esse in quibusdam genium vnum omnium Sanctorum, cum aliquibus sordes semper displicuisse, alios autem cum multo merito eas non abhorruisse legatur: quod exëplo vno, vel altero ostendere non erit difficile. Nam de S. Simeone Stylita scribit Theodoretus, cum S. Meletij Episcopi iussu catena quadam ferrea, qua erat spontè alligatus, à fabro solutus fuisset, pelleq; hirsuta, qua tibiã texerat, ne rigor ferri eam morderet, ablata, plusquam viginti ingentes cimices, qui in ea nidificabant, & continuis Sanctum virum moribus cruciant, fuisse repertos, quos tamen tortores adeo multos invicta patientia tulit, ut ad nova tormenta pro Christo ferenda se præpararet. Et de S. Thoma, Cantuariensi Archiep. legimus, ubi sacrum ejus corpus post mortem Clerici suis vestibus exuissent, asperum reperit cilicium nudis ejus artubus appressum, quod, ut erat densissimum, sic à collo ad usque genua erat protensum, totque pediculis scatebat, ut qui tot mordaces bestiolas de suo corpore pavisset, novum sustinuisse martyrij genus videretur. Mitto hujusmodi sordes, propter Deum, lubentem, gaudentem S. Iustinuisse Seraphicum Patriarcham Franciscum, quicquid aliquis ex Theologis contenderit inficiari.

Theod.
li. 55.
PP. c.
26.

Ribad.
29. De-
cembr

V. Ca-
m. l. II
de locis
c. 6.
Malu.
4. 1219.
c. 25.

A duodecimo ætatis anno, asperrimum cilicium, de feris equinis, porcinisq; multis nodis, retis instar, contextum, semper gestavit, sub quo ferreo cingulo duorum digitorum latitudinis (quod adhuc Posonij apud Clarissas cum particulis cilicij, & flagellorum cernitur) lumbos arctissimè præcingebat. Porro ad cilicij molestias hilari, jucundoq; animo perferendas, animata vehementer fuerat S. Thomæ, jam memorati Archiepisc., & Martyris exemplo, quem vestem cilicinam, sibi à Beatissima Virgine Deipara collatam, ad nudam carnem, à collo ad talos usq; deferre solitum intellexerat. Proinde Sorores ad cilicij frequentiorem usum cohortari solebat. Soccus, siue calceos, clauiculis quibusdam ferreis, cum Sorore Agnete ita sibi concinnarat, ut, siue staret, siue incederet, pedum plantas pungerent, & cruentarent: quæ interim, quasi rosarum flores calcaret, amore Christi Sponsi succensa, lætabatur. Disciplinas, & flagellationes, quarum oblectamentum à tenella ætate luxerat, adeò jam grandiuscula frequentavit, ut corpus suum, flagellis, ex virgis, asperis sentibus, spinis herinaceis confectis, acriter singulis noctibus verberaret. Potissimum autem in Parascene, Natiuitatis Christi Dom. Assumptionis B. Virg. Deip. & solemniorum festiuitatum pervigilijs durè adeò se cœdebat, ut ex tenerrimo ejus corpusculo sanguinis riui copiosè manarent. Mirum proinde erat, vnde tantum illi suppetere sanguinis, quem adeò frequenter, largèq; fundebat. Si fortè viribus destituta, aut debilitate brachiorum (ex qua quatuor ante obitum annis præcipuè laborauit) nequiret in seipsam flagris animadvertere, Socias advocabat, à qui-

bus id obsequij acciperet: & licet horrerent, ejus tamen in re hac authoritati contradicere non ausæ, obreperabant inuitæ; inter cœdendum, non absq; magno commiserationis affectu lugentes. Inter eas verò Sorores, quas ea de causa vocare solebat, recensentur, Elisabetha, Olympiadis filia, cui dicebat, tunde me fortiter, & acriter sine compassione flagella: Benedicta, quæ illam vsq; ad gravissimam sui defatigationem aliquando cœcidit: Sabina, cui plura arcana fidentiùs S. Margarita committebat. Propterea mirabile quid in hoc genere coràm illa divinitus factum esse narratur. Semel S. Margarita ad secretiorem locum in densissimis tenebris cum Sor. Sabina, vt ibi manibus ejus flagellaretur, intrauerat: quando copiosa lux de coelo descendens, locum illum adeò illuminauit, ac si sol intra illius parietes radios suos cohiberet, tam diu quæ mansit, donec acri verberatione expleta, suas Virgo Sancta vestes assumpsit. Semel, Christi comprehensionem, & alligationem vehementiùs considerans, cum Sorore Anna restes canabinos elaborauit: dein rogauit eam, vt ijs brachia ipsius nuda ligaret, arctiùsq; constringeret: quod Anna (quamquã coacta illius imperio) ita præstitit, vt tenerus Virginis corpusculum propè discindi videretur.

CAPVT DECIMVM.

Virginalis puritatis cultrix insignis.



Virginitatem corporis, & animi illibatam ad supremam vsq; vitæ horam custodiuit. Pudoris ita amans, vt balnea, corporisq; lauacrum nunquam admiserit, nec pedes supra talos

perluerit.

perluerit. Magnorum propterea Principum Polonia,
juxta Bzouium, & alios, Regis: juxta Garinum, & Riba-
deneyram, Ducis, cum S. Virgo adhuc septem circiter
esset annorum: deinde, majori ætate, Caroli Regis Sici-
lia, & præterea Regis Boemia, qui sibi illam Sponsam ma-
gnis votis depoposcerant, nuptias constantissimè refuta-
uit. Quod Regem Boemiæ attinet, Ranzanus dicit fuisse
Georgium: belli tamen, de quo statim, circumstantiæ,
Othocarum videntur indicare. is enim fuit, qui ad an-
num 1260. Bonfinio teste, cum Bela pugnauit, quo eti-
am anno, ut M. S. codex vitæ B. Margaritæ tradit, de il-
lius cum Rege Boemiæ conjugio vehementius est actum.
Etenim cum Rex Bela, & Rex Boemiæ post grauissimum
bellum in finibus Hungariæ gestum, in quo Hungarici cæsi,
& fugati sunt, ad prænunciatum annum 1260. pacem ini-
uissent, in signum pacis, ac fœderis, Rex Boemiæ Regi
Bela, de more amicorum, dona, & munera largitus est.
Bela verò, unâq; Conjux illius, post alia, quibus Boe-
mum honorificentissimè exceperunt, eum ad B. Virg.
Deip. monasterium deduxerunt, filiam Margaritam inui-
suri. Quam Boemiæ Rex primùm intuitus, specioso for-
mæ illius decore oblectatus, sui impotens, cœpit depe-
rire. Præclara namq; pulcherrimaq; corporis forma, ac
venustate, quamvis rudi, laceroq; amictu, S. Virgo fulge-
bat, longeq; pulchrius, humilitate, cunctarumq; virtu-
tū splendore micans Angelū præseferabat, agens tunc æta-
tis annum decimum octauum. Affirmabat Boemus, se, re-
gnumq; suum Belæ subiectum iri, modò sibi Margaritam
desponsaret. Agentiq; Belæ, hanc ejus voluntatem, peti-

Bonfin.
dec. 2.
l. 8.

tionemq;

sionemq; irritam esse, quod virgo, quam optabat, jam esset ab infanti ætate, immò & antequam nasceretur, Deo consecrata, jamq; antè plures annos Ordinem Prædicatorum professæ. reponebat ille, id haudquaquam obstare, quod impossibile non esset, ab Apostolica Sede super eo vinculo dispensationem obtineri, quemadmodum non semel in consimili rerum statu fuerat impetratum. Tùm Bela, bona pacis, tumultuum, & procellarum sedationem, viâ armatam Regis Boemiæ, contra insultus Tartarorum (quorum instantem reditum tunc anxius trepidabat) opportunam considerans, multis præterea cum muneribus tûm pollicitationibus victus, Boemò dixit: si mea filia Margarita, prævia summi Pontificis dispensatione, in connubiû consenserit, añuam & ego petitioni tuæ. Nec mora, Procuratur ocysimè dispensatio. Accedens deinde Margaritâ Bela, præsentè Regina, connubij illius bona in tantis præsertim regni necessitatibus, recensere, Pontificis facultatem præsto esse, assensum vrgerè. At Virgo Sancta, coelestis, immortalisq; Sponsi amore, cui se per omnia consecrarat, terrenum, periturumquè sponsum promptissimè repudiavit. Christus namq; illam, opem, & gratiam suam lacrymis, precibusquè continenter implorantem, ab omni sæculi hujus amoris æstu illa saltem ita servauit, vt à Sancto proposito diuelli non posset. Cum autem Rex ea de causâ sæpiùs eam visicaret, multisq; aliquando verbis ad assensum eam pellicere conaretur, S. V. honoro, humiliq; sermone parentem sic allocuta est. *Dilecte parens, quid frustra laboras? Desine, rogo, carnalia mihi conjugia proponere. Tunc namq; à primis meæ ætatis annis,*

immò,

immo, & antequam nascerer, me Iesu Christo desponsasti. Nunc autem Deo factæ promissionis oblitus, ita mutasti sententiam, ut borteris me, abdicato cælesti Sponso, violataq; mentis, & corporis puritate, nubam homini peccatori. Religionem, quam professus sum nunquam deferam; corporis, mentisq; mundiciam, quam regum Regi dedicavi, nunquam maculabo. Memoria teneo, cum tu, agentem septimum ætatis annum, Polonorum Regi me desponsare tentasti: credo equidem te meminisse, quid tunc tibi responderim. Dixi enim, illi me, dum viuam, velle seruire, cui me Sponsam abineunte ætate deuouisti. Quid si tua voluntati, qua aduersabatur iustitiæ, nequaquam gessi morem, assentiam ne tibi nunc, cum ætate sim grandior, atq; adeo sum facta cum prudentior, tum præcipue gratiæ diuinæ capacior? Desine igitur, Pater, me à proposito Religionis auertere. Nam regno, & opibus, ac cæteris, quæ pollicetur Boemus, cæleste regnum, Christi, & omnis suauitatis delicias antepono. Malo igitur emori, quam tuis parere consilijs. Urgente Rege coram Regina astante: Nonne parentes tui sumus, & ex præcepto diuino parentibus reuerentiam, & obedientiam debes? Respondit: Ego te, Rex, Patrem, ac Dominam; te, Regina, Matrem, ac Dominam agnosco, & veneror in ijs, quæ secundum Deum sunt, & ad ejus vergunt honorem: in ijs uero, quæ Deo contraria sunt, nec te, Rex, Patrem, ac Dominum: nec te, Regina, Matrem, & Dominam dicam esse meam. Siquidem Christus ait, si quis non reliquerit patrem, aut matrem propter me, non est me dignus, nec potest meus esse discipulus. Cernens Bela filiæ constantiam, recessit. Sed nec sic cessauit vexatio. Non multo enim post, Rex Boemiæ, viros dignitate præstantes ea de causa Legatos, iisdem, quibus antea, pollicitationi-

Ad te.
c. 10.

bus,

bus, misit ad Belam, vrgens ad postremam rei expeditionem. Tunc Regina, Fr. Marcellum Provinciale acciri curavit; cui dixit. *Mi Pater, Rex ob ingentes causas filiam nostram Margaritam Regi Boemia nuptui tradere decrevit: ibi igitur ad illam, ut Regis parentis voluntate renunciata, mentem illius expiscere.* Provincialis, monasterium adiens, Margaritam Virginem cum Matre Priorissa, & Sorore Olympiade adesse iubet, presentibus, mandata Regina referens, Virginem, cuius sit deliberationis, & animi sciscitatur. Cui S. Virgo candidè, ac resolutè respondet. *Certissime scito P. Rev. malle me extrema quacunq; pati, ac millies mori, quàm in hoc genere parentibus obtemperare. Nulla ratione, nulla vi à professione mea me patiar auocari.* Aliquando ad Olympiadem, aliasq; Sorores aiebat: *Tamdiu me parentes super conjugio vexabunt, ut semel me narium, & labiorum præcisione, oculorumq; euulsione omnino deformem.* Matri etiam dixit: *Abst, ut me nuptui tradatis: malo toto corpore frustratim discerpi, quàm fidem Christo datam frangere: malo omni humana maledictioni subesse, quàm professionem meam deferere.* Ut verò ab huiusmodi infestationibus liberaretur, obnixè rogavit P. F. Marcellum Provinciale, ut Sacrum velum cum virginali benedictione quàm citius exciperet. Quod & magna peractum solemnitate; ad quam Archiepiscopus Strigoniensis, Vacienfis, & Nitrienfis Episcopi, Magnates plurimi, matronaq; convenerunt. Tum enim Virgo Sancta, cum tribus alijs Sororibus sibi sanguine iunctis, magno apparatu velata est, & consecrata, tertia die Pentecostes, ad altare Sanctæ Elisabethæ amicæ suæ, frequenti etiam Ecclesiasticorum, & Religiosorum præ-

sentia.

sentia. Earatione Cacodæmonis prælium dissipatum : astus, vires, machinationes, quas contra S. Virginem apparauerat, contractæ : nullasq; deinceps pro hisce coniugijs tentationes, aut molestias tulit. Cum rumor percrebuisset, Tartaros iterum in Hungariam adventare, qui inter cætera mala, sacras etiam virgines violarent, dixit Margarita. *Ipsa scio quid faciam; labia mihi, naresq; detruncabo, ut ubi me adeo deformem aspexerint, missam faciant.* Sed quid mirum Margaritam carnales illecebras in tantum exosas habuisse? Cum tot divinis inundaret solatijs, tantoq; afflueret gaudio in spiritualibus contemplationibus, ut omnes terræ voluptates, cupedias, illecebrasq; merum crederet fel, præ delicijs spiritualibus, quibus occupata fuit vel à prima statim pueritia, & adeo quidem copiose cumulatèquè, ut non corpore, aut sanguine, sed materia cœlesti constare videretur.

CAPVT VNDECIMVM.

Paupertate, & obedientia præstans.



Paupertatis amantiſſima erat, ac ſtudioſiſſima. Vestes, quibus induebarur, rudiores, asperiores, vilioreſq; vestibus cæterarum, quamvis omnium amictus in eo cœnobio eſſet pauperrimus, iſtè religioſæ paupertati conuenientiſſimus. Quem enim pannum pro ſe veſtienda ſubmiſſum accipiebat, cum pauperibus comutabat, ut hunc illæ, inuicemq; illa laceranas eorum ſuſciperet. Proinde illi veſtimenta, & tibialia

pervetusta, quæ pasci frustulis à Sorore vestiaria neglectis, sarcire solebat. Cum pallium lacerum aliquando gesseret, & novum eadem vestiaria Soror illi exhiberet, illa recusans, rogavit, ut ex duobus aliquot vilioribus, veteribusq; pallijs, unum sibi aptari, atq; sarciri curaret. Semel Rex parens eam invisit, qui ne offenderetur, quod ex laceratis manicis carnes Sanctæ Virgini prominere, opus fuit, ut aliæ ei quam citius assuerentur. Velum illi semper inueterascebat. Quod si novum illi, vel paulò subtilius præberetur, ipsum gestare renuens, crassiori, viliorique commutabat, ita ut sæpius ancillarum velo tegeretur. Calcei ejus, in ipsa etiam vehementiori hyemis asperitate, viles, ac laceri: de quo à Priorissa admonita, quoniam, si id Parentes ejus intelligerent, se haud dubiè incuriæ redarguerent, rogabat eam humillimè, ut ita sibi liceret incedere. Obedientiam religiosissimè servans, quod Priorissa indiscriminatim, communiterq; demandabat, prima Margarita sic exequabatur, ut ad promptè, hilariterq; parendum omnes suo provocaret exemplo. Quodam æstivo tempore, dum Provincialis Fr. Marcellus, post reditum è Generali Capitulo, monasterium inviseret, Sorores, contra sacram silentij strictissimam observantiam colloquia miscere, deprehendit: quamobrem haud mediocriter indignatus, illas redarguit, minitansq; pro violatione poenam daturas, abscessit, nulloq; pacto die illa adigi potuit, ut rediret. Tum B. Margarita, Sororem Olympiadem, & Sororem Margaritam, Gulielmi Ducis filiam, submisit ad ferream fenestram, P. Provinciale humiliter deprecari, ut eandem quam alijs, sibi quoque ob violatas si-

lentij

lentij leges
geret. Qu
indido, eas
humindas
B. Margari



audiebat, p
decus sum
to coenob
tur, si mo
tur. Non
bus etiam,
famula bat
humilius, &
Hebdomad
quebat, oll
ter ablueba
irant glacia
licata curis
Colinam en
hauriebat, i

lentij leges, multam injungeret, nec vlla ratione indulgeret. Quare Provincialis, die postera capitulo sororibus indicto, eas seuerè oburgans, iussit in medio refectorio, humi nudæ sedere, paneq; & aqua sola jejunare. Quod B. Margarita aqua submissione cum alijs impleuit.

CAPVT DVODECIMVM.

Mira ejus humilitas, & mansuetudo.



Admiranda in S. Margarita humilitas, suiq; abjectio, toto vitæ tempore eluxit. Nam etsi Regum tantorum filia erat, nullo tamen magis erubescibat, quàm cum se dici filiam Regis audiebat, perinde ac si tantum regiæ prosapiæ decus, dedecus summum existeret. Videbatur sibi omnium in toto cœnobio degentium abjectissima, vilissimaq;. Latabatur, si monasterij rebus, & negotijs vel infimis occuparetur. Non Sanctimonialibus modo sororibus, sed famulabus etiam, & ancillis, quasi coancilla, etiam supra vires, famulabatur; & quò altiori gradu cunctis eminebat, eò humilius, & demissius vniuersis se submittere cõtendebat. Hebdomadariam se in culina adhibebat, Sororibus coquebat, ollas, scutellas, orbes, cœteraq; utensilia diligenter abluebat: pisces purgabat magna brumæ asperitate, itaut glacialis aquæ rigore, teneræ virginis manuum delicata cutis abrumperetur, manusq; cruore maderent. Culinam emundabat, ligna humeris importabat, aquam hauriebat, itidemq; asportabat. Refectorij hebdomada-

riam frequentius se statuens, omnib⁹ humillimè ac promptissimè ministrabat, nec quicquam prægustabat, donec Sorores refectæ surrexissent è mensa. Si Sorores prandentes ejus ministerio non egerent, ad Capituli locum secedens, coram Christo prostrata feruentius orabat. Vbi illæ surrexissent, cum ancillis quasi coancilla parcè cibum sumebat: deinde eluties efferebat, cunctaq; mundabat. Sacrum odæum, siue chorum, sapissimè verrebat, claustrum, dormitorium, Sororum cellas, & quosus earum angulos, sub lectis etiam, & scamnis incuruato poplite, expurgabat. Horum aptabat; ipsa secessus loca diligentius emundare gaudebat; si aliud non occurreret, lanas lauare, & nere solebat. Quotannis die cœnæ Domini, obtentâ à Priorissâ licentiâ, Sororum, quæ erant numero septuaginta, ancillarumq; pedes, piè, humiliterq; genuflexa lauabat, veloq; capitis sui abstersos exosculabatur. Cuius hominum, & Sororum, honora hilaritate assurgebat, nullius vitam, vitæue merita sciscitabatur, vel temerè judicabat: sed sui ipsius contemptu magis magisq; proficere contendebat, primo ac firmissimo totius vitæ spiritualis jacto sibi humilitatis fundamento, quam nouerat virtutum omnium matrem esse, atq; nutricem. Si generis sui nobilitatem commendari audiret, ad sanctimoniam illorum, qui ea claruerunt, enarrandam sermonem vertebat. Humanas etiam virtutum suarum laudes plurimùm abhorrebat. Hinc cum iuenculæ Sorori stupenti, quòd S. Margarita pallore, & macie penè esset confecta, respondisset Soror Helena; si tu cilicium continenter gestares, flagellis te cœderes, jejunijs, solo pane, & aqua contenta,

macerares,

macerare
nes, aliq;
quæ non in
reprehensi
dideris; n
Ad mōre
lens, libe
disceret
millionis;
insisteret;
vit semet
itaq; in il
auctatis
refectorio
tis gravit
quæ cum
efferreret
ipsa elu
sancta V
aliud dix
ab Olym
ratione ac
ror & im
sistis in o
suis terra
S. Virgo
mansuer
culic. Se
priusqua

macerares, in precibus integras noctes duceres insomnes, aliaq; faceres, quæ ego illam facere noui; nã tu quæ non minus esses exhausta: ab audiente S. Virgine sic reprehensa est; malè fecisti amica Soror, quòd ista prodideris; non ego posthac tibi secretiora mea concedam. Ad mortem usq; sub disciplina Sororis Olympiadis, volens, lubensq; persenerauit, non vt deprauatos mores dedisceret Virgo innocentissima, sed quò perfectissima demissionis, & humilitatis vestigijs hoc etiam pacto magis insisteret, Christumq; Sponsum imitaretur, qui humiliavit semetipsum, factus obediens usq; ad mortem. Rara itaq; in illa mansuetudo, vt nihil unquam in se dictis, aut factis commoueretur. Dum semel lauacri aquam ex refectorio, cuperet exportare, nec sola valeret præ ponderis gravitate, subsidio Sororem Cunegundem vocavit, quæ cum aduenisset, & eluuiem unã cum B. Margarita efferret ex janua, decoram ejusdem S. Virginis faciem ipsa eluuiæ (stomachata fortasse) cæpit respergere. Id sancta Virgo læto suscipiens animo, atq; subridens, nihil aliud dixit, quàm, Soror mea quid agis? Aliquando etiam ab Olympiade Magistra sua de immoderata deuotionis ratione acrius reprehensa in hæc verba: Quid agis Soror? immoderatiùs te afflctas, debilitasq;: continenter sistis in oratione humi prostrata, genis, & naso in morem suis terram euertens. Quid? an humi quærendus Deus? S. Virgo eadem verba in speciem contumeliosa, magna mansuetudine, absq; ullius prorsus perturbationis sensu tulit. Semel etiam in solemnitate Sanctorum omnium, priusquam Sancta Sacramenta Pœnitentiæ, & Commu-

nionis,

nionis cum alijs susceperet, ad quandā, cui, quod à triduo sibi nihil loquuta esset, se offensam suspicabatur, accessit S. Virgo, & ad ejus pedes prouoluta, veniam est deprecata. Quod cernens Soror quaedam Catharina, causam inquisivit. cui illa. Veniam ab hac Sorore contendo, vt si quo à me læsa sit crimine, ignotum velit, priusquam Confessionem, Sacramq; Communionem accedam. Nullo vitæ tempore S. hujus Virginis sermonem quispiam injuriosum, detractorium, aut seueriorem unquam audiuit. Quinimmo si ab aliqua offensus, prostrata pedibus offendentis, præter legem, ac morem, veniam deprecabatur, pacis, & patientiæ studiosissima. Si fortè inter Sorores nata fuisset aliqua dissensio, hanc illa prudenter amanterq; componebat. Mira proinde fruebatur animi tranquillitate, serenitateq; simillima Olympi, quam sicut nulla tempestas, nullusq; turbo conturbat, sic illam neq; aduersa, neq; prospera variabant.

CAPVT DECIMVM TERTIVM.

Charitas in Proximos.

Charitate erga proximos ardentissima flagrabat. Cum Parentes Reges, Rex Frater Stephanus, aliq; cognati, ei mitterent aurum, argentum, purpuram, strenas, munuscula, nihil ipsa contingere ausa, per Priorissam, & Provincialem Fr. Marcellum, virum doctum, prudentem, & pium, suumq; Patrem spiritualem, ac directorem, illa pauperibus mo-

nasterijs,

nasterijs, Ecclesijs, religiosis, alijsq; indigentibus distribui curabat. Pannum pro vestibus pretiosorem cum pauperculis Sororibus de Priorissæ facultate commutabat, vicissim ab eis vilia, ut prædiximus, ipsarum indumenta recipiens. Per Choris fenestellam pauperes contuita, statim ad Priorissam properans, ut pro indigentia eleemosinam eis faceret, exorabat. Vidit aliquando hominem inopem, & nudum in acerrimæ hyemis algoribus, moxq; tunicam exuens, eam cum Priorissæ licentia pauperi dedit. Quoties etiam ex eadem fenestella miserabiles, claudos, cæcos, mancos, varijsq; morborum generibus laborantes conspiceretur, vehementer ingemiscens, vbertim lacrymari solebat. Quærentibus autem ex ea Sororibus, quanam esset causa lacrymarum, his respondebat verbis. *Miseret me egenorum, quos video, & vehementer afficior dolore, quod opem illis afferre non possum. Cæterum ago, habeoq; dum vivam, Conditor meo gratias, quod absq; ullo membrorum corporis mei defectu, me & fecit, & in hanc diem pro sua benignitate servavit. Quò fit, ut multò magis, quàm hi, quos cernimus, sim ego sue in me clementiæ obnoxia.* Si qua Soror ob mortem, ægritudinem, aut alios adversos amicorum casus defleret, ex Apostoli consilio cum ea deflebat, eamq; confortans dicebat inter alia: *utinam, Soror optima, dolor hic me, non te, occupasset.* Ad ægrotantes cum primis maximo commiserationis affectu ducebatur. Nam prima illas noverat, & ad inseruiendum se offerebat. De nocte consurgens auscultabat, nùm aliqua propter dolorem aliquem ingemisceret; si quas deprehendisset, accedens, quibusdam vinum, alijs panniculos, juxta affectionis vim

calefaciebat,

ad Rñ.
c. 12.

calefaciebat, affectisq; locis applicabat. Si qua præ debilitate, aut infirmitate officium suum nequireret persolvere, B. Margarita persolvebat. In valetudinario, quod raro, ob Sororum multitudinem, infirmantibus vacabat, adeo frequens omnia charitatis obsequia exhibebat, ut cunctarum mater, & nutrix, communi elogio vocaretur. Capita, & pedes earum lauabat, capillos abraidebat, vestes purgabat, lectos sternebat, haustam aquam ad culinam deferbat, rursusq; calefactam per aream ad valetudinarium referebat, medicamenta applicabat, cibos exhibebat: vomitum ipsum, si vasculum non suppeteret, vola excipiebat, ventris onera efferebat. Nihil horrebat, nihil erat tam humile, & aspernabile, quod non susciperet læta mente peragendum. Quare à Priorissa, ut in hyemis rigoribus, in æstatis calorib⁹, omniumq; temporū majoribus incommoditatibus, sibi infirmis ministrare liceret, impetrauit. Quædā ex ancillis lethaliter ægrotabat ulceroso, & cruento corpore, à reliquis Sororibus, putorem ulcerū aspernantibus, neglecta: ejus curam suscepit S. Margarita, manibus suis eam abluit, caput mundavit, capillos abrasit, in omnibusq; illi studiosius inferuiuit. Cuidam Sorori guttur vaccino stercore obligandum erat, præstitit id libentissimè Virgo Sanctissima, quod ceteræ derectaverant. Soror quædam Elisabetha, procero, magnoq; corpore, cum senio, tum longa octodecim annorum ægritudine viribus destituta, lecto se mouere non poterat. Cum eidie quadam Sorores, jam longo labore defessæ, inferuire quædantenus gravarentur, rogavit B. Marg. Priorissam, ut sibi decumbentis curam agere liceret. Annuuit illa, ita ta-

men

men ut secun
Alinam vo
morbo labo
salutavit, &
collocavit.
diffenteria
tem secessit
Charissima,
Tum expur
rum brachij
putorem ad
chij susten
bilitate labo
susciperet, i
memoratur
quæ sordib
suis manib
gitarat: pro
rauit, ægra
Soror Bene
ter, quod id e
ror, hoc face
apud Deum
tam pro ægri
caput portab
resculina a
lam deferens
pam, iusculo
allatos cibos

men ut secum Sororem aliquam sociam assumeret. Quæ Alinkam vocavit. Accedunt: S. Margarita ubi longo morbo laborantem, eneruamq; Sororem affectu omni salutaui, & bono animo esse iussit, brachijs sustulit, fediq; collocavit. At verò Sor. Alinka, ob intolerabilem penè diffenteria putorem, uomitusq; abominationem, ad partem secessit, ferre non valens. Cui S. Virgo, si nequis, Charissima, tolerare, recede, mihiq; hanc operam linque. Tum expurgato, stratoq; ægrotantis lecto, eam suis iterum brachijs ad illum reposuit; stupente Alinka, quòd putorem adeò validum ferre, tantumq; hominem brachijs sustentare potuisset, cum tamen jam sicillorum debilitate laboraret, ut aliorum manibus flagra necessario susceperet; id enim tertio ante mortem ejus anno factum memoratur. Dein arreptis linteaminibus, fede, ac reliquis, quæ sordibus maculata fuerant, ad aquam pergens, omnia suis manibus emundavit. Alia Soror, suilla viscera flagitarat: procuravit sancta Virgo, feces ipsamet eluit, paravit, agræ apposuit. Cum agræ Sorori carnes assaret, Soror Benedicta rogavit, ut sibi eas assandas permitteret, quòd id eam diceret non decere: cui S. Virgo, si tu, Soror, hoc faceres, tuum esset meritum; absit verò, ut meum apud Deum meritum ipsa deperdam. Carnes ad portam pro ægris Sororibus à se emendicatas, canistro super caput portabat, ijsq; coquebat. Aliquando per altas nives è culina ad Infirmariam, pullorum gallinaceorum ollam deferens, cecidit, palliumquè, sive (ut vocant) cappam, iusculo perfudit, surrexit tamen patienter, ægrisq; allatos cibos hilariter porrexit. Sæpè etiam alias per altas

niues, & lutum, seruiendi ardore festinans, cadebat tenera Virgo, rursusq; confurgens, ad ministerium lata pergebat. Semel cum alia Sorore pro carnibus perrexerat, cum verò corbem non inuenisset, scapularem vestem exuens, repositas in ea carnes gestauit: at ubi ad culinam ventum est, carnesq; extractæ, alterius Sororis scapulare, à carnibus infectum apparuit, Sanctæ Virginis veste pura emanente. Quando autem vestes ex ministerio maculabantur, non eas propterea deponebat, sed infectas etiam luto usq; ad genua, dormiens, & vigilans retinebat. Nec Sororum, & ancillarum duntaxat curam gessit, sed pro extraneis etiam ægrotantibus fuit impensè sollicita. Namq; per Religiosum quendam seniculum, eos suo nomine perquiri, visitari, eorumq; necessitatibus, sumptibus à Regibus Parentibus per eundem acceptis, subueniri satagebat; per omnia in subleuandis pauperibus Sanctæ amicæ suæ Elisabethæ, *qua manum suam aperuit inopi, & palmas suas extendit ad pauperem*, virtutem assequi, studiose, sanctèquè æmulata.

Prov.
9. 31.

CAPVT DECIMUMQVARTVM.

Cultus, & deuotio in Sanctos.



Sanctos, Sanctorumq; imagines, atq; reliquias omni veneratione, & honore prosequabatur. nam, ubicunq; locorum Christi Do. Virginis Deip. & cæterorum Sanctorum imagines cer-neret, genibus flexis adorabat, neq; id, quacunq; actio vrgeret, vlla ratione prætermittebat; vt propterea ob cre-

bras

bras expietat
tibi ingent
Quinq; Chris
Crucem paru
bebat, vt, si
hxo frueretur
ad altare S. C
bat. tanta ei
batur, vt illu
sibi saperet,
Deip. imagin
suauia bar, &
quæ recitabat
more, vt cum
lamer profert
sele inclinare
tissimam, sper
Vitam, mori
bar, audiebat
lis Dom. & A
torum) sed
cum ex Marty
toto corpore p
agebat. Vitas
gere, vel audir
rantium locum
turq; villoru
stiterent
non pané sing

bras ex pietatis officio genuflexiones, ei genua, & pedum
 tibiæ ingentem duritiem, & tumorem contraxerint.
 Quinq; Christi vulnera, lacrymis perfusa, exosculabatur.
 Crucem parvam cum ligno S. Crucis secum semper ha-
 bebat, vt, siue quiescens, siue vigilans semper Cruci-
 fixo frueretur. ex deuotione ad Crucem, vt plurimum,
 ad altare S. Crucis, vel Crucifixi imaginem feruenter ora-
 bat. tanta etiam deuotione ad dulce Iesu nomen afficie-
 batur, vt illud ferè semper haberet in ore, nec quippiam
 sibi saperet, nisi eo resonante conditum. B. etiam V.
 Deip. imagines cum summa dulcedine, & lacrymis, dis-
 suauitabat, & ante illas angelicam salutationem piè, sanctè-
 què recitabat. Cujus eo flagrabat desiderio, amore, & ho-
 nore, vt cum suauè ejus nomen ab alijs inaudiret, aut ip-
 samet proferret, prono ad terram capite, reuerentissimè
 sese inclinaret, nec alio ipsam titulo, quàm, *spem suam bea-
 tissimam, spem mundi, & Virginem Deiparam*, appellaret.
 Vitam, mores, exempla, miracula ejus auidissimè lege-
 bat, audiebat, enarrabat. Non solum in peruigilijs Nata-
 lis Dom. & Annunciationis, (vt mos est Ordinis Predica-
 torum) sed aliarum etiam B. V. Deip. solemnitarum,
 cum ex Martyrologio eas pronunciari audiret, ad terram
 toto corpore prostrata, summa cum pietate Deo gratias
 agebat. Vitas etiam aliorum Sanctorum libentissimè le-
 gere, vel audire confueuerat: ingressa què sororum labo-
 rantium locum, eadem ipsis gesta recenscebat, hortaba-
 turq; vt illorum exemplo vitam quàm sanctissimam in-
 stituerent. Legebat sapissimè vitas majorum suorum,
 non planè singulorum, sed illorum, quorum fuerat vita,

Christiana pietate insignior. Qualis fuit vita S. Stephani, primi Hungarorum Regis, & Apostoli, qui fidei suæ professione, gentem suam ab idolorum cultu ad Christi fidem adduxit. S. Ladislai, Regis itidem, qui cum gloriosum Hungariæ Regnum sanctè administraret, & contra illius grassatores, & paganos invictè defenderet, larga interim stipis erogatione, iustitia, oratione, alijsq; virtutibus effulgebat. S. Emerici, cuius sancta, illibataq; virginitas, quam cum regalis generis Sponsa, forma, virtuteq; lectissima, Dei instinctu servavit, toto orbe micabat. Sanctæ amicæ suæ Elisabethæ, quā sanctissimis meritis cumulatā, maximisq; miraculis fulgentem, Ecclesia in Sanctorum numerum scripserat. Secum igitur Sancta Margarita horum Sanctorum vitam, & merita corde volebat: gaudebatq; & maximè letabatur, tales se habuisse gentiles, quos sanctè vivendo posset imitari. Admiransque virtutum opera, quibus unusquisq; eorum Deo fuerat acceptissimus, seipsam hortabatur, & optabat, ut quemadmodū illi, ita & ipsa, Deo piè, sanctèq; famularetur, illorumq; ad id à Deo impetrandum, efflagitabat auxilia. Sæpè verò dicebat, se in pietatis officijs adniti, ut Sanctam Elisabetham parentis suæ Sororem imitaretur.

CAPVT DECIMVMQVINTVM.

Studium orandi perpetuum.

Randi studium B. Margaritæ assiduū fuit. Omni tempore ad matutinas (quas vocant) preces, media nocte surgebat, nec unquam ab illis, missa, cæterisq; precibus horarijs abfuit,

nisi

nisi graui prorsus morbo impedita. Diu ante pulsum ad nocturnas preces consurgens, ante lectum orabat; dato verò signo, ad lectulum se recipiebat, ne ab ea, cujus erat excitare, orans deprehenderetur. Inde iterum exurgens, ac muniens se signo Crucis, acceptam Crucem osculabatur, oculisq; apprimebat: atq; eam secum deferens, omnes præueniebat ad Ecclesiam; & ad aram S. Crucis, vel Crucifixi imaginem, donec Sorores chorum intrarent, preces fundebat. Post nocturnas preces, ad auroram ferè usq; in orationibus persistebat. Ab aurora ad prandium, auscultando missæ sacrificio, sacrisq; precibus identidem vacabat: interim vsq; adeò silentij tenax, vt nulli loqui vellet, ne ipsis quidem parentibus, fratribus, sororibus, aut eorum nuncijs, nisi per Priorissam cogeretur. Contigit, vt dum oraret, Soror ejus ueniret ad eam, asserq; caderet super caput orantis; at illa nec propter casum asseris, nec propter aduentum Sororis, orationem abruptit. Summo frigore, & brumæ rigore, quando reliquæ Sorores, persoluto diuino officio, ad hypocaustum sese recipiebant, ipsa sola vnico amicta habitu, vel in choro, vel in sacello in oratione perseverabat. Priusquam ad prandium conueniret, coram Crucifixi imagine in loco capitulari semper orabat: loca secretiora, & monasterij angulos, tanquã fundendis ad Deum precibus aptiores, potissimum amans. In Refectorio (ad quod velato vultu, manibusq; in crucis formam complicatis procedebat) si reliquis inferuieret, jaculatorias preces ad cœlestem Sponsum vibrabat, subinde, quando nulla ejus interim erat opera necessaria, ad Capituli locum in preces excur-

rens:

rens: si mensæ affideret, sæpè toto prandio, citra esum, orabat: sæpè, vbi paululum cibi degustasset, obducto velo, Deum contemplabatur. A prandio, si manibus illi operandum, aut alijs, sive sanis, sive ægrotantibus ministrandum non esset, orationi operam dabat. Post completorium, donec fores clauderentur; orabat in templo, quod vt seriùs fieret, sæpè custodem rogabat: ijs verò obferatis, in Capitulum ad Crucifixi imaginem se colligebat: demùm ostijs omnibus clausis, sæpissimè ante lectum vsq; ad gallicinium fundendis precibus vigilabat. Nunquam fuit Sanctæ huic Virgini tædio oratio, cuius tota vita perpetuum studium fuit orandi. In magni Natalis Christi Dom. millies orationem dominicam; in adventus Spiritus S. millies antiphonam, *Veni Sancte Spiritus &c.* in singulis quatuor præcipuarum B. Virg. Deip. solemnitarum pervigilijs, millies angelicam salutationem, cum totidem ad terram sui corporis prostrationibus, recitabat, ijsdem diebus tota nocte in templo vigilijs, & orationibus vacans. Propter assiduas in cubitos, ac genua prostrationes, vestes ijs locis erant illi detritæ, curisq; in genibus duritiem, & callos obduxerat. Duabus ante Pascha hebdomadis, commemoratione Dominicæ passionis (cujus historiam vulgari idiomate sibi legi curabat, & exponi, cum gemitibus, & lacrymis, attentissimè auscultans) occupata, nunquam ijs diebus sedebat: sed vel stans erecta, vel jacens prostrata, orationi, humilitati, & fletibus ita vacabat, ac si Christum ante se pati videret. Quandoq; in die Palmarum, dum passio recitaretur in Ecclesia, sic corde, totisq; præcordijs commota fuit, vt omnes illico

expira-

expiraturam putarent. In cœna Domini post pedum lotionem, diuina officia, cœteraſq; ejus diei functiones, integrum psalterium Davidicum sensim ac deuotius, Christi passiones contemplando, in choro persoluebat. Cum Crux nudata in Parasceue populo exhiberetur, tota humi procumbens, eam venerabatur, & adorabat, adeo vber- tim lacrymans, tamq; altum aliquandò vociferans, vt eti- am extra templum posset exaudiri, & quo secus faceret, sibi imperare nequiret. Totam etiam illam diem feruen- tibus precibus, & lacrymis innocentissimam Christi mor- tem, quasi sola ejus causa extitisset, plorando transigebat. In precibus, ex oculis, quasi perpetuis fontibus, uberrimi illi lacrymarum riui manabant, vt genas inde adustas ha- beret; & velum quoq; capitis, atq; sudaria sic imma- darent, ac si aquismersa fuissent. Raptus, & ecstases sapissi- mè patiebatur. Non raro in die Parasceues, pervigilio Assumpt. B. V. Deip. alijsq; temporibus visum est corpus ejus plusquam cubiti altitudine e terra eleuatum, longo tempore, nullis adminiculis, nulliusq; sensus usu, consi- stere. Aliquando in pervigilio omnium Sanctorum, cum in choro longius ante nocturnas preces oraret, concidit, jacuitque velut exanimis, quoad Soror Helena aditua, quæ aderat, totum Davidis psalterium, tractim, ad singu- los etiam psalmos, venias, & inclinationes faciens, recita- uit. Quo persoluto, Soror, crebrò, nutu, voceq; annuit S. Virgini, vt, humo surgens, modum faceret devotioni. Sed, cum illa nullo signo annuere, aut renuere eam cer- neret, territa satis, multumq; de vita illius addubitans, So- rorem Olympiadem vocauit. Accurrit ocyùs illa, simulq;

cum Helena, Beatam Margaritam velut mortuam contemplatur. Quæ tandem ad se rediens, objurganti magistra Olympiadi nihil respondit. Helenæ verò sciscitanti, cur tanto animū suum dolore percelluisset, præsalutans, subridensquæ, ne doleas, inquit, perpussillum siemansi: nimirum Virgo Sancta bonas horas contemplationis, & raptus, breuissimam temporis morulam arbitrabatur. Aliàs in adventu Domini, cum nocte concubia oraret, rapta fuit in Spiritu, & flamma ignis verticem capitis ejus obtexit. Porro Soror Helena (altera à proximè dicta) ei assistens, crebrò illam vocavit, sed cum non responderet, cucurrit ad templum, ubi pleraq; Sorores orantes invenit. Accurrentes illæ, diū ibi, cum admirantes, tum etiam varia signa, & strepitus, ad eam excitandam facientes, constiterunt: at illa in Deum correpta, nihil advertit. Vbi verò in se reversa, ex Sororibus intellexit, quòd ignis caput ejus operiret, illum manu discussit: sicq; flamma, odore suavissimo succedente, ac diū in eodem loco perseverante, disparuit. Ipsa verò secretissimum silentium Sororibus indixit. Aliquando P. Provincialis Fr. Marcellus, ex ferrea fenestra per Sororem Stephanam jussit S. Margaritam acciri. Perrexit, eiq; in oratorio suo precibus operam danti nuncium retulit: sed cum ea nihil responderet, rediit ad Provincialem. Iterum ille misit pro S. Virgine, quæ septies, vel octies Provincialis nomine compellata, semper conticuit. Deniq; surgens, eū diceret Stephanæ, grande Soror Margarita deliquisti, quæ me toties defatigasti; ait: & quam obrem me, Soror charissima, non vocasti? Cum ex precibus rediret, tanta sæpè in ejus facie

venustas,

venustas,
non aude
gislatoris
sancto m
colitibu
runt enim
loquente
runt. Qu
citas, cu
de pateb
to impe

Devoti



cionis vi,
deretur;
omni stu
nem, & a
plinis, pr
si advent
expansis
pietate,
dulcedin

venustas, & splendor relucebat, ut eam Sorores aspicere non auderent, quemadmodum, neq; filij Israel Moysis Legislatoris faciem glorificatam, cum à Dei colloquio de sancto monte rediret. Constat etiam, sapius in oratione à Coelitis visitatam, cum ijs colloquia miscuisse; audierunt enim non rarò Sorores, dum illa oraret, alios cum ea loquentes, quamquam voces ipsas intelligere non potuerint. Quanta porro fuerit precum ejus apud Deum efficacia, cum de miraculis per eam patratidis differetur, abundè patebit. Nihil enim petijse vnquam, quod non pro voto impetrarit.

Exod.
c. 34.

CAPVT DECIMVMSEXTVM.

Devotio eius ad divinisimam Eucharistiam, & præparatio.

Quemadmodum Sanctissimum Christi corpus in divino altaris Sacramento devotissimè venerabatur, ita ut sub Sacrum ab elevatione ad communionem usq; fieret vberimè, & præ devotionis vi, è corporeis sensibus abstracta, penè mortua videretur; sic eandem Sanctam Eucharistiam perceptura, omni studio se præparabat, die antecedente, non nisi panem, & aquam præsumens, ac nocte tota in vigilijs, disciplinis, precibus, sacriscq; contemplationibus, cœlestis Sponsi adventum expectans. Instante communionis tempore, expansis manibus humi prostrata, magno fletu, summaq; pietate, ac desiderio, divinisimo se convivio aptans, ea dulcedine, & veneratione communicabat, ut sæpè Spiritu

rapta, ceu mortua apparet, nec rarò, inter cœlum, & terram plusquam cubiti altitudine, nullis corporeis sensibus vtens, eleuaretur. Post acceptam Eucharistiam, si raptum passa non fuisset, tenebat ab vna parte mappulam ante facies ad Communionem accedentium Sororum, vt identidem Christi Sponsi præsentia, & contuitu frueretur. Ipsa quoq; die, qua communicauerat, in precibus ad noctem vsquè continenter persistens, tunc primùm cibum modicè degustabat.

CAPVT DECIMVMSEPTIMVM.

Proficiendi desiderium, & documenta.

Ranx.
in vita
Sancte
Marg.



Desiderio magis magisq; semper proficiendi S. Margarita, Collationum Patrum Ioannis Cassiani lectioni plurimùm vacabat, auidissimèq; conciones, lectiones, & spirituales collationes auscultabat: proptereaq; haud rarò Concionatores abiturientes, quorum ipsa conciones adhuc libentiùs audiret, miraculosè, vt postea dicemus, retinuit. Aliquando in spiritali colloquio Pater Provincialis, Religiosus valdè, devotusq; Dei famulus, ei revelavit, se multis olim precibus à Deo contendisse, vt sibi declarare dignaretur methodum, qua prisci illi, Sanctique Patres adeò divinam sibi Majestatem demeruissent, vt summam perfectionis vitæ spiritualis consequerentur: experrectumq; nocte quadam, vidisse codicem aureis literis exaratum, clarèq; has audisse voces: *Surge Frater, & lege*: sic lecto profilijsse, paucaq; hæc

verba,

verba, sed cœlestia, ac divina legisse: HÆC FUIT ANTIQVORVM PATRVN PERFECTION, AMARE DEVM, CONTEMNERE SEMETIPSVN, NON SPERNERE, AVT IVDICARE ALIVN. Quæ documenta adeò altas in animo S. Margaritæ radices egere, vt quicquid faceret, aut cogitaret, identidem dispiceret, quemadmodum Deum diligeret, semetipsam odisset, atq; contemneret, aliorumq; augeret æstimationem. Hac via ad summam perfectionis hæc Virgo pervenit, vt esset omnibus norma, regula, & exemplar rectè viuendi. Hinc, si quid Sorores, minùs rectè facerent, eo dicto, *sanè hoc non est in regula Sororis nostræ D. Margaritæ*, invicem carpere solebant. Hinc illa magnæ perfectionis documenta. Sorori Catharinæ sæpè roganti, vt se modum orandi edoceret, respondit: *Soror, Præbe corpus tuum, & animam tuam Deo, & cor tuum semper sit apud eum, ita ut nec mors, nec tribulatio, neq; quippiam aliud te possit abstrahere à charitate ejus: sic benè orabis.* Quibusdam dicentibus, de tanta austeritatæ vitæ nonnihil sibi parcere posse, quò diutiùs viveret, vitaq; diuturniore plus promereretur; vt nec adeò suam dignitatem contemneret, ait: *Qui novit se diutiùs victurum, vita parcat seueriori, & in dies differat, quod hodie possit præstare: ego sanè quamdiù viuam, & seriùsne, an ocys me Creator meus ex hoc mundo sit auocaturus, ignoro. Honores autem, voluptates, quietemq; hebdomadariam, turpe est in claustris appetere. Claustrum enim non eorum locus, & habitatio est, qui instantis sæculi bona volunt, sed eorum, qui æterna, cœlestiaq; ardentè perquirunt.* Alijs austeritatem obedientiæ, & orationis prolixitatem inculantibus, reponebat; *Melius esse obedire,*

Eccles.
10.

quàm obedere, plorare, & orare, quàm vorare. Sorores, vt pro egentibus, & infirmis, quos cernerent aliquandò, si aliter eis subvenire non possent, Deum rogarent, & saltem angelicam salutationem dicerent, hortabatur. Multùm propterea apud Reges, Belam Parentem, & Stephanum Fratrem, valebat autoritate, quos potissimùm rogabat, vt iustitiam, quæ Deo gratissima est, *cujusq; neglectu, regna transfert de gente in gentem*, maximè colerent: ne aras, templa, bona Ecclesiastica desolari, tyrannide opprimi, aut militum sinerent cupiditate expilari: vtq; pauperum, pupillorum, viduarum, aut qualitercunq; afflictorum causas tuerentur. Atq; in omnibus penè, quæ petijt, cum à Regibus, cum ab alijs, exaudita est; quando ob manifestam ejus sanctimoniam, nullus propemodum ejus voluntati auderet repugnare.

CAPVT DECIMVMOCTAVVM.

*Peccatis, & arumnis humanis, vehementer discrucia-
batur.*



Dæmonis arte, & prauorum hominum assensu, & cooperatione, nefarius adeò belli tumultus inter Regem Belam Parentem, & Regem Stephanum filium, partibus hinc inde, citrà omnem juris, & æquitatis rationem, sepositoq; diuinæ ultionis metu, distractis, concitatus est, vt Christi Ecclesiam, non modò passim in Hungaria, verùm etiam in pluribus alijs totius Coronæ plagis, Principum crudelitate, & tyrannide

premi,

premi, atq; dispergi: claustra, ædesq; Religioforum pietate exui, & vastari: miseros, innoxiosq; tantoperè cerneret affligari, vt clamor eorum cœlorum cardines penetraret. Tanta clades, vt nulla ætatis, vel sexus ratione habita, omnes nullo discrimine opprimerentur. Tanta nequitiae exundancia, & scelerum multitudo, vt præter Tartarorû tyrannidem, nihil seculû illud simile viderit ejus temporis feritati. Hæc omnia S. Margarita intelligens, corpusculum, jejunijs, cilicio, flagellisq; multò plus solito macerabat, totaq; in fletum soluta, inque preces, dies, ac noctes intenta, partim seditioforum hominum scelus, partim affligtorum oppressionem, exitiumq; plorabat. Quin etiam Fratres, ac Sorores, sui, aliorumq; Ordinum obsecrabat, vt seriò Divinam clementiam implorarent, quæ dexteræ suæ virtute iratorum Principum animos conciliaret, innocentes defenderet, Ecclesiam pretioso Christi sanguine redemptam tueretur, ac vindicaret. Porro Sorores, B. Margaritæ, amarissimè ea super causa plorantis, ferè pertæse, dicebant: Quid ad te o Domina? quid tua interest, vt te tantoperè debeas affligare? Tum Sancta Virgo, alto ex imis præcordijs ducto suspirio, *Ecclesia*, ait, *veri cujuslibet Christiani hominis mater, membratim discissa, miserrimèquè lacerata, sauisimè vndequaquè affligitur, & queritis, quid ad me? non inter ejus filias ego? non ea me de Sacro Baptismatis fonte vobiscum genuit? Curitaquè vicem ejus, ac dolorem tantum non doleam?* Hujuscemodi verbis Virgo Sancta non solùm se corripientium irritationem superauit, sed eas etiam ad ejusdem commiserationis spiritum inclinavit. Porro ad pla-

candum

Iob c.
25.
Ps. 67.

candum supremi iudicis numen, nova poenitendi instrumenta excogitauit; nam, præter cilicium, & cingulum ferreum, quæ gestare consueuerat, curauit sibi per duas Sorores ex decoriatis Herinaceis, quos per Sororem Alexandram aluerat, pellem, atq; ex ea trium digitorum latitudinis cingulum clanculū apparari, quo se postea Virgo, spinis, & aculeis ad nudum corpus introversis, arctius constringebat. Residuis verò herinaceorum setis, virgis quibusdam circumligatis, crebrò se per ancillarum ministerium faciebat flagellari. Tām cingulum, quàm flagella huiusmodi, Vir Sanctiss. Fr. Ioannes Vercellensis, Magister Gener. Ord. sextus, Sororibus, Fratribusq; , qui ad Capitulū Generale an. Christi 1273. apud Pestū convenerant, publicè ostentauit. Nec irritæ fuere S. Virg. preces. Imperauit enim ventis Deus, & fecit tranquillitatē, qui & concordiam in sublimibus, & unanimes inhabitare facit in domo.

CAPVT DECIMVMNONVM.

Martyrij desiderium.

Martyrium pro Christo Sponso subeundi, vehementissimo desiderio S. Virgo Margarita flagrauit. Cū aliquando Sancti Iacobi Intercili passionem, qua Regis Persarum iussu membratim in frustra dissectus fuerat, audiret, ardore patiendi, ait ad Sororem Helenam, sociam suam: Soror mea, placentne tibi, quæ audis? & illa: Quin immò maximè mihi placent o Domina. Sed quid me iuvat audire, & non imitari martyrium? Cui Sancta Margarita: *Ortinam illis*

ego

ego tempor
set, ut Chri
sa, post diu
Sancti ex
mā gesti
animi ardo
Martyrum
nam, inqu
Christo Jes
re detrunc
raret, per
examinari.
dabat, quæ
earum in te
se confort
Hungaria
noceant po
venissent,
Christum.

Hungaria
pen, qui,

ego temporibus vixissem; utinam hac etiam mihi fors obigisset, ut Christi Jesu mei amore membratim, ac tesselatim concissa, post diuturnos artuum cruciatus, ac dolores, demum hujus Sancti exemplo capite plexa fuisset. Hæc, dum diceret, summa gestiens lætitiâ, externo corporis habitu, internum animi ardorem exerebat. Eadem ingeminabat, quoties in Martyrum vigilijs eorum gesta legeret, vel audiret: *Utinam*, inquit, *tempus alicujus persecutionis existeret, ut pro Christo Jesu martyrio consummarer. Vellem enim pro ejus amore detruncari, atq; comburi: Et, ut cruciatus diutius perseueraret, per membra singula laniari, omniq; tormentorum genere examinari.* Singulariter autem Sanctas Virgines commendabat, quæ, fuso sanguine, testimonium dederant Christo, earum in terendis supplicijs, optans, si fieri posset, se fuisse consortem. Cum fama vulgaret, Tartaros iterum in Hungariam adventare, orabo, dicebat, *ne veniant, uti ne noceant populo Christiano: sed, quod me attinet, vellem jam venissent, ut per eorum manus martyr effecta, migrarem ad Christum.*

CAPVT VIGESIMVM.

Donum Prophetiæ.

Erit etiam Beata Virgo Margarita Spiritu Prophetiæ illustris.

Bimula adhuc, cum Parens ejus Bela, post recessum Tartarorum, ex Dalmatia in Hungariam redux, contra Fredericum Austriæ Principem, qui, præter æquum, & fas, sibi, ac regno magnas irro-

garat

Pf. 8.

Dec. 2.
lib. 8.
fol. 301

garat injurias, duxisset exercitum, à Matre interrogata, quem bellum illud exitum effecit habiturum, Deo, qui ex ore infantium, & lactentium perficit laudem, ut destruat inimicum, sic inspirante, respondit: Parentem suum victorem è castris, adversario interfecto, non tamen absq; militum suorum jactura, rediturum. Vaticinium probavit eventus. Alamannis namq; ab Hungaris strenuè dimicantibus magna clade profligatis, Fredericoq; ab Hungaro quodam milite singulari certamine cæso, Rex in patriam regreditur, non exiguam tamen exercitus sui passus jacturam. Bellum hoc extat in decadibus à Bonfinio descriptum.

Sorori Petronillæ Novitiæ, de vestium, sæculariumquè ornamentorum elegantia cogitanti, & ad sæculum redire deliberanti, quid mente agigaret, indicans, eam in arrepto Sac. Religionis proposito confirmavit. Rem fusiùs narrat author vitæ M. S. his, quæ subijcio, verbis. *Soror quædam eximia stirpe orta, nomine Petronilla, D. Petri Tongai filia, ejusdem Cænobij B. Mariae Soror, interrogata rigorosè de vita S. V. Margarita, respondit venerandis Patribus Episcopis, summi Pontificis Commissarijs, quòd, dùm nice quadam cum Sororibus collationi accumberet, de more Ordinis, ante Completorium, capit corde, animoq; versare, quàm deformi cappa, vilig; paupio obvolueretur: è contra quàm præclaro, benèq; estimabili amictu apud parentem domi suæ vestiretur, aut pro arbitrio vestiri potuisset. Erat tunc Petronilla novitia, ac atate florens, adeòq; hujusmodi affectionibus moram fecit. Licet verò S. V. Margarita in collatione ita distaret à Petronilla, ut vix eam videret, nihilominus post collationem*

vocans

vocans eam
inanium cup
suavi, ac gr
q; in vestitu
hujusmodi co
ret. Tum S
ter rogavit
prompte id
So
lo renunci
totam cogit
De
Alinka non
Dominica A
gravi cordo
tante. Tum
nialis, sed
valetudo m
ordine ad co
depressa. P
Igitur S. Vi
illi. Qui v
illa. Qui r
rem Ordine
omnia subje
tribus diebu
quid ejus co
tem S. Virgi
A

vocans eam ad se S. Virgo Margarita, cogitationum ejus, ac inanium cupiditatum seriem illi recensuit, reprehendensq; illam suavi, ac gratiosa mansuetudine dixit. Iam, video, pulchra es, & in vestitu tuo decora tibi places. & docuit eam, ne de cetero hujusmodi cogitationibus pretium temporis inaniter deperderet. Tùm Soror Petronilla, pudore suffusa, Sanctam V. humiliter rogavit, dignaretur pijs orationib; sibi esse subsidio. S. Virgo promptè id fecit, humana salutis plurimum amans, & studiosa.

Sororem quandam animo dolentem, quòd saculo renunciasset, ad sanam mentem reduxit, cùm ei prius totam cogitationum ejus seriem exposuisset.

De hoc idem author, sic habet. Soror quadam Alinka nomine, illustris genere, D. Petri Aykai filia, quadam Dominica Adventus, dùm in Refectorio cum Sororibus cenaret, graui cordolio et languebat: nulla Sororum quippiam de illa cogitante. Tùm Soror Alinka in corde suo dixit: si non essem monialis, sed apud parentes meos, essent utiq; plures, quibus ego, & valetudo mea curæ essent. Caterùm, Sororibus post cœnam sueto ordine ad chorum procedentibus, sola mansit Alinka, cordolio depressa. Post gratiarum actiones redeunt rursus Sorores. Igitur S. Virgo Margarita, accedens agrotam Alinkam, dixit illi. Quì vales, aut quo morbo laboras, charissima Soror? Cui illa. Quì valeo? en ubi sum. Et S. Virgo. Propter hunc dolorem Ordinem deserere cogitas? & te pœnitet Religionis? & omnia subjecit, quæ Soror valetudinaria cogitauerat. Illa verò tribus diebus S. Virginem aspicere summopere verecundabatur, quòd ejus cogitationes cognosceret. Id contigit tribus ante mortem S. Virginis annis.

Aliam iræ stimulis concitatam, cogitationibus, quos

animo secum voluerat, indicatis, pacauit. Author præcatus, ita. *Soror, genere nobilis, nomine Catharina, D. Andrea Varadi filia, Cautrix in eo cœnobio, accumbens mensa cum reliquis Sororibus, toto prandio, cuiusdam Sororis odio, liuore, & vindicta, sub mansueta fronte feruebat. Hujus arcanos affectus S. V. Margar. diuina inspiratione probè intellexit. Itaque post prandium, & orationem, vocat eam ad se, & querit, quidnam cogitasset sub mensa. Cui Soror, renuens indicare, edebam, inquit, & de cibo cogitabam. Tum S. Virgo, aqua serie, cordis affectus, & cogitationes ei recensuit, & in charitate commonefecit, ne dehinc huiusmodi affectionibus cor inflammaret, & laceraret, neque animum liuore contaminaret. Soror autem S. Virgini summas gratias habuit, quòd ex Dei reuelatione salutem animæ suæ curaret, admonitionemque grata, & humili mente acceptauit: rogans eam sibi adesse precibus, ne deinceps huiusmodi criminibus se redderet obnoxiam.*

Sociam, quæ secum iuerat pro carnibus ægotantium, cuiusq; vestis infecta fuerat, proptereaq; indignabatur, cogitationes ejus detegens, pariter sedauit.

Sororem Sabinam, ex molestia illatæ sibi injuriæ animo secum subirascentem, rogantemq; Deum, ut hanc à se turbationem depelleret, S. Virgo accedens, causamq; totius commotionis aperiens, tranquillam effecit.

Tempus quoq;, & horam diei obitus sui, longè ante præsciuit, & prænunciavit, ut statim enarrabimus. Sapientia enim illa, quæ per nationes in animas Sanctas se transfert, prophetas, & amicos Dei constituit, hanc etiam in Sponsam suam cumulatissimè gratiam effudit.

Nec hæreas, Pie lector, quòd S. Margarita supe-

Sap. 7.

rius dixerit, se tempus suæ mortis ignorare. Ignorabat enim tunc, quod postmodum, Deo reuelante, cognouit. Prophetica enim cognitio, non habitualis est per modum scientiæ, qua unusquisque possit, cum velit; sed actualis, transiensque illustratio est, quam Dei Spiritus distribuit, & operatur in unoquoque, prout vult.

V. D.
Th. 22.
q. 171.
ar. 1.
1. Cor.
c. 12.

CAPVT VIGESIMVMPRIMVM.

Ultima agnitio, & Mors B. Margaritæ.



Um Sanctissima Virgo Margarita, se per cunctarum virtutum, donorumque actus, & exercitia, dies, ac noctes, ab ipsa infantili ætate, Christo æterno Sponso suo probasset, tempus tandem ex æternitate præfinitum aduenit, quo tantorum meritorum coronam perceptura, migraret in cælum. Itaque obitum suum, quem ante jam annum præuiderat, ac prædixerat, breui instare perſentiens, octaua Ianuarij die, cum sana esset, & incolumis, multis astantibus, dixit, die ab illinc decima se morituram. Dum etiam Soror quædam obijſſet, & apud eam B. Virgo vigilas, de more Ordinis, duceret, Magistræ suæ Olympiadi, alijsque ætate confectis Sororibus, de instante morte colloquentibus, ait. Charissimæ Matres: Prima ego inter vos Sorori huic defunctæ morte succedam. Ad Sorores porro cognatas suas, dixit: Dilectissimæ mihi Sorores: Ipsa breui moritura sum: oro, obtestorque vos, in choro ad aram Sanctissimæ Crucis me sepelite. Sin vero illic Sororibus essem horrore, sepelite me in oratorio meo.

(erat locus pro ipsa peculiariter à Regibus Parentibus extructus, multis sacris imaginibus, Sanctorumq; Reliquijs ornatus, ad quem priuatæ orationis causa plurimum conueniebat:) *neq; corpus meum putridis exhalationibus oliturū perborrescite; non enim vlla de illo graueolentia prodibit.* Quæ omnia planè, vt ipsa prænuñciauit, sic euenerunt. Tercia namq; die, valida febre correpta, decubuit, quæ ad diem vsq; mortis, quem prædixerat, continenter perseueravit. Sorores vehementem illius ægritudinem cernentes, Conuentibus, ac Monasterijs omnibus indicarunt. Accedit cum Fr. Marcello Exprovinciali Fr. Michael Provincialis, coram quo, postquam Virgo Sancta totius vitæ exomologesi sacro ritu peregit, petijt sibi Sacrosanctam Eucharistiam exhiberi: quam allatam, totius sui cordis, & corporis demissione, ac deuotione libavit. Extremam deinde, ad vltimam luctam, Vnctionē à se postulatam, eodem Fr. Marcello præsentē, deuotissimè suscepit. Diuinis hisce peractis officijs, ab omnib; domesticis singulari læticia comæatum petijt, quas *es hortata est ad amorem diuinum, mundi, vitæq; huius mortalis contemptum, perseuerantiam in bonis operibus, patientiam in aduersis.* Monuit etiam, vt semper ob oculos sibi ponerent illud cæleste brauium, quo Iesus dulcis Sponsus remuneraturus esset eos, qui vero, sinceroq; amoris affectu eum complecterentur. Quibus cum luctu, & lacrymis astantium acceptis, Priorissæ Sorori Elisabethæ, clauēs suæ cistæ, in qua pretiosissimi ejus thesauri recondabantur, ad manū tradit. Aperitur seorsim coram Sororibus cista. Producit Priorissa Regiæ Virginis cyclades, ac torques inæstimabiles, duo videlicet cilicia, vnum qui-

dem

dem usu frequenti laceratum, alterum verò recentius : cingulum ferreum duorum digitorum latitudinis, quo cingi ad nudam carnem sub cilicio solebat : cingulum etiam ex pellibus, spinisq; herinaceis. Varijs generis flagella, acinter illa virgas, pelle itidem, setisq; herinaceis imbutas. Rursus inuenta sunt regia sandalia, socci quippe pernobiles, acuminatis interiùs ferri clauiculis adornati, quos illa pro delicijs in maiestate gestavit. Hi fuerunt thesauri inæstimabiles, quorum pretio Ecclesia ditata, egenos subleuat vniversos. Quod autem vitæ tempus **B. Margarita** reliquum habuit, institutis cum Deo colloquijs totum impendit, amorisq; , ejus, pro quo Parentes Reges, regiamq; dignitatem reliquerat, sæpiusq; recusaverat, ardentioribus, quò plùs fini appropinquabat, flammis correpta, vehementissimoq; illius fruendi desiderio exæstuans, pronuncians psalmum trigesimum, in ijs verbis, *In manus tuas Domine commendo Spiritum meum*, foelicem tantis virtutibus animam in manus æterni Sponsi deposuit, die 18. Ianuarij, quæ dominica fuit, ad primum gallicinium, anno salutis, juxta communem computum, 1270. ætatis vero suæ 28. è quibus in monasterio 25. in habitu Ordinis 24. annos innocentissimè transegit. Anno namq; ætatis tertio cœnobium ingressa: anno verò quarto sacre Religionis habitum induit. Qua distinctione conciliantur, quæ in hoc puncto apud scriptores dissentire videntur, dum alij 24. alij 25. annos in Ordine vixisse tradunt, illud enim de tempore, quo cum habitu, hoc autem de illo, quo absolutè fuit in monasterio, accipiendum est. Corpus Virginis Sanctissimæ in extremo,

infra
cit.

eoq; pientissimo agone, absque sensu omnium dolorum fuit, quemadmodum animus ejus innocentissimus semper fuerat sine aliqua corruptela. Porro, quod apud Petrum Ribaden. Antonium Balinghem, Calendarium Germanicum, aliosq; quosdam, mors ipsius ad diem 28. Ianuarij reponitur, per errorem scriptorum factum, quo pro 18. n. 28. irrepsit. Nec facile, qui verius sentirent authores, animaduerti potuisset, nisi author antiquæ vitæ M. S. ac Petrus Ranzanus omnem ambigendi occasionem sustulissent, dum non semel in festo S. Priscæ Virginis, & Martyris (quod die 18. Ianuarij colitur) mortuam fuisse narrant. Nec omitam, authorem vitæ M. S. & Ranzanum, jam præcitatos, scribere, S. Virg. obiisse anno 1271. etsi alij communiter in annum 1270. ejus mortem referunt. Si hoc accipiat, non exegerat 28. annos completos ætatis, quando mortua est; nam cum ad finem anni 1242. nata, & ad initium anni 1270. mortua sit, 27. ad summum annos egerat cum aliquot mensibus, vel diebus. si verò anno 1271. mortuam esse dicamus, facilius annos 28. integros, immò etiam menses aliquot, vel dies insuper natam tueri poterimus.

CAPVT VIGESIMVMSECVDVM.

Gloria eius varijs de cælo testimonijs ostensa.

Epist.
ad So-
crum.



Post transitum, facies & caro Beatæ Margaritæ tanto decore, ac fulgore resplenduit, vt quandam immortalitatis gloriam, (sicut de sancto Martino S. Sev. Sulpitius scribit) etiam extincta profer-

ret.

ret. Propterea, Philippus, Strigoniensis Archiepiscopus, ubi Sanctæ Virginis corpus aspexisset, Sororibus de illius morte contristatis, ac flentibus, dixit, *debere potius eas letari, quod Beata esset, & verè cum Christo regnaret in gloria, in cujus carne resurrectionis insignia adeò perspicuè refulgerent.* Sed & præter admirandam ejusdem carnis fragrantiam, insigniaq; miracula, de quibus postea scribemus, pluribus etiam præclaris visionibus, Christus Rex gloriæ, Sponsæ suæ gloriam ostendit.

Ac inter alia, Soror quædam Ordinis Præmonstratensis, quæ in Insula B. V. Deip. ad Claustrū D. Michaelis degebat, paucis ante S. Margaritæ obitum diebus, vidit Gloriosissimam Dei Parentem, coronam inæstimabilis pretij, fulgorisq; gestantem, ac frequenti Angelorum Sanctorum, & Sanctarum comitatu stipatam, è cœlis ad Divæ Margaritæ cœnobium properare: quò cum pervenisset, S. Virginem solemnī ritu coronavit: coronatam per scalas arte cœlesti fabrefactas, Divis comitantibus, lætisquē vocibus concinentibus, & collatantibus, in cœlum perduxit. Hanc visionē eadem Soror corā Pontif. Commissarijs, cum juramento confirmavit. Author vitæ M. S.

Virgo quædam alia Ordinis itidem Præmonstratensis, Elisabetha nomine, Pesti apud S. Antonij cœnobiū residens, S. Virginis Margaritæ mortis tempore, vidit fulgentissimam, ac supra modum radiantem stellam, ex ejusdem S. Virginis monasterio sensim assurgere, & in cœlum attolli. Tum illa rei novitatem admirata, ex plurimis, qui aderant cœlestibus Angelis comitantibus, & latum præa canētibus, quid rei esset stella illa tam illustris, adeòq; mi-

rabiliter

rabiliter coruscans, interrogavit. Cui illi: *Margarita est, Belæ Regis filia, quæ terris relictis, cælestes mansiones conscendit.*

Fr. Petrus lauriensis, Lector AA. & S. Th. nocte, qua Sancta Virgo decessit, post nocturnas preces obdormiens, audiit in somnis vocem dicentem, *Agnamortua est.* Dùm id mane Fratribus enarrasset, omnes de S. Virg. obitu dictum intellexerunt. Is postea, cùm ad monasterium B. V. Deip. accessisset, ea ipsa nocte, qua vocem audierat, illam didicit emigrasse.

Eadem nocte, mulieri cuidam nobili, quæ à monast. B. V. Deip. 26. vel 30. circiter miliaribus distabat, mors S. Margaritæ est manifestata. Vbi enim mane surrexisset, maritum, virum etiam nobilem, sic allocuta est. Probè nosti, dulcissime Conjux, me, Margaritam Belæ Regis filiam, & sanctimonialē nunquàm novisse. Hanc certo certiùs scias nocte ista ex hac vita migrasse. Vidi enim in Spiritu, magna illam cum gloria cælum ascendere; quæ me etiam allocuta, dixit. Venià criminum egeris, ea expiandi causâ, ad sepulcrum meum festinate: illic Dei misericordiam obtinebitis. Vir inaudiens, diem silentio transigit. Dein in scenso equo, rem exploraturus, ad monasterium pergit, eaq; nocte, qua vxor dixerat, mortuam reperit: Deumquè, ac Sanctiss. V. Margaritam glorificans, Fratribus Conjugis visionem enarrat.

Frater Romanus, lauriensis Coenobij incola, paulò ante S. V. Margaritam vita functus fuerat: is post dies aliquot suo Priori apparens, precum, & sacrificiorum suffragia, quòd expiatorijs flammis detineretur, enixiùs

postulavit

postulavit
rita, Belæ
& F. Rom
cælos stat
rato, circ

CAP



preces, qu
processio
lium hu
planèer
nissima
citatis sp
rum conc
inhumatu
renes, M
nienfis, E
& Prælati
Minores,
lium, pau
ro Archie
trum gen
cies erat

postulavit. Cui Prior. Quomodo habet Soror Margarita, Belæ Regis filia, quæ ante dies viginti demigravit; & F. Romanus: Soror, ait, Margarita, filia Regis Belæ, in cœlos statim delata; astitit à dextris Dei in vestitu deaurato, circumamicta varietatibus.

CAPVT VIGESIMVM TERTIVM.

Funus, & corporis fragrantia.



Orpus Sanctæ Virginis defunctæ, ea ipsa nocte, pro more Ordinis, post ea præstita, circa corporis lotionem, & aptationem, sacrasque preces, quæ ex Ordinario præscribuntur, totius monasterij processione ad Ecclesiam, infra Chorum, Sanctimonialium humeris delatum, ac depositum fuit. Incredibilis planè erat Sororum omnium luctus, quæ se Matre benignissima, atq; dulcissima, puroq;, atq; pellucido totius Sanctitatis speculo prius contuebantur. Propter populorum concursum, sacrum corpus quadriduo relictum est inhumatum. Nam ad ejus exequias Rex, & Regina Parentes, Magistratus, & Principes, Archiepiscopus Strigoniensis, Episcopus Vacienfis, cum plerisq; alijs Episcopis, & Prælati, Viri Ecclesiastici, Religiosi, Prædicatores, & Minores, & aliorum Ordinum, cum innumerabili nobilium, pauperum, vulgiq; multitudine conuenerunt. Porro Archiepiscopus, audiens Sororum præcipuè, ac Fratrum gemitus, atq; lamenta, remoto uelo, quo S. Virg. facies erat operta, ubi eam vidit quodam immortalitatis

*Regis,
Reginæ
presen-
tiam
astruit
Castill.
Ribad.*

decore mirabiliter refulgentem, ut eos consolaretur, (quamuis & ipse, & reliqui, cum ob astantium deuotionem, tum ob admirabilem S. Virg. venustatem, vix agrè lacrymas cohiberent) dixit. *Quid super æterni Regis filia contristamini, & ploratis? Quid ni potius ei collatamini, quam ex glorificata ejus facie, manifestè cernitis eterne beatitudinis brauium jam affecutam?* Interim Provincialis, arcam ligneam fortem fabrefieri, vietisq; passim ferreis obligari curauerat, in quam deinde sacrū corpus est illatum. Itaq; omnibus, quæ ad sepulturam necessaria erant, dispositis, Archiepiscopo Pontificalibus induto, solemnī apparatu, & processione, sacrum corpus ad B. Virg. Deip. majorem aram deportatum est. Vbi idem Antistes, insigni celebritate sacrum cantauit, eoq; absoluto, sacros omnes sepeliendi ritus, ac ceremonias ipsomet perficiente, arca cum sancto corpore, tumulo, qui ad eandem supremam aram fuerat effossus, immissa est; non tamen eam terra, vel quacunque re alia inhumarūt, sed velo duntaxat expanso operuerunt, sicq; complures dies permansit. Cœterum, cum ineffabilem odoris fragantiā virgineum corpus diffaret, Prouincialis F. Michael, coram P. F. Marcello Exprovinciali, alijsq; P. P. in virtute Spiritus Sancti, sub formali præcepto, & sub pœna excommunicationis latæ sententiæ, Sororibus omnibus mandauit, uti edicerent, nūm ipsarum opera, aut scitu, adhibitis floribus, vnguentis, vel alia re odorifera, aut humana quacunque industria, factum esset, quod odor ille fragraret: omnes verò sanctè jurarunt, neq; opera, neq; scientiæ suæ id euenisse. Singulas etiam seor-

sum, diligentius examinavit, monens, quantum placu-
lum esses, quantaq; Deum, qui non eget, nec gaudet men-
dacio nostro, injuria afficeret, id quisquis humana arte
procuraret; ac deniq; eadem monita in sacro Confessio-
nis Sacramento adhibuit: sed neq; sic humanitus quip-
pam in ea re factum potuit reperire. Venerat F. Petrus
Iauriensis, (cujus superius meminimus, quiq; postea ele-
ctus est Prouincialis) sex post S. Virginis sepulturam die-
bus: is, vbi in loco sepulcri tantam odoris suauitatem
sensit, caputque, ac manus ejus attrectans, majorem adhuc
fragrantiam, ac si odorū omnium ibi esset compendium,
percepit, dixit ad Prouincialem. Pater, locus hic incredi-
blem spargit fragrantiam: vide, ne aliqua sit arte delibutus.
Cui Prouincialis. ego rem istam rigorofo examine, & om-
ni, qua potui, fide, à Priorissa, Sor. Olympiade, alijsq; So-
roribus, coram hujus Virginis, sepeliendo corpore, ac
alijs etiam locis, super re hac indagavi, nec tamen quic-
quam humano artificio factum potui inuenire. Toto
spatio, quo intectum mansit sepulcrum, tanta deuotione,
ac reverentia illi Sorores astiterunt, vt non aliàs, quàm ho-
rariæ hymnodia, refectiois, & quietis tempore, ab eo di-
velli se paterentur. Quarta decima verò die, rudi, & im-
polito lapide, sepulcri orificium, per Albertum, & Petrum
è Lombardia, lapidas, opertum est; qui jucundissimum
etiam odorem inde exhalantem se percepisse, testati sunt.
Demum post tres circiter menses, cum iidem artifices, pa-
ratum jam è rubro marmore nobile sepulcrum aptaturi,
superpositum pridem arcæ lapidem sustulissent, tanta ite-
rum ex Virgineo corpore odorum fragrantia spirauit,

quantam Hyblarum delicia, & omnes præstantissimorum
vnguentorum apotheca, non possent exaquare.

CAPVT VIGESIMVM QVARTVM.

Miracula Sanctæ Margaritæ.



Era miracula, quæ fieri nequeunt, nisi virtute
divina, tanquam causa principali, opera-
tur Deus, teste D. Thoma, ad hominum utili-
tatem, vno quidem modo, pro assertæ verita-
tis confirmatione, quo pacto fieri possunt miracula per
quemcumquæ, qui veram fidem prædicat, & Christi nomen
invocat, etiam si interdum malus existat: alio modo, pro
demonstranda sanctitate alicujus, quem Deus hominibus
proponere vult in exemplum virtutis, qua ratione, mira-
cula non nisi à Sanctis patrantur. Ex ijs porrò Sanctitas
perfectè comprobatur, cum confessio fidei, & operum
iustitia, tesseram miraculorum habet adjunctam. Propte-
rea canonizandi, primò de fidei excellentia, vitæ Sancti-
tate, mòx de miraculis inquiruntur, maximè post mor-
tem: nam, si quis calumniatur miracula eorundem, in
vita, quòd non attestentur bonitatem, & sanctitatem, ab
omni calumnia alienum est, quòd post mortem miracula,
& non ad eorundem sanctitatem illustrandam, per illos à
Deo sint facta. Si enim inuisi Deo decessissent, & non es-
sent Deo chari, ad invocationem eorum, deprecationem
per eorundem virtutes, sanctitatem, & merita, nequa-
quam Deus faceret miracula, qui falsitati testimonium,

ipse

Divus
Thom.
22. q.
178.
2. & 3.
p. 934.
art. 1.

Domi-
nicus
Grav.
to. 3.
prescr.
p. 2.
pagina
268.

ipse vera
iuncti sun
adornant
faciendo c
nium per bi
galur, in q
animis tam
Ecclesia lo
corporis no
dantior em
cadaueribu
præstando
è vita mig
rius præsen
garitæ san
gna, Dei
res, & qui
apertè tes
nis à mor
recensu
sic absolu
nne in bon
Dominus n
coer.
San
de Monast
extabant
tuor, inter
Hungaria

ipse veracissimus, ferre non potest : cū verò Deo conjuncti sunt, & operum sanctitate illustres, signis divinitus adornantur. Hinc Augustinus: *Quid agit Deus, mira opera faciendo circa Sanctorum corpora defunctorum, nisi testimonium perhibet, sibi non perire, quod moritur? & ut hinc intelligatur, in quali honore habeat animas occisorū, quando caro exanimis tanto effectū Divinitatis ornatur. Sicut enim de mēbris Ecclesiæ loquens Apostolus, similitudinem adhibuit de membris corporis nostri, quoniam, quæ inhonestæ sunt nostra, his abundantiorē honorem circūdāmus: ita Providentiā Creatoris, cadaueribus Martyrum tam præclara miraculorum testimonia præstando, ex anguibz hominum reliquijs circumponit; & cū est vita migranti tanquā deforme jam remanet, ubi evidentius præsens vitæ dator, apparet.* Ad Beatæ Virginis Margaritæ sanctitatem declarandam, plurima, mirandaq; signa, Dei omnipotentia edidisse, omnes ejus vitæ scriptores, & qui, etiam absq; vitæ scriptione, de ea meminerunt, apertè testantur. Inter alios Garinus, qui septuaginta annis à morte ejusdem Virginis, vitam conscripsit, postquā recensuit miracula facta tam in vita, quā post mortem, sic absolvit: *Multa quoq; alia miracula fecit, & facit continē in honorem Sponsæ suæ, Sponsus Virginum, Jesus Christus Dominus noster, cui cum Patre, & Spiritu Sancto est honor, & cœt.*

Sanctus Antoninus, Archiepiscopus Florent. agens de Monasterijs Sororum Ordinis nostri in Hungaria, quæ extabant tempore suo, ait. *In Hungaria, monasteria quatuor, inter quæ præcipuum est apud Insulam, fundatum à Rege Hungaria; ubi quiescit Soror Margarita, filia Regis Hunga-*

Divus
Aug.
apud
Grav.
l. c.

l. ad
Cor. c.
12.

Garin.
scripsit
vitam
S. M.
a. 1340

S. An
ton. 3.
p. hist.
tit. 23.
cap. 13.
§. 3.

ria,

rie, quæ miraculis in vita, & post mortem claruit.

Petrus Ribad. Quemadmodum Sancta Virgo se totam Deo consecrabat, continua ejus familiaritate, colloquijsq; gaudebat, ita vicissim Dominus, multis, magnisq; eam favoribus cumulabat, & liberalissimè petitionibus ejus omnibus annuebat. & subjectis pluribus miraculis, quæ gessit in vita, addit. Plurimis alijs miraculis omnino stupendis Dominus Margaritam illustravit, dùm meritis ejus quasdam monachas aegras sanavit, terribilem quandam tempestatem sedavit, ignem manibus innoxys, ac illæsis contrectavit, cœlestem lucem quibusdam Deo deuotis hominibus detexit, molestasq; animi tentationes deterisit, quibus afflictati, pænèq; expugnati, decreverant aut Ordinem religiosum deserere, aut exijs, ex quibus se laesos rebantur, vindices pœnas reposcere. Et infra. Corpus ejus, à morte adeò venustum, ut naturam vicisse videretur. Suavisimam odoris fragrantiam, virgineum funus multis diebus exhalavit. Et cœlestis Sponsus, multis miraculis mōx ab obitu illustravit, illuminando cœcos, sanando claudos, curando hydropicos, & artritide laborantes, energumenos liberando, mortuos redanimando. Sic enim solet honorare Dominus eos, qui sui causâ sese regnis, bonisq; omnibus exuunt, seseq; ejus amore humiliant, ac demittunt.

Abraham Bzouius. Extincta corpus admirando odore fragrat, facies autem admiranda puchritudine resplenduit. Viuens, atq; vita sancta, ingentibus miraculis, sanctitatem suam illustravit.

Io: Michael Plodius. Viuens, & mortua, miracula fecit, & gratis. Visum cœcis donavit, hidropicos, paraliticos, contractos, energumenos sanavit, mortuos suscitavit: à va-

rijsq;

rijsquē, ac multiplicibus infortunijs homines liberauit. Ideo multiplicatis post mortem miraculis, Romanus Pontifex Inquisitores destinauit, ut ijs collectis, in Sanctorum numerum illam referret.

Nos ea omnia fideliter ex varijs authoribus, præcipuè ex vita M. S. sæpè relata, in qua, miracula multa, suscepta à Commissarijs Pontificijs, pro illorū inquisitione destinatis, sincerè continentur, in vnum collecta, describere suo ordine curabimus, ab ijs, quæ in vita fecit, auspicientes.

CAPVT VIGESIMVMQVINTVM.

Miracula facta in vita.

S. I.

Circa lucem, & Corpora Cælestia.

DE his ita scribit Garinus. Quadam nocte, cum essent densissima tenebræ, duxit quandam Sororem (hæc fuit Sabina, ut in vita ex M. S. recensimus) ad locum admodum secretum, ut ibi manibus ejus verberaretur: ubi cum se spoliasset, & carnem nudam exposuisset, lux copiosa de cælo super eam descendit, & totam illustrans domum, tam diu durauit, donec completa verberatione, vestes resumpsit: quibus ubi se induit, lux euannit, & duæ Sorores, quæ hoc viderant, accurrerunt, ut se precibus ejus commendarent.

I I.
Quadam quoq; die, cum adhuc non nisi decem esset annorum, inueniens iuenculas virgines ludentes in valetudinario, & propter obscuritatem tenebrosi temporis, parum, aut nihil videntes, dixit eis. Vultis, ut faciam vobis apparere So-

lem?

lem? illis desiderantibus, sed impossibile putantibus, indicavit locum quendam digito, satis propinquum, & dixit eis: ibo usque ad locum illum, & antequam revertar ad vos, videbitis Solem clarè lucentem. Iuit, & oravit, & statim Sol apparet, & clarè lucens, totam domum illuminavit.

III.

Quodam tempore, cum circa mediam noctem esset in ambulacro, quod est ante dormitorium Sororum, & de cœlestibus cogitaret, apparuerunt ei Sol, & Luna, lucentes in medio cœli.

§. II.

Circa ignem, aerem, & aquam.

I.



Arinus. Ollam ardentem, & tripodem ferream candentem, de medio ignis, nuda manu, sine lesione manus, extraxis. De hoc etiam Vita M. S. Quadam vice, dum Soror Sabina, Sororibus pro cœna canculos coqueret, olla ita succensa fuit, ut eam Sabina igni subripere non auderet. Rectè advenit S. Margarita. Videt Sabinam metuentem igni subtrahere ollam: nec mora, medijs manum committit flammis; & tantum abest, ut manum S. Virginis flamma adufferit, ut ne pilum quidem rapuerit vestimenti. Addi potest miraculosa flamma, quæ super caput ipsius orantis apparuit, ut superius de oratione ejus agentes retulimus.

II.

Sequitur Garinus. Accidit quandoquæ, ut cum alia Sorore portaret in tabula panes fermentatos ad furnum, mar-

pula

pula coopertos, exquē Soror timeret ventum validum, qui jam suo impetu tectū domus capitularis transtulerat in pomarium. Orauit ergo, & statim ventus cessauit.

III.

Quidam Frater, ad preces ejus manere nolens, ut conuocaretur, ubi abscessit, cum tempus esset mirè serenum, Virgo, sicut ei comminata fuerat, orauit Deum, ut benè plueret, & manere cogeretur, vel inuitus; & statim tanta extitit pluuia, ut discedere non pesser.

IV.

Quodam tempore, Danubius inundans, hortum Sororum triduo inuasit. At Prior Prouincialis, Margarita hoc narranti non credidit. Erubescens verò illa, quòd mendax putaretur, rogauit Deum, ut ostenderet, vera ipsam dixisse. Moxq; inundans Danubius, in cœnobium, & officinas Sororum sese intulit. Itaque Sorores fugerunt in solarium, Priorq; Prouincialis ad cœnobij murum ascendit. durauit autem inundatio usque ad preces vespertinas. Tum verò Margarita, rogata à Sororibus, orauit Dominum, ut aqua discederet, statimque recessit. & sub precibus nocturnis loca omnia adeò sunt exsiccata, ut nullum vel aque, vel luti vestigium ibi permanserit.

De hoc M. S. sic habet. Quadam vice, tribus ante mortem S. Margaritæ annis, erat inundatio aquarum, & excursus fluminum, ut in magnam ancillarum aulam aqua penetrarit. Eo tempore, post festum Epiphania, adiit monasterium F. Marcellus Prouincialis, dumq; cœnobium subintrasset, & ad locutorium Sorores accessissent, & honorificè loquerentur ei, S. Virgo Margarita ait etiam ad Prouincialem: Ven. Pater, nos ob exundantiam periclitata sumus; nam Danubius adeò exundauit,

ut claustrum permeans, vix non rapuerit. Et ostendit ei locum, ac vestigium exundationis; & ait, ubi fuissent reliquiae nostrae? Respondit Prouincialis S. Margarita: Vade, jam hoc ego non credo. Igitur Deum deprecata est S. Virgo, dicens: Domine Jesu, rogo te, ostende Prouinciali, me vera dixisse. Ecce res mira. Danubius illico exundauit, & magno murmure, fluctuque coepit aulam subintrare, altiusq; & altius semper crescere. Prouincialis erat tunc in horto cum Sororibus: qui videns, & audiens fluctuantium aquarum murmura, & subitaneum flumen, territus est, & in ambitum fugit ex horto: eo pariter insequitur aqua. In Capituli deinde locum fugit: nec illic tamen securus ab aqua. Postmodum fugit in campum quendam, quem nunc Claustri modium appellamus, in quo laborabant Sorores in astate. In hoc horto, aut campo erant ligna, & asseres nonnulli, quibus ambitus confulciebatur, in eos etiam assurgit Prouincialis, metu fluctuum. Hoc modo testimonium accepit, quod S. Virgo Margarita verum dixisset. Ceterum, aqua redijt ad locum suum, ita ut ad vespertas nec vestigium ejus sit deprehensum, ea verò exundatio facta est ante vespertas.

V.

Garinus. Puella quaedam (vocabatur Agnes ex M. S.) missa ab ea, nocte Pascha, ad quarendam ejus tunicam, cum esset nox obscura, & ingens pluvia, cecidit in puteum profundum. Dum verò queritur, non inueniebatur, donec orante Sancta Virgine, in superficie aquae apparuit, & cum labore extracta est. Ejus autem omnia corporis membra confracta, & conquassata erant, carebatq; sensu, & motu, & planè mortua videbatur. Improperabant itaq; Virgini, quod fuisset caussa mortis ejus. Orauit autem Virgo Beata cum lacrymis; & statim

puella.

puella vna
bulauit, pro
supernixit a

D

nullo tamen
manere. Pe
sibi restituer
nullo tamen

Si
manere ren
orante Virg
flauratus.

G

consu in suo
nit suam, &

puella viua, & sana, nullam habens lesionem, surrexit, & ambulauit, prostrataq; ad pedes ejus, gratias egit, & postea multis superuixit annis.

S. III.

Circa res artefactas.

I.

DE his Garinus. Cum Frater quidam ejus precibus nollet acquiescere, ut maneret, & die crastino haberet concionem, orationis B. Margar. virtute, nullo tangente, fractus est currus Fratris, & sic coactus est remanere. Peracta verò concione, rogauit Virginem, ut currum sibi restitueret. Oravit illa cum lacrymis, & statim currus, nullo tangente, sed multis videntibus, fuit diuinitus reparatus.

II.

Simile quiddam contigit etiam aliàs cuidam Fratri manere renuenti; cum enim vsq; ad villa limites processisset, orante Virgine, fractus est currus, & ejus absoluta concione, instauratus.

S. IV.

Circa egritudines.

I.

Garinus. Cum Sorores quandoq; medicamenta apponeret cuidam osi ejus, & quadam Soror ea causa murmuraret, mox illa idem os similiter affectum sensit in suo corpore, donec ad Virginem veniens, culpam edixit suam, & veniam postulans, verbo illius statim curata fuit.

De hoc ita M. S. *Quadam vice, dum è terra surgeret ab oratione S. Virg. os armie ejus est eluxatum, cujus dolorem grauitèr persentiebat. Tum Priorissa cum Sororibus triftari cœperunt, & remedia sollicitare, quibus dolorem S. Virg. obleuarent. Quadam Soror, S. Margar. consaguinea, Stephani Regis Neptis, nomine Margarita, animo versabat admirabunda, subridens, quanta sollicitudine, vni Religiosa Moniali, tot persone medicinam perquirerent: & ecce subito sensit in humero dextro eundem, quem S. Virg. dolorem. Nec mora, vadit ad Sororem suam S. Margaritam, ad pedes ejus procumbens, aperit, quòd illa cogitabat, fassa quoq, quo dolore corripitur, ob temerem, & liuidam illam cogitationem, supplex veniam precatur. Cui S. V. Deus tibi parcat, & statim, verbis finitis, sanata est.*

I I.

Sequitur Garinus. Soror quadam, grauem patiens dolorem digiti, rogauit eam, vt, si quam haberet gemmam talis doloris expultricem, ipsi accommodaret: at illa strinxit digitum ejus, & confestim dolor cessauit. M. S. sic habet. Soror, nomine Eliana, quodam tempore, digiti dolore quopiam manus dextra laborabat, vt ejus cruciatu à nocturna requie impediretur. Vadit igitur Soror ad lectum S. Virg. Margar. & dicit ei. Obsecro te, si lapidem bonum, proficuum contra cruciatu habes, presta mihi, digitus enim mihi vebementer dolet. Sancta Virgo Margarita, cepit, ac strinxit digitum ejus, & dixit. Vade Soror, & dormi. Illicò mirè Sororis digitus dolore liberatus est.

I I I.

Prosequitur Garinus. Prior Prouincialis, rogauit eam, vt curaret socium suum, Fratrem Conuersum, à quartana

febre,

febre, quæ illum vexauerat à festo B. Dominici usq; ad Purificationem B. V. orauit ergo, & quamprimum curatus est. M. S. Frater Laicus Ord. Præd. nomine Ioannes, magna fidei, & pietatis, dum quartana non mediocriter à die S. Dominici ad B. Virg. Purificat. usq; diem febricitaret, & medicorum phar-maca jam prorsus irrita essent, & mortem potius accelerarent, Pater Prouincialis, quia socius illius erat, eoq; ad conficienda longinqua terrarum itinera, utebatur, ad S. V. Marg. eum misit, ut precibus suis eum febre curaret. Venit igitur Frater ad Claustrum, & S. V. Marg. ad rotundam fenestram accersivit, nuncium relaturus. Accedit S. V. cum simplici humilitate. Tum Frater ait: Pater tuus Spiritualis, Fr. Marcellus Prouincialis, me ad te misit, ut apud Deum pro me supplices, quod à proxima morte tuis precibus liberet. Cui S. V. silentio paulisper, ac cogitatione suspensa, respondit. Dominus noster Iesus Christus est, qui, sublati infirmitatibus, restituit sanitatem. Et ego, quantum in me est, faciam, quod à Patre meo spirituali iussum accepi. Porro tu etiam ora pro te diligenter. Querit etiam S. V. qui est tuus februm dies? & ille, hodiernus, inquit. Intrat igitur S. Margarita Oratorium suum (cubicellum intra Chorum, murumq;, quod illa Crucifixi, ac Sanctorum imaginibus, & reliquijs pie exornabat, hodièq; locum S. Margar. appellamus) tum deuotas preces Deo litans, Fratrem febricitantem integrè curauit, ut pluribus Frater attestatus est.

I V.

Author V. M. S. Quodam tempore, P. Fr. Marcellus Prouincialis, cum quibusdam Fratribus Monasterium intrauit, & ad consolationem S. Margarite, & aliarum Sororum, inuisurus valetudinarium, assumit secum S. Margar. Ma-

gistrum

gistrum eius, & nonnullas è Sororibus. Dùm ibi Prouincialis spectat quatuor Virgines Nouitias, genere nobiles, tenerrima ætate, dira febre atrocitèr exanimari, rogatur ab eis, mandare velit S. Margarita, ut orationibus suis eas curaret. Dixitq; Prouincialis, gratiosa, & honorifica reprehensione. Quid hoc, Soror Margarita, quòd tua Sorores tanta ægritudine tenentur? ubi tua sollicitudo, & misericordia? Vade igitur, ora pro illis, ut Dei gratia conualescant. S. Margarita, sancto pudore subridens, conticuit. Cæteroqui, cùm Prouincialis, ac Fratres discessissent, S. Margar. obedientiam factura, petit Orationarium; die altera, agrotantes Sorores, incolumitatem ceperunt, benedicentes Deum, colentes Sanctam Margaritam.

V.

Vita M. S. Alia quedam Soror, in cœnobio graui morbo laborabat. S. V. Margarita circa illam sollicita cura, de more, statagens, pharmacum, quod illi ægritudini curanda idoneum esse intellexerat, subito apparauit, & agræ Sorori dedit, quo illa recepto, extemplò, lingua, & intelligentiæ vsum amisit. Tùm Sancta Virgo, metu subito perterrita, ne Soror valetudinaria mortis causam dedisset, cupiens ex animo illi salutem afferre, ocyùs dimisit Sororem, quæ afferret auream tabellam, in qua particula Crucis Christi Redemptoris, & plures Sanctorum reliquie erant repositæ. Coram hac profusis lacrymis, extensis, rursumq; complicatis manibus, magna fiducia orauit, dicens. Domine Iesu Christe, si quid apud D. M. T. indigna famula tua opera valuerunt, præbe mihi hanc de multitudine gratiarum tuarum misericordiam, ne hac infirma famula tua moriatur, sed pristina reddatur sanitati. Quibus precibus absolutis, statim Soror agræ perfectè conualuit, vo-

lente

lente Deo,
clarificari
S. Pontifi

Confide
adh



fecit ejus
tale perbi
illa pulch
quòd ille
rit, ut m
periculis
peraret, n
ranti posse

Mira



lente Deo, S. Virg. adhuc in terris viventem etiam hoc miraculo
clarificare, quod firmissimo deinde testimonio à Commissarijs
S. Pontificis receptum fuit.

S. V.

*Confidentia magna Viri nobilis ad B. Margaritam
adhuc viventem ob quam se ab omni periculo
liberatum iri certo credebatur.*



EX vita M. S. Cum Rex Bela Claustum B. Virginis
Marie fundaret, praeclaraque hereditate dona-
ret, virum nobilem, nomine Carolum, Buda veteris
incolam, Personalem suum, & Judicem Buda, prae-
fecit ejus foundationis negotio. Is ergo de Sancta Margarita
tale perhibuit testimonium, quod à prima illa fundatione virgo
illa pulcherrima, vita sanctitate pra omnibus floruerit: &
quod ille tantam in ea adhuc superstite fiduciam semper posue-
rit, ut montes, vales, sylvas, latronum speluncas, ceteraque loca
periculis obnoxia peruasurus, per S. Margaritam egregie su-
peraret, neque uspiam crederet insidias, aut pericula sibi sic spe-
ranti posse nocere.

CAPVT VIGESIMVMSEXTVM.

Miracula post mortem S. V. Margaritae patrata.



Signa, quibus S. Virgo Margarita post mor-
tem clauit, ex vita M. S. cujus author fatetur
se illa excepisse ex processu, & inquisitione fa-
cta per Commissarios Pontificios, qui ejus

exemplar

exemplar Monasterio insulæ B. Virg. Deiparæ reliquerant (vno excepto) desumpta, sequenti ordine digessimus.

S. I.

Febre laborantes, curati.

I.

In ipsa hora, qua B. Margarita ex hac vita mortali decessit, Soror Elisabetha, Ladislai Serenai filia, graui, & longa agitudine decumbens, (quippe quæ à festo S. Laurentij ad diem vsq; S. Priscæ Virg. & Martyris, qua B. Margar. obiit, acri febre laborabat) è lecto sine ope surgere nullo modo poterat. Hac mortem B. Margar. inaudiens, amarissimo corde doluit, quod cum reliquis Sororibus in ejus funere inseruire non posset: & in mente sua proposuit, si Christus Dominus, meritis Sponsæ suæ illam sanaret, se ejus ministerio libentissimè operam daturam. Vix hoc statuerat, cum statim, absq; ullius auxilio, sana, & incolumis exiliens è lecto, & pergens B. Margar. corpus, ibi, ut optauerat, cepit inseruire; acceptis enim de illa vestibus, quæ ob coquinaria ejus seruitia, maculata erat, mundioribus eam induit, aliâq; pietatis opera obiuit.

II.

Soror Frosina, D. Jacobi Nitrai filia, dum quodam tempore agrotaret, dixit in corde suo, scio, te, Virgo Margarita, Sanctam esse: pete Dominum, ut auferat à me hanc infirmitatem; votumq; fecit se in ejusdem S. Virginis honorem, quindecies orationem dominicam, & angelicam salutationem, diebus singulis, recitaturum; & illico sanata est: sed cum voti impletionem prætermittebat, iterum infirmabatur.

III. Soror

III.

Soror Stephana, Domini Pouse filia, graui egritudine lecto deprimebatur; apparuit illi in somnis B. Margarita, & facto super eam Crucis signo, ex templo restituit sanitati.

IV.

Soror Margarita, Matthia Transyluania Principis Mater, D. Papa Commissarijs testata est, quotiescunq; sibi egritudo aliqua, aut filijs suis clades accidisset, ad S. Virg. confugisse, & exauditam fuisse.

V.

Soror Cecilia, dum post obitum S. Margaritae egrotaret, coram Sorore Agatha, D. Serenai filia, eidem se commendans, opemq; ejus implorans, subito conualuit.

VI.

Soror alia, per trimestre, quartana, vel tertiana identidem febre laborabat; cui Soror Elisabetha, Comitissae Adriani filia, cum vinum, in quo S. Marg. crines eluti fuerant, potum dedisset, sanitatem recepit.

VII.

Frater quidam, Albertus nomine, vir honestus, ac pius in Deum, & Sanctos, qui habitabat in Xenodochio, acerbissimo quartanae dolore in dies confectus, etiam genibus contrabebatur. Is meritis Sanctae Virginis confusus, votum vouit, magnosq; se illi deuotionis affectu commendauit. Finita commendatione, aliqua diei parte prae lapsa, cum à quartana vexatione, tum à genuum contractione, integra valetudini restitutus, surrexit, & vota redditurus ad ejusdem Virginis tumulum magna deuotione accessit; ubi humi prouolutus gratias egit, ac deinde re Fratribus, alijsq; plurimis manifestata, recessit.

VIII.

Quidam Nicolaus, ubi per annum quartana laborasset, toto corpore intumescens, consilio Medicorum lepræ proximus adjudicatur; ab ijs itaq; derelictus, spem in S. Virginem Margar. conijcit, vouetq; si ejus benignitate salutem obtineat, se monasterio, in quo ejusdem corpus quiescit, absq; pretio famulaturum. Vix dixerat, & sanatus est statim: votumq; deinde suum bona fide absoluit.

S. II.

Contracti.

I.

Benedictus victor, ac faber lignarius, annorum 40. de Pago Dan, & districtu Vacienti, ex continuo morbo triennali, attractis genibus ad pectus, calcaneisq; cum sessili parte complicatis, jugi molestia, lecto, velut stipes, inharebat. Inaudiens verò S. Virginis Margarita miracula ingentia, rogauit parentes, & cognatos, ut se ad illius sepulcrum deferri curarent, confidens, ac sperans, si illud tangeret, se ab omni agitudine liberatum iri. Cui mater, omni spe abjecta, si Pater, inquit, meus, morte jam pridem abreptus, surrexerit, tu conualesces. Vrgens nihilominus instanter petitionem, allatus ad sepulcrum, sic orauit. Credo, mea Domina S. Virgo Margarita, D. mei Bela Regis filia, quæ à primæua infantia, spretis regijs Parentibus, mundi gloriam, & imperium, Dei Jesu Christi seruitio posthabuisti: credo, inquam, te, apud D. Jesum Christum tanti esse meriti, ut me ab hoc jugi cruciatu possis liberare, si velis. Rogo te supplex, & inuoco tota cordis pietate, impende mihi opem tuam medendi

presentissimam.

presentissimam. Facet miser depositus ad sepulcrum; & ecce, dum, praterlapsa jam hebdomada, sacrum cantaretur, Dei misericordiam, quam S. Virginis meritis tota fide implorabat. Tota confestim corporis integritate recepta, surgit absq. ulla ope: terq. circumit sepulcrum, Deum mirabilem in Sancta Virgine sua Margarita glorificans. Pedibus deinde firmis in patriam remeavit, ex qua saepius cum Compatriotis, more, & habitu peregrinorum sepulcrum frequentabat. Factum est hoc post mortem Sanctae Virginis anno uno, & quinq. mensibus, anno Domini 1272. 13. Junij, die martis post octauam Pentecostes, post horam tertiam.

Ex tam exacta temporis hujus miraculi descriptione, colligitur, B. Margaritam anno Christi 1271. mortuam esse.

II.

Puella quaedam annorum duodecim, nomine Piuba, cuiusdam Patris familias filia, brachium sinistrum habens ad humeros retrouersum, atq. contractum, manumq. prorsus aridam, ut nihil in ea, prater ossa pelli affixa, apparerent: valde deuota ad sepulcrum S. Virginis, & ad virtutes, quas de illa audiebat, frequenter ad ipsum accedebat. Cum igitur semel Summi sacri Euangelium decantaretur, Puella, coram ampla illic presente multitudine, palmam, brachiumq. exporrigit, ac singulis integram se, & incolumem manifestat. Quae deinde dies aliquot magna pietate ad sepulcrum consistens, videndi cupidis, quod meritis S. Virginis circa se mirabiliter factum fuerat, ostendebat.

III.

Erat Megjery mulier, nomine Maria, genibus à

multo tempore sic contractis, ut vi nulla posset ea extendere, & si quopiam ire tentasset, se parte sessoria ad terram protruderet. Traha igitur perducta in Insulam, inde ad tumulum S. Margar. vlnis mariti deportata est. Cum autem illic tunc sanitatem non recepisset, apud Sestras in eadem Insula juxta Claustrum, ut quotidie ad sepulcrum deportaretur, dimissa fuit. Delata itaq; diebus singulis à Sestris ad Ecclesiam, illinc ad sepulcrum reptando tendebat: sed duarum hebdomadarum spatium non est sanata. Die verò quadam, magna hominum frequentia ad sepulcrum existente, eò se usq; traha perducere curavit, suo illo more ultra reptare præ multitudine perecundata. Cum autem non longè esset, Frater quidam Vincentius, frustulum ex S. Virginis scapulari, & lixiuum crinium ejusdem ei tradidit, jubens genua lavare, pannosq; illo detergere. Quo peracto, mulier humi reptans, sepulcro se stetit: ubi Deus, suæ Sponsæ meritis, illam statim coram omnibus perfectæ reddidit sanitati. Quod cum Fratres Sororibus indicassent, eæ, Te Deum laudamus, decantarunt in organis, & cimbaliis, campanis nimirum, bene sonantibus, Deum laudantes in Sanctis ejus.

§. III.

Aridis membris.

I.



Id quidam honestatis non vulgaris, S. Virg. sepulcrum ex deuotione visitare cupiens, cum Socios invitasset, à quibusdam à sancto proposito fuit auocatus. Duobus elapsis diebus, iterum eos rogauit, ut ad Insulam B. V. Deip. non pietatis prioris, sed deambulandi, & vacandi studio vnà secum egredierentur. Vix remigan-

tes portu prouehabantur, cum viri illius dexteram repentinus dolor occupauit, qui continenter augefcens, antequam transueherentur, brachium reddidit sine sensu, manusq; illius adeo exaruit, ut eam ultrò citròq; leuare non posset. Tum verò cognouit, dolorem inde profectum, quòd à pio peregrinandi proposito se auocari sinisset. Abijt propterea ad S. Virg. sepulcrum: quia tamen non eam, quam par erat, de illius sanctitate opinionem, & fidem conceperat, nullam gratiam est consecutus. Tunc agnito peccato suo, compuncto, & humili corde, cum planctu magno cœpit orare: ò Beata Virgo Margarita, Dei amica, è diuersis hujus regionis partibus, diuersis morbis laborantes, hùc venientes, tuis meritis conualescunt, incolumesq; cum gaudio repetunt domos suas: ego verò saluus egressus è domo, ob meam in deuotionem, & incredulitatem, ad perpetuam ipsiusmet, totiusq; mei generis ignominiam, illam repeto. Respexit Deus compunctionem, & lacrymas illius, meritisq; Sponsa sua opem illi pristina sanitatis impertiuuit. Qui deinceps, magna, & feruenti pietate S. V. Margar. venerans, ejus sepulcrum frequens inuisebat.

§. IV.

Immobiles.

I.

NIr quidam Nobilis, non longè distans à Villa S. Elisabethæ, quæ est juxta Pestum, morbo pressus, toto triennio stipitis in morem lectum presserat, nec manus, aut pedes potuerat dimouere, ac ne quidem loqui, aut cibum sumere, ita ut per plumas cibum in os ei ingerere opus esset. Dum ergò ita jaceret, nocte quadam apparuit ei S. Virg.

Margar.

Margar. in somnis, & contrectans eum, dixit : Quid agis miser ? Nocte insequente iteratò comparens Sancta Virgo, surge, ait, mando tibi : vade ad sepulcrum meum, & sanaberis. Hisce auditis, ager illicò sanatus exurgit, quem nati, & pueri ejus videntes, præ gaudio alij flebant, alij risu exultabant. Die altera cum consanguineis, & affinibus ad sepulcrum S. Margarita pergens, quacumq; secum gesta fuerant, coram magna multitudine enarrauit, gratijsq; peractis Deo, & S. Margarita, ad propria latus remeavit.

S. V.

Leprosi.

I.

VAcý (Ciuitas est Hungaria) Sartor, nomine Benedictus, vno, & amplius anno lepra conficiebatur, ut non ipse solum, sed & familia tota cum Medico spem omnem sanitatis, ac vita ejus abjcerent. Ille nihilominus toto cordis affectu se S. V. Margar. commendans, peregrinandi consilium inuit ad ejus sepulcrum, jamq; tertio peregrinationis die, qui Sanctis Cosma, & Damiano sacer erat, integram obtinuit sanitatem; & coram turba magna, pro acceptis per merita S. Virginis à Deo beneficijs, gratias egit, alta voce inclamans, & enarrans misericordias, & virtutes ejus.

II.

Albertus Banus, post diuturnas agritudines, toto corpore intumuit, ac manifestè leprosus factus, nulla Medicorum ope sanabilis censebatur. Is, uxoris sue, aliorumq; condolentium amicorum consilio, vouit coram eis, sepulcrum S. V. Margar. se inuisurum, desperatam penitus vitam suam illi commen-

dans :

dans : cum ecce eadem nocte ab omni prorsus morbo, atq; dolore liberatur. Postmodum Anna Ducissa, unaq; Albertus Bannus ad sepulcrum conuenerunt, & illic iurati, miraculum, coram astipulatis testibus Nicolao Prapósito Syrmienſi, & cœt. recenſuerant. Peractisq; omnibus, cum gaudio donum redierunt.

§. VI.

Podagrici.

I.



Oror Margarita, Neptis Stephani Regis, & Domina Anna filia, audiens diuersarum agritudinum genera, meritis S. V. Margar. miraculose curari, mente prorsus incredula cuncta diffitebatur. Hac aliquando ex fenestella Chori, qua Christi Domini corpus à populo uidebatur, mulierem uidit podagra miserrime confectam, adeoq; contractam, ut nullis, præterquam manuum, & capitis articulis uteretur : quaq; magna vi manuum, per pu- vimentum cum omnium commiseratione prorepebat, extra tem- plum verò bigis quibusdam trahebatur. Dum itaq; miseram hanc aspiceret, voluit de S. V. Margar. sanctitate capere tes- timonium, dixitq;, Soror Margarita, si mulierem hanc, præsen- te me, ac spectante, sanaueris, magna Deum gratiarum actio- ne glorificabo, & sanctitatem tuam merito cultu venerabor. Mira res : vix media hora præterlapsa, illic persistente adhuc Margarita, misera illa podagrica, & contracta, coram magna populi frequentia, diruptis morbi diuturni vinculis, perfecta reddita est incolumitati. Ad sepulcrum itaq; properans, mise- ricordias Domini decantat, grates S. V. Margar. rependit.

Transactis

Transactis nonnullis deinde diebus, ex quo domum redierat, Parochus, & fideles districtus illius, pulcherrima instituta processione, cum Cruce, vexillis, cantu, & laudibus, mulierem sanatam ducentes, ad sepulcrum S. Virg. conuenerunt: ibiq; testimonium de diuturna ejus mulieris infirmitate ferentes, Deum in S. Virg. sua Margarita mirabilem, sacris, precibus, elemosinis, alijsq; pietatis cultibus glorificauerunt. Soror verò Margarita, quæ prius Virginis sanctitatem diffitebatur, in fide, ac deuotione ejus firmata, eam post hac corde, & ore semper exaltauit.

I I.

Vir nobilis, Petrus Leatai, varijs plus triennio agitudinibus confectus, augeſcentibus doloribus, etiam podagra contabescebat, adeo ut nulla se in parte ultro citroq; versare posset, sed sola ope ministrorū linteo inuolutus. Is crebra meditatione, desiderio, fideq; bona sepulcrum S. V. Margar. visitare cupiebat. Cum autem Deum gemebundus precaretur, Sanctaq; Virg. opem imploraret, optans votum perficere, si dolor tantillum indulgeret, ut vel curru eò deuehi posset, fide, ac deuotione ipsius mota S. Margar. pulchro decoroq; comitatu ei in somnis apparuit, manibusq; suis leniter ipsum contrectans, dixit, In nomine Dei Jesu Christi; juxta fidem tuam, optatam accipe sanitatem. & bis dictis, disparuit. Petrus verò se integerrimè curatum persentiens, surrexit, & ad S. Virg. Margar. sepulcrum cum magno comitatu properauit; Deiq; misericordiam, & presentem Sponsa ejus opem, palàm omnibus ad mortem usq; depradicauit.

§. VII.

Epileptici.

I.

P Verum quendam, qui Thelenizi toto anno epilepsia
discruciatus, indecorè vultu, oculisq; deformaba-
tur, Parentes ejus, inito voto, ad sepulcrum S. V.
Margar. deportarunt. Cumq; essent in progressu, puer coram
subsequentis populi frequentia sanitatis beneficium adeptus est.
Hinc Parentes ejus, cæteri q; mirè gaudentes, cum psalmodia,
& gratiarum laudibus institutam peregrinationem prosequun-
tur.

II.

Adolescens, epilepsia quadriennium laborans, ac ter
quaterue in die ipso morbo vexatus, mortuo simillimus videba-
tur. Hic accedens S. Virg. sepulcrum, ubi velum capitis ejus at-
tigit, curatus est statim.

§. VIII.

Insani.

I.

I Narce Somogy, (latine est Simigium) Martinus
quidam, insania diù fractus, corpore horridus, ac
indecorus, concursuq; molestiarum in morem ener-
gumeni mentis impos, vinctus ferreis catenis detinebatur:
alioquin è custodum manibus elapsus, plures grauitè vulnera-
bat. Custodes ergò, & consanguinei illius, nouent, si S. Virg.
Margarita meritis liberetur, inde (longinquo planè loco) ad

sepulcrum ejus, cum magna deuotione peregrinationem institutos. Et ecce, vix post hora dimidium Martinus in clamat, Sanus sum, soluentes itaq; me, liberum dimittatis. Sed ei non prorsus credentes, vinctum adhuc per horam detinuerunt, postquam catenis solutus, rationis dominium cum priori mansuetudine, perfectaq; valetudine inuit: & peregrinationis votum per custodes, & consanguineos susceptum, cum eisdem latus, ac deuotus absoluit.

I I.

Nobilis fœmina, insania vexata, secluso loco detinebatur: cujus Coniunx Vxor, vir honestissimus, & amici, voto sese adstringunt peregrinandi ad S. V. Margar. sepulcrum, si ejus meritis, quibus eam Deo commendarant, salutem consequantur. Peracto voto, mulier sanitatem plenè adeptæ est, non exigua multorum adificatione, quod insana, fide, ac deuotione aliorum, ad rectam mentem sit reuocata.

I I I.

Joannis Kelti Judicis vxor, à mente alienata, & à multis energumena existimata, ferro vincta detinebatur. Amica, vicinaq; ejus beneuolentia, & commiseratione impulsæ, votum ineunt, S. V. Margar. humiliter deprecantes, & insanæ mulieri mentem, ac sanitatem integram impetrarunt: sanamq; ad ejus sepulcrum ducentes, multis hoc miraculum testibus comprobarunt.

§. IX.

Cæci, & oculis laborantes.

I.



Vidam, diu profluente epiphora, oculorum lumen amiserat. Hic corde compuncto, cum alijs ad sepulcrum S. Virg. Margar. peregrinantibus, puero duce, perrexit. At verò arcano Dei consilio nullum sanatus beneficium excepit. Tunc moestus, ac gemens, trium, quatuorue dierum iter conficiens, redijt, domumq; subintrans, sella insidet de more juxta focum, & accersita uxore, ac filijs, suspirans ait: ò Domina S. Virgo Margarita, multi meritis tuis, Dei misericordiam consecuti sunt, unicus ego, prout iui, cæcus redij ob peccata mea. Deinde jubet uxorem ob aura suavitatem fenestras aperire. Vix illa aperuerat, cum ipsi coram tota familia exoptatum oculorum lumen donatum est. Tum domo se proripiens, accersitis amicis, cognatis, ac Parocho, summas Deo, Sanctæq; Virg. Margar. gratias egit, & apparato conuiuium, epulatus est cum lætitia. Transacta verò hebdomada, peregrinationem ad S. Virg. sepulcrum cum litatione magni Cerei, prout vouerant, ijdem perfecerunt, ubiq; beneficium adeò insigne depradicantes.

II.

Cujusdam viduæ filia, nomine Anastasia, dolore oculorum à quinquennio cæcutiebat: ea, dum duceretur ad S. Virg. sepulcrum, Religiosorum, ac vulgi multitudine presente, & eo peregrinante, visum recepit.

III.

Elisabetta Teutonica, Ordinis de Pœnitentia, jam Oſternium oculis laborabat; ob apostema namq; extuberantes genae, oculos illi adoperuerant, proindeq; cœcutisbat. Delata ad S. V. sepulcrum, ejus meritorum fiducia dies nonnullos illic egit. Deniq; die Deip. Virg. Assumptæ, detumescantibus genis, nullumq; deformitatis signum retinentibus, visum recepit in conspectu magnæ multitudinis hominum, anno Christi 1273. & cum gaudio domum reuersa est.

IV.

Sorori Agneti, D. Gregorij Somogy filia, festo quodam die S. Joannis post obitum S. Virg. Margar. facies ad eò intumuerat, ut offuso dextro oculo nihil cernere posset. Aqua, in qua S. Virg. crines eloti fuerant, faciem lauit, & sanitatem recepit.

V.

Jacobus Mibaly, Vir insignis, & Comitatus Nitriensis Comes, juravit, & nobilium virorum testimonio probavit, quòd, dùm cephalalgia laboraret, & dolore oculi dextri agere cruciaretur tribus mensibus, ad eò ut lumine illius amisso, de remedio Medicorum jam desperasset, ad opem S. Virginis Margaritæ confugiens, ubi apud illius sepulcrum cum magna cordis sinceritate, ac pietate, quatrimum perseuerasset, perfectam capitis, oculorum, totiusq; corporis sanitatem recuperavit. contigit id tertio post ejusdem S. Virginis obitum anno.

S. X.

Qui loquendi usum amiserant.

I.



Artinus è tractu Posgano, Slavu, diuturno morbo decumbens, obmutuit, pedesq; ac manus ei contabuerant. Audiuit miracula S. Margar. fiducia plenus, ad ejus sepulcrum è longa distantia se curat deportari. Ibi lingue usum, membrorumq; sospitatem, quibus à die bacchanaliorum ad festum usq; S. Georgij prius erat, plenè recepit. Hoc miraculum, Martinus ipse, D. Papa Commissarijs apertè deposuit.

S. XI.

Dentium dolore laborantes.

I.



Rater Petrus, Lector Lauriensis, grauem dolorem dentium, & tumorem in facie quatuor dies, ac noctes passus erat. Noctis igitur principio orauit Virginem Christi Margaritam, ut ipsum liberaret, promittens se diebus singulis in honorem ejus genua curuaturum, si voti compos fieret. Et ecce mane fuit penitus liberatus. Ita Garinus in vita S. Margar. Præter hoc vnum, miracula post mortem facta, ex vita M. S. describimus.

S. XII.

Dissenteria, & Cephalalgia vexati.

I.



Trigonij, mulier Ordinis de Pœnitentia, multa bonestatis, & fama, auri netrix, Meza nomine, jugitrium annorum dissenteria, & cephalalgia morbo

laborabat.

laborabat. Consumpto jam peculio, ad incitas redacta, audijt S. Virg. ope agerrimos quosq; sanitati restitui. Confidens itaq; se salutem consecuturam, cum per se proficisci non valeret, curat se ad sepulcrum curru vehi. Cum adhuc esset in via, dolore cæpit alleviari: ubi verò ad sepulcrum pervenit, contrectato S. Virg. velo, exoptatæ salutis beneficio potita est.

S. XIII.

Languidi.

I.



Dolefcens quidam, per omnia languidus, jacens in Xerodochio S. Elisabetha sub monte Gerardi (sic nuncupatur, quòd sub eo monte S. Gerardus à gentilibus adhuc Hungaris atrociter fuerit interemptus) cum accepisset, ad sepulcrum S. Virg. Margar. morbidos quosq; miraculosè curari, omni studio sategit, ut eò posset deferri. Delatus, vi morbi, in marmoreo pavimento coactus fuit jacere: ubi S. Virg. intercessionem, & opem piè implorans, confestim restitutus est sanitati.

S. XIV.

Dæmoniacy.

I.



Pella quadam, nomine Elisabetha, postquam desponsata fuisset, Sponsus ejus in regionem longinquirem recessit. Cujus absentia pertesa puella, cæpit ad varia loca sola diuagari. Tum Sathan infernalis, assumpta Sponsi figura, puella occurrit, eam subintrat, & obsidet. Jam

dæmoniaca

dæmoniaca puella, procurrens, Patrem, Matrem, Fratres, & obuios quosq. grauissimè vexat, interdum pugnis, & unguibus impetens, nonnumquam lapide, ac fustibus cadens. Tum à Parentibus capta, & catenis fortissimè vincta est. & cum antea, nullo, præterquam hungarico idiomate loqueretur, quinq. menses, Teutonicâ, Sclauonicâ, alijsq. diuersissimis linguis loquebatur. Porro Parentes ejus, intelligentes miracula, quæ Deus ad sepulcrum S. V. Margar. operabatur, filiam eò deducunt. Transactis verò aliquot diebus, die anniuersaria obitus ejusdem S. Virg. quæ S. Prisca sacra est, præsentibus Rege Stephano, (Fratre illius uterino) Proceribus, aula tota, magna & insigni frequentia ex tota Hungaria, ac puella parentibus, (qui audientes puellam varijs linguis loqui, cernentesq. eam miserabiliter discerpi, vniuersi Deum rogabant, ut meritis Sponsæ suæ Sanctissimæ, dignaretur miseram liberare) expulso stygio dæmone, curata est, & cæterarum linguarum oblita, solam hungaricam, quam didicerat, loquebatur. Vix credibile est, quantum Rex Stephanus, cæteriç. Proceres gauderent, suis oculis videntes, mirabilia hæc S. Margar. meritis à Deo patrari.

S. XV.

Carcere detenti.



II.
Alexander, Regis Hungariæ ad Regem Sicilia Legatus, dum per Austriam iter faceret, à Germano quodam captus, & vinctus, in teterrimum carcerem, opaco turris cujusdam fundo situm conijcitur, totumq. triennium detinetur. Is cum ab Alexandro triginta jam talenta accepisset,

adhuc

adhuc tamen quadringenta pro ejus liberatione postulabat. Fortè tunc Alexander Seruum in Hungariam, rerum suarum causa, miserat, qui cum illic insignia S. Virg. Margar. miracula inaudisset, rediens enarrauit Domino suo. Ne metue, inquit, Domine mi; nam est in Hungaria S. V. Margarita, Regis Bela filia, quæ miracula patrat, claudos, & mutilos sanat, cæcis visum restituit; ad cujus sepulcrum, totum Hungaria Regnum confugit; & ego ipse illic fui. Illi igitur te commenda, & liberaberis. Alexander hac inaudiens, spem omnem in S. V. Margar. collocat, in ejusq. honorem Orationem Dominicam sepius recitans, deprecatur ab ea liberationem. Et ecce nocte quadam, Alexandro inter somnum, ac vigiliam constituto, Virgo pulcherrima astitit, dicens: Tantum spera in S. V. Margarita, quantum in S. Elisabetha. Tribus post eam visionem diebus, Domino illo Austriaco, à Compatriota quodam misere in morem pecudis interfecto, Vxor illius, Alexandrum è fundo carceris ereptum, liberum gratis dimisit. Sicq. Deus illum S. V. meritis liberauit. Cujus rei testis ipsemet Alexander, locupletissimas latino sermone literas detulit coram Legatis S. Pont.

S. XVI.

Ad mortem infirmi, & agonizantes.

I.

Rex Ladislaus, hujus nominis Quartus, filius Stephani Regis, & S. V. Margar. Nepos, cum decimum tertium ætatis suæ annum ageret, in grauissimum, ac planè desperatum morbum incidit. Tanta enim cephalalgia laborabat, ut mentis, suiq. impos, deniq. sine

villo

ullo prorsus sensu redderetur. Et licet illius experiendi gratia, vesicatorijs, alijsq; remedijs arctius premeretur, nullam tamen inde signum apparebat. Proinde insignes quatuor Medicina Doctores, quibus Regis cura incumberebat, omnem jam spem sanitatis, & vitæ ejus abjecerant. Qui aderant, Anna Ducissa Regis Amita, Elisabetha Conjux Moysis Palatini, Matthias Banus, Princeps Transylvania, & Regis Præceptor, Nutrix ejusdem Regis Margarita, D. Pekibai Medi filia, Regni Hungaria Proceres, Religiosi, Nobiles, omnes acerbo lactu Regem deplorantes, S. V. Margaritam pijs precibus, ne Nepotem suum Regem Hungaria mori permetteret, interpellabant. Festinanter etiam Sorori Elisabetha, Stephani Regis filia, & Regis Ladislai Sorori, nuntiaverunt, ut velum, & vittam, quam S. Margar. gestabat sub mortem, eis mitteret: quod illa statim per duos Fratres Ordinis Prædicatorum effecit. Porro Rex eo tempore propè B. V. Deip. monasterium decumbebat. Igitur Anna Ducissa sacro velo caput Regis innoluit, vittaq; incingit, cæteri S. Margar. operem, voce, cordeq; supplici implorant. & ecce res mira: Rex incipiens à vertice, dein toto corpore, salutifero sudore immadere, sensus mentis, ac corporis recuperat, notitiam capit astantium, ac tandem eodem temporis articulo plenam assequitur sanitatem. Qui sacrum velum, ac vittam, quibus inuolutus erat, venerans, Christo Dom. ejus Matri Virg. Beataq; Margar. debitas gratias egit: deinde verò pedester, Peregrini more, ad sepulcrum ejusdem S. V. cum tota anla profectus, reddidit ampliores.

I I.

Agnes, Caroli Regis Bela Personalis, ac Buda Judicis neptis, primò febre correpta, plenretidi postea adeò laboravit, ut contracta, sine ope ancillarum, ultro citroq; in latus se ver-

tere nequiret. Parentes ejus, in Medicina peritos magnam pecunia summam insumpserant, nec tamen ij quicquam profecerunt, quin immo tres de illius sanitate desperarunt. Agnes igitur à mente alienata, adq; ultima deducta sacrosanctis Ecclesie Sacramentis, Pœnitentia, Eucharistia, & Vnctione extrema communitur. Parentes verò, & amici, votum ineunt, si Dei misericordia, & B. Margar. intercessione, Agnes salutem recuperet, se annuam ejusdem S. Virg. obitus diem. solo pane, & aqua jejunaturos. Voto magna fide, ac deuotione peracto, Agnetem ad S. Virg. sepulcrum deuehunt: ubi illius cingulo à parentibus deuotè præcincta, menti est restituta: attingens deinde sepulcrum, perfectam sanitatem, plurimis, qui aderant, videntibus, recuperauit. Quæ postea suorum pedum gressu, domum, Budam sc. magno Parentum gaudio reuerfa est. Contigit hoc anno Christi 1272.

III.

Comes Ampudinus, vir eximia nobilitatis, pro miraculo erga filiolum suum Joannem facto, cum juramento testatus est apud S. Virg. Marg. sepulcrum: illum sugentem adhuc nutricis ubera, tam graui agitudine fuisse correptum, ut vix agrè spiritus in illius ore potuerit deprehendi. Tùm se unà cum ejus matre conjuge sua, infantulum, penè jam agonizantem S. Virg. Margar. meritis commendasse, & velo illius à D. Anna Ducissa impetrato, caput ejusdem infantis obuoluisse: atq; hoc peracto, illū apertis oculis, exbilarato vultu, ubera, (quod jã quatri-duū non fecerat) abundè suxisse, & S. V. Marg. meritis, sanitati, & vigori optimo restitutum. Actum id apud Claustrum S. Frenai, præfente Anna Ducissa cum sua aula, anno post B. Margar. obitum Quarto.

I V. Soror

I V.

Soror Lucia, Ottonis Vespriemensis filia, in Monasterio Insule B. V. Deip. gravissima agitudine decumbebat. Huic, cum jam per quinq; dies loquendi usum amisisset, tanquam proximè moritura omnia Ecclesie Sacramenta sunt ministrata. Postmodum Sorores, S. Virg. Margar. crinibus in aquam immisis, eam lotiunculam agra Sororis ori infuderunt, qua statim voce, memoria, sensibusq; omnibus recuperatis, integra sanitati fuit restituta.

S. XVII.

Mortui suscitati.

I.

ID Vm honestus quidam Pater familias, nomine Boch, in Fel-bey-viz juxta Budam, sub vesperum in cella lapidea cum uxore, ac familia cœnaret, parte loci ruente cum fornice, ruina filium illius septennem, somno indulgentem oppressit, parentibus, & cæteris, qui remotius à ruinæ loco confederant, ob metum se illicò proripientibus. Fit clamor, ac gemitus ingens. Concurrunt propinqui, & amici, sollicitè effodiunt lignibus, paxillis, opera non mediocri; magnâq; lapidum strue auoluta, puerum extrahunt sanguine conpersum, pressumq; adeò, & contusum, ut nulla esset in illo integritas, quem exanimem, & gelidum in domo reposuerunt. Inter lacrymas, & ploratus, Parentes, filium Deo, & S. Margar. commendauerunt. O Domina, agentes, S. Virgo Margarita, de Deo benè merita, suscita ope tua filium nostrum, unicum animi nostri delictum: scimus namq; id à te facile fieri pos-

se. Amici, propinqui, vicini, easdem preces ingeminabant. Pater praterea, spe, fideq; plenus, cum cereo, & oblatione, concito cursu properat ad sepulcrum, ibiq; puerum feruentibus precibus totam noctem commendat. Cum verò orto jam sole domum reuertitur, occurrant ei homines dicentes, Vade latus, Filius tuus viuit. Domum veniens, filium, ut audiuit, à mortuis suscitatum reperit, accurrit, brachijs excipit, exosculatur, Deo, ac S. V. Margar. cum astantibus gratias agit. Reuertitur ad sepulcrum cum puero, consanguineis, & amicis. Puer jam suscitatus, incolumis, integer, absq; ulla vulneris, conuulsionis, aut contusionis cicatrice omnibus demonstratur. Ostensus est etiam Prapósito Veteris Buda, Capitulo, & Venerandis Patribus, ac Dominis, Episcopo Vaciensi, & Varadiensi, Abbati Ord. S. Bernardi, Commissarijs deniq; summi Pontificis, S. V. Margarita sanctitatem explorantibus. Quod miraculum rubro marmore sculptum, hodie in ejusdem S. Virg. sepulcro visitur.

II.

Pestensis cujusdam incola uxor, manuum opera uehementer defessa, filium unicum, nonum etatis mensem agentem, dormituriens in sinum reclinauerat, quem somno excitata reperit à se inter dormiendum oppressum, & (quod esset bruma tempus) penitus rigidum, & congelatum. Ingemiscit, plorat, vociferatur, maritum, matrem, ancillam somno grauatos, vicinos etiam, & amicos ejulatu grandi consciscit. Collocatur infans in medio domus. Parentes, dolentes nedum de morte infantis, sed etiam, quòd illius causa extitissent, illum S. Virg. Margarita magnis precibus commendarunt, voueruntq;, si puer suscitaretur, adeòq; mater, quæ illum oppresserat, libera ab ignominia labe euaderet, eundem per totam vitam apud B. Virg.

Deip.

Hincio-
que Ro-
honorij
in arce
D. Ill.
Com.
Bathi-
ani de-
scripta
1636. à
medio
Augu-
sto vsq; ad
6. Oc-
tobris.
cetera
vsq; ad
li. fin.
Sopr.
apud
A. R.
D. Kal
di, &

Deip. clau-
Deus pjs
simam, cir-
in calefuit
oculos, mat-
pit, eisq; lab-
ingaudium
runt vicini
prius defle-
frequenti
eumq; D. P.
secundo com



test, quòd
quo habita-
stinatos ab-
obvire. Aut
cta decerp-
ab eisdem
integritate
vitam S. M.
recenset; te-
in honorem

Deip. claustrum seruitio mancipaturos. Annuit Omnipotens Deus p̄js precibus, ac votis: nam post noctem brumalem longissimam, circa solis exortum, demortui corpusculi venula sensim incallescunt, & reuertente spiritu puellulus reuiuiscit: aperit oculos, matrem prospectat, magna promptitudine papillas capit, eisq; labia infigit. Hinc parentum, familieq; totius tristitia in gaudium conuertitur. Die verò magis illucescente, concurrunt vicini, atq; propinqui, viuum cum letitia spectantes, quem prius defleuerant mortuum. Parentes, resuscitatum puerum frequenti comitatu ad sepulcrum S. V. Margar. deportarunt, eumq; D. Papa Commissarijs, ab ejusdem S. Virg. morte anno secundo commonstrarunt.

Tyrn.
ad A.
R. D.
Iosephi
Baghi.
vsque
ad 25.
Octob.

S. XVIII.

HActenus Miracula B. Margaritæ, explicatè ab authoribus conscripta, recensuimus, duo alia sequenti cap. daturi. Sed plura etiam alia post mortem ab illa patrata fuisse, inde constare potest, quòd jam recensita, facta sint vsq; ad annum 1276. quo habita est secunda Inquisitio per Commissarios, destinatos ab Innocentio Quinto, qui eodem anno diem obiuit. Author enim vitæ M. S. vnde miracula à morte facta decerpimus, fatetur ea descripta esse ex exemplari ab eisdem Commissarijs relicto. Garinus autem, quem integræ fidei scriptorem omnes agnoscunt, quiq; scripsit vitam S. Marg. an. 1340. vt Surius, pius eruditusq; author recenset; testatur, eo ipso tempore, quo scribebat, Deum in honorem illius miracula facere solitum, ajens: *Multa*

Garin.
in Su-
rio 18.
Ianna.

quoq;

Indice
15. in
fin.

quoq; alia miracula fecit, & facit continuè in honorem Sponsæ suæ, Sponsus Virginum Iesus Christus &c. Petrus etiam Ranzanus, qui postremis tribus annis Matthiæ Coruini Regis, de rebus Hungariæ scripsit, Deum, ad ea etiam usq; tempora, in honorem S. Margar. miracula effecisse, ita scribit. *Claruit & viuens, & post pium ipsius obitum in hanc usq; diem varijs miraculis, quibus ipsam innocenter, & religiosè, sanctèq; vixisse, manifestè demonstratum, est. Qui etiam, cur illa non enarrauerit, adiicit, ea, inquit, miracula fide dignissima, non existimaui, ut hoc loco à me commemorarentur, cum sat intelligam, me, præter meum institutum, nimium excessisse à narratione rerum, quas perstringere decreueram.*

CAPVT VIGESIMVMSEPTIMVM.

De tractatu Canonizationis B. Virg. Margaritæ.



Actum de Canonizatione, siue de S. Virg. Marg. in catalogum Sanctorum per Rom. Pontif. inscriptione, etsi ex commemoratis testimonijs, & miraculis, in quibus mentio fit de Apostolicis Commissarijs pro vita, atq; miraculis ejusdem S. Virg. inuestigandis, apertè colligitur; ut tamen rei hujusce cognitio plenior, vti par est, habeatur, placet paulò fusiores de ea sermonem instituere. Igitur de tractatu Canonizationis meminit S. Antoninus, agens de Archiepiscopis Ordinis Prædicatorum. Fr. Andreas, inquit, *Archiepiscopus Antiliarensis, qui fuit missus ad curiam à Rege Hungariæ, pro Canonizatione Margaritæ, filia Regis Hungariæ, Monialis Or-*

S. An.
101. 3.
p. 11b.
2. cap.
11. 9. 1.

dinis

dinis Predicatorum, quæ sanctè vixerat in Prouincia Hungaria. Hujus etiam Fr. Andrea, pro eodem missionis negotio mentionem faciunt Leander, Plodius, Fernandez, vt postea referemus. meminere etiam, Plodius alio loco, ajens. Cùm B. Margar. miracula post illius mortem multiplicarentur, Sum. Pontifex, Roma Inquisitores legauit, vt collectis, visisq; miraculis, eam in sanctorum album referret. Antonius Senensis. Pro illius, B. Margaritæ, canonizatione laboratum fuit aliquando: sed res nondum fuit optatum effectum sortita. Indiculus post Ordinis nostri Martyrologium: Soror Margarita, filia Regis Hungaria, virginitate, & vita sanctitate, & miraculorum effectione conspicua. Actum de ipsius Canonizatione: sed res procurantium incuria excidit. Laurentius Surius: etsi antem nedum certò mihi constat, eam esse relatam in numerum Sanctorum; attamen, vt id fieret, & Hungaria Rex petijt, & aliqui Romani Pontifices diligenter iusserunt inquiri de vita illius, quæ ab ipsis propè incunabulis fuit Sanctissima. Petrus Ribaden. Margarita, quantum constat, non est canonicè in album sanctorum relata, quamuis Clementis Papa nominis hujus Quinti tempore, de eo negotio actum sit nomine totius Pannoniæ: tamen, ob eorū temporū perturbationem, nihil tunc perfectum. Tractationis hujus initium, & series, vt ex vita M. S. colligere est, sic habuit. Gregorius Decimus, qui anno 1272. Pontificatum iniens, quatuor annos supervixit, audiens B. M. vitæ sanctitatem, & signa admiranda, quæ Deus in illius honorè, in vita, & post mortem effecit, injunxit Philippo Archiepiscopo Strigonien- si, Episcopo Vacien- si, & Abbati Ordinis Cisterciensis de Bahon Beel, vt accedentes ad Monasterium Insulæ B. V.

Plod.
p. 1. de
V. Ill.
lib. 3.
pagina
499.
Ant.
Sen. in
Chron.
pagina
183.

Surius
t. 1.
18. Id.

Ribad.
2. p.
flor.
SS. 28.
Lan.

Deip.

Deip. informationem vitæ, & miraculorum ejusdem B. Margar. ad finem Canonizationis illius, desumerent. Ij verò pergentes, jussa Pontificis exequi cœperunt. Quo tempore mira planè visio Sorori, nomine Candidæ evenit. Ea, cùm morbo adeò graui decumberet, vt desperata salute, proximè moritura à Medicis crederetur, manè quodam, orto jam sole, ad Orientem prospectans, tres portas aspexit, è quibus Sancti, Bartholomæus Apostolus, Demetrius, & Laurentius, Martyres, ordine, phalangeq; triplici monasterium ingressi, tantisper ad lectum suum substiterunt. Cui perconctanti, cur adessent, responderunt: vt Philippo Archiepiscopo de sanctitate Virginis Margaritæ investiganti, eam comprobemus, indubiamq; reddamus: quod cùm suo testimonio effecissent, disparuerunt. Advenientibus deinde Sororibus, Candida decumbens totam visionis seriem enarrauit. At illæ: nata visio, Soror, fide digna est. Adest enim Philippus Archiepiscopus, S. Margaritæ sanctitatem exploraturus. Porro ante visionem Candida, morbo oppressa, nihil horum perceperat. Mirum etiam aliud tunc accidis. Nam, cùm Soror Alinka renueret Archiepiscopo edicere, quæ sibi de B. Margar. sanctitate comperta erant, præcipuè verò, quod prophetico spiritu arcana cordis sibi pandisset, subita febre per sex dies adeò conflictata est, vt se proximè haud dubiè morituram putaret. In se igitur reversa, voluit, se, si sanitati restitueretur, testimonium super Virginis sanctitate reddituram: desiderij verò sui compos effecta, reddidit Altissimo vota sua. Cùm itaq; Archiepiscopus, cœteri q; Commissarij Pontificij, demandatam si-

bi in-

bi inquisitionem sedulò peragerent, compererunt S. Virg. Margar. magna cum sanctitatis, cum signorum gloria refulsisse. Verùm priusquam negotium absolueretur, Archiepiscopus è viuis excessit, nec ita multò post Gregorij etiam summi Pontificis mors subsequuta; adeoq; res imperfecta ad successorem deuenit. Gregorium secutus in Pontificatu Innocentius Quintus, antea Petrus Tarantasiensis, Episcopus Cardinalis Hostiensis, sanctitate, eruditione, & prudentia celebris, ex Ordine Prædicatorum, negotium hoc ad umbilicum perducendum, Capellanis suis, Vmberto, & Blanco, Iuris Pontificij Doctoribus, & Veronensis Ecclesiæ Canonicis commisit: qui fideliter, & impigrè impositam Provinciam exequentes, brevi tempore, (cùm jam ferè omnia per Commissarios Gregorij maiori ex parte essent peracta) rem totam confecerunt, scriptisq; consignatam, Innocentio Pontifici (exemplar illius monasterio B. V. Deip. relinquentes) detulerunt. Porro immatura mors Innocentij anno 1276. cùm sedisset menses quinque, & dies aliquot: mors etiam Stephani Quinti, Regis Hungariæ, quæ eodem anno contigit, effecere, ne res ad optatum Canonizationis exitum perduceretur. Ipse namquè primùm (si non Bela Parens) siue anno Christi 1275. siue prius, juxta quorundam sententiam, Regni Hungariæ gubernacula suscepit, audiens, proprijsq; oculis cernens mira, & stupenda B. Margar. miracula, magna in eam devotione incensus, negotium Canonizationis apud sedem Apostolicam maximè promouit, ac vrsit; cuius etiam devotionis ergò, morti occurrens, in Ecclesia, qua S. Virginis lipsana asseruabantur, corpus

cap.
prec. 6.
ad mor-
tem in-
firmi
n. 1.

Bzov.
a. 1241
n. 10.

Vide
Bonf.
dec. 2.
lib. 8.
pagina
303. &
305.

Leand.
de Vir.
ill. fol.
86.

suum sepeliri mandauit. Stephano in regno successit Ladislaus Quartus, filius ejus, & S. Marg. nepos, qui etiam à morte impendente, per illam fuit, vt superius enarrauimus, miraculosè liberatus: sed deniquè Pellicum Cumana- rum amore dementatus, indeq; Chunus vocatus, ad cen- suras etiam Pontificias, illum ab ea scandalosa consuetu- dine reuocantes, adeò obscuruit, vt in deprauatæ fidei suspicionem veniret, tantùm abest, vt Canonizationis Prouinciam cordi haberet. Is enim fuit, cui Cumana pel- lices in delicijs fuere, vt rerum Hungaricarum scriptores vniuersi produnt, non Bela Quartus, (quem tamen non nemo tanti criminis traduxit) cùm Belam cuncti comen- dent, tanquam honestatis, pietatisq; cultorem, in quo nullam boni Regis desiderares virtutè, nisi quòd meliore dignus fuerit fortuna. Tanta igitur Prouincia per aios ali- quot interrupta, iterum deinde suscepta est. Missum enim à Rege Hungariæ ad Clementem Quintum in Gallijs com- morantem, Frat. Andream Hungarum, virum eruditio- ne, prudentia, cunctisq; virtutibus præclarum, vt negoti- um Canonizationis promoueret, qui ab eodem Pontifice anno 1306. Antiliarensi Metropolitana præfectus fue- rit, certum est. Ita enim expressè tradit Leander Albertus. *Andreas, inquit, Hungarus, insignibus præfulgens virtutibus, cùm in Gallias à Rege Hungariæ ad Clementem Quintum mis- sus fuisset, Burdegalis existentem, vt taliter ageret, quòd Bea- ta Margarita, filia Regis ejusdem Regni, Sanctimonialis Or- dinis Prædicatorum, inter Diuos referretur; visa hominis præ- stantia, Clemens eum Archiantistitem Antiliarensem continud declarauit, anno Domini millesimo trecentesimo sexto. & Al-*

phonfus

phonſus Fernandez. Fr. Andreas Hungarus, à Clemente Quinto Archiepiſcopus Antiliarenſis factus, cum à Rege Hungaria ad curiam miſſus eſt, ut Beatam Margaritam, filiam Bela Regis, Sororem noſtri Ordinis, Sanctarum Virginum catalogo aſcriberet, circa annum milleſimum trecentefimum ſextum. Quare errorem irrepiſſe putaverim vitio ſcriptoris, aut typographi, in Plodio, dum Andreas miſſus pro ea re à Rege Gallia legitur. Quis autem fuerit Rex ille Hungaria, qui Fr. Andream legauit, omnino certò conſtitui non poſſe videtur, quòd eo tempore Hungaria Regnum inter illuſtres familias, velut Eridis pomum (ut quidam non ineptè dixit) jaſtatum, varijsq; ſtudijs, contentionibus, & bellis convuſum fuerit. Si tamen probabilibus conjecturis agere liceat, credibile eſt, fuiſſe Carolum Robertum, Caroli Martelli, ex Maria Regis Stephani Quinti filia progeneriti filium, qui anno Domini 1302. vel 1303. Fr. Andream pro Canonizatione promovenda miſerit ad Benedictum Vndecimum, ex Ordine Prædicatorum, ad Pontificatum nuper aſſumptum. Benedictus enim, cum adhuc eſſet Cardinalis Hoſtienſis, Legatus de Latere miſſus fuerat à Bonifacio Octauo in Hungariam, ut ſeriò ageret, quòd Carolum Robertum, Regem à ſe conſtitutum agnoſcerent, acceptarentq; ut etiam toto pectore, & viribus ille fuit conatus. Cum itaque is Bonifacio immediate ſucceſſiſſet, procline eſt credere, Carlobertum ad eum miſiſſe Fr. Andream pro Canonizationis negotio, cum pietatis erga S. Virg. Margaritã, quam etiam quarto conſanguinatis gradu attingeret, cū gratitudinis cauſã erga Sum Pontif. cui id negotij ſciret cordi non eſſe non poſſe,

Fernã.
in Cœ.
præd.
tit.
Archi
epiſco
pi
Hun
gari
Or. Pr.
Plod. 2
p. vir.
ill. Or.
Præd.
a. 1306
Gaſpar
Enſ li.
3. de
rebus
Hung.
in præ.

propter religiosam maximè Prædicatorij Ordinis propinquitatem ; qua etiam de causa Pontificiam voluntatem magis deuinctam sibi fore speraret, ut in Regno, cuius hactenus spem potius obtinuisset, quam rem, firmius posset stabiliri. Nec dubitauerim, Benedictum, cum legatum ageret, visitato sæpius S. Virg. sepulcro, gestisq; perspectis, oppidò deliberasse, se, si sua aliquando interesset, inter Sanctas illam adscripturum : Cum verò Benedictus breui tempore, novè scilicet mensium interuallo, quibus 1302. & 1303. attigit annos, ad superna vocatus, naturæ concessisset, Andream, nuntium Regis, novum Romæ Pontificem expectasse. Verum, quia Clemens Quintus, Benedicti successor, in Gallia, (in qua erat, dum fuit electus anno 1305.) sedem figere maluit, illò ejusdem Regis iussu, bono (ut credibile erat) omine, commeauit. Nullus enim non æstimasset, Clementem Quintum, qui opera, atq; solertia Fr. Nicolai Pratenfis, Cardinalis Dominicanis, ad Petri Cathedram conscenderat, Dominicanis hominibus gratificaturum, adeòq; optimam esse temporis opportunitatem, & ad Canonizationem, & ad aliorum quoq; negotiorum fœlicem successum, per ejusdem instituti viros graves, tanti cum primis Cardinalis interventu, procuranda. Sed causæ Templariorum, & hæreticorum, ob quas indictum statim fuit Generale Viennense Concilium, aliarumq; rerum difficillimarum moles, quibus Pontifex, & tota cum eo Ecclesia distinebatur, effecit fortasse, ne optatum exitum Canonizationis procuratio fuerit assecuta. Quòd verò nec postea, id fortasse procurantium incuriæ cum præcitato indiculo adscribi possit. Nam

certè

certè Carlo Bertus multos postea annos feliciter regnavit. Adde impedimenta suborta ex pestilentia, quæ eodem seculo, ab anno 1348. per universam Europam, longè lateq; sævissimè grassata est, ut ex decem hominum partibus vix una remanserit: ut, si quis fuit procurantium conatus (quemadmodum Fr. Garini, qui ex Canonizationis processu vitam S. Virg. in compendium redegit anno 1340. Avinione, ubi Romani Pontificis curia tunc residebat) facile ea de causa cessare potuerit. Ut ut verò fuerit, id nihil officit inclytæ S. V. Margar. sanctitati, stupendisque miraculis, quibus eam vivam, mortuamq; Deus illustravit, ut Petrus Ribaden. dicebat. Norunt Theologi, nihil Canonizationem ad meritum, præmiumve essentiali adjicere; quibus pleriquè nec agniti, excellunt alios quos albo Sanctorum inscriptos. Illustrissimum, Reverendissimumq; Georgium Lyppai, Episcopum Vespri-miensem, Regni Hungariæ Cancellarium, virumquè unde quaque insignem, non semel audiui dicere, tantam esse B. V. Margaritæ sanctitatem, ut ejus vita lecta, vel audita, pro quacumq; solemnibus sufficere debeat Canonizatione.

CAPVT VIGESIMVM OCTAVVM.

Indiculus eorū qui pro ferendo testimonio de B. V. Marg. sanctitate, & Signis, examinati à Commissarijs S. Pontificis, vel alijs eadem perse attestati sunt.

IN libellulo vitæ M. S. non solum miracula, quæ descripsimus, per Apostolicos Commissarios examinata recensentur, sed etiam Sororum primū, quæ prius cum S. V. Margar. cohabi-

*Divus
Ant. 3
p. hist.
t. 23.
c. 14.*

tantes

tantes, pro ea testimonium tulerunt, dein Ecclesiasticorum virorum, illustrium laicorum, & vulgi, eadem attestantium catalogus attexitur: sed hic mutilus est, qui, vix coeptus, desijt describi. Vtrumquè, vt in eodem extat libellulo, hic fideliter damus.

§. I.

Nomina Sororum.



Prima Soror Catharina, tum temporis Priorissa, cum S. V. Margar. vita sanctitas exploraretur. Ea in Vespriemensi Monasterio septennis monialis effecta, annos septem & triginta illud incoluit, ubi & primam ejusdem S. Virg. latinitatis egit Magistram; postmodum cum eadem ad Insulam transmigravit. & cum esset septuagenaria, firmum de S. V. Margarita perhibuit testimonium. Ex hac annorum supputatione colligitur, Sororem istam anno Christi 1215. in Monasterio Vespriemensi factam esse Monialem. Demptis namquè annis 37. ex 1252. quando ad Insulam fuit commigratio, anni 1215. supersunt. tunc verò Ordo noster necdum fuerat confirmatus, tantum abest, vt quicquam in Hungaria possideret. Quod si nihil est vitio scriptoris erratum, (vt non adeò difficile in numeris irrepere solet) dicendum videtur, Monasterium illud, alterius antea, sub nostri postea Ordinis disciplinam, usq; concessisse. Quòd verò eadem Soror dicitur fuisse septuagenaria, non in puncto, sed quòd ad illam ætatem vergeret, accipiendum putaverim. nam, si de postrema etiam inquisitione vita, & miraculorum sit sermo, jam

annum egerat sexagesimum octavum, quippè quæ esset (habita ratione eorum, quæ hic dicuntur) annorum 44. anno Christi 1252. ex quo tempore ad annum 1276. cum ea inquisitio peracta, fluxerunt anni 24. qui additi ad 44. reddunt 68.

2. Soror Eliana, Monasterium Vespriumi decennis ingressa, in insulam B. V. Deip. quadragenaria transmigravit; testis extitit sexagenaria. Ea fuit, quæ noctu digito laborans, per contactum, & compressionem manus S. Margaritæ, liberationem obtinuit.

3. Soror Helena, quadragenaria (& hoc haud in puncto accipias) dum S. V. Marg. sanctimoniam testimonio comprobaret. Septennis Claustum Vespriumiense ingressa est: & dum inde cum eadem S. Virg. migraret, 14. annorum fuit. Ipsa viderat S. V. in oratione raptam, dum psalterium integrè persolveret. Testis inter alia dixit; non esse linguam, quæ sufficeret admirabilem vitam illius Sanctimoniam enarrare.

4. Soror Margarita, Stephani Quinti Regis, Neptis, & Annæ Ducissæ filia. Testis, annorum 28. Ordinem ingressa anno sua æt. quarto. Ea fuit S. V. comes, & socia laborum, quibus circa agras fungebatur: quæq; eandem deriserat, quòd pro dolore humeri illius tantam Sorores susciperent sollicitudinem. & quæ sanctitatem Virginis discredabat, donec coram illa mulier contracta, & podagrica, curata est.

5. Soror Elisabetha, Stephani Quinti Regis filia. Testis annorum 21. anno ætatis quarto Ordinem ingressa. Dum esset paruula, accedens S. Margaritam in ejus dorsum manum immisit, exploratura, nùm cilicio indueretur, & ita comperit. S. V. Margar. eam abegit, dicens, recede, dimitte me.

Ea fuit

Ea fuit ejusdem S. V. sanctitatis amula, cum qua multa humilitatis opera exercebat.

6. Soror Margarita, Gulielmi Ducis Makoniensis filia, testis annorum 36. ordinem ingressa anno atatis nono. De pluribus pietatis, pœnitentia, humilitatisq; actibus circa coquina, & agrotarum ministeria testis fuit, & in plurimis comes, ac socia. Coram ea dixit S. Margar. se pro Christo libentissime omnem mortem subituram; & alias, breni se è viuis decessuram.

7. Soror Benedicta, filia D. Buce Tobolj. Testis anno atatis 30. ingressa Ordinem anno 14. Vidit, dum Soror Cune-gundis S. Virginis faciem conspurcaret, & plures ejus humilitatis actus.

8. Soror Elisabetha, D. Stephani Badoboraj filia, testis annorum 48. relig. ingressa anno 15. fuit socia Sacristana S. Margar. & dum eadem S. Virgo moreretur, Priorissa, cui claves ciste sue, in qua thesauri pœnitentia ejus asseruabantur, tradidit.

9. Soror Elisabetha, Ladislai Serennaj Comitissæ filia, testis ann. 34. Ord. ingressa anno 7. maxima testis sanctitatis S. Margar. quæq; illam defunctam induit, quod magnam ejus agritudinem in momento sustulisset.

10. Soror Sabina, D. Donati Fel-héy vix filia, testis ann. 36. Ordinem ingressa anno 12. atatis. Erat S. Virg. secreta fidei, quæ sæpius ei disciplinam inflixit, quando etiam semel obscura domus diuinitus est illuminata Janitrix, & coadjutrix fuit S. ejusdem Virg. dum farra, vel pisces coemeret, & suis humeris imposita, ad destinatum locum humillimè deportaret.

11. Soror Helena, Elia Serennaj filia. ea testis sancti-

monia

monia S. V.
quam quod
Ipsa S. Virg.
descendent a
qua in illius

12
Olympiadis
primj, 7.
vno enim
quàm alibi;

13
mula Ordine
Fr. Marcello,
tione, non est
impresso sibi
tem recepit.

14
lecta. Testis
24 ea fuit n
disciplina ad m
ejus Priorissa
dedit.

15
siebat certum
nasterio se mo
quotidie in bo
Aue Maria r

16. S.
ta ancilla. T

monia S. V. Margar. certam suam aetatem non sciebat, praterquam quod vigesimus illi esset annus ab ingressu Religionis.

Ipsa S. Virg. in contemplatione rapta, verticem flamma exardescentem aspexit, eamq. S. Margar. coarguit, quod secreta, quae in illius laudem cederent, reserasset.

12. Soror Elisabetha, Comitis Thoma Bodomeraj, & Olympiadis Comitissae filia. Testis ann. 35. ingressa Ord. Vesprii, 7. aetatis anno. Fuit S. Margar. familiaris socia; ex uno enim libro studuerant, simulq. manebant tam in Choro, quam alibi; quare plurima dedit sanctitatis ejus testimonia.

13. Soror Stephana, D. Pouze filia, testis ann. 31. bimula Ordinem intravit. Ea fuit, quae bis missa à P. Provinciali Fr. Marcello, & S. Virginè octies compellans, ab ea rapta in oratione, non est audita: quaeq. post illius mortem lecto decumbens, impresso sibi Crucis signo ab apparente S. Margarita, sanitatem recepit.

14. Soror Olympias, D. Comitis Thoma Bodomeraj relicta. Testis ann. 55. dum Religionis habitum Vesprii induit, 24 ea fuit nutrix, & magistra S. Margar. quae sub ejus disciplina ad mortem usque, humilitatis ergo mansit. Fuit etiam ejus Priorissa; deq. tota ejusdem vita luculentum testimonium dedit.

15. Soror Frosina, D. Jacobi Nitrai filia. Testis nesciebat certum aetatis suae tempus edicere; sed 20. annos in Monasterio se moratam fuisse assenerabat. Aegrotans, vouit, se quotidie in honorem S. Margar. quindecies, Pater noster, & Ave Maria recitaturam, & statim sanata est.

16. Soror Agnes, Sororum, & praecipue S. Margaritae ancilla. Testis, certum annorum numerum ignoravit, nisi

quod annos 12. in Monasterio Sororibus ancillata fuisset. Illa fuit, quæ in puteum delapsa, per eandem S. Virginem liberata est. Testabatur etiam, illam humiliorem se in omnibus præstitisse, quam ancillas.

17. Soror Agnes, D. Pauli Berki filia. Quinquagenaria erat, & monasterium jam 18. annos incolebat, quando super S. V. Margar. sanctitate testimonium tulit.

18. Soror Judith, Comitis Hyppoli filia, quæ ex tenebris annis comes, & socia fuerat S. Marg. quando inuicem colloquentes, orationes ab inuicem perdiscebant, & quid legissent, vicissim examinabant. Testis, certum annorum numerum scire non poterat, solum se medio anno ante S. Margaritam, monasterium intrasse dicebat.

19. Soror Cecilia, Vesprimiensis, D. Moysis filia, quæ in utroq. Monasterio, Vesprimiensi, & Insula B. V. Deip. habitauerat, & testis, se quinquagenariam probabiliter aestimabat.

20. Soror Lucia, Ottonis Vesprimiensis filia, testis 27. annorum, ingressa Ord. anno 7. ætatis: hæc clanculum genua S. Margar. aspiciens, animaduertit, ob frequentiam precum, & genusflexionum, instar corticis veteris ligni induruisse, rugasq. contraxisse. Quæ etiam ad mortem decumbens, hausta potione, in qua S. Virg. crines eloti fuerant, statim reddita est sanitati.

21. Soror Catharina, D. Sennye Strigonienensis filia. Hæc certum ætatis numerum ignorans, 25. annos in Ordine se fuisse affirmabat, & tres ex illis Alba Julia impendisse. Videbat S. V. veniam postulantem à Sorore, quæ sibi triduum non loquebatur.

22. Soror Alexandra, D. Alexandri Rakj filia. 49.

annorum,

annorum, è quibus 26. & Vespriū, & in Insula B. V. Maria egerat. Illi S. Margar. septem Herinacios tradidit educandos, è quorum corio & spinis, confectis deinde cingulo, & flagello, se ipsam incingebat, cædebatq̃, vel cædi procurabat.

23. Soror Agnes, D. Gregorij Somogy filia, etatis, 37. annorum: suscepta Religionis 25. festo quodam S. Joannis die post S. Margaritæ obitum, cum ejus facies adeo intumuisset, ut dextro oculo videre non posset, deterfa facie ex lotione crinium S. Virginis, repente salutem est consecuta.

24. Soror Benedicta, D. Stephani Kanak filia, quæ 20. annos in Claustro B. Virg. Deip. impenderat: sed, quot Vespriū impendisset, ignorabat. Rogata à S. Margarita, ad summam usq̃ sui fatigationem illam verberavit.

25. Soror Margarita, Matthiæ Transylvaniæ Principis Mater, at. 51. à viduitate 22. ann. quibus fuit in Monasterio, & 13. ex quo habitum Ordinis induit. S. V. Margaritæ unicæ, & tenerrimè diligebat. Papæ Commissarij sassa est, quotiescunq̃ sibi agritudo aliqua, aut filijs suis quacunq̃ clades accidisset, se ad S. Virginem confugisse, & ex auditam fuisse.

26. Soror Judith, Moysis Palatini filia, annorum etatis 44. Ordinis 14. audierat Olympiadem reprehendentem S. Marg. quòd humi Deum quæreret in morem suis, propter crebriores in terram prostrationes, ac ejusdem exosculationes. Quam contumeliam S. Virgo patienti silentio neglexit.

27. Soror Anna, D. Meloan Nitraj filia, annos in Relig. agens supra 20. S. Margaritæ brachia resti, illa jubente, adeo constrinxerat, ut tenerrima ejus brachia scinderentur.

28. Soror Catharina, Cautrix, D. Andrea Varadj filia, certum etatis sue annorum numerum ignorans, & vigesi-

num annum agens in Ordine, cui S. Margarita liuidas cogitationes, quas versabat in mensa, reuelauit.

29. Soror Margarita, Bosanni Drisi filia, ætatis 44. ab Ordinis ingressu 28. ann.

30. Soror Candida, Taurini Gaurai filia, ætat. ann. 28. ab ingressu in Ordinem 21. ei apparuerant S.S. Bartholomæus Apostolus; Demetrius, & Laurentius Martyres, ut attestarentur S. V. Marg. sanctimonie excellentiam.

31. Soror Elisabetha, D. Geminiani Saloni Comitissæ filia, ann. æt. 27. ab ingressu Ordinis 20. audierat S. Margaritam dicentem suæ Matri Regina, malle se tessellatim concidi, quàm nubere.

32. Soror Elisabetha, Comitissæ Adriani filia, quæ ætatis annos nesciens, 20. à suscepto habitu agebat. Ipsa Sorori per tres menses, tertiana, & quartana laboranti, potum dedit vinum, in quo eloti fuerant crines S. V. Marg. & sanata est.

33. Soror Catharina, Marci Somogy filia, ætatis ann. 25. relig. suscepta, 20. Viderat, dum ægram Sororem S. Margar. vaccinis stercore circumligaret, & ulcerosam aliam balneo sine fastidio lauaret.

34. Soror Cunegundis, Comitissæ Bagoldj filia, æt. annorum 30. Relig. 21. ea audiuit S. Margaritam, dum oraret, alijs colloquentem, vocum tamen significationes non percepit.

35. Soror Agatha, D. Andrea Vesprimiensis filia, æt. ann. 50. ab ætate, qua solent dentes decidere, Religionem ingressa. assererat S. Margar. deuotioni, diuinisq. officijs summe addictam, diutiusq. orationi immorari solitam: maxima etiam Charitate ægris, & pauperibus suam ministrare, nec plura dicere potuit, nimia ægritudine oppressa.

36. Soror Alinka, D. Petri Aykaj filia, atatis ann. 30. relig. 20. plurima sanctè gesta B. Margar. viderat, & cordis ejus secreta S. Virgo cognouerat; cumq. primùm de S. Virginis sanctitate nihil, ob sui criminis pudorem, prodere voluisset, graui proinde morbo punita, magna, plurimaq. de illa assenerant. Vidit hac dùm S. V. Margar. Elisabetham senio, & aegritudine confectam, procero sanè corpore, absq. fastidio vlnis exceptit.

37. Soror Maria, D. Michaelis filia. Nihil commemorat Legenda de hujus Sororis testimonio, aut atate. Solùm illic legitur, quòd huic Soror Margar. Anna Ducissa filia, dixerit, se admirari, quòd S. V. Margar. ob humeri dolorem tot remedia conquirerentur: & quòd illicò etiam Sorori Margarite eundem locum occupauerit, sed à veniam petente recefferit.

38. Soror Agatha, D. Ladislai Serennaj filia, de qua ibidem non notatur, quot annos habuerit. Notatur verò, quòd, dum Soror Cacilia agrotaret post obitum S. V. Margar. in ejus presentia, eadem Soror Cacilia, interpellatione S. V. Marg. conualuerit.

39. Soror Petronilla, D. Petri Tongaj filia, cujus cogitationes circa amictus, & ornatus saculares, S. Virgo Margarita propheticè cognouerat. Neq. etiam Sororis hujus atas ibidem annotatur.

§. II.

Nomina Venerandorum PP. Virorum illust. & ex vulgo hominum, qui super sanctitate B. Virg. Marg. testimonia dederunt.

Primus sanctitatem Virg. Margar. probavit Philip-
pus, Archiepiscopus Strigoniensis. Dum enim S.
Virgo ex hac mortali vita migrasset, & mortem
ejus in audisset, ad Monasterium B. V. Deip. in Insula cum hono-
rifico comitatu conuenit: ubi cum Episcopo Vacienti, Præposito
Veteris Buda, Patribus, ac Religiosis ad corpus S. Margar. per-
gens, dum Sororum, Fratrumque fletus, & ejulatus audiret,
(quamnis nec ipse lacrymas cohibere potuerit, tanta omnium
deuotione commotus) pro eorum consolatione dixit: Non est eju-
landum, neq. dolendum super æterni Regis filia, quin potius gra-
tulandum: nam æterna brauium felicitatis eam jam percepisse,
luculenter intuemur, resurrectionis gloriam in ejus corpore pro-
spectantes. Cœtera desiderantur.

CAPVT VIGESIMVMNONVM.

De Corpore, Reliquijsq. S. Virginis Margarita.

Corpus, ceteraq. exuuiæ Sanctissimæ Virginis
Margaritæ, in Monasterio Insulæ B. Deip. ser-
uata colebantur, quoad, Solymanno Turca-
rum Tyranno, Hungaria deuastata, Sanctimoniales fu-

gam inde arripientes, sacra pignora secum Tyrnauiam ad Conuentum S. Ioannis Baptistæ asportarunt. Vbi Fratres loco ipso diuiso, partem sibi retinentes, partem Sanctimonialibus concesserunt. Extinctis deinde Fratribus, totum Sorores obtinuerunt, donec elabente tempore, Monasterio Societati Iesu addicto, ipsæ cum sacris ossibus, & reliquijs rebusq; cæteris, Posoniū in Monasteriū Clarissarum, multis ex eis nequicquam reluctantibus, deductæ sunt: è quibus etiam anno 1636. duæ adhuc valde propectæ ætatis, quæ fuerunt Priorissæ, nec vnquam Sacrum Ordinis Prædicatorum habitum permutarunt, superstites erant; sed vna ex eis mortua non adeò longè ab anni ejusdem initio, adhuc altera, dùm hæc edimus, anno 1637. viuit. Cùm mihi anno 1635. piè investiganti de loco sanctissimarum harum Reliquiarum (nonnullorum enim nostrum fama ferebatur, eas Viennæ apud Clarissas quasdam existere) à D. Stephano Sennyei Episcopo Iauriensi, & Regni Hungariæ Cancellario, indicatū fuisset, Posonij asseruari, ingens animum desiderium incendit, illas, quando mihi per studiorum occupationes liceret, primo quoq; tempore visitandi. Itaq; instituta peregrinatione, præmissisq; aliquot precum, jejunorum, consimiliumq; pijs exercitijs, Posonium, octo germanicis milliariibus Viennæ distantem Urbem, septima Septembris die perueni. Vbi à Religiosis Sanctissimi Patris Francisci de Obser. hospitio beneuolè exceptus, P. Guardianum, & P. Provincialem, qui tunc aderat, enixius rogavi, vt sacra pignora (cujus causa illuc veneram) visitandi facerent facultatem; ac deniquè (licet initio Patres aliquanto diffi-

ciles

ciles se præbere viderentur) quod tantoperè cupiebam, & efflagitabam, R. etiam P. Iacobo Nemethi agente, obtinui. Quare ad horam primam pomeridianam, ipsa die Natali B. Virg. Deiparæ, R. P. Rector Collegij Societatis Iesu cum F. Nemethi, ego, sociusq; meus ad Clarissarum templum, juxta præscriptum, accessimus: quando P. Confessarius Sanctimonialium, vnàquè socius illius, sacras Reliquias, è fenestella Sacristiæ ministratas, paullatim ad summum altare detulerunt. Tùm porrò solutis mihi ex oculis vberimis lacrymis, Deo pro tantæ Virginis gloria, tantaq; gratia mihi collata, gratias, quas potui maximas, egi: laudes ejusdem S. Virg. mecum feruentius celebraui; meis, confratrumq; delictis coràm Deo confessis, veniam per illius merita humillimè postulauì, me, Ordinemq; meum in Hungaria extinctum, per illamet seriò commendans: ac deniq; ad ipsas Sanctas Reliquias propius contuèdas, & venerandas, qua potui pietate, spe, gaudioq; plenus, ac lacrymis perfusus accessi. Aderat Caput, cui circulus Excellentissimæ, & Illustrissimæ D. Christinæ, Excellentissimi, & Illustrissimi D. Nicolai Esterhazy Comitìs, & Principis Palatini Conjugis lectissimæ, pietate, & opera pretiosè elaboratus, cum hac inscriptione ex vnionibus confecta, *Caput Beatæ Margaritæ Virginis, Filiæ Belæ Quarti, Regis Hungariæ.* Aderant etiam ossa plurima ex costis, cibrijs, brachijs, alijsq; partibus. Quamquam multa etiam illorum pars desideraretur, quòd ij, ad quos spectabat custodia, vel minùs diligentes pro tanto thesauro, vel plus justo prodigi, nedù liberales olim extiterint. At verò cùm caput, cùm ossa reliqua, colore subrubro, & nigricante. Ex vestibus

etiam

etiam aderat pars integra candidæ vestis scapularis, in de-
scensu sensim se in latum porrigentis. Frusta etiam tunicæ
faris derrita. Frustulū itidē panni serici albi florigeri, quod
Pater ille Confessarius, ex antiqua traditione, aiebat esse
particulam cappæ (quam vocant) sive pallij serici nigri co-
loris, quod (cū illo humatum fuisset sacrum corpus
virgineum) immutato colore, candidum miraculosè
redditum fuit. Vidi etiam cingulum duorum digito-
rum latitudinis, quo Virgo Sanctissima ad vivam carnem
incingebatur: vidi præterea partes cilicij, ejus præsertim,
quod in modum retis erat intextum, flagellorum etiam,
& virgarum particulas, quibus se Virgo Sancta macerare,
& coedere consueverat. Quanta tunc mihi læticia, quot
sacris illis reliquijs, (demptis ossibus, quibus præ reveren-
tia ausus non fui) oscula fixerim, quibus lacrymis perfu-
sus sim, novit Deus, qui etiam mihi hæc scribenti, ex san-
cta illa recordatione, vbertim eas subministrat. Optabam
reliquiarum illarum Patronæ meæ Sanctissimæ, longèq;
singularissimæ, aliquid mihi dono dari: preces adjunxi:
negatum. Tūc nihil moratus, exempta forcipe, quæ mi-
hi erat in promptu, tenues ex cilicij, & tunicæ partibus
particulas abscondi, & pia rapina correptas, thesauri sanè
quàm pretiosissimi loco retinui. Ex certissima hac relatio-
ne nostra colligere licet, non verè, (minimè tamen mala
fide) à viris grauib; scriptis consignatum, Sacrum Vir-
ginis corpusculum, post varias illius per Hungariam
translationes, hodie Posonii requiescere ita integrum, vt
non à quatuor sæculis, sed à paucis annis videatur depo-
situm. Nec id minuit Virg, sanctitatem, cū neq; id tem-

Divus
Ant. 3
p. hist.
tit. 23.
c. 14.
§. 19.

per majoris sit sanctitatis argumentum; nam quorundam minorum Sanctorum corpora adhuc integra, majorum verò ossa sola, vel etiam cineres extant, ut oculari demonstratione potest ostendi. De qua re placet hic annotare, quæ S. Antoninus, agens de translatione corporis S. Catharinæ Senensis, quod ossibus remanentibus, in cineres redactū fuisse narraverat, in hanc sententiā scriptū reliquit. *Nec incineratio ipsa arguit minorationem sanctitatis ejus, cum & corpora Apostolorum, quibus nullos Sanctos credimus in merito, & præmio excellentiores, incinerata inveniuntur. Præservatio autem integritatis cadaveris, accidere potest aliquando naturaliter, ut ex siccitate complexionis talis personæ defunctæ, vel ex influxu cœlesti, vel ex qualitate loci semoti ab humectatione, vel ex aromātibus præservantibus à corruptione in eo compositis. Aliquando verò, & communius, ex speciali privilegio illi concessō diuinæ virtutis, conseruantis illud. Nec est rationem assignare, cur magis istud, quàm illud, voluerit conseruare, nisi voluntate sua.*

CAPVT TRIGESIMVM.

Laudes, & præconia quibus S. Virgo Margarita à Scriptoribus celebratur.



DE illa scribentes, non solum Beatam, sed etiam sanctam, Divam, Sanctissimam appellant. Author enim vitæ M. S. nunquam aliter, quàm *Sanctam Virg. Margaritam* nominat. Petrus Ribaden, sic vitæ illius titulum præfigit:

Vita

Vita Illustrissima, & Sanctæ Virginis Margaritæ, Filia Regis Pannoniarum, Monacha Ordinis S. Dominici. & passim in descriptione vitæ sanctam vocat, ut cum ait: Quemadmodum S. Virgo sese totam Deo consecrabit, continua ejus familiaritate, colloquijq; gaudebat: ita vicissim Dominus, multis magnisq; eam fauoribus cumulabat, & liberalissimè petitionibus ejus annuebat. Et: Meminit ejusdem S. Virginis Antoninus, cujus sanctitatem multis laudum præconijs attollit. &: Quemadmodum velin hac Sancta Margarita videre licet, ejus exemplum nobis proponitur, &c.

Ioannes Tomko, Episcopus Bossinensis, in ejus vita Romæ impressa anno 1631. cum approbatione Magistri Sac. Palatii, Fr. Nicolai Riccardij, sic titulum apponit: *Vita S. Margaritæ Virginis, filia Belæ Regis Hungarorum, & in vita S. Elisabethæ: siquidem gemelli fœtus sanctitatis eximia Elisabetha nostra contingere. Margarita nempe, mox describenda, ex Bela Fratre neptis, Virgo Sanctissima, Dominicani sacri instituti pretiosissima Margarita, & ex Sororis Teresæ filio Petro Rege Aragonum Elisabetha, &c.*

Antonius Balinghem, Societatis Iesu, in Ephemeride B. V. Mariæ, 28. Januarij. Natale S. Margaritæ, filia Regis Hungariæ, ex Ordine S. Dominici.

Martyrologium Germanicum, ex recensione Petri Canisij Societatis Iesu 28. Januarij. *Item in Hungaria, Illustrissima, & Sanctissima Virg. Margarita, filia Regis Hungariæ; Ordinis Prædicatorum.*

Thomas Maluenda in annal. Ordinis Prædicatorum anno 1221. c. 8. *Conuentum quidem Lauriensem in Hun-*

Ioan.
Tom-
kus in
libro
inscrip-
to, Re-
gia
San-
ctitatis
Illyri-
cana
secun-
ditas.

c. 18. *garia esse Ordinis Prædicatorum, in rebus gestis Sanctæ Margaritæ, filiæ Regis Hungariæ, habetur. & anno 1245. Initia tantæ Virginis Fr. Garinus, S. Ib. Doctor Ord. Prad. qui optimâ fide ex juratorum testimonio dictis res Sanctæ Margaritæ conscripsit, in hunc modum refert. & cæt. & inf. Porro Regem Belam ejus nominis Quartum, Patrem Sanctæ Margaritæ. & Sed pergit Fr. Garinus de Sanctæ Margaritæ dicere. Simili titulo eam compellat anno 1246. Sanctissima, inquit, V. Margarita, filia Regis Hungariæ, monasticum vitæ genus in Dominicana Religione superiori anno inchoatum ardentè exercebat, & in tantilla ætate nimium adhuc teneris membris, duriores asperitates libenter pro Christo excipiebat. & inf. Reliqua de Sanctæ Virgine suis locis dicemus.*

S. Anton.
ten. 30.
p. hist.
tit. 23.
c. 13.
§ 3.
lo. cit.
cap. 11
§. I.

In vitæ
ta S.
Marg.

Præclarissimè etiam alijs elogijs, & laudibus, ab omnibus commendatur. nam, S. Antoninus de ea sic ait. Soror Margarita, filia Regis Hungariæ, sanctitate præcipua, quæ miraculis in vitâ, & post mortem claruit. & alibi: Fr. Andreas Hungarus, Archiepiscopus Antiliarensis, fuit missus ad Curiam à Rege Hungariæ, pro canonizatione Margaritæ, filia Regis Hungariæ, quæ sanctè vixerat in Prouincia Hungariæ.

Fr. Laurentius Surius, Carthusianus. etsi autem nondum mihi certò constat, eam esse relatam in numerum Sanctorum, attamen, id ut fieret, & Hungariæ Rex petijt, & aliqui Rom. Pontifices diligenter jusserunt inquiri de vitâ illius, quæ ab ipsis propè incunabulis fuit sanctissima. & de illius humilitate. erat sanè summa humilitate prædita, nec Regis filia dici voluit: sed, quoties sic appellata fuisset, cum lacrymis conquirebatur, se auduisse vituperium. atquè hac de causâ rarò voluit loqui cum parentibus suis, ne ex illorum colloquio glorio-

scor

sior appo
gitus off
jisdam:
possem in

Hungari
Filia Reg
humilita
centia v

torum Or
rum Marg
ex octo &
ne egit, cu
Quamqu
multo eni
stigando.
etiam su
cujus offi
longè mir
giosum sta
Polonia, B
cusauerit;
tis ab ea ed
as labia se
vlti matrin
P
vita descr
rit, quan

stior appareret. Dixit aliquando: Utinam Deus hanc mihi largitus esset gratiam, ut non Regis essem filia, sed potius rustici cujusdam: non nobilis, sed ancilla paupercula: ita enim liberius possem inferuire.

Martyrologium Germanicum, præcitatum **In** Hungaria, Illustrissima, ac Sanctissima Virginis Margarita, Filia Regis Hungariae, Ordinis Prædicat. sanctis orationibus, humilitati, alijsque virtutum exercitijs addictissima, & innocentia vitæ purissima.

Hieronymus Platus, Societatis Iesu. Ex Prædicatorum Ordine tanquam sidus quoddam effulsit in orbe terrarum Margarita virtus, quæ ab Hungariae Rege Bela progenita, ex octo & viginti, quos vixit annis, viginti quatuor in Religione egit, cui scilicet quadriennis ex parentum voto dicata est.

Quamquam in ea quidem minimum fuit, sanguinis nobilitas, multò enim illustrior fuit vitæ sanctitas, & rigor in corpore castigando, tum perpetuis jejunijs, tum echinatis flagellis; denique etiam summa quedam humilitas in curandis præsertim egrotis, cujus officij studiosissima semper fuit: quæ omnia erant in illa longè mirabilia, quàm ipse regius sanguis. Hunc verò religiosum statum tanto studio complexa dicitur, ut trium Regum, Poloniae, Boemiae, & Siciliae quoque conjugium constantissimè recusauerit; quin etiam cum Summi Pontificis dispensatio in votis ab ea editis afferretur, respondit intrepidè, nares sibi potius, ac labia se præcisuram, & oculos eruturam, quàm assensuram ulli matrimonio.

Petrus Ribaden. miris eam laudibus per totius vitæ descriptionem effert, sed inter alia hæc ait. **Margarita**, quantum constat, non est canonicè in album Sanctorum

li. 2. de
bono
Stat.
relig.
c. 27.

In vi-
ta S.
Marg.

relata,

relata, quamvis tempore Clementis Papæ nominis huius Quinti, de eo negotio actum sit nomine totius Pannonia: tamen ob eorum temporum perturbationem nihil tunc perfectum. Cæterum id nihil officit ejus inclite sanctitati, stupendisque miraculis, quibus eam vivam, mortuamque Deus illustravit. &: Quis non videat in hac Sancta Virgine, quanta sit amoris divini vis, quantumque operari possit in his, qui monitis ejus, culturaque patientem accommodant aurem? Quis unquam conjungere potuisset cum corpusculo adeo tenero, ac debili, tantum rigorem, tantamque asperitatem? Quis ætati puerili, prorsusque immatura tantam morum maturitatem, tantamque prudentiam copulare? Quis unire tantam modestiam, & humilitatem, tanta nobilitati, regiaque dignitati? Quis conjungere tantam celsitudinem tanta vilitati, tantamque componere equalitatem inter personas statu, condicioneque adeo inæquales? Quis animam Virginis huius Margaritæ solis sustentare precibus, & cælesti manna potuisset? Quis eam tanto cælestis amore Sponsi potuisset inflammare, ut probro sibi duceret esse Reginam terræ, malletque semet exoculari, ac denasare, quam licite etiam veneris gaudia libare? Hæc omnia, multoque plus etiam potest verus, sincerusque amor Dei, quemadmodum vel in hac Sancta Margarita videre licet, cujus exemplum nobis proponitur, ut illius imitati vestigia, nihil de nostra dubitemus infirmitate, sed de divina virtute confidamus.

In Ep̃.
B. V.
28. In.

Antonius Balinghem Societatis Iesu. Natale S. Margaritæ filia Regis Hungaria, ex Ord. S. Dominici. Hæc vix quartum ætatis annum attigerat, cum Deipara officium recitaret, quod ex solo religiosarum cantu in choro didicerat. ergo ab ipso ferè lacte eam coluit. Nullam ejus imaginem præteri-

bat,

bat, ante quam non se prosterneret, & salutatione angelica eam compellaret. Nomen Jesu, & Maria in ejus ore aternabat. Quod si solemnes Virginis feria celebrarentur, illa eandem salutationem proximis ante diebus millies recitabat, ac in ipsa recitatione simul se humi prosternebat. Ei Rex Parens Monasterium in quadam Insula Danubij edificavit, quod nuncupavit Monasterium Divae Virg. Mariae. Profectis Deip. solo pane, & aqua contenta, ab omni alio cibo, potuq; se continebat. Lubentissimis auribus excipiebat voces Concionatorum, potissimum ubi de Dei Genitrice sermonem habebant, quam in advocatam singularem sibi delegerat, eamq; non nisi altero nominum horum appellabat, scilicet Matris Dei, & Spei sua beatissima. Audito insuper ejus nomine, aut ab ipsamet prolato, profundè corpus demittebat, honoris ergò. Tanto ejus erga Deiparam affectui respondit etiam ipsa vicissim, eam honorando. Nam visa sub mortis tempus ad eam venire, stipata magno cœtu Sanctorum, & Angelorum, ejusq; capiti coronam imponere. Visa etiam scala, à terra ad cœlum usq; pertingens, perquam Deiparam in cœlum reuertentem Sancta Margarita sequebatur, sereno, & lato vultu, quod se diademate gloria cinctam videret.

Abraham Bzovius, cum prius de B. Helena Hungara egisset, quam prædixerat usq; ad miraculum ferè admirandam fuisse, hoc elogio Sanctam Margaritam commendavit. Beata Margarita, nascitura regali superior, atq; sanctitate huic non inferior fuit. Belam Quartum, & Mariam Hungarie Reges parentes nata, ex voto concepto ab illis, Deo dicata est. Duos tantum annos nata, ac pœnè adhuc infans, casum Friderici Austrie Ducis, & paterni exercitus interneccionem prædixit. Biennio post, postquam infantula in-

in an-
nal.
a. 1270
n. 17.

gentium

gentium virtutum semina indita pramonstrasset, Prædicatorie religionis Sororum habitum Vespertini induta est.

In quo tantum virtutibus profecit, ut penè omnes perfectionis numeros impleverit. Cilicium ei asperissimum perpetuum, cinctus catena ferrea usque ad mortem: vestes vilissima, jejunia quotidiana, orationes in singula momenta, deuotio erga Beatam Deiparentem ferè ab ipso lacte, lectus durus, corio instratus: ceruical durum saxum: vigilia quasi perennes: lacrymarum profluvium tam exuberans, ut velum, ei madidum omnibus horis esset: meditanda passionis Dominica adeo vehemens studium, ut in extases raperetur. Nullam imaginem B. V. Mariæ præteribat, ante quam non se prosterneret, & salutatione Angelica illam compellaret. Nomen Jesu, & Mariæ in ore ejus æternabat. Humilitas profunda, obedientia promptissima, contemptus totius mundi obduratus, pietas in ægros officiosa, charitas in omnes ardentissima, sacramentorum usus quotidianus, disciplina, & virgæ in scapulis ejus commortua, desiderium martyrii feruentissimum, & in summa omnium virtutum in ea summa. Antequam voto solemni se obligaret, in matrimonium à Regibus Boemæ, Poloniæ, & Sicilia expetita, respondit: prius se naso detruncare, atque luminibus privare, totoque vultu deformare malle, quam Christo desponsam Virginitatem violare.

Interna animorum, spiritu diuino, prophetico autem futura multa, & inter hæc, mortem longè ante cognouit, & suam prædixit. Tandem, cum se dignam cælesti Sponso reddidisset, in illis verbis Psalmi, In manus tuas, Domine, Commendo spiritum meum, animam purissimam cælis dedit. Extincta corpus admirando odore fragranit: facies autem admiranda pulchritudine resplenduit. Viuens atque vita sancta, ingentibus miraculis

sanctitatem

sanctitatem suam illustravit. Ex octo & viginti, quos vixit, annis, viginti quatuor in Religione egit.

Hyacinthus Coquerius. Inibat annus 70. duodecimi seculi, cum clementissima Dei Mater, aliud quoque jubar micantissimum ex suo Prædicatorum Ordine, inter fulgentissima gloriæ astra in cælum inuexit, nimirum lectissimam Regi sanguinis Virginem, quam ipsi suis manibus æterno diademate redimiuit. Ea est Margarita, Bela Quarti Hungarorum Regis filia, Regum Boemiæ, Siciliæ, Poloniæ thalamis expetita: sed illibata integritatis sacro, æternoque vinculo, sanctioris vitæ merito, & prodigiorum laude, feliciores longè Christi amores, thalamosque promeruit. Sacra quadam Virgo, paucis ante Margaritæ nostræ mortem diebus, Deiparam perspicuè intuita est, genij cœlitibus circumnolitantibus stipatam, auream coronam exquisitissimis gemmis ornatam, manibus gestare, atque ad Margaritæ cœnobium properare. Vidit quoque, scalas e cœnobio eodem in cælum usque protensas, per quas ipsa Virgo Deipara in suam majestatis sedem reueriebat, quam proximè sequebatur Margarita. Altera quoque Monialis eodem ipso tempore vidit elegantissimam supraque modum radiantem stellam, ex Margaritæ asceterio sensim assurgere, atque in cælum attolli. Plurimi aderant noui sideris comites Angeli festinè concinentes. Spectatrix, rei, quæ gerebatur nouitatem, & pulchritudinem admirata, ex Genitorum uno, quæ stella esset, quid uè portenderet, quaerit. Cui ille, Margarita inquit, est, Hungariæ Regis filia, quæ, terris relictis superas Beatorum sedes adit.

Thomas Bozius, agens de Virginibus sanctitatis admirandæ in Septentrione, ait: Diuinum munus, perpetua mentis, ac corporis Deo dicatarum Virginitas, sed longè diui-

Coque.
Viste-
ra ma-
ter. c.
29.
pagina
178.

De sig.
Eccles.
l. 22. c.
3. tit.

Virg.
sancti-
tatis
admi-
randæ.

Epit.
rerum
hunga-
ricæ in-
dice 15.
in Bela
4.

hist.
Eccl.
li. 13.
a. 1270
n. 3.

Ant.
Senen.
in Chr.
pagina
183.

niſſimum, ſi præterea ſit illi adjuncta reliquarum virtutum, non mediocris quadam, ſed excellentiſſima præſtantia. Tales autem plurimas Septentrio produxit, ex quo ſecutus eſt Pontificem Romæ, & ſubdens catalogum, in eo recenset Margaritam, filiam Regis Hungariæ.

Petrus Ranzanus, Episcopus Lucerinus: Hujus (Belæ) filia fuit Beata illa Chriſti Virgo Margarita: cujus ſanctitatis nomine apud Ordinis Predicatorum Fratres, magna ubiq; veneratione celebratur. Refert etiam, Inſulam, quæ prius Leporum dicebatur, & à templo Monasterij in honorem B. Virginis Deip. dicato, Rex Bela, Inſulam S. Mariæ vocaverat, tempore, quo fuit in Hungaria, ab anno ſc. 1487. Inſulam Beate Margaritæ vocitari ſolitam. Diſtabat verò inſula ab Vrbe Buda, mille fermè paſſibus, teſte eodem Ranzano.

Ioannes Fridericus Mateneſius, Beata Margarita, Bela Quarto, & Maria, Hungariæ Regibus procreata, quæ biennis inſans caſum Friderici Austriæ Ducis, & paterni exercitus internecione prædixit, virginitatis ad miraculum amantiffima.

Antonius Senenſis, cùm egiffet de B. Helena his verbis (quæ, propterea quod agentes de illa nos fugerint, libenter adiſcimus) Claruit per hæc tempora in Hungaria Soror Helena, Sanctimonialis noſtri Ordinis, quæ fuit mira perfectionis Virgo, & omni virtutum genere adornatiſſima, & a Domino hoc promeruiſſe proditur, ut ſcilicet quinque paſſionis illius ſtigmata, in ſuo corpore ejus amore ſentiret: Subdit, Sub præſata Helenæ diſciplina fuit etiam noſtri Ordinis Sanctimonialis B. Margarita, filia Regis Hungariæ, Virgo Sanctiſſima,

& vite

et vite sanctimoniam mirabilis, quæ et miraculorum gratia ex-
tittit gloriosa.

Indiculus post Ordinis Martyrologium, sæpè cita-
tus. Soror Margarita, filia Regis Hungaria, virginitate, et
vite sanctitate, et miraculorum effectione conspicua.

Chronicon Magistrorum Generalium nostri Or-
dinis in Fr. Vgone Campano Magistro 16. Hujus, B. Hele-
na, discipula Beata Margarita, Regis Hungaria filia, simili-
ter Sanctimonialis, mirabilibus virtutibus fulsit.

Catalogus post priuilegia Ordinis à Gener. Mag.
Fr. Stephano Vlusmaris edita. Soror Margarita, et Hele-
na de Hungaria, hæc magistra, illa discipula, et Regis filia,
vtraque virtutibus refulgens.

Magister Fr. Dominicus Gravina. Helena disci-
plina tradita Margarita, Regis Hungaria filia, ad summum
sanctitatis gradum peruenit.

Sed et Indulgentiæ, sacrum Beatæ Margaritæ Cor-
pus venerantibus concessæ, Officiumque in ejus die Na-
tali recitari, et decantari solitum, ad cumulum etiam lau-
dum illius maximè faciunt; quæ nos tibi sine mora, Pie
Lector, offerimus.

CAPVT TRIGESIMVMPRIMVM.

Indulgentiæ centum quadraginta dierum, concessæ visi-
tantibus Corpus B. Virginis Margaritæ, et cæt.



Ioannes Dominici, Cardinalis Ragusinus, in
Hungariam ad Sigismundum Regem Legatus
à Latere, pro dirimendo schismate, quo Eccle-
sia discindebatur, à Gregorio XII. missus, an-

Titul.
Sorores

folio
63.

Voce
Turt.
p. 2. c.
12.

no III. ejus Pont. Christi 1409. literas insequentis tenoris, pro 140. dierum iudulgentia, Corpus B. Margaritæ Virg. visitantibus concessit; quas ex autentico Originali, à Sanctimoniali nostri Ordinis Posonij ad Clarissas degente, ad meam instantiam postulato, desumptras, uti etiam Officium ejusdem B. V. R. P. Iacobus Nemeti, Societatis Iesu, solita charitate communicavit.

Ioannes, Cardinalis Tit. S. Sixti, Legatus, dat omnibus visitantibus hanc Ecclesiam, & Corpus Beatæ Margaritæ Virginis, Centum & Quadraginta dies Indulgentiarum perpetuis temporibus, qualibet Vice.



Ioannes, Miseratione Divinâ Tit. S. Sixti Presbyter Cardinalis, Apostolica Sedis Legatus. Vniuersis Christi fidelibus, presentes nostras literas inspec- turis, Salutem in Domino sempiternam.

Splendor paternæ gloriæ, qui suâ mundum illuminat ineffabili claritate, pia vota fidelium de clementissima ipsius maiestate sperantium, tunc præcipuè benigno favore prosequitur; cum deuota ipsorum humilitas, Sanctorum precibus, & meritis adiuuatur. Cum itaque, sicut accepimus, sit Monasterium, & locus Ecclesiæ, Beatæ, & gloriôsæ Virginis Mariæ de Insula Danubij, Ordinis Predicatorum, diocesis Vespri- mien- sis; in quo quidem Monasterio, siue loco, gloriosum Corpus Beatæ Margaritæ Virginis, in Domino requiescit; ad quod Corpus visitandum, maxima se dirigit deuotorum multitudo: Nos cu-

pientes,

piantes, diuinum cultum, & Sanctorum Dei, vtilibet ardentem
reuerentiam augeri; vt eadem Ecclesia congruis honoribus fre-
quentetur; & Corpus dictæ Beate Virginis, sedulis deuotionibus,
ed feruentius, ac libentius fideles Christi visitent, & conflu-
ant ad eosdem, quò exinde dono cœlestis gratiæ uberius conspe-
xerint se refertos; auctoritate Apostolicâ, qua specialiter fun-
gimur in hac parte, omnibus verè pœnitentibus, & confessis di-
ctam Ecclesiam, Beate, ac gloriosæ Virginis Mariæ, & dictæ
B. Margaritæ Virginis Corpus deuotè visitantibus, ac ad dicti
Monasterij, siue Ecclesiæ fabricam, manus porrigentibus ad-
iutrices, vice qualibet, in perpetuum, Centum & quadraginta
dies de Indulgentia, tenore presentium, misericorditer elargi-
mur. Datum Buda, dictæ Vespriensis diocesis sub nostri Ma-
joris Sigilli appensione, Vndecimo Calendas Aprilis, Pontifica-
tus Sanctissimi in Christo Patris, & Domini nostri, Domini
Gregorij, diuinâ prouidentia, Pape XII. Anno tertio.

Sigillum fuit confractum

Ioan. Saluatus,

CAPVT TRIGESIMVMSECVDVM.

*Officium in Festo B. Margarite, die 18. Ianuarij, de can-
tari solitum ab Ordine Prædicatorum in Hungaria.*

*Incipit Historia B. Margarite, Virginis eximie, Quarti
Regis Belæ Filie.*

Ad Vesperas, Antiphona.



*L*ocundare ex nonella floris, Cælum, plantula; cujus
vigor, carnis bella strauit sedula.

Psalmus, Laudate pueri, & cœt.

Sap. 8.

Capitulum.

*Hanc amari, & exquisui eam à principio: & quæ fui
Sponsam mihi eam assumere, & amator factus sum formæ illius:
dicit Dominus omnipotens. R. Deo gratias. R. I X. Sole sub
ardenti.*

Hymnus.

Novo sacrata gaudio,
Cæli concors latitie,
Votiuo laudem studio
Depromat vox Ecclesie.
Sub Natali nouitio,
Noui festi solemnia
Candenti vernans lilio
Inuexit Virgo Regia.
Margarita puellula,
Mortalis culmen generis,

Vite fulgentis amula,
Annis fastidit teneris.
Alta spernens palatia
Claustro regēda clauditur,
Regalis pompæ copia
Sub paupertate graditur.
Præsta Deus supplicibus,
Præsentis prece Virginis
Nostris ascribi mentibus
Beati sortem luminis. Am.

¶ Ora

V. Ora pro nobis Beata Margarita.

R. Ut digni efficiamur promissionibus Christi.

Ad Magnificat, Antiphona.

*Felix planè, felix per omnia, summa semper ducens
fastigia, quam terrena stemma propaginis, & cœlestis insignit
gloria; de Regalis radice germinis, in regnorū scandens imperia.*

Canticum, Magnificat.

Oratio.

Deus, qui Beatam Margaritam Virginem, filiam Regia
celitudinis Hungarorum, ad te vocare, & ipsam tuis
aspectibus adstare dignatus es: presta quæsumus, ut
gratiâ tuâ præniente, ejus meritis, & precibus suffraganti-
bus, à cunctis malis mentis, & corporis liberemur. Per Domi-
num nostrum &c.

Ad Matutinum, Invitatorium.

*Regi Christo laude latâ solvamus obsequium: Cujus
Regni Margarita confortatur gaudium. Ps. Venite exultemus.*

Hymnus.

H ymnis agamus fidei	Candore conscientia
Castæ parentis gaudia:	Cœlestis vitæ gratiam.
Floris amictu niuei	Plena fontali fluvio
Matrem investit Filia.	Lassos camelos reficit,
Hæc mundi fraudis latebras,	Sociali collegio
Lucenti Sanctimonia:	Dum cultum legis adjuvit.
Hostis carnis illecebras,	Presta Deus supplicibus,
Dissolvit Castimonia.	Præsentis prece Virginis
Virgo venusta facie	Nostris ascribi mentibus
Aquæ supportans hidriam,	Beati sortem luminis. Am.

In I. Nocturno.

Ant. Mundi plenum luxu rete, damnans pudicitia,
Cæli nuptum Margaritæ sperat innocentia. *Ps.* Domine Do-
minus noster.

Ant. Cilicio se ambiens Virgo jam velata, Flagris se
percutiens Christo consecrata, Zona quoque ferrea cinxit se bea-
ta. *Ps.* Cæli enarrant gloriam.

Ant. Voto vite stabilis loco permutata, tanquam ar-
bor fertilis creuit transplata. *Ps.* Domini est terra.
✠. Diffusa est gratia in labijs, & cæt.

Lectio I.

Venerabilis Virgo, & Soror Margarita, DEO, & ejus
Sanctissimæ Genitrici semper deuota, Soror extitit Or-
dinis Fratrum Predicatorum. Cujus vite simplicita-
tem, & conuersationis sinceritatem, non tam auditam, quam
uisam, & certissimam cognitione probatam, cunctis Christi fide-
libus notificare, & scriptitare intendimus. Ex illustri igitur
prosapia, & stirpe Regum Hungariæ duxit ipsa Virgo Margari-
ta originem. Cujus Pater carnalis, fuit Hungarorum Illustris
Rex Bela Quartus: Avus vero ejus Andreas Secundus, qui fuit
Pater Beate Elisabeth secundum carnem. Rex autem Stephanus
Quintus, extitit Beate Margarete Frater uterinus. Quam,
cum adhuc Mater sua Regina gestaret in utero, tempore Tanta-
ricæ persecutionis: pro sua liberatione & Regni pariter, cum
Rege marito suo, quasi placationis hostiam DEO deuouerunt:
ut si filia nasceretur, Sanctimoniali vite eam traderent, atque
offerrent. Nam præter ipsam, nulla unquam ex stirpe Regum
Hungariæ, Sanctimonialis est effecta. Natam verò, & ut de-

cet prolem Regiam, sub magna diligentia enutritam, in ipsa sua infantia, cum multa deuotione, Rex, & Regina, seruitio Domini nostri Iesu Christi, & sua Genitrici gloriosa Virgini Maria, in similitudinem Prophetæ Samuelis, perpetuò oblatam dedicauerunt. Tu autem Domine miserere nostri.

R. In declino vita sine, nostri casus ut ruina restarentur gratia, dum regali stirpe nata, Jura vendit abdicata voluntatis propria. V. Hac, exemplum, DEI templum, Margarita, lande spretâ mundi, prabet patria. Jura vendit.

Lectio II.

QUæ, cum esset coram Matre sua, annorum circiter duorum, Patre suo cum Domino Rege Stephano ducente exercitum contra Austriam: requisita à Matre sua, (ipsa Margarita, ad tabulam Matris appodiata, vel stante) quem exitum habiturus esset exercitus? semel ac secundo, quasi propheticè respondit, dicens: Dominus meus Rex sanus de bello reuertetur; exercitus verò ejus dispergetur: sed Dux Austria occidetur. Quod post paucos dies rei probauit euentus. Nam & Dominus Rex, licet non sine suorum damno, sanus quidem redijt; & Dux dictus Austria, in eodem exercitu per militiam Hungarorum occubuit. Tu autem Domine.

R. Ortus, cælo conscio, germinis magnifici, Paupertatis pretio voto cultu subijci, Patris almi Nuncio panditur Dominici. V. Summi ciuis atheris, forma vita cæteris, Juris vsu calici. Patris almi.

Lectio III.

Cum autem esset annorum trium, vel parum plus, in Clastrum ac Monasterium Sororum Ordinis Fratrum

Prædicatorum, in Ciuitate Vespriensi, ex deuotione parentum, ipsis Sororibus est commendata; ubi ab ipsa sua tenera ætate, regularibus consuetudinibus Sororum Ordinis Prædicatorum imbueretur. Cum verò illa Virgo tenera, vitam Sororum, & morum honestatem perspicue & diligenter considerasset: habitum Ordinis Prædicatorum deuotè mente postulauit, atq; suscepit. Tu autem Domine.

R. Virgo decens æuo, pugil in certamine sæuo, Mundum viciisti, Felici fœdere Christi. V. Dum regis orditam claustrali tramite vitam. Mundum. Gloria. Felici.

In II. Nocturno.

Ant. Sub regulari ferula, tranquilla parens tremula, professi status creditum, ad plenum soluens debitum. Ps. Eructauit cor meum.

Ant. Sanctitatis populo spargebat fundens odores, exemplari speculo fulgens inter Sorores. Ps. Deus noster refugium.

Ant. Dum sordescit prouoluta ancillarum pedibus, tergit rixæ labis luta ex earum cordibus. Ps. Fundamenta ejus.

Lectio IV.

Cumq; annorum esset citra quinque, comperiens, ex industria aliquas ex Sororibus indutas cilicijs incedere; ex eorū affectione jam efflictim rogauit Margarita suam religiosam matronam & nobilem, quam cunctis diebus vita sua, Matrem vocabat; ut ei aliquod cilicium tribueret. Quod illa, quantocitiùs potuit, præstitit, & eidem cilicium dedit. Oblatum igitur cilicium, deuotè induit. Sed præ nimia teneritudine puellari, suslinere non potuit. Tu autem.

R. Sub

Rz. Sub clausura vite primordia stringens calcat insignia, Summi Verbi victa inopia, Plagis urget membra nobilia.
V. Culpa adhuc nescia, letatur poenitentia. Plagis.

Leſio V.

Post etate aliquantulum proficiens, tunicas duriores, & interdum quasdam cincturas cilicinas super nudo paulatim ferre consuevit. Ecce mirabile, quod tanti sanguinis nobilitas, & altitudo, adhuc tam tenera, si vestes, seu habitus de panno pretioso supra alias coquas suas fuissent, erubescere jam illas portare. Et si quandoq; cogebatur, ob reuerentiam Parentum, vel eorum aduentum, & praesentiam, squaloribus coquinae, & ablutionibus ollarum, & ceterorum vasorum coquina, ac pulueribus communium scopationum denigrare festinabat. Gauderat enim jam ex tunc de Insignibus humilis paupertatis. Tu autem.

Rz. Abnegata patris consortia, tempestatis flagellans pluuiæ, Caeli secum pugnante gratia, Voti compos solatur anxia.
V. Lacrymarum profusis imbribus, vim pluuiæ ministrat nubi-
 bus. Voti compos.

Leſio VI.

Cum autem etatis suæ decimum ageret annum, cum multa diligentia Parentum suorum, & Fratrum Ordinis Prædicatorum, cum bona deniq; Sororum remanentium societate, de Claustro Vesprimiensi portata est in Claustum, quod Parentes ejus in Insula Danubiæ, ad honorem DEI omnipotentis, sub titulo DEI Genitricis semperq; Virginis MARIAE, à primo fundamento usq; ad consummationem ejus, edificauerunt, & ut Regiam Majestatem decebat, regaliter dotaue-
 runt. Tu autem.

Rz. Carne sub exili caelesti nupta cabili, Languet in amplexu Diuino saucia nexu. **V.** Optat, querit, anstat, gemitu, prece, verbera clamat. Languet in. Gloria Patri. Diuino.

In III. Nocturno.

Ant. Impetrandi gratiam prouocans jejunio, seruet in fiducia tali ductu prauio. **Pf.** Cantate. 1.

Ant. Castigante transitum corporis molestia, impendentem spiritum cogit ad caelestia. **Pf.** Dominus regnavit.

Ant. Nuptiali conuiuio consors una fruentium, Sponsa fasa gremio, canit epithalamium. **Pf.** Cantate 2.

V. Adiuuabit eam Deus, &c.

Lectio VII.

VBi cum, facta Professione in manibus Fratris Umberti, protunc Magistri Ordinis Predicatorum, esset Virgo reclusa, una cum Sororibus suis, ut moris est, Claustri Sororum Ordinis nostri: adeo euidenter & efficaciter in virtutibus cepit proficere, ut non solum Sorores ejus socie, vel Fratres mirarentur Ord: sed & nobiliores Matrone, & Dominae, Principum conjuges in regno, quae eam multo affectu desiderabant videre. Venientesq; ad ejus aspectum, in ejus honestis & praeclaris moribus multum edificabantur: laudes DEO de tam tenera Virgine referentes, seq; ejus deuotis orationibus toto mentis desiderio commendantes, ad propria remeabant. Tu autem.

Rz. Explicati fruitura laboris stipendio, jam praeiuit nascitur a caeli stillicidio, Vox superna mortis jura rorat vaticinio. **V.** Tali privilegio vim amoris amplioris parit desiderio. Vox superna.

Lectio VIII.

Diffusa autem erat quadam gratia ejus faciei, & gratiosa maturitas ejus aspectui; ita, ut vix asperis, vel blandis verbis mutari, aut deijci, vel extolli videretur notabiliter, sed paucis verbis semper contenta erat, amatrix taciturnitatis. Et nunquam se in risum resolvit. Virtute etiam pudicitia, & humilitatis praeclara, nullo modo ab aliquibus se laudari patiebatur. Vocabula denique, jactantiam, vel vanitatem sonantia, omnino respuebat. Feruebat insuper igne Divini amoris; & accensa orabat assidue, quasi sine intermissione; ita ut ad altum prandium Conventus, Orationes suas semper continuaret. Imagines quoque Domini nostri JESU Christi crucifixi, & quandoque loca vulnerum, profusis saepius lacymis ore deosculabatur. Imagines etiam ejusdem Genitricis summo venerabatur affectu: ita, ut non solum vigilans, verum etiam dormiens, vivifica Crucis signum, & suae Genitricis imaginem, circa se semper deuotissime conservaret. Imaginibus denique aliorum Sanctorum, flexis genibus humiliter salutatis, sic Conventum ingrediebatur, seu Refectorium, & ibidem cibis communitatis erat peroptime contenta. Nam extra Refectorium Conventus, non nisi ratione matris suae, vel Sororum suarum Ducissarum poenitentium in Claustro, & vix etiam coacta, comedeat; & hoc raro. Tu autem Domine.

R. O spectanda saeculo novo res miraculo, gestu singularis, votum mater astringit, Viri sexum induit forma puellaris.
V. Compeditus carcere clare visitatus, suffraganti munere gaudet liberatus. Viri.

Sexus
puella-
ris in
virilem
permutatus.

Lectio IX.

NOctes quoque plures in orationibus magna ex parte perducebat insomnes, una, vel duabus Sororibus se eidem deuotè sociantibus, licet aliquantulum procul, humiliter quamlibet cum rogatu postulans, obseruare, ne aliqua Sororum superuenientium orationum suarum instantiam, quibus suis modis impediret. Frequenter etiam inter amarus cordis gemitus, et singultus, ut sapius compertum est, quasi quodammodo extra se raptus, lacrymosas erumpebat in voces. Nunquam enim singularis, vel sola, extra Dormitorium esse volebat, nisi ratione compassionis, vel quietis Sororum se comitantium: et extunc, ante lectum suum, suas deuotas complebat orationes. Tu autem Domine.

R. Sole sub ardenti rutilantem luce latenti, Aptat in esse choris stabiliti palma pudoris. **V.** Lilia conferto redolens gerit insita ferto. Aptat. Gloria. Aptat.

Ad Laudes.

Ant. Jam Margarita rediuiua pace quieta, se rapit ad pronam radio vibrante coronam. **Ps.** Dominus regnauit.

Ant. Congaudete superi, vobis sidus inferi; vas celestis roris, laudis et honoris. **Ps.** Jubilate Deo.

Ant. Nostri tegmen Ordinis femineo flore, virginalis agminis fulget in decore. **Ps.** Deus Deus meus.

Ant. O felicem famulam, puritatis gerulam! que subintrat chorum Regis Angelorum. **Canticum.** Benedicite omnia.

Ant. Heres Regis strenua supernorum ciuium, Caeli nobis ardua confer pandens ostium. **Ps.** Laudate Dominum de caelis. **Capitulum.** Hanc amaui, et c. ut supra.

Hymnus.

Hymnus.

Gratuletur Hungaria
De Christi beneficio,
Cujus extat vicaria
Salutari suffragio.
Ex ipsius prosapia
Valor virtutis oritur,
Qua morborum seuitia
Pulsu frequenti moritur
Pedum, manus officia,
Lucis amissa claritas;

Natura quæque deuia;
Rectas deducunt semitas,
Margarita, pro meritis,
Quibus solamur corpore,
Grates ex cordis abditis
Reddamus omni tempore.
Præsta Deus supplicibus,
Præsentis prece Virginis
Nostris ascribi mentibus
Beati sortem luminis.

Ad Benedictus, Antiphona.

Dulci digne respondens premio, sub perennis lucri
commertio, Virgo Christi grata seruitio, Cælum tibi blanditur
gaudio.

Ad Primam, Antiphona I.

Laudum.

Ad Tertiam, Antiphona II.

Capitulum. Hanc amaui.

Ad Sextam, Antiphona III.

Capitulum. Dominus omnium dilexit illam; Doctrix
est enim disciplina Dei, & electrix operum illius.

Rz. Deo gratias.

Ad Nonam, Antiphona vltima Laudum.

Capitulum. Brevis est in volatilibus apis, & initium
dulcoris habet fructus illius;

Rz. Deo gratias.

Sup. 8.
v. 4.

Eccles.
II. v. 3.

Carmen

Hymnus.

CAPVT TRIGESIMVM TERTIVM.

Carmen de Sancta Margarita, Beæ Quarti Hungarorum Regis Filia, Ordinis Prædicatorum, à D. Francisco Leonardo Szegedj, Nobili Hungaro Tyrnaviensi A. A. & Phil. Magistro, M. S. Vitæ ejusdem S. V. ex Ungarico in Latinum Interprete, decantatum.

Concha Divæ Margaritæ.



*Orte Venus stipata rosis, tymbræq; curule
Pressit ebur, pulchroq; sedens temone Cupido,
Jucundamq; vebens per cæli nubila matrem,
Fessus, Amyclaos ad frana citavit Olores.*

*Illæ fatigatos per nubila corporis artus,
Et duras quassata strias, lirasq; viarum,
Et pertasa polos, natales marmoris undas
Visere, cæruleasq; Deas parat, & freta puppi
Findere, seu molli volitare per aquora sulco,
Sine Cypron charam, gravidamq; Amathunta metallis,
Dilectamq; Paphon, cultu celebremq; Cytberam,
Regnæq; Neptuni laudâ peragrarè carinâ,
Deniq; Sidoniâ mens est considerare conchâ.*

*Prouehitur, fusos euentilat aura capillos,
Et Zephyri ludunt. Euri, Boreæq; furores
Et sauas mittunt iras, dominæq; secundant.
Circum præludens tenerum volat agmen Amorum,
Dorida nunc jaculis feriens, leuibusq; sagittis
Frritare studens vastis Nereidæ undis,
Nunc ipsum cogens varios assumere vultus
Prothea, quo formis juvenilia tela fatiget.*

Jamq;

*I*amq; procellosum (sed quis mare credat amare?)

Vorticibus blandos puerorum senserat ignes,

Et placide stratum domina compescuit Evros.

Exbilarata Venus puerorum lusibus, ibat,

Jamq; venustatem Charitum mirata, tuetur

Tam blandas sortita Deas, quantumq; decore

Anteit has, tantum se contemplata, superba

Indulget formæ, candoreq; pectora mulcet.

Visitur interea placido per carula ferri

Æquora Virgo Noto, vibrare niventia ponto

Brachia, Sidoniâ pariter considere conchâ,

Margaris, adgenita referens cognomina gemma:

Iam medio Veneri se se tulit obvia ponto,

Dulcibus & Zephyris, & praludentibus auris,

Accelerat, conchamue Deæ vicina coerces.

Cujus in auratis postquam Dea vultibus hæsit,

Eximium speculata decus, multumq; decori

Oris honestatem, pulchros & corporis artus;

Cujus lacteolis hærens nix candida malis,

Sanguine, vel Tyrio madefacta recenter ab ostro,

Deleret natum liliisq; rosisq; colorem;

Florida labra, poli radiantes ignibus orbes

Et Bereniceæ collecta modestia frontis,

Et siue stellato cervix formosa monili,

Delicis satis una ferox, croceiq; capilli

Idaliâ tenuere Deam. cui talia fatur:

Quæ Dea cæruleo consurgis marmore? summo

Nondum visa Iovi, sublimiq; invida Cælo,

Et cui Nympharum species non sufficit, ipsum

Cogis in Ideo forma renovare tribunal
 Vertice, cui summi conjux Iovis, atq; Minerva
 Cedere sponte parant; quantum Soror aurea Phœbi
 Najadum niveos vultus, & Oreadas omnes,
 Quantum egomet pulchras formâ Nereidas exto,
 Delicijs ô Virgo ferox, me cedere cogis,
 Es tibi, qua nulli didicit parere Dearum,
 Frons paret Veneris. nasci tuq; unica mecum
 Digna mari, nostrâq; potes considerare conchâ.
 O mihi præ reliquis dilecta virago Deabus,
 Lauretesq; inter multum formosa puellas!
 Quis morum, fideiq; modus? qua causa viarum?
 Quis Deus est felix his vultibus inclita Virgo?
 Quisve thoro? an viduos ducis sine conjuge Soles?
 O pensa niveæ fugientia damna juvenia!
 Exerce formam, quam non tibi, Regibus illam,
 Atq; Iovi natura dedit; non lilia malis
 Hanc verosam dedit, ut solo marcescat in borto,
 Sed Genio, ac celsio Regum libetur honori.
 Maeste voluptatem natura sumito, celsis
 Regibus indulge thalamos. Sed plura volentis
 Præscindit vocem, dictis simul in crepat illam
 Virgo, verecundo suffusa rubore. quid, inquit,
 His animum mulcere paras Venus improba dictis?
 Lascivis Regum thalamis, Genioq; salaci
 Indulgere jubes, & Virginitatis amata
 Candorem temerare, brevi & violare volupta?
 Non Dea, Cerbereo magis ast idea malorum
 Orta mari, lupa dira, scelus, stuprumq; Deorum,

Fœda libidinibus, terræq; exosa, poloq;
 Mentibus astringeris, apage, iq; furentibus undis
 Marmoris, aduerso ventorumq; agmine facto,
 Atq; procelloso lasciuam vortice concham,
 Vesanaſq; faces iratum deuoret equor.

Non ego ſum ponto, conchæuè Sidonide ſaxum,
 Margaris, at caſto Regum prognata cubili
 Pannonidum, cui Bela parens hoc nomine quartus
 Vngariam latè Sceptri moderamine rexit.
 Non mihi ſacra parent Venus, atq; Thalaſſio, nulla
 Connubij ſociata placent commercia: mitto
 Corde jocos, & mitto faces, rixasq; jugales,
 Lasciuasq; thori lites ſine lege pudoris,
 Deniq; mille cruces, quas fœda libido crearet.
 Virgineo cœleſtis Hymen, caſtuſq; Thalaſſus
 Cordi fixus erit, pulcherq; Cupido Tonantis
 Virgineo jam corde cubat. Cœli una cupido
 Me tenet; hac jaculis præcordia fixit, & igne
 Æthereo placidum Chriſti inſpirauit amorem.
 Non ego vel crines hos pectine como procaci,
 Non frontem, non hæſce genas, aureſq; lapillis
 Eoâq; onero gemmâ, Diuiſq; Dynaſtis,
 Principibusve procis, aut furtis Nympha Deorum:
 Sed magis exonero, quod maiestate coruſcat,
 Exornog; animum candore pudoris, ut omne
 Virginea fidei tuear ſine crimine fœdus
 Virgineo Sponſo, cuius caſtiſſima tæda
 Hoc tenerum pectus caſtis ardoribus vrit.
 Imò ſub hac forma ſi forte pericula ferret

Aurea virginitas, nec tuta micare procorum
 Impetu jam posset, Cytheria quicquid amare
 Occipiat, scindam, spargamue cruore pudico.
 Seu oculos: fodiendo oculos, ero Lucia (totum
 Quæ sine luce satis conspexit Lucia mundum)
 Sive mamillarum decus, hinc ero Virgo Sicana:
 Seu nares, seu dentis ebur, seu brachia, tuto
 Seu labra, sive pedes, pro virginitatis amore
 Aut nova Apollonia, aut Euphemia corpore laeso
 Dulci virgineum Sponso servabo pudorem.
 Per mare, perq. Notos, & mille pericula, mille
 Vulnera, mille neces, vita discrimina mille
 Dulci virgineum Sponso servabo pudorem,
 Inter ut hascerosas, & candida lilia cordis,
 Pulchrrior hisce rosis, lilijq. quiescat Iesus.
 Increpat his Venerem dictis. sic fata rudentes
 Laxavit, fugiensq. faces, & inane Dione
 Carmen, & incepta decurrit marmora concha.

Provehitur, sed non potuit vitare suaves
 Sirenum scopulos; Matris, Regisq. Boemi,
 Atq. Patris, qui dulce melos cecinere jugali
 Lucentes tada, demulcentesq. cubile,
 Et claros Regis thalamos suasere Boemi.
 Præterit hanc etiam generosa virago Charibdim,
 Atq. iterum per mille cruces, per mille mucrones,
 Virgineos mavult in frustra secarier artus,
 Quam mutare fidem, dulcemq. relinquere Sponsum.
 Urget iter felix, evitat & aquoris undas
 Scyllæosq. canes, truculentaq. saxa Malæ

Lethi
 Delicy
 Post vi
 Et fus
 Et perp
 Frigor
 Arida
 Fatum
 Virgin
 Et jact
 Marm
 Illuxit
 Figereq
 Suavit
 Per Bor
 Per mal
 Sponte
 Virgin
 Tangit
 Navig
 Non est
 Flamine
 Euris, n
 Sive
 Sen lym
 De

Lethiferaſq; faces Veneris, ſcopuloſq; minaces
 Delicijs linquit Sirenum dulce venenum.
 Poſt vigiles curas, exanthlatoſque labores,
 Et fuſas cælo lacrymas, & flagra, preceſq;
 Et perpeſſa malas hyemes, perpeſſa rigorem,
 Frigoraq; ac æſtus, virtutumq; inuiſa quævis,
 Arida mox caſtos febris depaſcitur artus.
 Fatum poſtremas immitere juſſit habenas
 Virgineæ concha, dum jam ſatis æquoris undis,
 Et jactata malis, metiri cœrula concha
 Marmora deſierat. Tandem Cynofura beatis
 Illuxit radijs, cœliq; appellere ripis,
 Figereq; æternum ad cœleſtia littora clavum
 Suaſit, vt æternâ felix ſtatione quieſcat.
 Per Boreas, gelidoſq; notos, ſeuaſq; procellas
 Per mala mille, cruceſ, jejunia, flagra, labores
 Sponte vel invitò, placidâ ſed mente ſubactos.
 Virgineâ conchâ laſcivum enavigat orbem,
 Tangit & optata portumq; ortumq; ſalutis.
 Navigijq; iſtâ diſcedens præbuit artem;
 Non eſt ad cælum molli ſpirante Favoni
 Flamine puppis iter, rapido ſed flumine ſævum:
 Euris, non auris ſpirantibus, itur ad aſtra.

S. Margarita Taumaturga.

Sive diuturnis ſine ſpe contabuit æger
 Febribus, interno dirigitq; gelu,
 Seu lymphis tumidus, ſeu flammis aridus omnes
 Depaſtus diri ſanguinis igne fibras,

Sive laceſſebat lento cephalalgia letho,
 Sive venenatus torruit oſſa calor:
 Margaris agrorum medicina parata, vel uno
 Suſtulit emplaſtro cuncta venena precum
 Et cum Pæonias laſſarunt ulcera vires,
 Atq; Machaoniam deſtituere manum;
 Virgo rogata preces ſummo cum fundit Olympo,
 Penè prius recipit, quam roget ager opem.
 At cum deſeruit terras, & adiuit Olympo,
 In tumulo medicam Virgo reliquit opem.
 Virginis ad tumulum, mutisq; repagula vocis
 Laxantur, cæci lumina grata ferunt.
 Repunt aut claudi, aut curuâ pleuritide fracti,
 Aut pacti nervos, & tamen inde volant.
 Dæmones obſeſſos linquunt, deliria ceſſant,
 Peſtifer atq; calor, lethifer atq; dolor.
 Ulcera quoſq; graui damnant Chironia lecto,
 Quin letho; agrorum liberat alma parens.
 Curre, vola huc patiens, & linque Machaonas omnes,
 Hoc tumulo gratis mors tibi vendit opem.
 Paruula, videns Crucifixum fleuit
 amarè.

PArua decuſſato Virguncula ſtipite vidit
 Affixum, & crebro vulnere corpus hians,
 Et latus, extractosq; pedes, & brachia tenſa,
 Perterebrata, graue hem! vepribus atq; caput.
 Siſtit, & eliſa miratur membra dolore,
 Iam lacrymas oculis vix cohibere poteſt:

Vertitur

Vertitur ad sociam, dilecta Sororcula dixit;
Qualis ab erectâ pendet imago trabe?
Rescît esse Deum, per acerbaque vulnera duram
In cruce pro nobis oppetisse necem.
Mox in lachrymulas virguncula solvit ocellos,
Penè insans, pœna non tamen illachrymans.

Ollam ferventem illæsa flammis
furripit.

Cancros coxerat ut Soror Sabina,
Exarsit focus igne faviente,
Flagrantq; cavo lebetè cancri,
Ardebatq; focus magis, magisq;
Non accedere, nec Soror flagrantem
Audebat rapere è foco lebetem.
En rerum studiosa Margarita
Accedit, rapidumq; mox ahenum
Flammis eripit, ustulata nulla
Vi flamma crepitantis; at probata.
Non aurum modo; sed fereniores
Jam probat pia flamma Margaritas.

Ejus jussu fluvius exundat, & rursus
aret.

Quondam invisurus, solaturusque Sorores,
Sacratos petijt Cœnobiarcha lares.
Occursant illi reliquædè, & Margaris illum
Virgo statim querulo consulit ore Patrem.

O Pater, inquit, aquis sæpè exundantibus Jftri
Voluimur, & Sacra Reliquia, atquè domus.

Ille verecunda narrata pericla puellæ
Risit, & à vero dixit abesse procul.

Virgo pudica fidem factura, fluenta Danubi
Mox prece adesse jubet, jussa fluenta riuunt.

Jftri aquas glomerat sinuoso vortice, latè
Implet aquis terras, Cænobiq; situm.

Et fugit, & quarit collesquè, struesquè, gradusquè,
Vitet ut iratas Cænobiarchus aquas.

Ut fecere fidem, rediere fluenta: Puella,
Ceu Moysi, paret lymphæ, paratquè fidem.

Agnovit secreta cordium.

Cognoscit cordis penetrabilia Margaris imi,
Cuncta què secretâ mente prehensa videt.
Si quid præcipiti voluissent corde Sorores,
Hascè monet dictis, has prece Virgo movet.
Si cordis jam sensa vides, ego verba relinquam,
Et tecum solâ, Margari, mente loquar.

Forma Stellæ cœlum ascendit.

Margaris ut fato cessit, successit & astris,
Pannone visa fuit surgere Stella solo.
Scilicet Hunniadum terras Astra reliquit,
Virgo Zodiaco digna micare poli.

Quam placidum veris spirabit ab æthere lumen,
Cum vagus in rosea Virgine Phœbus erit.

Sed quid ego rabidosquè Canes, interquè Leones
Te Sacra Virgo locem? Lucifer esto Dei.

Mar-

Sancta Margarita à Deipara coro-
nata.

V Irgo pudoris Margari lilium,
Prognata Regum sanguine Pannonum,
Divûmq; claro Margaritum
Beliadum genitum cubili.
Quid alta Regum nomina negligis?
Nullis nec unquam nota Quiritibus
Quæris sub obscuro latere,
Despiciens asarota, claustro?
Conciliata serica purpure,
Et fulgurantis chromata sŷrmatis,
Et Ceston, aurata atquè bullis
Cingula, fœmineamquè mundum
Regina solvit: Sentibus horridam
Setisq; duram corpore castulam
Assumit, ut vellus Calabrum
Corrigÿs violenter arctat.
Sandaliorum clavibus asperis
Plantas sŷriatas, promptior induit,
Solumquè pulsat excitato
In superos animosa passu,
Tenella Virgo! quò pede faucio
Corpus fatigas? præq; tragematis,
Regumquè mensis, ferculorum
Quisquiliis analecta Divûm
Censes: & artus virgineos gravi

Jejuniorum, tergaq; verberum,
 Flagro laceßis, spiculisque,
 Senticeis laceras, & hastis,
 Regina! sistas vulnera, mollior
 O parce vite. Molior arduo
 De colle Virginem vocare:
 Abripior, graviorquè telo
 Percellit aures serino puellula.
 O P A R C A T, inquit, vulnera corpori,
 Qui pollicetur clarum Ibero
 Luciferum remcare ponto.
 Non audit ullam Virgo Acheloidum
 Chelyn Sororum. calcar amabile
 Sunt gloria flagra æviterne,
 Calcar habet generosa virtus.
 Sed ecce; pulchrum nil, vel amabile,
 Linqunt inausum tela Cupidinum.
 En Regias vibrant sarissas
 Virginis in niveum pudorem.
 Reges ab igni Margaris astuant,
 Vultus decori lactea lilia,
 Venusti & oris tincta cocco
 Labra, Ducum thalamum suadent.
 Frustra fatigas tela Cnydi puer,
 Quo figis audax spicula, Delia
 Templum est Diana; quamvè spectas,
 Nympha, thoros agapeta temnit.
 Sed dum nec audit Regia filia,
 Nec ulla celsi nomina stemmatis,

Honor fugacem quarit. ornat
 Spina rosas, diadema virtus.
 Regina Divum Virgo puerpera,
 Stipata Divis sydereum latus,
 Per pulchra cœli (nube scissâ)
 Fert niveos anabathra passus.
 Gemmis coruscant Virgineâ manu
 Tendens coronam, sydere pulchrior
 Divam coronat Margaritam,
 Ducit ad astra manu prebensam,
 O Diva! non de rore Sidonidis
 Prognata concha Margari, gemmea
 Asserta Virginum corona,
 Fulge tuis age Margarita.

Epigramma.

Margaris in laudes per amœnè lude Camœna,
 Omnem de Cyntho Phœbe move lapidem.

GEMMEA ACROSTICHIS.

S apphyrus,	M agnes,
A mianthus,	A damas,
N ichomar,	A R R adianus,
O brisoprasus,	G emites,
T ripbtalmus,	A R lectorius,
A ntbracites,	R ubinus,
	I aspis,
	T opazius,
	A urophylax.

SAPPHYRVS CARBUNCULI
parens.Sanctæ Margaritæ vermes in gemmas
versi.

Sapphyri genitus partu Carbunculus ardet,
Magnus, & ignitus; non ita carbo micat.
Non Sapphyrus erat, sed de Beleide conchâ
Margaris, & gemmas hanc generasse ferunt.

Scilicet infestos (regali Cyclade temptâ)

Vermiculos domito corpore passa fuit:

Gemmiparo at vermes fiunt de corpore gemma.

Digna quod an gemmis Margari Virgo gemis?

Vermes in gemmas versos, natura creata

Obstupuit. Gemmas sola Virago parit.

AMIANTHVS.

S. Margarita nuptui contraria.

Cedere nec flammis, maculis nec discolor vllis,
Ferre venenati nil lapis iste potest.
Nec spargi maculis, nec Margaris ignibus vri,
Nullaq; Sirenum colchica ferre potest.

In medijs illa sa facis manet innuba Virgo,

In medio fulget gemmea Virgo luto.

Dividat in scrupos silices violentia flammæ,

Non faciet scrupulos hic ferus ardor amor.

N I C H O M A R.

Victoria, & amicitia.

F Ixit in hoc tacite currum victoria Saxo,
Atque latens pharetra vincula fixit amor.
Nichomari vires complexa est Margari, docta
Sed vincere polum, vincere sive Stygem.

C H R Y S O P R A S V S.

Vestibus exuta repslenduit.

F lgora Chrysoprasi celat lux, prodit opaca
Nox, tantum in tenebris fulgurat iste lapis.
Margaris obscuram detecta veste serenat
Luce domum: innubi Sol velut axe diem.
Indutaq; iterum tanquam caligine veste
Obscurat, Solem qualiter umbra tegit.
Lumina te celant, tenebrae Sacra Margari produnt
Celabas vite lumina, nocte patent.
Prodidit in Caelo Venerem lux: Margarin at nox,
Aut gemma, aut Virgo, Margaris ergo fuit.

T R I P H T A L M O S.

Oculata prudentia.

C onlucet ternis hominum Triptalmus ocellis,
Tuq; vides oculis Margari Virgo tribus.
Praesens, praeteritum, Visuq; trifonte futurum.
Janus eras, quod si non Mar-iana fores.

ANTHRACITES.

Lachrymæ.

HIC lapis ardet aquis, rapido restinguitur igni,
 Virgo faces Cyprias nescia, flagrat aquis.
 Imber ocellorum Cælorum suscitatur ignes,
 Sopit at æthereas terrea flamma faces.
 Margaris in lachrymis rorantibus ardet ocellis,
 Dum cor Cælum orat, rorat ocellus aquas.
 Non lachryma Heliadum, sed Margaris unio stillat,
 Unio, nam sequitur gemmea nexa cohors.

MAGNES.

Ferreus Cingulus.

MAGNES mirifico ferri devinctus amore,
 Arctat in amplexus ferrea cuncta suos.
 Magnas Virgo latus perstringit vimine ferri.
 Vincula fuit ferro, sed fera victa caro.

ADAMAS.

Regios procos contemnit.

INBAB non adamas quamvis adamere Virago:
 At, quia dura procis es, potes esse Adamas.

RADIANS.

Precum suffragia.

FERT totis Radianus opem. Pia Margari, nostras.
 Fac Cælo faciles, cælitibus præces.
 Saxa movent animos. Seu sis Lapis, annue Virgo.
 Saxa peto: sed non verbera jam Lapidem.

GEMI-

G E M I T E S.

Pietas.

Gemites geminas ostentat imagine dextras,
 Quas Natura sua Dædala sculpsit acu.
 Gemites Pietas, gemineque ad sidera palma,
 Vota, lapis plus hic se Pietatis habet.
 Margaris ignito votorum plena calore,
 Tendeat geminas in pia vota manus.
 Et (Niobe ne fors certaret fabula vero)
 Durius in lachrymis Margaris vda suis.

ALECTORIVS.

Pugna cum Dæmone.

Vicit Alektorio Virgo Phlegetonta lapillo:
 Alecto lapidem sensit Alektorium.

RUBINVS.

Pudicitia.

NON rubet in collo, sed Virginis ore Rubinus.
 Auribus, baud digitis pendula gemma rubet.

JASPIVS.

Ægrorum medicina.

Insculpsit medicum parvo huic natura lapillo,
 Qui medicam herbarum fasce ligabat opem.
 Virgo Machaonios (ceu Jaspide) corpore succos
 Continet, ac morbis aqua propinat opem.
 Defecit morbis natura noverca: medendi
 Suffecit cunctis Margaris arte plagis.

Topazius.

TOPAZIVS.

Flamma in vertice S. Margaritæ ludens.

Dicitur à longum querendo Topazius; hoc est
 Rara quod in terris unio, carapolis.
 Occuluit latebris Claustri se Regia Virgo,
 Cæli ignem casto condidit atque sinu.
 Emicat at ludens, in vertice proditor ignis:
 Perdita quævè fuit, prodita luce sua est.

Aurophylox.

Dicitur Aurophylox custos fidiſſimus auri:
 Virtutum; Auriphylox. Opretioſe lapis.
 Abjecit roſeo gemmata monilia collo,
 Margaris, hanc gemmam liquit in auriculis.

Tota gemmea es Margarita.

Tota gemmea Margarita, tota es,
 Venuſiſſima Margarita tota es.
 Et pulcherrima Margarita tota es.
 Rubenti rubicundior Rubino,
 Albicantior albicante Myndan,
 Et florentior Indico Smaragdo.
 Tuo purpurat Amethyſtus ore,
 Jaſſpis lacteolo ſereniore
 E frontis cilio nitet nitore.
 Lychnis fulgurat in pſys ocellis,
 Et Carbunculus ardet in labellis.

Gena est pulchrior omnibus lapillis.
 Tota es gemmea Margarita tota.
 Sed hem! Sidonios manu Beryllos,
 Elenchos rapit auribus lapillos,
 Omnes abiicit hos, & hos, & illos,
 Non conchilia, non amoeniores,
 Coctos murice vestium nitores,
 Nullos ambigit Oebalis colores.
 Suggestumq; coma serenioris,
 Purpuramque gena venustioris,
 Solus inficit aut rubor pudoris,
 Solus inficit aut pudor ruboris.
 Non es gemmea Margarita, non es.
 Corpus gemmiparum tuum Virago,
 Vita gemmea gemmeumque nomen.
 Rursus gemmea Margarita tota es.
 Non es gemmea Margarita; gemma es.

Simile est regnum cœlorum Margaritæ
 pretiosæ.

Quisquis divitias, opumque gazas,
 Et longè vagus intueris agros,
 Et latè numeras greges opimos,
 Cui boum iuga mille aratra vertunt,
 Balant lanigeri greges, sub aureis
 Spumant alipedes equi capistris:
 Cui opes Ceres, & Pater Lyæus,
 Fundit nectareos meri liquores.
 Pleno copia diffluitque cornu:

A a a

Non

Gena

Non sunt hac benè tuta, crede non sunt,
 Nullis tuta manent reclusa gazis:
 Res fortuna dat has, & has, & illas,
 Et fortuna tuetur has, & illas.
 Sed fallax Dea cum dedit; resumit.
 Ut tuto tamen has opes beatus
 Condas scriniolo, periculiquè,
 Et discriminis, atquè sortis experts.
 Vendas omnia, & uniens acervos,
 Emas ò bene cautus Vnionem.
 Quam tutà potes obserare cista,
 Par cælo pretiosa Margarita est.
 Cælumquè equivalere Margarita,
 Cæloquè equivalere Margarita
 Felici pretio potest. At emptor
 Si vis marmora prevalere cælo,
 Aut mutare polis tuum lapillum,
 Conjungas Adamanta Margarita:
 Pluris veniet inde Margarita,
 Tum gemma benè comparabis astra:
 Et gemmam benè comparabis astris.
 Et gemmâ benè comparabis astra.
 Sic cælumquè lapillulosquè felix
 Non abs fœnore, dive fœnerator;
 Usurâquè tenebis æviterna:

Dubito cœlumne Margaritæ, an Margarita Cœlo sit similis.

E T Cœlum vibrat igneos focellos
Et virgo vibrat igneos ocellos.
Cœlum stellifero coruscat axe,
Pulchris ignibus absidem coronat,
Distinctisque polum serenat astris,
Diffusisque solum, salumque lustrat,
Et totum radijs serenat orbem:

Cœlis amula Virgo Margarita.
Quovis sydere pulchrior virago,
Auratis & Atlantidum capillis,
Cnosiaque serenior coronâ,
Formosis & amœnior Diana,
Et comis Veneris, comisquæ Phœbi.
Seu cum Virgineo cubat grabato,
Seu cum puniceo excubat nitore,
Ceu Pallantias axe purpurato
Vecta, Virgineo resplendet ore.

Virgo fessa laboribus diurnis,
Strato liliolis, rosisque lecto,
Et sparso violis Achantulisquæ,
Et chaltis hyacintulis crocisque,
Lacteisquæ ligustrulis decoro;

At inter rosulas Achantulosquæ
Strato vepriculisquæ, carduisquæ,
Savis clavibus, assulisquæ lecto,
Virgo lacteolos reponit artus.

Hac stipata satellitum coronâ,
 Securas videt ut rosas pudoris,
 Securas violasq; castitatis,
 A nullis violabiles pharetris,
 Cedit suaviolo Virago somno.
 Sed compuncta de periculis rosarum
 Vix clausos aperit virago ocellos.
 Mox Cælo tenus elevata mentem,
 Cælum spectat ocellulis apertis
 Et stellantibus astra lustrat astris,
 Et surgens iubar aureum per orbem
 Spargit sydereo ore Margarita,
 Totum Lychnide castitatis orbem,
 Virtutumq; nitore Virgo lustrat.
 Et Cælum creat, & creat Virago
 Argentum, lapidesq; fulgurantes:
 Et Cælum rubet, & rubet virago,
 Christi sanguine, vel suo pudore:
 Et Cælum micat, & micat Virago
 Illud lumine, Numine ista Deum.
 Pallet Cynthia, pallet & Virago,
 Pulchri Numinis hoc amore forsan.
 Sed; Cælum domus est, & arx Tonantis.
 Sed; est Margaris arcu castitatis,
 Templum, regia, cella puritatis,
 Cujus dulcis Jesulus rosæta, &
 Inter lilia pascitur puellus.
 Cum Cælo pretiosa Margarita,
 Et versâ vice par olympus illi

*Pulchritudine purpurâq; certent;
Dic Amphibolicè benigne Lector;
Jam Cœlum superare Margaritam.*

Inauris aurea & Margarita fulgens.

Prov. 25.

E *T digitis adamas, & fulva monilia collo,
Lunula fronte micat, pectora torquis obit;
Auri cultus abest. Hanc Nympha appendit o baccam.
Jam Cœlos Atlas fortis in aure feres.*

Gemmula Carbunculi in ornamento

auri. Eccl. 32.

Q *ualis gemmula fulgurans in auro,
Fabrè Pyrgotelis polita scalpro,
Accendit digitos amoris igne,
Et binas sociat faces amantiū.
Talis Margaris annulo Sororum,
Et castâ Monialium coronâ,
Talis fulgurat orbe Virginali,
Virgo circulus ipse annularis,
Nullo fœtilis annulus Magistro.
Cujus si pretium sit æstimandam.
Auro vilius hic nihil videbis.
Isthic Margarin annulus marital
Cœlo pignore Virginum Marito,
Cui dulcior hoc fuit Puella,
Primævos dedit annulos quod illi.*

Lapides

Lapides excavant aquæ, & alluvione paulatim terra consumitur. *Iob. 14.*

Noon Zephyri pennâ, nullo mansuescit ab igne;
Sed guttis Adamas cedere fœvit aqua.
Margaris ut malas lachrymâ stillante rigavit,
Saxea duities mox liquefacta fuit.

Continuo bibulus paulatim flumine limus,
Et lachryma tellus alluvione perit.

Permansit candor. Quem candida bacca nitorem
Non bibat? assiduis quam mare lavit aquis:

Placuerunt ancillis tuis lapides ejus.

Psal. 101.

Beleide ex conchâ cupidos sumpserunt Sorores
Virginea lapides, vis quibus alta fuit.
Hæc lachryma bassas; ignem tulit illa pyropi:
Virtutemq; suam qualibet inde tulit.
Diffusis tandem baccarum gemmea mater
Virtutum radijs Margaris; astra petit.
Mutarunt elementa fidem, Beleia bacca
Si lapis est; sursum qualiter ire potest?

Lapides Sancti elevabuntur super terram.

Zach. 9.

Rerum opifex Sanctum lapidem super astra levavit
Margarin, ut Cælo Pergama forte struat?
At, fundone Deus, laquearibus anne locabis
Margarin? ab nostra sit rogo porta via:

Duode-

Duodecim portæ duodecim Margaritæ
sunt. Apoc. 21.

Bissenos numerant baccato cardine postes
Panditur empyrei quâ plaga sacra poli.
Margaris an decimus non tertius esse valebit?
Post te nos facili Margart posse trabe.

MARGARITOPHORON

aliterius Authoris.

Sancta Margarita à se domitum Mar-
garitum.



*Aboriosi carminis arbiter
Apollo, doctâ dic age Tibiâ
Melos; sonoro lata Musa
Carmina deproperate plectro.*

*Dicenda Virgo, credite posteris!
Non virgo, sed vir. Tergora MARGARIS*

*Lassavit iratis flagellis,
Sanguineo crepitante rivo.*

*Cubile crebris fluminibus rubet,
Natat virago Purpureo lacu,
Mæstumquæ Larvæ sient nefandæ
Tartarei Laris, & minantur.*

Formido-

Formidolosus Guttare Cerberus
 Allatrat umbras : fulminat inferos
 In se cruenta Virgo ; Reges
 Exuperat Stygia paludis.
 Non visitata monstra protervia ,
 Bello gemiscunt , arma minantia ,
 Cristas , & immanes hiatus
 Illacrymabilis auget orcus.
 Severa letum praelia despicit
 Caelum ; Deorum ridet amabili
 Rector labello : blanda nexis
 Huic Elementa favere nodis
 Certant. Celebres roboris indicat
 Ausus virago , non muliebriter
 Pavescit hostem , nec latentes ,
 Insidias Erebitremiscit ,
 Non jam triumphos ferreus Hercules
 Ad Astra tollat laudibus : ut canem
 Orco trifaucem traxit. Acres
 Aacides sileat favente
 Mavorte pugnas. Sanguineum ciet
 Virago bellum ; sauciat ictibus
 Hostem severis , terga quotquot ,
 Vulneribus rubicunda signat.

Sancta Margarita Patriæ Margaritum.

V T numeret gemmas currit Mercator ad Indos ,
 Et nulli fidas Navita Sulcat aquas.

Si pre-

*Si pretiosa tibi subridet gemma viator,
Hanc tibi Rex Belus, Pannonis ora dabit.
Accipe tam charum quàm rarum munus, habebis
In Gemma hac totas divitias Patria.*

Idem.

Gemma Panomphæo non tantùm nascitur Indo,
Nascitur Vngarico par quoque gemma solo.
Par aio, an melior? nisi ei qua flagrat in Astris,
Par sit in Oceani qua tumulatur aquis.
Vivite Pannonij: vos vivere fecit honores
MARGARIS Vngarico nata puella throno.
Spernite jam post hac (quo multum excellitis) aurum,
Sint vestra sola hac gemmula divitiæ.

Sancta Margareta pretium omnis
Margariti.

Indici flammæis rutilant Pyropis
Montium colles, Adamante fulgent,
Explicant conchis rubra Margaritas
Marmora Ponti.
Gaudet Ægyptus Cereris Sicane
Fructuum donis: Libyaque Tellus
Falce scindendas segetes gravatis
Præbet aristis.
Balsami jactant Arabes fluorem,
Ferreum laudant Chalybes metallum,
Massicus spumat saturata pingui
Pocula Lyæo.

Pannonum tellus superat Sicanos,
 Memnonis vincit segetes, Libyffam
 Vincit, & furvæ rubicunda ponti
 Semina vincit.

Vincit Extremi freta Margariti
 Vincit Eoas, Arabesq; virgas,
 Vincit Jadorum sola, MARGARITA
 Virgine Gemmâ.

S. Margar. Stellis comptius Margaritum.

S Tyx preliant & Æther,
 Sed detriumphat Æther,
 Stellæ tuas, jubarq;
 Deposcit, obtinetq;.

Non Concha, non smaragdus
 Non fulgetrans Beryllus,
 Et Cecropis marita
 Non prævalent Elenchi.

Omnes præis Pyropos,
 Superq; Margaritas

Tu MARGARIS coruscas.

O MARGARITA, sole

Micantior nitente!

O Lux jubarq; Phœbi

Claram Serenioris,

Ardentior Boote,

Et Phosphoro nitente

Flagrantior Capellis

Ardentior Caniclis

*Fulgentior Gemellis,
Septentrione Stella
Ornatioꝝ polari.
Vincis caput Leonis,
Et cingulum Orionis,
Vincisq; Capri cornum
Atlantidasq; vincis.
Est nempe major iste
Splendor tuus, decusq;
Quam quidquid est in astris,
Quam quidquid est sub astris,
Quam quidquid est quod Astrum est.*

Sancta Margareta Cæli Margaritum.

Regina ad superas festinat MARGARIS Oras,
Vt solet ad vitreas currere Cervus aquas.

Non, inquit, tutum est terrenis sistere Gazis,
Cæli Thesaurus tutior ille mihi est.

Si mea quid valeant gemmarum pondera; si qua
Gemma ego sum; gemmis me sociare volo.

Non ibi Latro ferus furtivis imminet ausis,
Non metuo fraudes fur malefane tuas.

O si mille irent tales ad sidera gemmæ,
Quam nunc est, Cæli ditior aula foret.

**Sancta Margarita Coronatum Mar-
garitum.**

Dia coronatur Cæli diademate Virgo
MARGARIS, hanc gemmam tanta corona decet.

Gemma coronatur. si gemmas Astra coronant,
 Cedite stellati lucida signa poli.
 Nempe Deus si non esset diadema: Coronam
 Ipsa coronaret Gemma puella suam.

CAPVT TRIGESIMVM QVARTVM.

Mathiæ Corvini Regis Hungariæ, ad Papam Pium II.
 & Cardinalium Collegium pro Canonizatione B. Mar-
 garitæ V. Epistola.



Dum præcedentia carmina cuderentur, R. P. Iacobus Nemethi, in vetusto quodā codice patriarum literarum à Matthia Corvino, Rege Ungariæ, ad Pium II. Sum. Pontif. Cardinaliumque S. R. E. Collegium, pro Beatiss. Virginis Margaritæ Canonizatione datas se comperisse, earundem exemplaribus transmissis, sueta charitate mihi significavit his verbis: R. in Christo Pater, P. C. Nuper reperi in veteri quodam M. S. libro inter Epistolas Matthiæ Corvini Regis Hungariæ binas literas, una ad Papam (qui tunc fuit) Pium videlicet II. alteras ad Collegium Cardinalium: ratione Canonizationis B. Margaritæ Virg. uti videbit ex ipsismet literis à me ex illo libro descriptis. Annus, & dies datarum non est adscriptus, uti nec aliarum Epistolarum ejusdem Regis in hoc libro M. S. (quæ scriptoris magna inconsideratio fuit) ego tamen ex personarum non paucarum in illo M. S. libro facta mentione, ad quas literæ sunt directæ, colligo manifestè, literas illas à Matthia Rege scriptas esse ad Papam, & Cardinales anno Christi

1463. vel summum 64. &c. Posonij die 26. Martij, 1637.
R. P. V. S in C. Iacob. Nem. eas, vt mihi iucundissimum fuit
perlegere, ita & tibi, Lector Pie, ad maiorem Dei, ejus-
demque Beatiss. Virg. Margaritæ gloriam, sine mora com-
municare, par esse iudicavi.

Sanctissimo in Christo Patri, & Domino, Domino Pio,
divina Providentia Sacrosanctæ Romanæ & Vniuersa-
lis Ecclesiæ summo Pontifici, Domino nostro Cle-
mentissimo.

Beatissime Pater, & Domine, post humilem nostri com-
mendationem ad pedum oscula beatorum. Inter multa
ardua negotia, quibus nunc maximè urgemur, & de ijs etiam
soliciti sumus, quæ ad honorem D. Majestatis, & Sacræ Reli-
gionis pertinent incrementum: immò quodammodo magis in
presentiarum veniunt in mentem ea, quæ devotionis sunt,
quàm in otio domestica quietis. Proinde non erit mirandum,
si hoc potissimum tempore Vest. Sanctitati ea suggerimus, quæ
plus pacis tranquillitati, quàm Castrensibus negotijs conveni-
re videntur. Verùm, vt apertius intelligi possit, quod intendim⁹,
paulo altius repetito initio, summam tamè breviter proponem⁹.
Est quædam Insula Danubio circumflua, in conspectu hujus Civi-
tatis nostræ Budensis, quæ olim Leporum, postea B. M. Insula di-
cta est. In ea Insula Monasterium existit Sanctimonialium Ord.
Predicatorum, quod quidem Monasterium, quondam Rex Bela,
Prædecessor noster fundaverat, & in eodem filiam suam, no-
mine Margaretam, Deo Virginem dedicarat. Ea Margare-
ta, vitæ honestate, & sanctis operibus tantam cælit⁹ gra-
tiam promeruit, vt tam in corpore, quàm post obitum, magnis,

et evidentibus miraculis coruscarit, quemadmodum adhuc multorum fide digna testimonia comprobant: et post ejus mortem à diversis Romanis Pontificibus vel deputati, vel missi Inquistorum, examinatis inde pluribus idoneis testibus, et tota proficiente Hungaria, comperisse, ac scriptum reliquisse dinoscuntur. Sed, ut fit, Regum pariter, et rerum frequenti mutatione, susceptæ rei consummatio vel prorogata fuit, vel neglecta. Nunc igitur Beatitudini V. in eo quam humillimè, et studiosissimè supplicamus, quatenus rem hanc intermissam, et sibi forsitan divinitus, ut alia multa, et præclara, jam diu servata, per se, aut per suos recognoscere dignetur. Et cum intellexerit, omnia, quæ ad id opportuna, et necessaria fuerint, satis constare, et ita placuisse Altissimo, divinæ exinde benignitatis affluentiam, Apostolicæ auctoritatis præconio, et solemni publicatione declaret. Faciet in hoc V. Sanctitas rem gloriosam, et nobis, ac nostris omnibus optatissimam; immò, quod vel primum, vel solum in talibus ponderandum est, multorum devotioni, et salutis profuturam, ac Omnipotenti Deo planè acceptam, qui accensam lucernam non vult abscondi, sed illuminantem eam in edito poni, et se in Sanctis suis præcipit laudari. Qui et Beatitudinem Vest: diu felicem servet Ecclesiæ suæ regimini, et augmento. Datum

Matthias Rex Hungariæ.

Illis verbis, post obitum, magnis, et evidentibus miraculis coruscarit, quemadmodum adhuc multorum fide digna testimonia comprobant, Rex ad miracula suo tempore facta respicere videtur.

Collegio Cardinalium, ex parte Domini Regis.

Scriptimus Sanctissimo D.N. pro elevatione Corporis, sive

Canoniz-

Canoniz-
decessoris
dicatorum
tatem nost
ginis sanct
produci pos
diligentissi
salutifera
In quo nob
plius comp
Matthias Co
rem suam a
Pio, Ancor
mortuo an
Alia
pecto, qu
Deo faven
quisquis e
re impari
rò, te o C
Sanctissim
qualescum
Domini, q
que gravior
simis oculis
natibus fau
cetua, valio
vna frui me
neatibus d

Canonizatione B. Virginis Margareta, olim Bela Regis, Prædecessoris nostri filia, Sanctimonialis quondam Ordinis Prædicatorum, in Monasterio Sanctæ Mariæ de Insula, juxta Civitatem nostram Budensem, Danubio circumflua: de ejus Virginis sanctitate, & miraculis, multa, & magna testimonia produci possunt. Proinde Rever. Paternitates Vestras quàm diligentissimè rogamus, quatenus rei tam honestæ, & piæ, ac salutiferæ, promotionibus, & suffragijs suis adesse velint. In quo nobis quidem, & nostris plurimum, sed Deo longè amplius complacebunt. Datum. Missa ha litera Romam à Rege Matthia Corvino, per Marcum Episcopum Tininiensem, Oratorem suum ad sedem Apostolicam Anno. Vrsit Rex Opt. sed Pio, Anconæ, dum in bellū adversus Turcas proficiscitur, mortuo an. 1464. 17. Cal. Sep. res ad exitum non pervenit.

Alia de B. Virgine Margarita ab optimis amicis expecto, quæ, si data fuerint, in operis appendice legenda, Deo favente, proponam. Quod si quippiam id genus, quisquis es Pie lector, apud te est, ne pro mutua charitate impartiri gravere, vehementius obtestor. Interim verò, te ò Clementissima Patrona, ac Domina mea, Virgo Sanctissima Margarita, ut hos clientuli, famuli que tui qualescumque, pro tua, æternique Sponsi tui Christi Domini, qui te elegit de mundo, gloria susceptos, aliosque graviores, utroque auspice, suscipiendos, benignissimis oculis tuis è Cœlis labores aspicias, & approbes, conatibus faueas, atque ejusdem Regis gloriæ, sancta precetua, valida que intercessione, gratiam, qua illo tecum unà frui merear aliquando, exores, ex intimis cordis penetralibus devotissimè precor.

CAPVT TRIGESIMVM QVINTVM.

De Sororæ Elisabetha, Stephani V. Regis Vngariæ filia. floruit anno Christi 1278.

*M. S.
vita S.
Marg.
Eppius
de Per.
illust.
Ordin.
Præd.
Plodius
p. p.
col.
499 et
Taegius
a-
pud ip-
sum.*



Inter Vngariæ nationis Sanctitatis præcipuæ Sanctimoniales, Elisabetha, Stephani V. Regis Hungariæ nata, ab Auctore vitæ M. S. Sanctæ Marg. Ambrosio Taegio, Georgio Eppio, Ioanne Michaelæ Plodio recensetur. Quadrimula Ordinem Præd. in Monasterio Insulæ B. V. Deiparæ ingressa, adhuc parvula, amitam suam Sanctam Virg. Margaritam accedens, clanculum manum in dorsum illius immisit, nûm cilicina veste tegeretur, exploraturâ, quam ipsa verbis illis, recedas, meque dimittas, abegit. Virginicæ tem corporis, animique illibatam perpetuò custodiens, magna orationis, spiritus, sanctitatisque laude excelluit. Humilitate, sanctæ cum primis amitæ suæ Margaritæ exemplo adeò eluxit, vt auctor vitæ M. S. duas humilitateas, & exemplaria ambas nuncupaverit. Per hebdomadam coquinæ ministerio inserviens, cibos mundabat, & parabat, scutellas, ollasque abluebat: domum quoque & officinas everrebat, & ad omnia abjectionis opera eidem Sanctæ Margaritæ sociam se libentissimè adhibebat. Præfecta Monasterio, hæreditatem illi à Patre Rege Stephano postulavit, literisque obfirmatam impetravit. Is enim Filiam, & Ordinem diligens, pluribus idem Monasterium bonis, potissimum verò portu Irenoo, Portorio cum Villa, Insulæque Villa locupletavit: qui etiam

ad maiorem templi ejusdem loci aram corpus suum sepeliri mandavit, quod & supra Evangelij locum, sub alto rubri marmoris tumulo factum. Testimonium sanctitatis B. Margaritæ, Papæ Commissarijs, 25. ætatis annos nata perhibuit. Quare longè supra annum 1270. vitam produxisse, certum est, cum & Ladislao Rege ejus nepote, qui regnare cœpit ab anno 1278. viveret, quando fortasse etiam erat Antistita: quæ rogata, velum, ac vittam S. Margaritæ, pro arcenda proximè instante eidem Regi adolescenti morte destinavit, & pro eo Sanctimonialibus preces indixit; ut ex Auctore M. S. vitæ inter miracula ejusdem S. Virg. Margaritæ prænarayimus. Spiritu adeo præclaræ Virginis in Cœlos recepto, in Capitulo coràm Crucifixi imagine humatæ fuerunt exuvie, quod & præfixa olim inibi scriptura testabatur.

CAPVT TRICESIMVM SEXTVM.

De Sorore Elisabetha, Filia Andree III. Regis Vngariæ.

obiit anno Christi 1336.

DE hac F. Georgius Eppius VVimpinensis, S. T. Lector Ordinis Præd. ita scribit. Elisabeth, filia Andree Regis Hungarorum Illustrissimi, vita, religione, virtutibus, & miraculis præclarissima. Sicut enim lucerna splendens super candelabrum, ita hac in congregatione Sororum singulariter radiavit exemplis eximia sanctitatis. Habebat hanc gratiam, tam apud Deum, quam apud Sorores, quam mirabantur valde, & intuebantur vultum ejus tanquam vultum Angeli stantis inter illas. Per.

Georg.
Epp li.
de per-
sonis v
trinsq;
sexus
Illust.
Ord.
Præd.

actō demū laudabiliter cursu vite sue, in pace in idipsum obdormivit, stolam immortalitatis accipiens à D. Iesu Christo, scopultaque honorificè anno Domini 1336.

Plod.
pp. vir.
Illust.
col.
429.

Concinit hisce post Ambrosium Taegium & Plodius, qui tamen asserat, quo anno ex hac luce migraverit, se nescire, quod, cujus Andreæ nata fuerit, nequiverit invenire. Ceterum fuisse illam filiam Andreæ III. qui dictus est Venetus, quod natus sit filio Regis Andreæ II. Stephano ex Maurocenæ familiæ conjuge, cui nupsit, dum post varia discrimina Venetias se contulisset, omnino putem exploratum esse debere. Nullus enim Andreas alius, ex quo Ordo noster fuit in Hungaria, præter II. & hunc III. extitit, ut ex universis Regum ejus regionis descriptoribus licet concueri. Hanc porro, de qua sermo, Elisabetham, filiam Andreæ II. sub quo ab Ordine nostro sunt in eodem Regno capta primordia, minimè fuisse, certius est, quam ut indigeat comprobari. Huic enim filia, Elisabetha nomine non fuit alia, præter eam, quæ nupta Ludovico Thuringiæ Landgravio, sanctitate clarissima à Gregorio IX. in album Sanctorum ascripta est, quæ Sanctimonialium vitam in Monasterio non duxit: immò neq; ex tertio Ordine Beati P. Dominici fuit, quamquam sub cura, directioneque Magistri F. nostri Conradi Marpurgensis, Inquisitoris per Germaniam, martyrijq; laude celebris, qui & gesta illius, ejusdem Gregorij jussu, libris octo complexus est, ad mortem usque perseveravit, uti Thomas Maluenda ad annum Christi 1233. scitè deducit. Consequens igitur est, ut Andreæ III. qui ab anno Domini 1291. usque ad 1301. Hungarici Regni habenas moderatus est,

Malu-
enda
anno
1233.
c. 17.

nata

nata fuerit. Porro ipsa longè Parenti superstes, denique anno Christi 1336. concessit mortalitati, quemadmodum Eppius scriptum reliquit.

CAPVT TRIGESIMVM SEXTVM.

Gradus Consanguinitatis inter recensitas Regias Virgines, aliasq; sanctitate per eadem tempora celebres ex eadem Regia Vngarica stirpe personas.

ANtequam ex hoc loco recedam, gaudio plenus, contineri nequeo, quin Regiæ Hungariæ, sanctitate, religionequè clarissimæ consanguinitatis per hæc tempora, lineas ducam, ut tantis exemplis, fideliter, & sanctè in religioso studio Deo omnium conditori, ac redemptori omnes deferuire discamus. Sex insigni sanctitate personæ, nec tempore, nec consanguinitatis gradibus inter sese longè distantes fuerunt; tres ex Ordine Angelico Prædicatorum; Sanctissima Virgo Margarita Belæ IV. Elisabetha Stephani V. Elisabetha Andreæ III. filia; tres itidem ex Seraphico Ord. Minorum; S. Elisabetha vidua, quam pleriq; inter tertij Ordinis personas accensent, S. Ludovicus, Mariæ Siciliæ Reginæ filius, S. Isabella, Petri Aragonum Regis filia. Andreas namque II. duas habuit uxores. Prior fuit Gertrudis Germana, è qua suscepit filios, Belam, Colomanum, Andream: filias, Sanctam Elisabetham, & Hioelesiam, sive Ardeuram, quæ nupta Iacobo Aragonum Regi, inter ceteros Petrum Regem peperit, ex quo prodijt Isabella, quæ nupsit Dionysio Regi Lusitaniæ, & post ejus mortem Mi-

*V. Frā-
ciscum
Tara-
phade
Regi-*

bus Hi
sp.
anno
1215. et
1262.
& Lu-
cium
Mari-
neum
Siculu
de reb.
His.
li. 10.
p. 846.
& l. 11.
p. 857.

Bonf.
dec. 2.
l. 2. à
prim.

norum Ordinis institutum complexa est, falsus proinde, qui in vita S. Elisabethæ scripsit, Iacobum ex conjugē Teresa, Andreae Regis Vngariæ filia, & S. Elisabethæ sorore, Petrum Aragonum Regem filium progenuisse. Teresa namquē non conjunx, sed pellex fuit Jacobi Regis Aragonum, non Andrea II. Vngariæ Regis, sed Ioannis Bidauræ filia, è qua habuit Petrum, non Regem, sed alium quendam, cui Castrum Ayerbae dedit; & Iacobum, quem Dominū Castri Xericae fecit in Regno Valentia: nec Petri Regis filia fuit S. Elisabetha, quod eidem placuit auctori: sed, S. ut ex rerum Hispanicarum scriptoribus diximus, Isabella Posterior Andreae vxor, filia Marchionis Estensis, quàm ex Syriaco bello in Hungariam per Italiam redux, ab eodem Marchione regali cultu exceptus, duxit: ex eaquē Stephanum genuit, qui à Patris obitu, (cùm ex eaquē Stephanum genuit, qui à Patris obitu, (cùm mater, quæ se manifestis indicijis gravidam comprobaverat, impetrata à Proceribus abeundi licentia, ad parentes rediisset) in lucem editus, pro Hungariæ Regis filio educatus est. Is ex ephebis necdum excesserat, cùm immatura imperandi cupidine stimulatus, avum maternum dominatu spoliare conatus est: sed ubi rex animi sententia minimè successisset; ad Iacobum Aragonum Regem affinem suum (qui sororem suam Hioelesiam, sive Ardeuram haberet vxorem) contendit; vnde in Italiam reversus, à Ravennatibus Vrbi præfectus est. At inde exactus (caussa nescitur) Venetias se contulit, ubi Patricij cujusdam ex Maurocenorum clarissima familia prædictis filiam duxit vxorem, è qua filium, quem Patris Regis nomine vocavit Andream, cognomento deinde Ve-

netum

netum, quod in ea & natus, & educatus vrbe fuisset, accepit. Is, vivente adhuc Ladislao, filio Stephani V. Rege, avunculis, cum instigantibus, cum opitulantibus, in Pannoniam venit, & post Ladislai interitum Rex salutatus, & inauguratus est. ex hoc prodijt Elisabetha nostri Ordinis Sanctimonialis. Porro Bela, Andreæ II. filio, Maria Theodori Lascaris Imperatoris Græcorum filia, inter ceteros, Stephanum V. Regem, Sanctissimamq; Virginem Margaritam filios dedit. Stephanus filios habuit Ladislaum IV. Regni successorem, Elisabetham nostri Ordinis Sanctimonialem, & Mariam, equa Carolo Claudio Siciliæ Regi nupta, S. Ludovicus ex Seraphico Minorum Ordine Tolosanus Episcopus ortus est.

Igitur Sancta Virgo Margarita, & Elisabetha Stephani V. filia, secundo: Sancta Margarita, & Elisabetha Andreæ III. filia, tertio se consanguinitatis gradu contingunt, vt deducta lineatione facillimum est contueri.

Bela IV. Stipes

Andreas II. Stipes

B. Margar. Stephanus V.
Sor. Elisabetha.

Bela IV. Stephanus
B. Margar. Andreas III.
Sor. Elisabet.

A Sancta Elisabetha Vidua, S. Margar. duobus, vtraque nostra Elisabetha tribus gradibus distat.

Andreas II. Stip. Andreas II. Stip. Andreas II. Stip.

S. Elisab.	Bela IV.	S. Elisab.	Bela IV.	S. Elisab.	Steph.
	S. Marg.		Steph. V.		And. III.
			Sor. Elis.		Sor. Elis.

Ipse

Ipsæ duæ Elifabethæ nostri Ord. Sanctimoniales,
tercio consanguinitatis gradu conveniunt.

Andreas II. Stipes

Bela IV.

Stephanus

Stephanus V. Andreas III.

Sor. Elifabet. Sor. Elifabetha.

Sancto Ludovico S. Virgo Marg. tertio ; Sor. Elifabetha filia Stephani V. secundo ; Soror Elifabetha filia Andreæ III. quarto gradu appropinquat.

Bela IV. Stipes. Steph. V. Stip. Andreas II. Stipes.

B. Marg. Steph. V. Sor. Elif. Maria.

Bela IV. Step.

Mar. Reg. &c.

S. Ludov.

Steph. V. And. 3.

S. Ludov.

Maria Sor. Elif.

S. Ludov.

S. Virgo Margarita & utraque nostra Elifabetha, S. Isabellam tertio gradu contigunt.

Andreas II. Stipes. Andreas II. Stipes. And. II. Stipes.

Bela IV. Hioelefia.

Hioelefia. Bela.

Hioelet. Steph.

S. Mar.

Petr. R. A.

Petr. R. A.

Steph. V.

Petrus. And. 3.

S. Isabella.

S. Isabella.

Sor. Elif.

S. Isabel. Sor. Eli.

Sancta Elifabetha S. Isabellæ, tertio ; S. Ludovico gradu quarto jungitur.

Andreas

Andreas II. Stipes.	Andreas II. Stipes.
S. Elifabetha.	S. Elifabetha.
Hioelefia.	Bela IV.
Petrus.	Stepanus V.
S. Ifabella.	Maria.
	S. Ludovicus.

Denique S. Ludovicus, & S. Ifabella quarto gradu
conveniunt.

Andreas II. Stipes.	
Hioelefia	Bela IV.
Petrus R. A.	Stephanus.
Ifabella.	Maria R. S.
	S. Ludovicus.





DE REBUS HUNGARICÆ
PROVINCIAE SACRI ORDINIS
PRÆDicatorVM.

Pars Tertia, Liber Primus.

De Viris Ecclesiastica Dignitate præclaris.

CAPVT I.

*Quanta excellentiæ Pastores, & Rectores Ecclesiæ,
quantumque ex eis Religiosis Ordinibus ornamenti
accedat.*



Matth.
5.

Ecclesiasticæ Monarchiæ partes præcipuæ,
Rectores sunt, atq; Pastores, eximijs salis
terræ, & lucis mundi titulis à Christo Do-
mino commendati, quod sibi subiectos à vi-
tiorum tæbe purgent, & præseverent, rerū
coelestium amore, cunctarumq; virtutum
præstantia divino palato sapidos reddant; ijsq; in tantis
mortalis vitæ tenebris ad coelestes sedes conscendendas
lumen clarissimum præferant. Tanta etiam illos autho-

ritatis

ritatis firmitate donavit, ut ipsorum leges, atq; præcepta, haud secus, quam si à se lata essent, custodiri mandarit. Hos ad magistrorum, religiosas verò personas ad discipulorum seriem spectare, suis Patres sancti scriptis tradiderunt: adeoq; tanto plus honorandi, ac suscipiendi, quanto à Catholicis Religiosi omni honore, & observantia digni semper æstimati. Nec dubitari potest, quin multum Ordinibus sacris gloriæ, atq; splendoris accedat, cum ad Ecclesiæ fasces, & gubernacula, viri sanctitate, eruditione, quæ insignes ex eis assumuntur. est Religio, Prælatorum seminarium, Ecclesiæq; firmamentum, proinde eò laudabilior, quò plura, insignioraq; fulcra, & lumina in commune ejus bonum contulerit. Quòd si familia qualibet ex suis hominibus ad eas dignitates promeris illustratur, nobilitaturq;, quidni honore, & splendore augeat Religio, in quam, tamquam in suam familiam, professionis jure translati sunt, qui ex ipsa ad easdem assumuntur? Iure itaq; optimo, qui religiosum statum laudandum, Religionumq; historias conscribendas susceperunt, viros, qui ad Ecclesiæ fasces ex eis evocati sunt, magnis semper præconijs celebrarunt. fecit id S. Severus Sulpitius, cum in laudem S. Martini, ejusq; Monasterij, plures Episcopos ex eo tradit fuisse delectos, ita, ut nulla esset Civitas, aut Ecclesia, quæ non sibi de Martini Monasterio cuperet Sacerdotem. fecit S. Antoninus Archiepiscopus Florent, fecit Hieronymus Platus, vir doctus, & pius ex Soc. Jesu, opere de bono statu Religiosi præclaro: fecerunt alij. & ut reliquos sileam, fecit vir gravissimus nostri Ord. Magister Fr. Dominicus Gravina, *Ordinum omnium Defensor*, in

Matt.
18. Lu-
ca 10.
Dion.
eccl.
Hier.
c. b. D.
Tho.
22. q.
186.
ar. 7.

Seve.
Sul. in
vita S.
Mar-
tini.
S. An.
10. 3. p.
hist. t.
23. c. 11.
& tit.
24. c. 8.
Hier.
Plat.

de bono
status
religio
si.
Dom.
Gravi
na.

voce primum Turturis, ac secundo, dum in Congemina-
ta ejusdem Turturis voce, contra Caueatorem idem argu-
mentum validè propugnauit. Faciemus & nos hic, ut in hac
etiam parte, Hungaricam Prædicatorum Provinciam de
Ecclesia haud malè meritam ostendamus.

CAPVT II.

*Supremarum Dignitatum Ecclesiasticarum
distinctio.*



Ræmittendum autem ducimus, in hac dignita-
tum serie S. R. E. Cardinales, post Ecclesiæ ca-
put, quod est Papa, cæteris omnibus ejusdem
Ecclesiæ membris, ac partibus, superiores exi-
stere, ut Eugenius IV. sum. Pontifex ad Henricum Archi-
episcopum Cantuariensem, qui litem ea super re contra
Joannem Cardinalem Tit. S. Balbinæ ausus fuerat inten-
tare, data epistola, fusè, & solidè nimis ostendit. Iplis nam-
que jure competit vox cum actiua, tum passiva in supre-
mi Urbis, & Orbis totius electione. His Ecclesiæ caput, ve-
lut aurea circumdatum corona, tamquam fidelissimis
Consiliarijs, ac Senatoribus utitur, ad graviores Ecclesiæ
causas prudenter, ac solidè decernendas. Hinc nomine
ducto à cardinibus, de quibus olim fuerat à Spiritu Sancto
prædictum, *Domini sunt Cardines terra, & posuit super eos
orbem*, jure optimo nuncupati. Ad quod alludens Pius II.
sic eos compellebat, *Consiliarij nostri, Coniudices Orbis ter-
ra, super quos militantis Ecclesiæ ostium volendum est.* & Pa-
tres Basiliensis Concilij, sic de illis agebant: *Cum Summo*

Extat
epistola
pud Bzo-
vium
anno
1439. m.
143. V.
etiam
Gravi
nam co-
mo 4.
p. 2. a
fol.
338.
apud
Card.
Palest.
de Con-
suls. S.
Confer.
pp. q. 5.

Ponti-

Pontifici S. R. E. Cardinales in dirigenda Christiana Rep. col-
laterales assistant, necesse est, ut tales instituantur, qui, sicut
nomine, ita re ipsa Cardines sint, super quos omnia Universalis
versentur, & sustententur Ecclesia. Illi, ait Pius V. sunt Tem-
pli Dei bases, clarissima Ecclesia lumina, qui pro animabus po-
pulorum, pro Fide, pro Iustitia, pro Veritate pervigilant. Illo-
rum proprium munus est, inquit Sixtus V. assistere Christi in
terris Vicario, eiq. in regenda Ecclesia Catholica consilium, &
operam assidue prestare, atq. cum eo Ecclesia necessitatibus pro-
videre. Cardinalitius ipse habitus, sanguineum referens
colorem, omniaq. ejus insignia, nil aliud, quam veluti
symbola quædam, debitam ab eis fidem, religionem, ju-
sticiam, publicamq. rei zelum usque ad ipsam sanguinis ef-
fusionem, commemorant. Quare summus Pontifex cum
purpureum his galerum imponit, ait: Ad laudem omni-
potentis Dei, & S. Sedis Apostolica ornamentum, accipe galerum
rubrum, insigne singulare dignitatis Cardinalatus, per quod
designatur, quod usq. ad mortem, & sanguinis effusionem inclu-
sive, pro exaltatione S. Fidei, pace, & quiete populi Christiani,
augmento, & statu Sacrosancta Rom. Ecclesia, te intrepidum
exhibere debeas. Ex ipsis quidam Legati à Latere dicun-
tur, Cardinales, sc. illi, quos summus Pontifex ex Vrbe, &
curia Romana mittit, sive ad certam Provinciam admi-
nistrandam, sive ad negotia cum Regibus, Principibus, vel
cum Republica aliqua tractanda. Qui, quod quasi è La-
tere Pontificis, cui assistunt, mitti solent, sic appellantur.
Post Cardinales, Primates, Patriarchæ, Archiepiscopi, E-
piscopi recensentur. Episcopi, qui Parochis unius, vel
etiam plurium alicubi Civitatum: Archiepiscopi, qui plu-

ap.
Pal. l.
c.

ap.
Pal. l.
c. ex l.
P. Ce-
rem.
sect. 8.
c. 7. in
fine.

V. A.
xor. 2.
p. li. 5.
c. 27.

V. A.
xor. p.
2. l. 3. d.
c. 27.
usq. ad
37.

Bell.
de Cla-
ricis
c. 17.

ribus Episcopis unius Provincia: Patriarchæ, qui pluri-
bus Provincijs, & Archiepiscopis præficiuntur. Primates
verò iidem sunt, qui Patriarchæ: nam, qui Græcis Patri-
archæ, Latinis Primates dicuntur. Vsu autem receptum
est, ut, præter Romanum Pontificem, quatuor præcipuè
Patriarchæ nominentur, Alexandrin⁹, Antiochenus, Hie-
rosolymitanus, Constantinopolitanus. Reperiebantur
etiam Corepiscopi, quorum alij veram Episcopalem con-
secrationem acceperant, sed Corepiscopi dicebantur,
quòd propriam aliquam Ecclesiam non habentes, in alie-
na diocesi ministrarent, ut mos est hodie nonnullis Epi-
scopis titularibus, qui Suffraganei vocitantur: alij verò,
cùm simplices essent Presbyteri, in villulis & oppidu-
lis, Episcoporum loco curam gerentes animarum, Epi-
scopos aliquomodo repræsentabant. Sed age, qui in hu-
iuscemodè dignitatibus Ordinem in Hungarico Regno,
ex illove illustraverint, videamus.

CAPVT III.

Cardinales.



Res fuerunt Legati de Latere Cardinales, non
equidem ex Hungariæ Provincia assumpti, sed,
qui sanctitate, eruditione, rerumquæ agenda-
rum præstantia ad stuporem insignes, pro
Regno illo allaborantes, plurimùm ei splendoris, & de-
coris attulerint. Ex his primus fuit, Beatus F. Nicola-
us, Italus Tarvisinus, Cardinalis Ostiensis, (à quo Rom.
Pontifex consecratur) qui ex IX. Generali totius nostri

Ordi-

Ordin
motus
ponen
lli 130
ri, reli
nifaciu
dislaui
tem Se
tulissen
ce fduc
usurpar
magisqu
Archiep
comitia
Sede Apo
recupera
hemi ali
datis lib
solicea
ex Hung
discordia
potius g
ut ed pote
us Papa
sem F. Nic
garos Car
te corrip
retq; in ge
sequerent

Ordinis Magistro, à Bonifacio iix. ad Cardinalatum promotus, ab eodem Pontifice pro rebus difficillimis componendis Legatus in Hungariam missus fuit anno Christi 1301. ex Annalium conditore res erat. Cum Hungari, relicto Carolo Roberto, quem titulo successionis paternæ Bonifacius Octavus Hungaris Regem destinabat, Regnum in Vladislaum filium VVenceslai Regis Bohemia, contra auctoritatem Sedis Apostolicæ, Archiepiscopo Colocense inaugurante contulissent, Bonifacius, quòd Regnum Hungariæ Sedis Apostolicæ fiduciarium esset, nec quisquam invito Rom. Pontifice, illud usurpare posset, tum, quòd Carolo Roberto jure propinquitatis magisquàm VVenceslao, aut Vladislao competere, tum, quòd Archiepiscopo Strigoniensi, non Colocensi potestas indicendi comitia, renunciandiq, atq, inaugurandi Regem Hungariæ a Sede Apostolica collata esset, tum quòd rebus orientalibus sive recuperandis sive defendendis potiùs Caroli successio, quàm Bohemici alicujus electio conferre videretur, VVenceslaum Regem datis litteris admonuit, ut ea, quæ in præjudicium Sedis Apostolicæ in coronando filio admiserat, corrigeret, Vladislaum ex Hungaria in Bohemiam revocaret, bellis, & cœdibus per discordiam procerum exortis ne materiam subministraret, quin potiùs & auferret, & anteverteret, & prohiberet, & coet. Et ut eò potentiùs rem Caroli in Hungaria perurgeret, Bonifacius Papa, alterum ab Urbe Legatum misit Cardinalem Ostiensem F. Nicolaum Tarvisinum Ordinis Prædicatorum, ut Hungaros Carolum pertinaciùs recusantes anathematis severitate corripere, Ecclesiastica censura percelleret, animadverteretq, in gentis asperitatem, & pertinaciam, nisi pontificio obsequerentur imperio. Legatus, Budam profectus, nihil aliud

per dies aliquot diligentissimè curavit, quàm Antistitum, & Optimatum dissidentes animos ad concordiam revocare; quas ita discordes offenderat, ut rem continuo desperaret. Multi, & si se Carolo infestos dissimulabant, & Pontificis mandata observaturos pollicebantur, tamen re acerrimos adversarios se præstabant. Tam varias hominum mentes mirabatur Legatus, ex quibus tandem quid intra se sentirent, nunquàm intelligere poterat, quoq; magis eorum animos percontabatur, eò plus verborum sibi dari noverat. Suam demùm operam frustratus, non prius abire voluit, quàm Budensibus templis, & sacris omnibus totius Regni, opera, & auctoritate sua, fuisse interdictum. Ea occasione VVenceslao Bohemia Regi persuaferat, ut academicum litterarum studium Praga institueret, sed maiore procerum numero reclamante, res tunc effectum non habuit. Sic Abraham Bzovius. Novum etiam Chorum Fratrum Prædicatorum Viennensium eodem tempore, sive eundo, sive redeundo, Nicolaus consecravit. Ecclesia enim jam anno 1237. ab Eberardo Archiepiscopo Salisburgense fuerat consecrata. Quod grati animi ergo in S. Mariæ Rotundæ Viennense Cœnobium, in quo jam septennium studij Generalis indignum Regentem, sacræque Th. Profess: in ejusdem verò Urbis celeberrimâ Academia, quadriennium S. Scripturæ Interpretem, cum ab alijs nostri Ordinis Doctoribus substitutus, tunc Professor Ordinarius, egi, per transfennam narratum. Romam reversus Nicolaus, eidem Bonifacio successit in Pontificatu anno Christi 1303. Benedictus XI. nominatus. In Pontificatu plurima Ecclesiæ utilissima constituit, & cum majora sperarentur, sedissetque menses octo, dies

Septem-

Marty
rol. per
game-
nem
Con.
Vienn:
et alia
ejusdem
Con.
monk.

septem
hac m
vit. Fu
quæ av
Extat i
thæi Ca
S
Floren
pere &
xii. ad
à Later
gem, ut
anno 3.
quas in v
rio in Co
loannem
iple stati
locū dese
Imperato
applaud
maximisq
fundus; p
gante Sigi
hæreses, q
eisq; exci
stinatus. T
ritas, fides,
mitteret, a
quo major

septemdecim, nonis Julij 1304. veneno ficubus illito, ex hac mortalitate sublatus, ad regna superna commigravit. Fulsit post mortem plurimis, insignibusq; miraculis, quæ à vitæ illius vniversis scriptoribus fuisse percensentur. Extat insigne volumen Commentariorum ejus in Matthæi Caput V. ante annos aliquot luci mandatum.

Secundus fuit Beatus Fr. Ioannes Dominici, Italus Florentinus, Archiepiscopus Ragusinus, vir potens in opere & sermone, pectorisq; Apostolici, qui à Gregorio XII. ad Cardineam eminentiam euectus, ab ipso Legatus à Latere missus est in Hungariam ad Sigismundum Regem, ut apparet ex litteris ab ipso Cardinale Budæ datis, anno 3. Pont. ejusdem Greg. hoc est anno Christi 1409. quas in vita S. Margaritæ descripsimus. Deinde Gregorio in Concilio Constantiensi per suum Legatum ipsum Ioannem Dominici Pontificatui renunciante, cum idem ipse statim à se Cardinalatum abdicans, in Episcoporum locū descendisset, Concilio iubente, Sigismundo demum Imperatore, tunc verò Hungariæ & Romanorum Rege applaudente, in eadem dignitate confirmatus, plurimis maximisq; laboribus pro Catholica Ecclesia gloriose perfunctus; post Concilium, à Martino V. Sum. Pontifice, rogante Sigismundo, in Hungariam ad impias Hussitarum hæreses, quæ in Regno illo grassabantur, extirpandas, ab eisq; excitatos tumultus compescendos, fuit secundo destinatus. Tanta enim erat illi apud Sigismundum auctoritas, fides, devotioq; , ut eum suis omnibus consilijs admitteret, arcta & intima cum eo familiaritate suscepta: & quo majore sibi eum nexu copularet, ad id muneris Lega-

cum postulavit, impetravit, & in Hungariam ipse perduxit. Quò cum pervenisset, invenit hæresim tantopere confirmatam, multorum Principum, & Procerum favoribus roboratam, ut nec adhortationibus, nec optimis virtutum exemplis, non solertissimis disputationibus, nec Ecclesiæ interminationibus, à concepta jam pridem pertinacia moverentur. Apparebat igitur Viro Sancto, eos non nisi armis, violentia, & supplicijs, ad fidei veritatem esse reversuros. Verùm Sigismundus eorum magis corpora, quàm animas diligens, cum posset parva manu pertinaces extinguere, (nam vis solum in capitibus erat) maluit eos hæreticos vivere, quàm fideles omnes paucorum morte salvare. Dicebat autem, non leviter ad arma veniendum, mortuos homines ulterius converti non posse. Quamdiù verò vixerint, tempore quandoq; in melius commutari. Cui Cardinalis. Tu quidem, ò Invietsissime Rex, innata bonitate ductus, adversus hos pestilentissimos viros nequaquam armis decertandum putas, credisq; eos bonis verbis ad veritatis viam reducere: ego verò prædico tibi, me hos homines talibus conjecturis hoc tempore cognovisse, ut sperare non possim, eos nisi in peiora, & perniciosiora ruituros. Tu igitur eo loco, & tempore adhibere remedia tentabis, cum majorem in modum roboratis, facere id ipsum non possis. Melius fuisset in vasis, eorum perfidiam armis opprimere, quàm in illud differre tempus, in quo plurimi fidei quam magna pericula sint incursum. Talis enim hæc pestis est, ut sensim multos invadat, nec bonis possit verbis adhortari ad meliora, & saniora converti. His allocutus Cardinalis Imperatorem, ubi se nihil

V. To
annem
Caroli
apud
Lea. l.
3. fol.
81.
Concer
rat.
Præd.
anno
1418.

vidit

vidit proficere, plurimum pro illorum populorum perdi-
tione indolens, Budam Regni metropolim se recepit, ubi,
quasi jam animo prælagiret, ocyus sibi vitæ terminum af-
futurum, vigilijs, precibus, jejunijs, rebusq; divinis vehe-
mentius incumbens, deniq; Sacramentis Ecclesiæ robo-
ratus, ad immortalitatem migravit anno Christi 1418.
Ad cuius tumulum multa prodigia fieri solita, imagines
ibi plurimæ repositæ ante Hungaricam vastationem, te-
stabantur,

Tertius fuit F. Thomas de Vio, Italus Cajetanus, pri-
us Ordinis Prædicatorum Gen. Magister 38. ac postea Car-
dinalis S. Sixti, ingeniorum Phoenix, & omnium sui tem-
poris Philosophorum, ac Theologorum nulli secundus.
In collegium Cardinalium à Leone X. Pontifice cooptra-
tus, mōx in Germaniā cum Legationis munere missus
ad compescendos prophanos rumores, quos Martinus
Lutherus, novus hærelarcha, apud Germanos excitave-
rat. Inde verò reversus, iterum ab Hadriano Pontifice
maximo, anno 1523. Legatus in Hungariam mittitur, cū
ingenti pecuniarum vi, ad comparandas copias adversus
Solymanum Turcarum Imperatorem, Hungariam infe-
stis armis invadere molientem, Ludovico II. Regi opti-
mo à Sede Apostolica flagitanti subsidium, eroganda. Ita-
que in Hungariam profectus, summa omnium, Regis in-
primis, lætitia exceptus, ita illorum animos auctoritate,
consilio, eruditione, opera confirmavit, ut non solum
qua ratione resisterent, sed & de bello ultrò hostibus in-
ferendo cogitarent. Illud etiam fideliter, & fortiter præ-
stitit Cajetanus, quod cū ea, quam assererat, pecunia,

*Agit
etiam
de Le-
gatio-
ne hac
It. huā-
fi de
reb.
Hung.
li. b. ad
fi.
V. Fla-
vium
Aqui-
lanum
in vita
Th.
Caiet.
Pled.
de vir.
ill. p. p.
l. 4. col.
585.*

ita demum distribuenda esset, si expeditio aliqua memoranda ab Hungaris in Turcam pararetur, eam ille nullo modo aliter atq; ex præscripto erogare sustinuit, tametsi nonnulli Proceres Hungari, magnis & convitijs, & minis, ut pro eorum potius arbitratu erogaretur (qui se necessitates suas magis, quam quivis exterus, nosse se dicebant) urgebant. Et quousque sanè ille in Hungaria permansit, feliciter ac prosperè cum illa universa peracta. Sed brevi tempore Adriani morte subsequuta, à Clemente VII. qui eum meritò plurimum diligebat, plurimiq; faciebat, inde revocatus, Romam rediit; ubi capta incensaq; Vrbe à Cæsariano exercitu, perditissimorum latronum præda factus, quinque millium aureorum pretio, ab eorum manibus se redemit. Denique cum Clemens in gravissimam, & à Medicis deploratam ægitudinem incidisset, ipse quoque gravissimè ægrotare cœpit (quasi se imminenti Pontificatus onere surripere vellet, ad quod communi omnium expectatione, votisq; vocabatur) morteq; sua, Pontificis mortem prævenit, foelicem animam Deo reddens. Idus Augusti, ætatis suæ anno 66. à Christo verò nato, 1534. sepultusq; est Romæ in vestibulo templi Minervæ, pro foribus, in sepulchro humi effosso, quod vivens sibi paraverat. Egregias commentationes edidit in Hungaria, de quibus postmodum inter Doctores sermo recurret.

Cæterum ex ipsa Hungariæ Provincia Cardinalis fuit Fr. Joannes Stoicus, Ragusinus, Doctor insignis, & in Basiliensi Concilio contra Boemorum errores de communionem sub utraque specie disputator acerrimus, glorio-

fusq;

fusq; triumphator; de quo inter Doctores uberius. Is ab eodem Concilio, non solum Legationem ad Joannem Paleologum, Græcorum Imperatorem Constantinopoli existentem habuit, sed etiam Cardinalis creatus est. Testatur hoc narratio Concilio Basiliensi ex Marco Ortuino Gratio, in Biniana editione præfixa, in qua dicitur. *Cardinalis Iulianus eò loci, id est, Basileam, præmisit Joannem Polomarium, Pontificij Iuris Doctorem, Sacriq; Palatij Auditorem: & Joannem de Ragusio, Theol. Professore, Ordinis Prædicatorum tùm Procuratorem Generalem, qui postea Argensis Episcopus factus, etiam in Cardinalium numerum meruit recipi, titulum S. Sixti adeptus.* Testatur quin etiam planè S. Antoninus de actis illius Concilij edisserens. Quod verò is syllabo Cardinalium nostri Ordinis minimè accenseatur, (unde quibusdam recentioribus, rerum nostrarum scriptoribus haud ignobilibus, circa hujus rei historiam dubitatio suborta est) factum, quod ejusdem Concilij acta, ab Eugenio IV. Sum. Pontifice, à cujus obedientia se subtraxerat, meritò fuerint abrogata. Dignus alioquin profectò ea dignitate Joannes, ut etiam Nicolaus Fudefcus, Siculus, Abbas Panormitanus, ex Ord. S. Benedicti, juris eruditione clarissimus, ab eodem Concilio ad Cardinalatum evectus. Refert Joannes Michael Plodius, legisse se apud nonnullos authores, eundem Joannem cujusdam Ecclesiæ Patriarcham extitisse.



Memi-
nit eti-
amejus
legatio
nis Io-
annes
Segovi-
ensis
præfat.
ad par-
tes in-
declina-
biles
Concor-
dan.
Biblio-
rum, et
B707.
fusè an-
no
1435.
à n. 28.
V. Plo.
2. p. li.
3. col.
18.

Plod.
lo. c.
col. 17.

CA-

CAPVT IV.

Archiepiscopi.



Vltra annorum seriem Archiepiscopos, Episcoposq; recensibimus, siue ij Hungari, vel ex Hungariæ Regno, ibidem alibiue præfuerint, siue exteri Ecclesias ejusdem coronæ intra nostri Ord. Provinciam Hungaricam administraverint. Vbi verò sumus, ut plurimum, S. Theol. Magistrorum, Fr. Antonij Senensis, Fr. Joannis Michaelis Plodij, atq; P. F. Alphonsi Fernandij opera, ita ut nostra annorum supputatio illorum supputationi fermè respondeat: proinde ab auctoribus percensendis, nisi quid peculiariùs occurrerit, superfedebimus.

Itaque primò omnium offert se Fr. Andreas Hungarus, magna religione, doctrina, & prudentia vir, qui à Rege Hungariæ Burdegalam in Gallias ad Clementem V. missus, ut canonizationem Sanctissimæ Virginis Margaritæ, filiæ Belæ IV. promoveret, ab eodem Summo Pontifice Archiepiscopus Anciliarensis, siue, ut ait S. Antoninus, Ancoliarensis, circa annum Christi 1306. creatus est. Is, ubi commissum sibi gregem exemplo, & eruditione pavisset, regendi defessus, Præsulatu cedens, inq; Ordinem se recipiens, piè diem clausit extremum. Plodius scribit, missum Burdegalas à Rege Galliæ, sed veriùs censeo cum Leandro, missum à Rege Hungariæ, ut etiam monui in gestis S. Margaritæ, quo itidem loco, à quo Hungariæ Rege missus, dictum copiosè.

Fr.

Ant.
Senen.
in Chro-
nico.
Plo. p.
2. de
Vir. Il-
lust.
verbo
Archi-
episc. Et
piscopi.
Fernan-
dez in
appen-
dice. 1.
ad Con-
certat.
Prædi-
cat.

Fr. Alexander, Plodio Hungarus, Fernandio Croa-
ta, vir varijs, maximisq; dotibus insignis, Archiepiscopa-
tum Cretensem in Græcia administrabat, An. Ch. 1327.

Fr. Nicolaus Sezzensis, ex Romana Provincia, cun-
ctis virtutibus, quas in optimo Præfule requirere possis,
præclare exornatus, Urbis Zaræ, quæ Dalmatiæ caput est,
Archiepiscopus fuit, ad annum Christi 1345.

Fr. Andreas à Dyrrhachio, Theologus præstantis-
simus, ad Ragusinam sedem à Bonifacio IX. sive, ut alij sen-
tiunt, ab Urbano VI. anno Christi 1389. evectus, cum an-
nos 4. illi Ecclesiæ præfuisse, ex hac luce decessit, anno
1393. in D. Dominici æde sepultus.

Fr. Nicolaus de Ovis, Italus Forocorneliensis, su-
scepto Prædicatorū habitu, magnos in pietate, & theolo-
gicis studijs progressus fecit: annoq; 1393. præcitato Fr.
Andreas, in Metropolitanæ Ragusinæ Ecclesiæ præfectura
successit: quam cum annos undecim, piè, & sanctè rexif-
set, multò antea die obitus sui prænunciata, non sine san-
ctitatis opinione spiritū Deo reddidit anno Christi 1406.
conditusque est in Ecclesia Ordinis ejusdem civitatis.

Fr. Joannes Dominici, natus Florentiæ, adolescens
habitum Sac. Religionis induit: & post multa virtutum
insignia, eidem Ragusinæ Ecclesiæ à Gregorio XII. anno
1406. omnino invitatus præficitur, qui humilitatis ergò
quantum potuit, renuit consecrari.

Fr. Michel, Italus Murianensis, Magister in S. Th.
sapientissimus, Metropolitanæ Spalatenfis in Dalmatia
Ecclesiæ Archiepiscopatum tenebat sub annum Christi
1451.

CAPVT V.

Episcopi.

R. Joannes Teutonicus VVildvenfensis, sive VVildeshemensis, latine, græcè, germanicè, hungaricè eruditus, Juris Cæsarei, Pontificij, què Doctor, Papæ Capellanus, & Penitentiaris, adulta jam ætate habitum Ordinis suscepit, ac deinde ex Provinciali Hungariæ Episcopus Bosnensis, quamquàm repugnans, à Gregorio IX. factus, Ecclesiam illam cunctarum virtutum exemplo per tempus aliquod administravit. Magnis deindè precibus, ut Episcopatu renuncians Ordini restitueretur, ab eodem Pontifice obtinuit: cumq; quietè, sibi què tantum sollicitus vivere cuperet, invitus, multumque reluctans totius Ordinis Præfecturam inire compellus, in ea sanctè in Domino obdormivit. Fuisse illum primum ex Ordine nostro Episcopum, qui ad eam dignitatem anno Christi 1228. assumptus fuerit, censuerunt nonnulli. Quod si verum esset, etiam illud laudis Hungariæ Provinciæ accederet, quòd omnium prima, virum adeò præstantem, & sanctum, ad Ecclesiæ gubernacula dedisset. Cæterum nec anno Christi 1228. Joannes, Bosnensis, cum ab eo tempore non nisi post decennium circiter Bosnensis Episcopatus erectus fuerit: nec primus ex Ordine esse potuit Episcopus, cum Thomas Maluenda in perscrutanda antiquitate, solertia, & ingenio plurimum valens, tradat, primum ex Ordine nostro assumptum Episcopum, fuisse Fr. Ray-

Malu.

1231.

c. 2.

in fine.

mun-

Raymundum de Falgario, olim Beatiss: P. Dominici socium, qui Fulconi, viro celeberrimo, magnoq; Ordinis patrono, successit in Episcopatu Tolosano, anno Christi 1231. vixitque in eo ad annum usque 1270. Crediderim tamen indubiè, Joannem primum fuisse Bosnensium Episcopum, quod nedum Joannis Tomco, Bosnensis Episcopi, qui id mihi expressè asseveravit, testimonio, sed ea etiam ratione comprobatur, quòd Bosnensis Episcopatus sub annum 1238. primum fuerit institutus, ut ex Gregorij IX. literis eo ipse anno datis Priori, & Fratribus Ord. Præd. diocesis Quinq; ecclesiensis, quibus mandabat, ut in ædificatione Cathedralis Ecclesiæ Bosnensis, & in propagatione, atq; defensione Fidei Catholicæ, Ecclesiæ Episcopali Bosnensi assisterent, liquidò constat: cum enim Joannes, triennio ab erecto episcopatu illo, anno nimirum 1241. electus fuerit (factus post cessionem Episcopatus Provincialis Lombardiæ) Magister Gen. Ord. Præd. non videtur alius prius illi sedi præfuisse. Facile in scriptoribus nonnullis pro 1238. numerus 1228. irrepfit. Biennium plus minus Episcopatum administravit.

F. Nicolaus Hungarus, Inquisitor Hæreticæ pravitatis, ac deinde cujusdam Hungariæ Ecclesiæ Episcopus, ad calos per martyrium, quo ei vivo, ob Fidei catholicæ defensionem, & propagationem, pellis, instar S. Bartholomæi, detracta fuit, foeliciter evolavit.

Fr. Joannes Hungarus, cum etiam S. Inquisitionis officio præfisset, ad Episcopatum erectus, non ita multò post eadem ex causâ, quòd Sanctam Catholicam Fidem prædicans longè lateq; diffunderet, ab hæreticis sub-

Georg.
9. epist.
211. a-
pud
Bzov.
anno.
1238.
n. 4

dicis

mun.

ditis suis, lapidibus appetitus, & post mortem savissime trucidatus est. De tempore mortis utriusque martyris omnino non constat. Plodius, Fernandiusque eam in annum Christi 1230. referunt. Quibus tamen obstat, quod ex Maluenda jam diximus, primum Ordinis Episcopum fuisse renunciatum anno 1231. quodque vulgo dicitur, Protomartyrem Ordinis fuisse Fr. Magistrum Conradum Marpurgensem, quod non simpliciter, sed in serie Inquisitorum accipiendum esse, idem Plodius merito adnotavit: id namque veritate nuntaret, si jam Hungari nostri Fr. Nicolaus, & Fr. Joannes, martyrio anno 1230. obijissent, cum certum sit, Fr. Conradum non nisi anno 1233. profecto occisum fuisse; nisi forte dicas nostros Hungaros, factos Episcopos, Inquisitores esse desisse. Malpeus, recentissimus author, meminit ipsorum in Palma fidei ad annum 1241. ubi etiam scribit, aliquos tradere, Fr. Joannem anno 1250. Fr. Nicolaum anno 1270. ex hac luce subtractos. Verum, quicquid sit de tempore, de re ipsa dubitari non potest, cum ejus, una sententia, scriptores meminerint universi; è quibus author indiculi virorum illustrium Ord. nostri, post librum Privilegiorum, opera Fr. Stephani Vfusmaris Generalis M. Or. Romæ anno Christi 1555. editum, sic refert.

Fr. Nicolaus, & Fr. Joannes, uterque Hungarus, uterque Episcopus, & Inquisitor, uterque ab hæreticis interfectus, ille quidem decoratus, iste verò lapidibus obrutus, & ense transfusus.

*Fernad.
p. 474.*

Fr. Paulus, Episcopus in Hungaria anno Christi 1240. ut ipsidem omnino verbis scribit Fernandez in Con-

certatione

certatione Prædicatoria : nec plura hactenus de eo scire
licuit.

Fr. Herbordus, sive Riboldus, Hungarus, Provincie
Lombardiæ, & Conventus S. Stephani Bergomensis, an-
tequam pro extruenda arce, à Sfortia Pallavicino, anno
Christi 1561. dirveretur, sanè celeberrimi, filius; quem
Alexander IV. ejusdem Urbis Episcopum, anno 1261.
propter eximias illius virtutes, creavit. Erat enim Pater
pauperum, bonorum omnium amans, prudentia, & e-
ruditione excellens, zeloq; Dei plenus. Statim atque
Ecclesiæ regimen suscepit, curam, & Ecclesiam S. Jacobi
de Porta, Ecclesiæ S. Stephani sui Ordinis adjunxit. To-
tis viribus laboravit, ut in ea Vrbe *Consortium misericordie*,
ad pauperum inopiam sublevandam, erigeretur, Fratrum
suorum Prædicatorum, atque Minorum consilio, & o-
pera potissimum usus; ac denique de Canoniorum Capi-
tuli Bergomensis assensu, anno 4. sui Pontificatus, opus
planè dignissimum ad exitum perduxit, eamq; regulam,
seu vivendi normam, quam Sanctus F. Pianamon, pri-
mus Beatissimi P. Dominici in ea Vrbe Socius, & Con-
ventus S. Stephani fundator, eodem Episcopo deman-
dante, conscripserat pro eodem Consortio, approbavit,
confirmavitque. Manet in hodiernum usq; diem Confor-
tium cum annuo plusquam quatuor millium aureorum
proventu; è quibus in S. Mariæ Majoris templo supra-
quingenta Sacra celebrantur: Clerici quingenta
cum Magistris pro humanoribus, & cantu ecclesiastico,
ad inserviendum eidem templo, sustentantur; Virgines
complures in matrimonium honestè collocantur, non

Plodi-
us P. 2.
lib. p.
col. 53.
& 54.
& in
Prog.
S. Do-
mi. 2.
c. 8.

exiguūq; egenorum numerus sublevatur. Tantum boni (præter alia) Vrbs Bergomensis debet huic suo dignissimo Præsuli, qui anno xi. sui Pontif. Christi 1272. plenus bonis operibus, coronam justitiæ recepturus, evolavit in cælum. Corpus eius in Cathedrali æde S. Alexandri, quæ anno 1561. destructa est, conditum fuit.

Con.
cert. p.
474.

Fr. Andreas Hungarus, Episcopus Bosnensis anno Christi 1280. apud Fernandium loco jam præcitato.

Fr. Augustinus Hungarus, à Benedicto xi. Su. Pontifice Ecclesiæ Zagrabienſi in Croatia anno Christi 1302. vel 1303. præficitur. Temporis vero tractu, ad Ecclesiam Lucerinam in Appulia à Joanne xxii. transfertur. Moritur anno 1332. sanctitate, & miraculis clarus.

Fr. Petrus Hungarus, homo prudens & gravis; atq; propter summam eruditionem in litteris, & concentu, suo tempore celebris, magnoque Cardinali Fr. Nicolao Pratenſi ex nostro Ordine, apud quem diu vixit, gratissimus, Bosnensem Ecclesiam regebat anno Christi 1315.

Fr. Benedictus Hungarus, Episcopus in Transylvania à Fr. Gentili Montis Flori Minorita, Cardinali, & Apostolico in Hungaria delatere Legato, creatus est sub annum Christi 1309. tamen quidam Bosnensem Episcopum faciant. fuisse vitæ quàm integerrimæ, eximiæque eruditionis, proditur.

Fr. Joannis à Dyrrhachio, vir magna honestate, & fama, cujusdam Ecclesiæ in Dalmatia fuit Episcopus ad annum Christi 1397. Is cum diu gregi suo attendisset, novam Ordinis reformationem in Cœnobio S. Dominici Veneto foelicibus auspicijs incohata inaudiens, Episco-

patui renunciāns, illò se contulit, vbi reliquo vitæ tempore, magna cū religiosissimis illis Patribus austeritate transacta, foelicitèr ad Christum perrexit.

Fr. Jacobus Ragusinus, Episcopus Tribunensis, & Mercanen. in Illyrico anno, Christi 1413.

Fr. Joannes Stoicus, Ragusinus, quem Argensem, alij Argentinensem Episcopum fuisse scribunt. Plura de eo inter Cardinales, atq; Doctores.

Fr. Bartholomæus Italus Bononiensis, morum integritate, solidaq; eruditione præcipuus, Signiensem Ecclesiam in Dalmatia multo tempore sanctè administravit. Vivebat anno Christi 1450.

Fr. Blasius Constantinus, Ragusinus, vir doctrinæ præclarus, & in generali studio Bononiensi quondam Regens, ad Ragusini Senatus instantiam factus est Episcopus Tribunensis. Illud de illo memoratur, cum ab eodem Senatu ei Abbatia in Melidensi Insula ea oblata fuisset condicione, vt sui Ordinis habitu dimisso, nigrum S. Benedicti, sub quo illius Abbatiae Religiosi militabant, assumeret, ea super re deliberandi tempus accepisse: vbi verò se quieti dedisset, apparuisse illi Beatiss: Patriarcham Dominicum, qui acriter ipsum reprehendens, quòd de sui Ordinis habitu, quem diu magna cū gloria gestasset, iam dimitiendo tractaret; humeros etiam ipsius, (quos denudare iussit, vt moris est, cum Superiores Ordinis, pro moribus coercendis, suis manibus subditis disciplinam infligunt) flagello, quòd gestabat, adeò acriter verberaverit, vt mane confurgens, præter vehementem dolorem, etiam verberum localivida, & nigra fuisset oculis aspe-

staret. Quare Abbatia recusata, Sanctissimum Ordinis sui habitum, etiam in ipso Episcopatu, ad mortem usque retinuit, ad quam perveniens, efflictim petijt, ut sub fratrum pedibus sepulturam haberet, quod obtinuit. Vivebat anno Christi 1465.

Fr. Blasius, alter à superiori, qui ei in Tribunensi sede, teste Fernandio, successit, anno Christi 1480.

Fernād
Con-
cert. p.
415.

Fr. Antonius Dalmata Iadrensis, doctrina, & religione egregius, cum Budæ Vicarius Provincialis, Matthiæ Corvini Regis Hung. Capellan. & Beatricis Reginae, ejus conjugis, Confess: existeret, ad Episcopatum Modrusiensem, procurante Rege, electus est anno Christi 1481. ut ex Petri Nigri epistola ad eundem Regem dedicatoria Clypei Thomistarum edici anno 1481. videre est. ei postea M. Gen. Fr. Joachimus Turrianus, duos apud se Ordinis Fratres, clericum, & conversum habendi facultatem fecit anno 1482. ut in ejusdem Magistri registris apparet.

Fr. Thomas Barka, Hungarus, ab Alexandro VI. Sum. Pont. in Moldavia Episcopale onus suscepit, ut ejusdem Magistri Generalis registra demonstrant, in quibus an. Christi 1497. autoritas etiam illi dabatur, bonorum aliquorum, quæ Ordini Comitissa quædam ademerat, restitutionem procurandi.

Fr. Ioannes Hungarus Claudiopolitanus, sive Colusvariensis, virtute, & doctrina insignis, à Pio IV. Summo Pontifice Episcopus Chanadiensis creatus est. Interfuit Tridentino Concilio, in quo etiam diem extremum clausit anno Christi 1562. 24. Novembris, ut index Prælatorum ad idem Concilium ostendit.

Haud

Haudquaquam negaverim, benevole Lector, alios etiam in eodem Regno, aut ex ipso alibi Pontificia cura, & sollicitudine Ecclesiæ deseruisse; qui tamen per qualemcunq; nostram diligentiam certò resciri potuerunt, hic repositi sunt. In Catalogo Episcoporum Ecclesiæ Niriensis, qui tomo tertio Decretorum Regni ejusdem annectitur, sedecimo loco *Frater Dominicus primus, qui fuit Pœnitentiarius Papa, & à 1379. usque ad 1390.* Christi annum ei præfedit, recensetur. Quem, ut ex fratris nuncupatione indubiè religiosum agnosco, ex Dominici nomine non improbabiler Dominicanum existimo, omninò tamen affirmare non ausim. Nec ambigas propter quædam loca jam recensita, nam omnes etiam Croatia, Dalmatiæ, Illyriciq; Conventus usque ad annum Christi 1486. (ut alio etiam loco dicemus) ad unam Hungariæ Provinciam attinebant.

Sed erit fortasse, qui inter Episcopos accensendum putet *Fr. Andream Hungarum, insigni probitate virum, qui Carolum Regem, in bellum contra Bazaradum, Valachia Ducem, comitatus, re infœliciter gesta, Rege, ac toto exercitu fuso, ab hostis milite, cum socijs clavis confossus est: de quo Bonfinius ita scribit. Incredibilis ibi legio- num facta jactura, ingens patrata strages. Hic Andreas Alba Basilicæ Antistes eximius, qui Regi serviebat ab epistolis, & Michael Pofeganus, ac Nicolaus Alba Transylvaniæ Sacerdos; item Andreas Sarubensis adis Antistes, è Sacro Dominici Collegio editus, singulari quadam probitate pollens, cum socijs plerisque, defixis in capite clavis, cum in hostis potestatem venissent, omnes crudeli morte expirarunt.*

Tom.
3. decr.
Regni
Hung.
p. 616.

V. D.
Ant.
3. p. t.
23. e.
13. S. 3.
Plod.
2. p. rir
ill. in
princ.
annot.
3.

Bonif.
Dec. 2.
l. 9. am.
1331.

At

Haud

At verò, quòd Andreas Bonfinio dicatùr Sarubensis Antistes, Episcopum illum fuisse, minimè comprobatur; cùm nullus sub totius Vngarici Imperij corona sit, fueritvè vñquã Sarubensis Episcopatus; & Antistitis, nuncupatio latius pareat, quàm Episcopi. Turocius de eadem retractans, Andream nostrum Sarubensis Ecclesiæ Plebanum, & (si rectè memini) Andream alium, Albæ Præpositum appellabat.

CAPVT VI.

Episcopi, Nuncij & Inquisitores Pontificij, Regumque Legati.

Non defuerunt etiam ex Ordine nostro Episcopi, qui à summo Pontifice, atque Regibus pro varijs gravibusq; causis in Hungariam missi fuere. Ex ijs à me reperti sunt insequentibus.

Fr. Bartholomæus Lapacius, Florentinus, Episcopus Coronensis, græcè, & latinè egregiè doctus, magnusque Theologus, (qui in Florent. Concilio strenuam adversus Græcos operam navavit, Marcumq; Ephesium Episcopum, acerrimum disputatorem, in ipso Concilio per Ioannem à Latinis ex Ord. nostro triumphatum, nec tamen resipiscentem, publica Constantinopoli disputatione adeò convicit, ut præ confusionis tristitia graviter infirmatus, brevi animam egerit) pro munere Inquisitionis Sancti officij in Hungariam mittitur ab Eugenio IV.

Pontif.

Pontf. anno Christi 1430. ut alibi, cum de Inquisitoribus sermo fuerit, dicitur.

Fr. Paulus Ligur Moneliensis, & theologicæ facultatis eruditione, & vitæ regularis observatione clarissimus, post pleraquæ munera, atque officia, & inter ea Lombardiæ Provincialatum egregiè administrata, ab Innocentio VIII. Pont. ad sacri Palatii Magisterium euectus, doctrina, & religione ita resplenduit, ut Alexander VI. Innocentij successor, primum Episcopatum Chiensem in Gracia ei deculerit, deinde Nuncium suum, sive Legatum in Hungariam destinaverit. Qui etiam Budæ mortalitati devotissimè concessit, æterna sui nominis memoria relicta, quod tota sacra Biblia commentarijs illustraverit.

Fr. Petrus Ranzanus, Siculus Panormitanus, Episcopusque Lucerinus, poesi, arte oratoria, historiæ peritia, & theologica doctrina præstantissimus. Illum, ob celebrem ejus famam, Ferdinandus Rex, Neapoli accersitum, filio suo præceptorem esse jussit, deinde ad Matthiam Corvinum Hungariæ Regem ei etiam legationem dedit, quod ille munus triennium obivit. Meminit huius legationis Bonfinius, cum scribit. *Multi ex universo orbe ad Matthiam Oratores confluxere, eoque nomen ejus excreverat, ut universus eum orbis veneraretur, & timeret, & non solum Christiani Principes, verum etiam prophani, huc missi è remotissimis partibus Oratoribus, instarent, & amicitiam anhelarent.* Superiori anno, sc. 1486. Petrus Siculus, ad marginem, Ranzanus, Episcopus Lucerinus, Historicus, & Orator optimus, à Ferdinando Rege missus erat. Et alio

Bonfin.
dec. 4.
l. 8. fol
647.

pag.
652-pag.
653-

loco agens de funere Regis Matthiæ apud Albam Regalem: Legatus Apostolicus, ac omnes, qui aderant, Oratores eodem concessere, imprimisq; Ferdinandi Regis Orator Petrus, eloquentia, doctrinaq; non mediocri. & inferius, habitam ab eo in Regis funere orationem, referens, inter Sacrificandum, ait, Petro Episcopo Lucerino viro doctissimo, & Oratori Neapolitano, datum laudandi Regis est negotium. Is de laudibus, & gestis ejus sat ornatam, & copiosam habuit orationem; & multis (annuente Senatu, cunctisq; Pontificibus) jam rationibus ostendit, Matthiam Regem, Christiana Reip. assertorem, Principem invictissimum, & de Romana semper Ecclesia optimè meritum jure inter Divos esse referendum: quòd ab universa concione acclamatum est, & gravissimum super ea Senatusconsultum factum. Sic Antonius Bonfinius Elaboravit Ranzanus, dum Legatum ageret, librum de rebus Hungaricis, aliaque; proinde de illo etiam inter Scriptores sermo recurret.

Abbates.

P. Ta.
cob. Ne
metsep.
ad me
data.
Posm.
26..
Mart.
1637

Nec defunere fortasse etiam in Regno Vngariæ ex Ordine Prædicatorum Abbates: nam R. P. Iacobus Nemetbi, sæpè laudatus, me monuit, se, in quodam M. S. literarum Matthiæ Corvini, Regis Vngariæ codice, etiam epistolam ejusdem Regis ad Pium 2. legisse, de quodam Fr. Eustachio Ordinis Prædicatorum, quem Abbatia cuidam in diocesi Zagrabienfi, Topouzka nomine, præfici cupiebat, illum à morum honestate, & vitæ probitate commendans.



DE REBUS VNGARICÆ PROVINCIÆ
Ordinis Prædicatorum.

P A R S T E R T I A,
LIBER II.

DE SANCTI OFFI-
CII CONTRA HÆRETICAM
pravitatem Inquisitoribus in Hungaria.

CAPVT I.

*Quid Sanctæ Inquisitionis Officium : à quo institutum :
quis Primus omnium Inquisitor : quantum in eo labora-
verit Ordo Prædicatorum : quantopere hæreticis ho-
minibus inuisum.*



roprium, ordinariumq; Episcoporum,
jure divino eis conveniens munus est, cre-
ditam sibi plebem ab omni errore, & pra-
vitate hæretica custodire, atque defende-
re, seduloque advigilare, ne perversorum
dogmatum homines, luporum more ir-

Ggg

rum-

PARS

V. Pl.
dium
in Pr.
l.p. c.
II.

rumpentes, pium fidelium gregem pessundent, ut Sacra Conciliorum decreta testantur. Veruntamen, cum ob tot curas, ingentemq; negotiorum molem, rei tantæ vix ab eis satisfieri posset, placuit Summo totius Ecclesiæ Pastori Innocentio ejus nominis III. (suggerente per Apostolicæ Sedis Legatum B. P. N. Dominico, qui ad Albigen- sium nefariam hæresim nuper exortam, & per multas Europæ partes, Gallicanam præcipuè Provinciam, serpen- tem, fortiter debellandam exertirpandamq;, apud Tolo- sates, pietate, vitæ austeritate, prædicatione, disputa- tione, signisq; laborabat) coadjutores adjungere, & ali- quos designare, qui Summi Pontificis hac in parte perso- nam repræsentantes, non tanquam Ordinarii, sed ut De- legati, negotijs fidei superintenderent, atque cum proprio tribunali, maximaq; auctoritate, hæreticorum causas, severè, juxtà meritum, & scelerum modum animad- vertendo decernerent. Ii Inquisitores, ab officio inqui- rendi hæreticos, & delicta, extrinsecus verbis, vel factis in hæresis materia perpetrata, canonicè, juridicèq; per- vestigandi, sunt appellati. Porro Innocentiùs Pontif. Beatiss: B. Dominico, cujus sanctitatem, eruditionem, prudentiam, & ardentissimum divinæ gloriæ, salutisq; animarum zelum jam optimè noverat, id muneris de- mandavit, contraque hæreticam pravitatem primum In- quisitorem instituit, & declaravit, Quod etiam Sixtus Quintus Pont: Max. apertè proficitur, cum in diploma- te de S. Petri Martyris solenni celebritate sic ait. *Imi- tatione accensus B. P. Dominici, ut ille perpetuis & concioni- bus, & disputationum congressibus, Officiòq; Inquisitionis,*

Incipit
Invi-
storum
Christi
militæ

quod

quod ei primum Innocentius III. & Honorius III. commiserant, contra hæreses mirabiliter se gessit, & coet. Namq; Offici-
cium Inquisitionis primum commissum fuisse B. Domi-
nico, est eundem primum omnium Inquisitorem fuisse.
Quod enim dicitur à Pontifice, *primum*, alios Inquisito-
res respicit, ut ipse primus ante omnes officium illud acce-
perit: neq; ullo modo ad ipsum solum B. Patrem secun-
dum diversa tempora referri potest, quasi primò factus
sit Inquisitor ab Innocentio, & Honorio, postea verò ab
alijs, cum idem S. Pater obierit anno 5. Pontificatus Ho-
norij, cui post alios 5. annos Gregorius IX. successit. Sed
de hoc Inquisitionis Primatu, quem aliqui B. Patri, non
injusto minùs quàm irritò conatu præripere nisi sunt,
adeò doctè, solidè, ac fuse scripsit Fernandus in Concer-
tatione Prædicatoria, ut operam perdat, quisquis plura
dicere contendit. Illum adeat Lector ingenuus, si rem è
radicibus nosse desiderat. Laboravit in eo Officiò stre-
nuè Dux gloriosissimus, ingentelq; fructus, atque bo-
na innumera attulit Ecclesiæ: Quod cernens Aposto-
lica sedes, alios tanti Patris filios per totam Europam, in
Gallia, Germania, Hungaria, Hispania, Italia, Polonia,
Russia, Tartaria, utraq; Valachia, Græcia, & Hibernia:
Per Asiam in Armenia, Georgia: perq; Africam, ad Or-
bem univèrsam cum repurgandum, tum conservandum,
instituit. factum id primum per Honorium III. nam an-
no Christi 1225. qui fuit IX. Pontif. Honorij, Fridericus
I. Imperator constitutionem edidit contra hæreticos, in
qua meminit Inquisitorum ex nostro Ordine per sed. A-
postolicam in Imperio datorum. *Quicumq; hæretici re-*

anno
1586.
idib
April
Roma
1. sui
Pont.

Fernad
inCon-
cert.
anno
1216.

Extat
epist.
apud
Bron.
anno
1225.
n. 5.

perti fuerint in civitatibus, oppidis, seu alijs locis Imperij, per
 Inquisitores ab Apostolica sede datos &c. & inf. ad hoc no-
 tum fieri volumus, fratres Predicadores de Ordine Prædica-
 torum pro fidei negotijs in partibus Imperij nostri contra here-
 ticos deputatos, &c. factum deinde ab alijs, nam de Gre-
 gorio I X. Honorij successore ita scribit Antonius Senen-
 sis. Anno 1227. mortuo Honorio III. eligitur Sum. Pontif.
 Greg. IX. qui illo anno per totam ferè Christianam Remp. ex
 nostro Ordine instituit Censores hereticorum. Nulli enim cen-
 suit hoc munus aptius committi posse, quàm illi Ordini, quem
 per antonomasiam, magni Ordinis viri, Ordinem veritatis
 dixere, eò quòd pro veritate fidei propugnanda, & Ecclesia v-
 nitate conservanda, multa semper tulit, & fecit. De Vrba-
 no VI. Ludovicus Paramushæc refert. Urbanus VI. anno
 1378. Magistro Generali Ord. Præd. datis litteris, potesta-
 tem fecit tres Inquisitores fidei instituendi, vnum in Arme-
 nia, & Georgia, alterum in Gracia, & Tartaria, tertium verò
 in Russia, & utraq; Valachia. Quòd ita executioni
 mandatum, vt etiam in Insula Chienfi, non ita pri-
 dem Inquisitores esse desierint. Fr. enim Antonius Ju-
 stinianus Archiepiscopus Naxiensis, qui in indiculo
 Conc. Trid. inter Archiepiscopos Pij IV. recensetur,
 & eidem Concilio interfuit, in eadem Insula fuit Inqui-
 sitor, pro jurisdictione, & fide tuenda multa passus.
 Quòd in Africano Æthiopum tractu extiterint, atq; eti-
 am nūm extent nostri Ordinis Inquisitores, scribit ad
 extensum Frater Ludovicus Vreta, suis de rebus
 Æthiopicis libris. In Indijs Orientalibus Vrbe
 Ant. Sousa. Goa, Inquisitores fuere Frater Gaspar de Mello Ord.

Præd.

Præd. S. Th. M. anno 1583. & Fr. Thomas Pinto Or. Præd. S. Th. M. an. 1586. vt M. Fr. noster Antonius Sousa supremi Concilij S. Inquisitionis Lusitanæ Senator, ex certa fide recenset. At ne longior sim, lege Ecclesiasticos, nostriq; Ordinis Annales, Paramum, Concertationem Prædicatoriam, Directorium Inquisitorum cum Scholiaste, aliosq; authores, si cernere cupis, quantum semper sollicita fuerit Apostolica Sedes sanctum Inquisitionis Officiũ ubiq; terrarum per instituti Prædicat. viros promovere, & amplificare. Et verò, cum ultra quatuor secula in eomunere invictissimè illi militarint, adhuc operam suam Ecclesiæ indefessè præstare non cessant. In Italia enim, præter Commissarium generalem S. Officij in Vrbe Roma (cui ex meo etiam Viglevanensi cœnobio præfuerunt Fr. Michael Ghislerius, postea Pius V. F. Thomas Scotus Viglevanensis, Episcopus Interamnensis, Fr. Archangelus Blanchus, ex agro Viglevanensi S. R. E. Card. Theanus) sunt in diversis vrbibus, & regionibus plusquàm 30. Inquisitores. In Gallia tres, Tolosanus, Carcassonensis, Avinionensis, Per Dalmatiam totam, Generalis Inquisitor Zarenensis. In Germania, Coloniensis, qui etiam Trevirensensem, & Moguntinum districtum complectitur. In Hispania, Regius Confessarius, Fr. Antonius Sotomayor, Archiepiscopus Damascenus, totius Hispaniæ Supremus & Generalis Inquisitor, quem in eodem officio E. Ludovicus Aliaga præcessit. In Lusitanæ supremo S. Inquisitionis Concilio, Patres Provinciæ Portugalliæ Ordinis Præd. (sicut & in eodem supremo Senatu Inquisitionis Hispaniæ, PP. Provinciæ Hispaniæ) Philippi III. Catholici Re-

Inquis.
in Lu-
sitania
p. mihi
32.

Mal.
in an.
nal. an.
1215. c.
8.

gis munificentia, locum perpetuum obtinent. Quantum verò gloriæ (ut Thomæ Maluendæ verbis utar) splendoris, dignitatis, Ordo Prædicatorum habeat, quod auctore Sancto Dominico istud adeò Sacrosanctum Inquisitionis Officium primam originem cœperit, deincepsq; in posteros fratres Prædicatorēs foeliciter propagatum sit, vix exprimi possit. Divinum hoc planè inventum fuit, & ingens in eo Dominicana Religio Christianæ Reip. momentum intulit, quando eo potissimum præsidio hæreticorum audacia retunditur, puritas, & sinceritas Christianæ fidei, illibata conservatur, evulsis, radiculisq; extirpatis pravis, noxijsq; hæresum, & falsorū dogmatū fruticibus, deniquè quibusvis hæreticis sanæ doctrinæ novatoribus, & alteratoribus, igne, ferro, ni resipiscant, extinctis, vel saltem deterritis, fugatis, profligatis. Quod sanè verissimum esse, discrimen illud inter eas nationes, in quibus hoc Officium viger, Italiam, Hispaniam, Siciliam, &c. & eas, in quibus, aut esse desijt, aut munus suum Inquisitores liberè obire non possunt, luce meridiana clariùs ostendit. Hinc tanoperè Luthero, alijsq; hæreticis tribunal illud invisum. Hinc illæ sanæ Cornelij Agrippæ hominis vanissimi, libro de Vanitate scientiarum, & libelli cujusdam e mentito nomine Sylvestri Prieris, magni Inquisitoris, sacriq; Apostolici Palatii Magistris, (qui primus ex Italia contra Lutherum calamum strinxit, & ejus scripta, ac statuum, hæreticum publicè damnans, Romæ exussit) non jussu Cardinalium ad Officium S. Universalis Inquisitionis deputatorum, sed hæreticorum hominum opera editi. Nihil enim magis re-

nebrion-

nebrion
hil aque
centes: ni
bula, &
laus, vir
bus insu
do Prædi
jam diu
Inquisitor
hic ex prop
fectatur i
eum scrip
Prieras M
lavellus,
Dietemb
Thomas B
zenburg
politani
ad præcip
præmissim

Quo temp
in Hun



ab Honorio

nebriones hujusmodi, quam lux veritatis offendit. nihil æque lupi horrent atq; canes latrantes, & à grege arcentes: nihil magis fures & latrones, quam iudicem, patibula, & cruces oderunt. & sanè optimè Ioannes Cochlaeus, vir doctus & pius, Luthero fratribus Prædicatoribus insultanti illud reponebat. *Habet Venerabilis iste Ordo Prædicatorum propter soliditatem sanæ doctrinæ B. Thoma, jam diu singulare à Sede Apostolica privilegium, ut habeat Inquisitores per totum orbem terræ* Quid mirum igitur, si hic ex professo hæreticus jam pridem publicè condemnatus, in seclatur istius præcipuè Ordinis Patres? Nam & multi ex ijs in eum scripserunt, quibus justè respondere non potest. Sylvester Prieras M. S. P. Tho. Caiet. Card. Sylvester Ferrar. Chrisost. lavellus, Amb. Catharinus, Conradus Chòlin, Joannes Dietenbergius, Joannes Tetzelius, Isidorus Isolanus, Thomas Radinus, Jacobus Hochstrassen, Bernardus Lutzenburgensis, Ambrosius Pelargus, Hieronymus Mero- politanus, Michael Vehus, & alij. Sed de his hæcenus, jam ad præcipuum institutum, propter quòd hæc opportunè præmisimus, accedamus.

Cochl.
in libel-
lo san-
narum.
Luthe-
ri 2.º

CAPVT II.

Quo tempore sanctum Inquisitionis Officium inductum in Hungariam, quicq; Primi Inquisitores existerint.

Hungaria, ex primis fuit, quæ inter universas regiones sanctum Inquisitionis Officiũ à Beatiſſimi P. Dominici morte suscepit. Nam quo tempore Inquisitores in Germaniã missi sunt ab Honorio III. circa annum Christi 1225. & à Gregorio

Plod.
in p. de
Prog.
Dom.
a. 13.

IX. anno 1228. eodem (Plodio teste) etiam in Hungari-
am se diffuderunt; cum tamen in Italia nonnisi ab anno
1238. & in Polonia à 1327. sub Ioanne XXII. fuerint
propagati. Quod equidem, ut ex ingenti inclytæ gentis
Hungariæ tuendæ & amplificandæ Catholicæ Fidei stu-
dio profectum est, sic in summam illius laudem, gloriam-
quæ sempiternam cedit. Sed quid mirum in Censoribus
Fidei pro erroribus propulsandis, & tuenda veritate Ca-
tholica, excipiendis, sedulam fuisse, in cuius insignibus illa
fulget, quæ cunctas hæreses sola interemit in universo
mundo, ea inscriptione PATRONA HUNGARIÆ? Altis-
simas quippè radices Fidei ardor, Deiparæq; Virginis ho-
nor à tempore Sanctissimi Regis Stephani in Vngarorum
cordibus egerant, ut ad hæc tuenda, augendaq; oppor-
tuna media libenter exciperent: ac si quicquam labis tan-
tæ dignitati ex hæretica perniciæ aspergi conspicerent, id
statim latis sanctissimis legibus elui curarent. Quod &
sub Ludovico II. Rege optimo, facilitatum; nam cum Lu-
theranum virus sensim in Hungariam serpere videretur,
præstantissima illa antidota publicis Regni statutis sunt
adornata. Omnes Lutherani, & illorum Fautores, ac
factioni ipsi adhærentes, tanquam publicos hæreti-
cos, hostesq; Sanctissimæ Virginis Mariæ, pœna ca-
pitis, & ablatione omnium bonorum suorum, Maje-
stas Regia, veluti Catholicus Princeps, punire digne-
tur, & : Lutherani etiam omnes de Regno extirpen-
tur, & ubicunque reperti fuerint, non solum per Eccle-

In Con-
stitut.
Buden-
sis Con-
ventus
sub Lu-
dov. II.
anno
1523.
art. 54.
In Con-
in Cam-
po Ra-

sicsticos

fiasticos, verum etiam per seculares personas liberè
capiantur, & comburantur. Porro illorum priorum
temporum Inquisitores (quamquam, qui primi omnino
fuerint, adhuc me lateat) duo magni Viri inter coeteros
recensentur, qui sanguinis sui purpura tantum munus il-
lustrius reddidere, Fr. Nicolaus & Fr. Ioannes, de quibus
inter Martyres, & Antistites, sumus elocuti. Iis verò, quæ
ibi diximus, testimonium ex indiculo, qui annexus est
Martyrologio Ordinis, cum Clementis IX. approbatio-
ne Romæ edito, addimus in hæc verba. *Fr. Ioannes Hun-
garus, ex Inquisitore Episcopus, ab Hereticis pelle detracta,
crudeli morte occubuit. Fr. Nicolaus Hungarus, & etiam ex
Inquisitore Episcopus, lapidibus obrutus, & gladio transver-
beratus, interijt.*

Kosub
Ludo.
2. an.
1525.
ar. 4.

CAPVT III.

*Egregia quædam ab Inquisitoribus in Hungariæ Regno
patrata.*

SI Sanctæ Inquisitionis Hungariæ acta, & ar-
chæa jam extarent, haud dubium, quin pluri-
ma, eaq; insignia ab Inquisitoribus facta ad æ-
ternam ejusdem Sacrosancti Officii, Ordinisq;
Prædicatorij gloriam dare, liceret, sed quando omnia, quæ
Turcarum, quæ Hæreticorum vastitate pessundata, vix a-
liqua ex annalibus Ecclesiasticis collecta hic annotabo.
Strenuè verò etiam cum viris Principibus munus suum
obiisse Inquisitores, illud prodit, quod apud Bosniam Hun-
gariæ Regni Provinciam factum fuisse, Annalium Condi-

Bzou.
anno
1233.
n. 14.

ungari-
ab anno
fuerint
gentis
idei stu-
gloriam.
nforibus
itate Ca-
ibus illa
universo
æ. Alti-
ginis ho-
garorum
i; oppor-
labis tan-
erent, id
Quod &
n cum Lu-
deretur,
rtutis lunt
atores, ac
os hæreti-
pœna ca-
m, Maje-
ire digne-
o extirpen-
per Eccle-

fiasticos

cor ad annum Christi 1233. ita recenset. Dux Regionis illius Bosnae Nicoslavus, opera Fratrum Predicatorum per id tempus heresim ejurarat, & in Fide Orthodoxa se perseveraturum sanctè sponderat, dato Filio obside in manus eorundem Predicatorum, cui vehementer metuebat, ne à Rege Hungariae Feudi jure privaretur. Consuetudo enim Regni obtinuerat, ut Rex Hungariae ejusmodi jura Hæreticis abrogaret, & recens ad Fidem conversis pro voluntate sua concederet. Cùm autem Nicoslavus multis argumentis Fidem suam Ecclesiæ probasset, scripsit Gregorius Regi quidem, ut ex ea laudata consuetudine benignè se erga eum, atq; Filium in Feudo concedendo, seu conservando, haberet. Fratribus autem Predicatoribus, ut Filium ejus obsidem Patri restituerent, cùm de ejus Fide nulla dubitatio amplius remaneret. Virisque dedit litteras Anagninae. 6. Id. Oct.

Ad Templarios (tanquàm de Hæresi, idololatria, alijsq; nefandis sceleribus in Concilio Viennensi damnatis) funditùs in Hungaria, ut & in cæteris Orbis partibus extinguendos, Clementem V. Pont. Max. Sancti Officii Inquisitorum opera usum, idem author scribit ad annum Christi 1308. his verbis. Clemens Quintus, Regibus, & Inquisitoribus Majoricarum, Sicilia, Navarra, Dacia, Suecia, Portugallia, Cypri, Hungariae, Trinacria, Noruegia, Boemia, Aragonia, Castilla, Comiti Sabaudia, Delphino Viennensi, Duci, ac Senatui Venetiarum, ut si qui adhuc Templariorum capti non essent, eos caperent, & tùm loca, tùm bona eorum in custodia fidei, usque ad Apostolica Sedis dispositionem retinerent, commisit, adeoq; precepit.

Pro Fraticellorum hæresi radicitùs extirpanda in Hungaria, eorundem Inquisitorum opera adhibita est.

Cùm

870.
anno
130. n.
3. ex e-
pist. da-
ta Te-
lofa 3.
Cal. Ia-
nuarij.

Cum enim illa Germaniam potissimum pervagata, vicina
Boemiar, Hungaria, & Polonia Regna attigisset, Summus
Pontifex Joannes xxii. datis anno Christi 1327. Provincia-
li Hungariae Ord. Praedicatorum Calendis Febr. litteris,
potestatem ei fecit, Inquisitores contra Haereticos institu-
endi, quibus licitum esset, jus in delinquentes in Fide dice-
re, & ex praescripto sanctionum Ecclesiasticarum, reos
castigare. Parem potestatem, datis 3. Cal. Maij litteris,
Provinciae Poloniae ejusdem Ordinis Praedicatorum lar-
gitus est, ut in eisdem annalibus est videre. Fratres illi,
qui & Fratres de paupere vita, nihil proprii habendum,
nec Respublicas a Christianis administrandas esse, dice-
bant. Promiscuos concubitus licitos fatebantur, visio-
nem divinae essentiae in novissimum usque diem, contra
illud, *Hodie mecum eris in Paradiso*, animabus sanctis diffe-
rebant, aliaque multa phanatica divulgabant. Faculta-
tem vero datam a pontifice Inquisitores instituendi in
Hungaria, sic accipito, non quod prius absolute non essent,
sicut in Polonia, sed, ut vel multiplicatis hominibus, vel
aptioribus, secundum temporis, & circumstantiarum exi-
gentiam, subrogatis, res aptius ex animi sententia
pro Ecclesiae bono confi-

ceretur.



Bzon.
anno
1327.
n. 18.

Prater
olum in
Eelen-
cho Ha
ret. l. 6
c. 13.

Lac.
2.

CAPVT IV.

*Missos in Hungariam aliquando speciales
Inquisitores.*

Speciales etiam aliquandò missos in Hungariam Inquisitores, animadvertimus: nam Eugenius IV. anno sui Pontif. XII. Christi verò 1442. F. Bartholomæum Lapacium, Florentinum, Episcopum Coronensem, ex Ordine Prædic. in utramq; Pannoniam, & Poloniam contra hæreticam sectam, quæ animi simplicis nomine vulgabatur, Inquisitorem allegavit. Quod sacrum munus feliciter gessit, plurimis ad fidei veritatem reductis, vt nobilis author Ludovicus Paramus opere de orig. S. Inquisitionis scriptis consignavit. Ist hæc animi simplicis hæresis fuisse scribitur, qua præsertim, more antiquorum hæreticorum, scæminarum vsum promiscuum quidã licitum esse volebant: quæ cum nova tum esset, & carnalibus hominibus abundè placeret, longè, latèq; serpens, mortalium plures infecterat.

Verùm Lapacius vir egregiè prudens, & doctus fuit, non latinæ tantum, sed græcæ etiam linguæ peritissimus, qui in Concilio florent. anno Christi 1438. pro Catholica Ecclesia contra Græcos strenuè laboravit, ac deinde Constantinopoli, Marcum Episcopum Ephesinum, in eodem Concilio à Fr. Joanne de Montenigro Ord. Præd. qui Joannes à Latinis dicitur, convictum, ita coram Imperatore, Cardinali Legato Apostolico, (cujus erat

comes)

Param.
l. 2. t. p.
cap. 5.
Joann.
Carol.
apud
Leand.
lib. 3.
fol. 80.

Leg.
Din.
Ant.
3. p. hi.
r. 22.
c. 11.

comes)
confutatio
paucos d
ore egest

Quo

D

universo
tore infel
concessit
dentis, an
per unive
Colusvari
cufq; Conc
habetur in
braña man
ex Budenfi
ptum, Joan
Collegij S.
1540. cuju
theca jam c
& exceptur
quidem eju

comes) & Proceribus, publico adhuc certamine superavit, confuditq; ; ut mærore, ac tristitia contabescens, intra paucos dies, in sua perfidia, aui etiam facibus blasphemore egestis, animam efflarit.

CAPUT V.


Quousq; S. Inquisitionis Officium perduraverit in Hungaria.

Perseverasse Sacrosanctum Inquisitionis Officium in Hungaria cum Ordine nostro, ut minimum, usq; ad tempus Mohacianæ cladis, quando anno Christi 1526. Rege Ludovico II. cum universo Hungariæ flore à Solymano Turcarum Imperatore infœliciter profligato, ea ferè tota in ipsorû ditione concessit, exploratum est. Nam ad finem seculi præcedentis, anno nimirum Christi 1493. sub Rege Vladislao, per universum Hungariæ Regnum, Fr. Nicolaus Mirabilis Colusvariensis, S. Theol: Doctor, & Professor, Apostolicusq; Concionator, idem officium administrabat. Ita enim habetur in quodam ejus libro de Prædestinatione, in membrana manu pulchrè descripto, auroq; ornato, quem ex Budensi, ut ajunt, Bibliotheca Regia, ceu monile acceptum, Joannes Faber, Episcopus Viennensis, Bibliothecæ Collegij S. Nicolai ejusdem urbis donavit anno Christi 1540. cujusq; per Patres Societatis Jesu, ejusdem Bibliothecæ jam curâ habentes, copia mihi humanitè facta est, & exceptum exemplar apud me retineo. In epistola siquidem ejus libri nuncupatoria ad Regni totius Cancel-

v. Jo-
sephum
Episc.
Meto-
nensem
cont.
Marc.
Ephes.
post
Concil.
Floren.

larium,

larium, titulus hic præfixus est. Fr. Nicolaus, ex Mirabilibus natus, Colasuariensis, Ordinis Prædicatorum, Divæ Theologiæ Professor, ac per universum Dominium Serenissimi Regis Hungariæ hæretica pravitatis Inquisitor, & Apostolicus Prædicator, Magnifico Domino, Ioanni de Schellenberg, Regio Cancellario se commendat. Magnifice Domine, & si pro exhibita mihi humanitate, &c. Opus verò illud perfectum fuit 12. Cal. Septemb. eodem anno 1493. ut ad finem eiusdem annotatur. Cum itaque ab eo tempore usque ad cladem Mohacianam, triginta tres anni interfluxerint, & credibile sit, Fr. Nicolaum adhuc per aliquod tempus in eo officio perdurasse, (nam etiam nunc cernimus Inquisitores superstites, Mag. Fr. Paulum à Garrexio, Bononiensem, & Mag. Fr. Cornelium Nasium, Dalmatinum, qui supra triginta annos S. Officium egregie administrarunt) vel si mortuus fuit, aut amicus, cum adhuc res illius Regni essent, quoad Fidem, & Religionem, rectè constitutæ, alios illi in eodem Officio esse successores: non est, cur opinemur, ante esse desisse sacrosanctum illud tribunal, quàm Regnum Hungariæ immanissimi Turcæ penè protriverint; adeò ut verè steterit Inquisitio, quoadque stetit Regni potentia, steteritq; potentia Regni, quoad stetit Inquisitio; Monarchia enim à Religione, & hæc vicissim ab illa suscipit adiumenta.



CAPVT VI.

*Rebus Hungariæ deploratis, Fr. Antonius à Grosupto, S.
Th. Doctor, pro illa, alijsq; partibus, Sancti Officij
Commissarius designatur.*

REgno Hungariæ in summam calamitatem redacto, quod è Turcarum manibus reliquum fuit, hæretici homines sic occuparunt, ut vix ullam regionem reperias, in qua plures sit recensere. Ibi enim Luth. Calvinicolæ, Anabaptistæ, Ariani, (forsan & Arhei,) alijsq; perditissimarum factionum sectatores, magno numero nidificarunt; ut si aliunde, Cæsaris, & Principum aliorum reformatione secedere cogantur, siue ij Prædicantij, siue ipsorum auditores existant, non aliò libentiùs commigrare soleant; & qui ante cladem, sibi, licet occultis, vitam non credidissent, jam in manifestissima perfidia, nullibi aliàs tutiùs, aut feliciùs degere se posse confidunt. Nec ex proximioribus tantum partibus plurimi, sed vel ex ipsa Italia, homines corruptissimi, Georgi^{us} Blaudrata Arianus, Melius, Socinus, Transylvaniæ pestes, alijque, quò conceptum virus in fidei veritatem liberiùs evomerent (quod in patria Vulcani terrore minimè ausi) eò se contulerunt. Cui malo occurrere volens Ecclesia, aliquos ex nostris ad eas partes pro sancti Officij munere designavit. Etenim anno Christi 1562. sanctæ Romanæ Ecclesiæ Cardinales, totius Christianæ Reip. Inquisitores Generales, Commissarium contra hæreticam pravitatem per Germaniam, Hungariam, Boemiam, & alia loca, in om-

nes,

nes, sed in eos præcipue, qui ex Italica natione, hæretica pravitate essent infecti, inquirendi, cunctaq; faciendi, quæ opportuna essent, usque ad sententiam definitivam exclusivè, P. F. Antonium Grosuprium, S. Theol. Doctorem, instituerunt diplomate sequenti, ex originali, quod in archivo Fratrum Prædicatorum Viennæ extat, fideliter descripto. Christophorus Madrutius, Episcopus Albanensis, Otto Truchses S. Mariæ in Transyberin, Bartholomæus de la Cueva S. Crucis in Hierusalem, Bernardinus Scotus S. Matth. Ioannes Romanus S. Prisca, Michael Gbislarius S. Sabina, Alexander Romanus, & Clemens Olera S. Mariæ de Ara Cæli Titul. misericordiatione divina S. Romana Ecclesiæ Præbyteri Cardinales in universa Repub. Christiana contra hæreticam pravitatem Generales Inquisitores à S. Sede Apostolica specialiter deputati, Venerabili Fr. Antonio Grosupto, Ord. Præd. salutem in Dñi. sempit.

Foras se Polonia. Cum ad aures nostras, fide dignorum relatione, dudum pervenerit, quod multi ex Italica natione viri hæretica labe infecti, ad alia regna, & provincias Hungaria, Boemia, Palerna, & ad alia loca ex Italia confugientes, se transferant, ut securius hæreticorum more degere possint, & liberius contra Fidem Catholicam, & Sanctam Matrem Ecclesiam Catholicam Romanam, ejusq; Prælatos obloqui valeant, & quod pejus est, ad Italiam, eorumq; Patriam aliquando pro eorū mercimonijs, aut rebus familiarib; alias personas mittentes, Catholicos pestiferis eorum hæresibus inficere moliantur, in maximum salutis animarum præjudicium: eapropter nostro ex officio super hujusmodi excessibus providere volentes, confisi de tua probitate, doctrina, & sufficientia, ac fidei zelo, te, Fr. Antonium prædictum, tenore præsentium Commissarium nostrum, auctoritate A-

postolica

postolica
bus & sin
gnorum,
gerit, cum
nostris co
quascumq;
cujuscum
Ecclesiasti
doliberiss
tiones capi
tum forma
formatione
supra, fact
liter, & per
manus nost
mittas. J
nostræ litt
nostræ S. J
Officij, qu
niri. Da
te Domini M
tione Quin
tu Sancti
na provident
Clau

Fuit Fr.
Vallistellinæ
vincia Lomb

postolica, qua fungimur, institimus, & subdeputamus in omnibus & singulis Civitatibus, Oppidis, & locis praedictorum Regnorum, & Provinciarum, ad quas, & quas te declinare contigerit, cum gratiis, & privilegiis, qua huiusmodi Commissariis nostris concedi solent, cum facultate, & auctoritate contra quascumque personas, praesertim nationis Italicae utriusque sexus, cujuscumque status, ordinis, dignitatis, & praeminentiae, tam Ecclesiasticas, quam seculares, haeticas, aut de haeresi quomodolibet suspectas, informationes, & depositiones, seu denuntiationes capiendi, & recipiendi, ac processus informativos tantum formandi: processusque informativos, depositiones, seu informationes quascumque per te contra huiusmodi personas, ut supra, factos, & receptos in publica, & autentica forma fideliter, & per fidum nuncium, ad nostrum Sacrum Officium, ad manus nostras, vel Commissarii nostri Generalis in Vrbe transmittas. In quorum omnium, & singulorum fidem, praesentes nostras litteras exinde fieri, & per Notarium nostrum Officii nostri S. Inquisitionis infra scriptum subscribi, sigillique dicti Officii, quo utimur, iussimus, & fecimus appensione communiri. Datum Roma in Aedibus nostris, sub anno a Nativitate Domini Millesimo quingentesimo sexagesimo secundo, Indictione Quinta, die vero vigesima mensis Januarij, Pontificatus Sanctissimi in Christo Patris, & D. N. Domini Pij, divina providentia Papa Quarti, anno ejus tertio.

Claudius de Valle, S. Romanae Universalis Inquisitionis
Notarius.

Fuit Fr. Antonius Patria Italus, Grosupto oppido Vallistellinae, sub ditione Rhatorum, oriundus: ex Provincia Lombardiae, & Conventu Morbinensi, aut Novo-

comensi, S. Th. Doctor egregius, & in Tridentina Synodo in societate nostræ Civitatis Viglevanensis Episcopi Mauricij de Petra, Theologus; quamvis diu Tridenti, ob præcitatum vrgens fidei negotium, in Germaniam citius remeaturus, non hæserit. Satis verò diu multumq; Viennæ mansit & Commissarius S. Officij per totam Austriam, ab anno Christi 1558. (juxta litteras S. R. E. Cardinalium Gener. Inquisitorum eodem anno, die 13. Junij, anno 4. Pontif. Pauli IV. datas, in archæoq; ejusdem monasterij servatas;) & Vicarius Generalis Austriæ, & S. Theologiæ in celeberrima, & antiquissima Viennensi Academia publicus Ordinarius professor, sæpe etiam Inclytæ facult. Theologiæ Decanus; qui deniquè Incl. Nationis Austriacæ Procuratorè agens, a.ño Christi 1570. l. 71. in brumali pestilentia, per totam ferè Austriam deficiente, piè in Domino obdormivit. De Legatione illius à Summo Pontif. Pio V. ad Archiepiscopum Strigoniensem, & alios illius Suffraganeos, pro extruendis Seminarijs juxta S. Concilij Trid. decreta, libro quarto dicemus.



C A P V T VII.

*Extare adhuc in Regnis Dalmatiæ, & Illyrici, quæ olim
sub Hungariæ Provinciæ ambitu continebantur, Sacro-
sanctæ Inquisitionis Officium.*



Vo tempore Regna Dalmatiæ, & Croatiæ, & Illyrici, sub una Ordinis Hungariæ Provinciâ continebantur, Inquisitores ex nostro Ordine habuerunt. Diserte enim tradit Ludovicus Paramus, circa annum Christi 1320. in Provincijs, & Regnis Dalmatiæ, Croatiæ, Istriæ, Bosniæ, Ragusiæ, ex Prædicatoria familia Inquisitores extitisse. Narrat etiam Illustriss. & Reverendiss. D. F. Franciscus Gonzaga, Episcopus Mantuanus, ex Ord. Min. in historia de origine Ordinis Seraphici in Provincia Dalmatiæ, in archivis Conventus Jadrensis servari bullam Joannis XXII. S. Pontif. qua statuit, ut Prædicatorum Ordinis Fratres, in eadem Provinciâ ad S. Inquisitionis munus assumpti, Fratres Minores coadjutores sibi assiscere possint. Quare mendum in Concertationem Fernandij per scriptoris, aut typographi incuriam irrepsit, dùm refertur ex Gonzaga, vetitum à Joanne, ne Inquisitores nostri Minoribus coadjutoribus vterentur; cùm Gonzaga, non inhibitionem, sed concessionem Pontificiam, quàm diximus, scriptis prodiderit. Porro tempore illo omnia earum partium monasteria, præterquàm Istriæ, ad unam Hungariæ Provinciâ spectabant, vt in catalogo Provinciarum à Sancto Antonino

Para-
mus l.
2. c. 2.
c. 11. et
18.

Fran-
Gonza-
gæ
47.

Fernad
p. 181.

conscripto licet intueri. Foelicius sanè cùm illis, (quòd munus Dei est) actum. Adhuc enim in eis Sanctum Inquisitionis Officium perseverat, & viget, multas Civitates, & inter eas Chersium, Jadram, (vulgo Zaram,) Sebenicum, Tragurium, Spalatum, Lesinam, Urbem veterem, Curzolam, Catarum, &c. earumquè oppida comprehendens. Præest illi jam à tringinta annis, plus minus, Fr. Cornelius Nasius, S. Theol. Magist. doctrina, pietate, zeloquè insignis, qui ladera, urbe præcipua, regulariter confidens, alibi, vt mos est, Vicarios habet. Horum opera Marcum Antonium de Dominis, Archiepiscopum Spalatensem, hæresiarcham detectum fuisse, non semel è Patribus nostris Dalmatinis audiui.

Marci
Anto.
gesta
habes
apud
Bxoriv
anno
1479.
n. 19.
vsq; ad
26.





DE REBUS HUNGARICÆ
Provinciae Ordinis Prædica-
torum.

PARS III. LIBER TERTIUS.
DE DOCTORIBVS, ATQVE
Scriptoribus.

CAPVT I.

*Doctorum, Scriptorumque nobilitas & præ-
stantia.*



Illustri excelsoq; loco sitos esse in Eccle-
sia Doctores, satis ostendunt verba illa Pau-
li, quibus eos Ecclesiæ principibus, atque
rectoribus adjunxit, cum diceret. *Ipsè de-*
dit quosdam quidem Apostolos, quosdam autem
Prophetas, alios verò Evangelistas, alios au-
tem Pastores, & Doctores. Et: posuit Deus in Ecclesia primò
Apostolos, secundò Prophetas, tertio Doctores. Vsq; adeò
namq; ad Ecclesiæ regimen doctrina necessaria est, ut om-

*ad E-
phes. 4.*

*1. ad Co-
rint. 12.*

Jeremi.

c. 3.

2 ad

Tim. c.

3.

Matt.

c. 24.

D. Th.

Quest. 3.

in cap.

1. p. ad

Corint.

c.

Clem.

ad Rom.

c. 12.

de Se-

pate in

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

c.

nia illius capita, quibus alios regendi munus incumbit, Doctores esse debeant, dicente per Jeremiam Deo, *dabo vobis Pastores, secundum cor meum, & pascunt vos in scientia, & doctrina;* & Apostolo scribente, *Oportet Episcopum esse Doctorem.* Et verò, quamvis ad Apostolos præcipue, quibus dictum est, *euntes in mundum universum, docete omnes gentes,* Episcoposq; Apostolorum successores, munus docendi pertineat: alij tamen etiam ad ejus muneris consortium assumuntur, è quibus, qui revelationes à Deo immediate suscipiunt, Prophetæ, qui verò de his, quæ alijs revelata sunt, populos erudiunt, Doctores à Paulo vocantur. Adeoq; nostri Ordinis Fratres, vel maxime Doctores esse decet, quos Clemens V. *Episcoporum, & Parochorum condutores* nuncupavit, quiq; *essentialiter, ex fine nimirum proprii instituti,* ad salutem animarum, medio sacrarum litterarum studio proctrandam, ordinati sunt, quare *Prædicatores* vocantur. Porro Doctoris nomen, accipi potest uno modo pro quocumque, qui ex commissione majorum, vel plebem pro concione, vel in scholis discipulos, lectionibus, disputationibus, alijsq; litterarijs exercitijs informat, qua ratione quilibet Concionator, aut Lector Philosophiæ, sive Theologiæ, Doctor dici potest, Lectoresq; in sacris nostris Constitutionibus Doctores non semel nuncupatos invenies: alio modo, eoq; insigniori, Doctor is dicitur, qui in Ordinis, vel etiam orbis Universitatibus, aut Pontificiæ, sive Cæsareæ facultatis vigore, peractis actibus ad assequendum Doctoratus gradum præscriptis, solemniter ritu solet inaugurari. Quomodo usus jam obtinet, ut Magistri, sive Doctores in Theolo-

gia dicantur. Utrovis autem modo, quidam doctrinam suam scriptis ad posterorum etiam commodum confignarunt, alij verò minimè, quibus, cæteris paribus, illi præferendi videntur, ut Bartholomæus Cassaneus ostendit: eis enim præcipuè quadrat, quod sapiens agebat, *Non mihi soli laboravi, sed omnibus exquirentibus veritatem.* Quavis ad omnes dirigatur, quod Angelus dixit Danieli, *Qui docti fuerint, fulgebunt quasi splendor firmamenti, & qui ad iustitiam eradiunt multos, quasi stelle in perpetuas aternitates.* Et quod Christus ad suos Discipulos: *Qui fecerit, & docuerit, hic magnus vocabitur in regno cælorum.* Dixi, cæteris paribus, nam scio scriptum esse à sanctissimo Præceptore, omniumq; Theologorum Principe D. Thoma, Doctores plerosque excellentissimos, quales inter gentiles Pythagoras, & Socrates habiti sunt, nihil scribere voluisse; unde etiam confirmat, à Christo Domino doctrinam suam scripto non fuisse tradendam. Profectò Magister ille meus, Hispaniæ Flos, totius sapientiæ pelagus, post D. Thomam Doctorem Angelicum, nulli in ordine nostro secundus, Fr. Petrus de Herrera, deniq; Episcopus, quem primarium Salmanticensem, ceu Angelum loquentem frequentissimi ex universis Ordinibus auditores, arrectis auribus, summoq; plausu semper auscultabant; nunquam etsi à magnis viris sæpè rogatus, & ferè impulsus, adduci potuit, ut commentaria sua, omni acuminis atque eruditionis splendore referta, in totam Sacram scripturam, Theologicamq; S. Thomæ summam, ut ab omnibus vehementissimè exoptabatur, typis evulgaret; quod si fecisset, haud

Cassan.
Catal.
glo.
mundi
par. 10
confid.
28.
Eccles.
c. 24.
Dan.
c. 12.
Matt.
c. 5.
D. Tho-
mas 3.
p. q. 41.
art. 4.

dubitem

dubitem, quin solis instar inter sidera, præ scriptoribus alijs, effulisset.

C A P V T II.

Plurimos Viros eruditissimos, etiam Doctoratus insignibus condecoratos extitisse in Provincia Hungaria, qui libros non ediderint.

Numeros fuisse ex Hungariæ Provincia, viros doctissimos, etiam Doctorali laurea ornatos, qui concionibus, lectionibus, disputationibus errores confutando, veritatem firmando, ad fidem infideles trahendo, in hæreticos animadverendo, consulendo, Sacramenta administrando, aliâq; munera obeundo, in vinea Domini laborantes uberri-
mos fructus in Ecclesiam detulerint, maxima multitudo Martyrum, qui pro Fide, & animarum salute, quam ardentissimè sitiebant, sanguinem suum effuderunt: numerus plurium monasteriorum utriusq; sexus hominum brevissimo tempore constructorum, tot Præsules, Regum, ac Principum Confessarij, Fidei Censores, Peregrinantium ad partes infidelium missiones, commissiones Pontificiæ pro maximis Christianæ Reipublicæ negotijs, aliâq; id genus plurima, de quibus cum nonnulla dicta sint, multa supersunt dicenda, satis ostendunt. Quod si ex initio, & fine, liceat de intermedijs ferre iudicium, nullus non credet, quod diximus, verissimum esse, cum primus Hungariæ Provinciæ fundator fuerit Vir litteratissimus, qui ante Ordinis ingressum publico stipendio in Bononi-

ensi Academia Doctor rexerat, & docuerat gloriosè; in Ordine verò ipso tantum gratia, & eruditione in docendo valuit, ut *Dux verbi*, quasi alter Paulus Apostolus, & Doctor gentium, Apostolus ipse, & Doctor gentilium Cumanorum, sit appellatus. ex postremis autem anno Christi 1560. vivebat Fr. Georgius Szegedinus, in eadem celeberrima Bonnoniensi Academia jam pridem, anno scilicet 1539. S. Theol. Baccalaureus, cum summa laudis commendatione creatus, ut litteræ parentes Decani, & Doctorum Theologicæ facultatis ejusdem Academiæ, quæ etiamnum extant in archivo Conventus Viennensis nostri, declarant. Anno etiam 1562. in sacrosanctis Concilij Tridentinensi sessibus Fr. Joannes Colusuariensis Episcopus Chanadiensis cum reliquis Patribus decernebat. Memorabat mihi, ex seniorum Claudiopolensium relatione certissima, P. Jacobus Nemethi Soc: Jesu, quendam F. Joannem Colusuariensem sive Claudiopolitanum, qui in Sacra Theologia, & jure Canonico Doctor præstantissimus eodem ferè tempore Claudiopoli floruisse. Sed facile potuit is esse jam dictus Episcopus Chanadiensis, quem ad eam dignitatem Pius IV. ut habet indiculus eidem Concilio affixus, adeoque circa tempora illa (quibus regnabat Pontifex iste) promovit. Non deerit (scio) qui ista contemnat: sed ille, quisquis fuerit, meminerit, me non ex monumentis accuratè descriptis, quæ vel non fuerunt, vel temporum immanitate absumpta sunt, sed ex ipsis rudum segmentis eruere vetustatem.

CAPVT III.

Scriptores.

Joan.
Trite-
mius
in Cata-
logo
scripto-
rum.



AD scriptores accedentibus nobis, primo loco se præbet Fr. Joannes Teutonicus, Provincialis Hungariæ, Episcopusquæ Bosnensis. De hoc TriteMIus Abbas Spanheimensis, sic scribit. *Joannes, nomine, & natione Teutonicus; ex Civitate Friburgensi oriundus, Episcopus Bosnensis in Hungaria, Ordinis Prædicatorum, vir in divinis multum exercitatus, & doctus in jure, & in seculari Philosophia egregie peritus; qui propter eruditionem, & vitæ sanctitatem, ex Ordine ad Episcopatum assumptus prius fuerat, quem postea deserens, ad Ordinem suum reversus est, & post Raymundum Generalis Magister Ordinis constitutus, multa bona fecit. Scripsit notabilem Summam Confessorum libris quinque, & quædam alia. Claruit temporibus Friderici II. anno Domini 1250. sepultus verò in Conventu suo Argentinensi, multis olim, (ut fertur) coruscans miraculis, Tantum ille. Cæterum non fuisse Joannem nostrum, Friburgensem, sed Valdeusensem, superius ex universis vitæ illius scriptoribus enarravimus. Nec celebrem illam Confessorum summam edere ipse potuit, cum author illius, sæpius Quæstiones suas resolveret ex doctrina non solum Innocentij, Hostiensis, Raymundi, è quibus, duo illi indubiè prius scripserunt, potuit & S. Raymundus scripsisse prius; sed etiam S. Thomæ, & Fr. Petri Tarantasi, discipuli ejusdem Angelici Doctoris, ac deinde summi Pontificis, Ioanne nostro ætate, & scriptione*

postre-

posteriorum, cum & ipse S. Thomas adhuc adolefcens, à Ioanne nostro clavum totius Ordinis moderante, Coloniam ad studendum sub Magno Alberto missus fuerit. Fuit verò Summa illa edita à Fr. Joanne Friburgense, qui, quòd etiam Ioannes Teutonicus dicatur à S. Antonino, & alijs, quadam nominum communione factum est, ut opus vnius alteri, à Tritemio, authore alioquin solertissimo, tribueretur. Antonium Senensem ascribere nostro Joanni, quæ sunt à Beato Jordano primo Ordinis Magistro conscripta, Plodius annotavit. Nihilominus, Ioannem litteratissimum, (qui plurium linguarum notitia præditus, nec Sacræ Theologiæ duntaxat, sed juris etiam cum Casarei, tum Pontificij peritia insigniter excultus, cuius, priusquàm Sacri Ordinis habitum indueret, Doctoratus lauream adeptus fuerit, adeoque quorundam Cardinalium Capellanus, & Summi Pontificis Pœnitentiarius extiterit) Magist. Fr. Raphael de Parnaso, *glossemata, seu commentaria super Decretum*, illa nimirum, quæ Ioannis Teutonici titulo vulgò præscribuntur; & Michael Plodius, *plures epistolas sanctitatem, & zelum undiquè spirantes, ad totum Ordinem scripsisse, tradiderunt*. Post virum tantum insignes habentur, qui sequuntur.

F. Augustinus Vngarus, Episcopus primùm Zagrabienfis, postea Lucerinus, vir doctrina, & sanctitate celebris, reliquit lucubrationes eruditissimas, inter quas extant concio habita anno 1303. ad Clerum Zagrabiensem, quando iniit Pontificatum, & oratio, quam habuit anno 1309. coram Cardinali Legato Apostolico F. Gentili Montis Flori Ord. Min. & Regni Proceribus, pro Ca-

3. An
ton. 3.
p. hist.
t. 23. c.
10. &
11.

Rapha
el de
Parna
so l. de
proprio
non ha.
bendo.
c. 3. Plo
dim.

rolo Berto in Regno firmando, quas Ioannes Tomco Episcopus Bosnensis, in vita ejusdem B. Augustini descripsit.

Fr. Gregorius Ragusinus, Sacrae paginae eruditione praestans, & in theologicis egregie versatus, scripsit *Commentaria in Epistolas D. Pauli* ad annum Christi 1305. Sic de eo Fr. Antonius Senensis, & Fr. Alphonsus Fernandez.

Fr. Boetius, ex Transsylvania, Theologus praeclarus, Philosophus profundus, & consummatus, alijsq; disciplinis haud ignobiliter excultus, atq; regularis vitae merito conspicuus, scripsit super libros Aristotelis Stagiritae, Peripateticorum Principis, de

Sensu & sensibili,

Vita & morte,

Somno, & vigilia.

Edidit etiam *opus de Mundi aeternitate*. Floruit ad annum Christi 1345. sic P. Nemethi in suis adversarijs. Verum est, Ant. senensem, illum inter Provinciae Daciae, alterius à Provincia Hungariae, (ut liquet ex S. Ant.) alumnos recensere.

Fr. Ioannes Dominici, cujus non semel gesta recenset haec historia, patria Florentinus, Archiepiscopus Ragusinus, & Cardinalis delatere Legatus in Hungariam, in qua & mortuus est, S. Antonini Archiepiscopi Florentini praeceptor, vir sanctitate, scientia, & eloquentia insignis; tantaq; ingenij solertia, & memoriae tenacitate praestans, ut ipse in libro, quem Luculam noctis inscripsit, interposito juramento affirmet, se in nulla scientia praeceptorem habuisse, sed exemplo Augustini omnes

perfe-

P. Nemethi

Ant.

Senensis in

Bibliotheca.

S. Antonini

3.

p. hist.

tit. 23.

cap. 11.

parag.

11.

Sixtus

Senensis

in bib-

lioth. l.

4.

perseplu
gales, the
celeberrin

Comme

Rel
quas Flor
gestima v
habuit.

Lib
ad Corint
44. circit

Itin
ricorum

Lu
vestus est

divinis or
cultu gen

Præ
discipulus

tionem, ita

tis, Penetij

versis ma
in Ecclesia

Libro Sexto
dientium,

per seipsum disciplinas philosophicas, mathematicas, legales, theologicas edidicisse, & penetrasse. Hic Doctor celeberrimus elucubravir inter alia,

Commentaria in *Ecclesiasten,*
Cantica Canticorum,
Euangelium Matthæi usq; ad caput XIX.
Canticum Magnificat,
Epistolam ad Romanos.

Reliquit etiam in *Psalmos Conciones* quinquaginta, quas Florentiæ in Ecclesia Cathedrali à Dominica septuagesimæ usque ad feriam tertiam Paschæ, ad populum habuit.

Librum de Charitate super cap. 12. prioris Epistolæ ad Corinthios, qui incipit, *Si linguis hominum loquar & coet.* 44. circiter sermonibus digestum, elaboravit.

Itinerarium edidit, in quo *Psalmi*, & *Cantica Canticorum* explicantur.

Luculam etiam noctis conscripsit, in qua validè instructus est contra Christicolas illos, qui penè contemptis divinis oraculis, & ecclesiasticis libris, nimio studio, & cultu gentium libros evoluunt.

Præclarissimis illum laudibus S. Antoninus ejus discipulus commendavit. Et inter alia de ejus prædicatione, ita dicebat. *Prædicavit eximie Quadragesimis multis, Venetijs, Florentis permaximè, & alijs Civitatibus, de diversis materijs. Et inter alia, una Quadragesima Florentia in Ecclesia Cathedrali omnes Regulas Iuris, que habentur in Libro Sexto, bis dietim de prædicavit cum magno concursu audientium, unam de mane, aliam de sero proponendo cum The-*

mate Evangelij, vel Epistolæ currentis, admirantibus cunctis. Subdit post alia, quæ quasi prædicandi regula possint Concionatoribus deservire.

Exhibebat autem in materia, & modo evangelizandi, magnam gravitatem, & quasi majestatem. Vox ejus sonora quasi tuba, nec extollebat, nec suppressibat, sed valde imprimebat, non solum aperte docens & delectans, sed & flectens, corda etiam obdurata emolliens. Rarissimè allegabat Poetas, vel Philosophos, cum tamen dogmata eorum in mente haberet, ut patet in opusculis ejus: sed sacra pagina erat testimonium sue doctrinæ, quam novis, & miris expositionibus decorabat. Vitiis rigidus, sed honestas objurgator, & cæt. quibus sanctus ille pro sancto laborans, excelsis illum laudibus jure deprædicabat.

Fr. Ioannes Stoicus, Ragusinus, de quo etiam inter Cardinales, & Episcopos diximus, Magister fuit in Philosophia, Theologia, Sacraq; Scriptura eminentissimus, qui propterea in Basilienſi Concilio, cum ad ipsam auspiciandum, tum in disputationibus contra hæreticos, consultationibus, legationibus magni ponderis, adhibitus fuit. Nam cum Eugenius IV. Julianum, Sancti Angeli Cardinalem Diaconum, Apostolicæ sedis Legatum in Germaniam destinasset, sacram œcumenicam Synodum Basileæ, ex præscripto Concilij Constantiensis de celebrando generali Concilio post lapsum quinquennij, eo fine indictam, ut in ea ageretur de moribus fidelium reformatis, & Hussitis, qui totam ferè Boemiam occupaverant, compescendis, celebraret, eiq; nomine suo, & Apostolicæ sedis præsideret, idem Cardinalis, dum Præ-

latos,

1207.
anno
1431.
m. 10.

latos, &
Iuris Pont
ditorem,
fessorem,
Generaler
se præmili
eam ven
fiasticis po
catis in Ca
cate Apost
cord. Pap
facta, & a
Præsident
gulfæus, su
testamenti
& voluntat
lium; præ
ostendit, v
publicam
nuit. Sac
quintis feri
celebrari, ac
ab ipso ann
1442. vsque
cum 1436.
adversus Su
ritate conter
papam, Am
papposuit, in

latos, & Principes opperiretur, Ioannem Polemariū,
Iuris Pontificij Doctorem, Sacriq; Palatii Apostolici Au-
ditorem, & Fr. Ioannem Ragusæum S. Theologiæ Pro-
fessorem, Ordinis Prædicatorum tunc Procuratorem
Generalem, Basileam, qui Concilium auspicerentur, ante
se præmisit. Qui die Iovis 19. Iulij, anno 1431. Basi-
leam venientes, die 23. ejusdem mensis, omnibus Eccle-
siasticis personis tam extraneis, quàm intraneis, convo-
catis in Capitulo majoris Ecclesiæ Basileensis, autori-
tate Apostolica, Iuliano Cardinali Legato, à foelicis re-
cord. Papa Martino V. à superstiteq; Eugenio IV. Pont.
facta, & ab eodem delegante vtrique concessa, veluti
Præsidentes, Concilium incohaverunt. Ioannes Ra-
gusæus, sumptis pro themate illis verbis, *Venit Angelus
testamenti, quem vos vultis. Malach. 3.* multa de potestate,
& voluntate Cardinalis Legati ad celebrandum Conci-
lium; præterea necessitatem hujus Concilij plurimis
ostendit, utq; omnes animis, & consilijs adessent, Remq;
publicam Catholicam juvare non negligerent, admo-
nuit. Sacris de more absolutis, decreverunt singulis
quintis ferijs pro communibus Ecclesiæ necessitatibus
celebrari, ac interim alios Prælatos expectari. Sic itaque
ab ipso anno Christi 1431. cœptum Concilium, & ad
1449. usque perductum. & sanè à principio usq; ad an-
num 1436. legitimum fuit: sed deinceps, erecta cervice
adversus Sum. Pontificem Eugenium IV. cujus autho-
ritate contemta, eo deposito, alium non Papam, sed Anti-
papam, Amadeum Ducem Sabaudia, Felicem vocans,
papposuit, in Sathanæ Synogogam, *Basilea basiliſcum*, ut

5. An.
ten. 3.
p. hist.
tit. 22.
c. 6. pa.
rag. 4.
in fine

pulchrè

Fern.
in Con-
cer. an-
no 14
33. A.
StaCoc.
Basili-
ensis.
10. 4.
Conc.
Ezovig
anno
1433.
n. 59.

pulchre ait g. Antoninus, *pariente*, degeneravit. Dùm legitimum esset, strenuam in illo operam navavit noster Fr. Ioannes, per octiduum anno Christi 1433. Hussitis, quoad necessitatem communionis sub vtraque specie, confutatis. Quam rem, quoniam scitu digna est, dabo ex bonis authoribus apud Fernandium in Concertatione Prædicatoria, & ex ipsis actis Consilij Basileensis juxta Bioianam editionem, Annaliumq; Conditor. Bohemi Hussitæ, impetrato salvo conductu ab omnibus Principibus, & civitatibus, per quorum ditionem erant transi- turi, die 4. Ianuarij anni 1433. Basileam, quo tempore Synodus apud Fratrum Prædicatorum ades convenerat, pervenerunt. Porro inter ceteros præcipui nominis Hussitas, celebris habebatur Ioannes de Rokizana, con- cionator, & Pseudoapostolus Pragensis, quo omnium nomine, diem, vt audirentur, postulante, decimasexta ejusdem mensis fuit destinata. Ipsa igitur die, Rokizana articulum de-communione sub vtraque specie vsquè ad diem tertiam proposuit, horis antemeridianis. Secundò Nicolaus Taborita, articulum de publicis peccatis corri- gendis, per bidui tempus in medium protulit. Post hunc, Vdalricus Præbyter Orphanorum, tertium articulum de libera prædicatione verbi Dei, duobus etiam diebus proposuit. IV. denique articulum de civili dom. Clerico- rum triduo Petrus Rayne absolvit. ij verò suarum dis- putationum copiam in scriptis sacro Concilio fecerunt, gratias agentes, quòd auditi fuissent; quamquam tres posteriores nihil veriti fuerint, Ioannem VViclephum, & Ioannem Hus, quos jam Ecclesia damnaverat, Doctores

evan-

evangelicos (quod etiam de de suis magistris faciunt
nostri temporis hæretici) vocitare. Iam res postulare
videbatur, vt Boemis responderetur; quare Fr. Ioannes
noster Ragulinus, surgens in medio Concilij, faculta-
tem privato nomine respondendi sibi concedi, clara voce
poposcit. Annuente Sacra Synodo, per octo dies ad
primum articulum, horis antemeridianis, vberissima pro-
fundissimaq; disputatione respondit. Deinde respon-
dit ad secundum articulum insignis Theologus Aegidius
Carlerius, Decanus Ecclesiæ Cameracensis, per dies qua-
tuor. Ad tertium articulum Fr. Henricus Kalteisen,
Confluentinus, Ordinis etiam Prædicatorum, in celebri
Coloniensi Academia S. Th. Professor, & hæreticæ pra-
uitatis Inquisitor, vir doctissimus, per dies tres. Ad
quartum postremo, Ioannes Polomarius præcitatus. Ex-
tant singulæ Disputationes impressæ tomo quarto Con-
ciliorum ex editione Biniana. Est vero illa Ioannis no-
stri ad justam libri mensuram, quam tamquam profun-
dam, præcellam, & veram, Aegidius Carlerius in eodem
Concilio meritò commendauit. P. etiam Franciscum
Amicum, è Societ. Iesu Doctorem Theologum, & in
Græcensi Academia olim Professore primarium, vi-
rum pietate, humanitate, eruditione, editisq; libris præ-
clarum, eandem non semel miris laudibus prædicantem
audiui. Habuit etiam Ioannes ab eodem Concilio le-
gationem ad Joannem Paleologum, Græcorum Impera-
torem. Scripsit Doctor iste insignis, præcitatum opus
contra hæresim Boemorum de Communione sub utraque specie,

Quodlibeta Theologica,

Ant.
Sen.
Plodig
Fernā-
dex.

Sermones de tempore.

Ambro
fio Tac-
g 19 p. p.
monu.
Ord.
Ferna
Senen.

Fr. Iulius Dalmata, in scholastica disciplina, & scrip-
tura sacra ingenuè versatus, reliquit

Commentarios super xxi. Prophetas minores,

Opus de Anima potentij. Vivebat ad annum

Christi 1460.

Ambro
Gorzeo
lib. de
scrip.
Or. Pr.
Ferna

F. Bernardus Ghetaldus, Ragusinus, genere, & mo-
ribus clarus, scripsit *historiam virorum Illustrum Patria Ra-*
gusina circa annum Christi 1470.

ex l. R.
& Cost.
versa-
rum in
sine.

Fr. Paulus Vngarus Vatiensis, M. Artium, & Sac.
Th. Lector scripsit, & transtulit Regulam, & constitutio-
nes Sororum Ord. Præd. in Hungaricam linguam de ver-
bo ad verbum, & alicubi majoris claritatis, ac Hungarici
sermonis leporis gratia, ad sensum, anno 1474. absoluitq;
die S. Remigij, in Conventu Sigetij, pro Insula leporum.

Gorzeo
Ferna

Fr. Ioannes Barbeta, Dalmata, edidit *historiam Dal-*
matia circa annum Christi 1480.

Gorzeo
Ferna

Fr. Leonardus Ragusaus, Veneti dominiij sumpti-
bus, publicus magna cum laude in Patavina celebra-
tima toto terrarum orbe Academia S. Th. Professor, vo-
lumen *Scholiorum in uniuersam D. Thomæ Summam Theolo-*
gicam, & alia quædam opuscula non contemnenda elabo-
ravit ad annum Christi 1480.

ex epi-
stolis e-
jus in-
princi-
piis lib.
juor.

F. Petrus Niger, Germanus, ingenio excellens, Phi-
losophia, & Theologia insignis, in scriptura sacra, linguaq;
hebræa egregie peritus, & declamator illustris, variarum
Provinciarum Academiæ, Montepessulanensem Gallia, Sal-
manticensem Hispania, Friburgensem, & Ingolstadien-
sem Germania, quarum omnium fuit S. Theologiae Bac-

calcareus formatus, laboris patientissimus, discendiq;
studiosus, perlustravit. Hebraicam linguam à Magistris
Iudæorum in Hispania se didicisse, epistola ad Episcopum
Ratisponensem *tractatus contra Iudæos* à se edito præfixa,
ipse testatur. In quo libro, assumpto ex *Pl. 117.* the-
mate, *Lapidem, quem reprobauerunt edificantes*, & cæt.
ostendit 1. Christum in primo suo adventu venturum fu-
isse in statu paupere, non in Imperiali Majestate. 2. eun-
dem Christum esse verum Deum, & secundam sanctis-
simæ Trinitatis personam, Verbum carnem factum. 3.
tempus, quo Deus humanandus erat, jam præcessisse. 4.
reprobendam gentem Indæorum Messie incredulam,
paucosq; ex eis salvandos fuisse. 5. quod Lex nova per
Regem Messiam danda erat, veteri reprobata. 6. Regem
Messiam de Virgine nasciturum, sacris literis fuisse præ-
nunciatum. & singula sanè ex hæbraica sacre scripturæ
veritate, verbis latinis ad hæbraica verba sigillatim red-
ditis & subjectis, rationibusq; efficacibus inde deductis, &
Rabbionorum ratiunculis refutatis. Quæ puncta om-
nia in Vrbe prius Ratisponensi coram Episcopo, Præla-
tis, Consulibus, populo innumerabili, Rabbinis totius
Alemanniæ nominatissimis, & magna Iudæorum vtriusq;
sexus frequentia, ex ipsismet Iudæorum voluminibus,
tempore paschali, sub divo, septem sermonibus, quorum
quilibet trium horarum spatium occupabat, luculenter,
deduxit, ac pronunciavit. Deinde verò ejusdem Ratis-
ponensis Ecclesiæ hortatu, publicam, sive privaram, quæ
in scripta redigi posset, disputationem, quatuor vel sex
menses, aut integrum etiam annum duraturam,

conam viris doctis, qui & veritatis agnoscendæ capaces
essent, & Iudæorum numerum non excederent, doctis-
simis quibuslibet Iudæorum Rabbinis indixit: qui, cum
labentis anni evoluta circulo, ijs, quæ contra se erant
proposita, haudquaquam respondere valerent, eos Pe-
trus à veritatis fidei probationibus, victos adeòq;
erroris sui falsitati protervè adhaerentes, vivis publica
concione coloribus expressit. Rem gestam narrat Petrus
ipse eodem libro, quem Ratisponensi Episcopo nuncu-
patum typis mandavit anno Christi 1475. in Eslingens.
Villa imperiali, extatq; in nostra Viennensi bibliotheca.
Cui ingeniosè ad thema assumptum, nomenq; suum al-
ludens, tetrastichon etiam istud adjunxit.

*O fidei Petra, nunc lustra lamina Petri
Nigri, vel tetri, queat ut caligine tetra
Judaica gentis displosa, Cunctipotentis
Pandere virtutem Patris, mundi què salutem.*

Tanti Viri fama, & celebritate permotus Magnus
ille Matthias Corvinus, Hungariæ, & Bohemiæ Rex, eum
per Fr. Andream Dalmatam Jadrensem, S. Th. D. Regis
Sacellanum, & Regina à Sacris Confessionibus, ac deni-
què Modrusiensem Episcopum, Herbipoli Budam accer-
tendum curavit, vbi instituta, vel designata apud Fratres
Prædicatores cunctarum scientiarum Academia, Petrum
ei præfecit. Quod Petrus ipse eidem Regi scribens com-
memorabat. *Audenter id dixerim, te unam omnium esse
Christianorum spem, te solùm oppressis ab truculento Turca præ-
sidium, te periclitanti Apostoli Petri navicula unicum portum
existere. Nec tantùm armis, ac viribus populum tuum, Cele-*

berrime

berrime Princeps, splendidum reddere, tutumq. atq. tranquil-
lum servare desudas, sed industria, & consilio, magnopere curas e-
am bonis artibus, & litteris adornare. Instituiti namque
hac Civitate Buda, florentissima Regni tui sede, apud Pradica-
tores Ordinis Fratres universale gymnasium, ubi cuncti ge-
neris disciplina, Philosophia, Theologia, sanctaeq. Scriptura,
ubertim possit, quod quisque cupit, haurire. Operi verò tam pio,
tamque mortalibus profuturo, non solum originis & funda-
menti unicus author existis; sed gratia quoque, & authorita-
tis, conservationis, atq. proventus, benignus es semper indul-
tor. Praeceptores namque, & qui regendo studio praesidentes
habentur, auxilium quotannis ab tua Majestate affluenter exci-
piunt. Scholaribus verò ipsis, conservis meis, cibos, vesti-
menta, lectos, & quae hominibus per diem, ac noctem opportu-
na sunt, abunde largiris. Praeferunt namque hac in omnes
beneficia tua; te Regem clementiae, & bonitatis esse, demon-
strant, sapientiam, humanitatem ostendunt, munificentiam-
que declarant. Ad cuius dignissimi Studij ineunda principia,
ex Herbipoli Germania Civitate, evocatus sum per Vener. Vi-
rum Fr. Antonium Jadriatinum, in Ordine meo doctrina, at-
que Religione praestantem, quem antea & tua Majestatis Re-
gia Capellanus, & Illustrissima Regina Beatricis ornatissi-
ma, amantissimaque Consortis tuae Spiritualem Patrem, &
Confessorem cognoveram, nunc verò electum, tua Clementia
gratia, in Modruvensensem Anistitem per jucundè cognosco.
Iam data sunt rei exordia sua, & Summo opitulante Deo, dul-
ces litterarum fructus carpuntur in dies, ut nimirum queas
& quidem pulchrè cum Sanctissimo Apostolo dicere, Ego plan-
tavi, rigarunt praepceptores, Deus verò incrementum dedit.

Eo ipso tempore, & occasione, opus edidit, quod *Clypeum Thomistarum* inscripsit, Regi q; dicavit, planè eruditum, & insigne, in quo subtilissimè aequè ac vberimè, logicæ, physicæ, metaphysicæ, theologicæquè difficultates, ex sincerissima, miraq; Angelici Doctoris D. Thomæ Aquinatis, ejusq; veterum discipulorum doctrina expediuntur, elucidantur, & adversus impugnantes quoscumq; defenduntur. De hoc volumine ad Regem auctor ipse memorato loco subdebat. *Ego qui tanti Gymnasij, quamvis indignè, ago. Regentem, & caput nuncupor, atq; Magister, dicabo tibi mentem, animumq; meum, quo præstantius habeo nihil, adiciamq; omnes operas meas, industrias, atq; labores. Librum igitur quendam ab me noviter editum tibi dedico, cui consciendo plurimum contuli studij, plurimum sudoris, atq; vigiliarum. Inscribo codicem Clypeum Thomistarum, ea potissimum ratione, quod D. Thomas Aquinatis singularem incomparabilemq; doctrinam adversus impugnantes quosq; defendo. Liber Venetijs, anno Christi 1481. prodijt in lucem. Videbitur alicui ex prænarratis à Petro, (nec sine causa) Magnum, Regem Matthiam formalem Universitatem Budæ apud Prædicatores vel fundasse, vel saltem ejus initia dedisse. Næ ille, postquam Regina, Beatrix Neapoli in Hungariam ad venerat, maximum studium erga Religionis, vitæquè cultum, & litteras adhibuit. (nam, si Bonfinio credimus) ex Italia Grammaticos, Poetas, Rhetores, invitavit, Pannoniam alteram Italiam reddere conatus: viros quaque arte præstantissimos undique disquisivit, conduxit Astronomos, Medicos, Mathematicos, Jurisqueconsultos dilexit, nullam artem contempsit un-*

Bonfin.
 dec. 4.
 lib. 7.

quàm

quàm. Bibliothecam statuit, mira græcæ & latine linguae fœ-
cunditate completam, cultus quoq; librorum luxuriosissimus.
Cùm enim Vniuersitates litterarum, studiorumque sint
officinæ, & in Italia tunc etiam plurimùm florent,
qui etiam studiorum cultu voluit Hungariam Italiam ef-
ficere, credendum est, Vniuersitatem, vel instituisse, vel
datis initijs instituere decrevisse. Fuisse illum ad littera-
tos, in primis verò Academicos maximè, propensum, e-
tiam illud testatum reddit, quòd. vbi Viennam bello ce-
pisset, clementissimè se erga totam gessit Academiam, vt
ex narratione libri secundi Procuratiæ Inclytæ Nationis
Austriacæ ejusdem Academiae (quem percurri, dùm
anno Christi 1635. indignus Procurator existerem)
sic manifestum, ea est: eodem anno 1488. die Conceptionis
Maria, tota Vniuersitas ad Matthiam Regem Hungaria iuit,
& petiuit confirmationem Privilegiorum, & Stipendiorum,
ad quam D. Rex statim respondit, & se voluntarium
obtulit, & dixit magnas gratias Lectoribus de eorum diligen-
tia, & porrexit Magnificis Doctoribus, & Magistris manum
suam, suscipiendo, & benedicendo; fecitq; intrare omnia sup-
posita ad magnam Stubam, vbi Vniuersitas audientiam subivit,
& fecit orationem D. Doctor Joannes ex Salisburg. Vbi, &
quo anno Petrus Niger ex corporis vinculis euolaverit,
non reperio.

Fr. Petrus Ranzanus, Siculus Panormitanus, Episco-
pus Lucerinus, vir magnus, trienniumque Legatus in
Hungaria apud Matthiam Regem, plura fertur scripsis-
se, & inter ea,

Quatuor volumina de scientijs vniuersis speculabilibus,

practicis

fol. 8.

pag. 2.

practicis, geographicis, historia. Vitam S. Vincentij Terrarum, Ord. Prad. tribus libris distinctam.

Librum de Urbis Panormitanae antiquitatibus.

Annales omnium temporum.

Scripsit etiam librum ad Matthiam Regem *de rebus Hungaricis* in Hungaria existens, qui cum alijs aliorum authorum de rerum ejusdem Regni tractatibus impressus fuit cura Praefari Viri Joannis Sambuci Tyrnaviensis: estq; ipso Sambuco teste, LXI. liber, sive volumen eorum, quos omnium temporum scripsit annalium: unde & Ranzanus in hoc libro de reb. Hung. alios libros priores, ut XLV. &c. solet referre. Sic verò Sambucus Ranzanum commendat, ut nulli rerum Hungaricarum scriptori, ne ipsi quidem Bonfinio, qui praecipuus habetur, postponat, nam in Epistola, operi Ranzani praefixa ad Maximilianum Regem, ait. *Hic verò Author Ranzanus per indices quosdam Regum à Beatrice sibi Vienna datos, ex iisdem, unde Bonfinius sua descripserat, ita deduxit, ut qui de rebus Hungaricis aliquid prodiderunt, nulla ex parte sit postponendus. Etenim hac brevitate cuncta eleganter est complexus, ac nihil, quod in historia requiritur, uspiam omisit. Atque hoc nomine hic scriptor vel praecipue cognoscendus: quod aliqua in Bonfinio vel interrupta, vel mendosa librorum incuria cum sint, hinc omnium admoneri, & non parum, ad sinceram, & integram veritatis cognitionem juvari queamus. Non igitur tamen Bonfinius ipse negligendus, qui amplissimè res quoque externas prosecutus est. Sed ob brevitatem hic etiam commendabilis, & in quibusdam omnino praesertendus. Qui cum diu latuisset (uti adhuc reliqua ejus desi-*

deside-

derantur, quippe qui annales omnium temporum alios LX. & hunc LXI. & ultimum reliquerit) à me opera quorundam amicorum denique lucem aspicit: dignus, qui ante Bonfinij natalem apparuisset. Joannes etiam Lifthius, sic cecinit de Ranzano.

Claros Pannonij soli triumphos
Bello, paceque splendide peractos
In compendia digerens, latebat
Multos Ranzanus hic Petrus per annos:
Dignus, secula quem legant in avum,
Laudent, concelebrent, ament, honorent.

Obijt provecta ætate in Episcopatu suo Luceriæ, anno Christi 1492. omnium lacrymis in funere cohonestatus. Scribunt de illo etiam Leander Alb. Thomas Fazzelus, Thomas Porcatius, Plodius, Fernandius.

Fr. Paulus Ligur Moneliensis, Episcopus Chiensis, Nuncius Alexandri VI. Su. Pont. in Hungariam, vbi cum summa pietate Budæ ex hac luce migravit. Reliquit posteritati in omnes libros Sac. scrip. tam veteris, quam novi testamenti, postillas eruditissimas sub an. 1496.

Fr. Nicolaus de Mirabilibus, ex Transylvania Claudiopolitanus, hodie Colosuarinus, S. Th. Doctor, & Professor, Apostolicus Prædicator, & Hæreticæ pravitatis Inquisitor per totum Regnum Hungariæ, scripsit anno Christi 1493. tractatum subtilem & eruditum de Prædestinatione ad Joannem Schellenberg, Regium Cancellarium, occasione concionis à se habitæ in solemnitate na-

Leand.
in desc.
Italia
Fazze
lus in
decad.
de reb.
Sicilia
Porca-
tius in
descrip
ejusdē
Insula.
Plo. p.
2 an.
1492.
Fern.
p. 412.
Plo. ib.
id. an.
1496.
Fern.
p. 410.
ex lib.
ejus de
Præde-
stin.

calis S. Joannis coram Rege Vladislao, Matthiæ Successore; in qua de eodem argumento differuerat. Scripsit etiam opus aliud de Vera felicitàte ad eundem Regem Vladislauum, cujus idem author meminit ad calcem prætati libri de Prædestinatione.

Fr. Thomas Vius Cajetanus, ex Gen. Ordinis Præd. S. R. E. Cardinalis, insignium plurimorumquæ commentariorum in *Philosophiam, Theologicam D. Thomæ Summam*, cujus primus fuit expositor, (interpres propterea D. Thomæ per antonomasiam à magnis viris vocitatus) ac in *totam Sac. Scripturam*; aliorumquæ præstantissima eruditionis librorum de varijs rebus, pro temporum necessitatibus, siue spontè, siue à magnis viris ex tota Europa sæpius interpellatus, Summorum etiam Pontificum commissione, conscriptor. Qui Schismaticorum in Pisano conciliabulo congregatorum audaciam, editis doctissimis de *Summi Pontificis Primatu, & autoritate, lucubrationibus*, fregit, atquæ disiecit: & adversus Lutheranos, de *fide, & operibus, Sanctorum invocatione, missa, communione, confessione, satisfactione libris*, vel ab ipso Erasmo Lutheranismi fautore, de soliditate, & modestia commendatis, Ecclesiam Catholicam defendit. Hungariam quin etiam nobilissimis scriptis nobilitavit; cum enim Legatus de Latere ab Adriano VI. ad illam missus fuisset, *Summulam de Peccatis, Posonij*, quæ Vrbs est Hungariæ transdanubianæ prænotabilis, octo germanicis miliaribus Vienna distans, perfecit, vt author ipse ad illius finem fateatur. Sit, inquit, *Omnipotenti Deo laus, & gloria, pro perfecta utcumquæ hac Summula inter Hungaricæ legationis discrimina, Posonij in die S.*

Cecilia,

Cecilia, anno salutis 1523. etatis autem meae quinquagesimo quinto. Amen. Est liber planè aureus, gemmeulq; sum-
mis laudibus à doctis omnibus celebratus. Sapientissi-
mum Magistrum meum, F. Petrum Ledesmium, Vesper-
tinae Theologorum cathedrae Salmanticae moderatorem,
magni nominis virum, librorumq; multorum authorem
clarissimum, cum semel publicè in scholis prælegeret,
& per schedulas circa lectionis dimidium (ut moris
est in Hispania) de variarum rerum dubitationibus
interrogaretur, illudq; quispiam disquisisset, quid de Sum-
mula casum. Cajetani sentiret, sic respondentem audiui:
*adeò insigne opus esse, ut si nihil aliud tantus Cardinalis edi-
disset, pro eo solo dignus immortalitate, & de Ecclesia Dei op-
timè meritus esset.* dicebat etiam, si quotquot Doctores suo
tempore extabant, jungerentur, ut summam aliquam confi-
cerent, nihil Cajetana simile effecturos. addebat: omnes
ceterorū authorum summas, etiam suam tomis duobus compre-
hensam, quisquiliæ esse, si ad Cajetani Summulam comparen-
tur. Denique, par esse, cunctos adeò illius esse studiosos, ut me-
moriam hauriam haberent. In Hungaria præterea Cajetanus e-
gregium illud opus dictavit duodecim lentaculorum, in quo
loca varia Novi testamenti difficiliora, per quæstiones do-
ctissimè subtilissimeq; explicavit. Curientacula voca-
verit, aperuit ipse in ejus libri ad Clementem VII. Pon.
M. epistola dedicatoria. Sapientia diuina, Clemens septime
Pon. M. mensam post perfectam peccatorum summulam instru-
ere, cum Hungarica peregrinatio vetaret: ne jejuna omninò
mens manusque transiret, lentacula quadam parare curavi.
Absq; ordine siquidem, & delectu, occurrentes nonnulla per

*Fui sub
ejus dis-
ciplina
Salmā-
tica
anno
1613.
14. 15.
16.*

novum testamentum sententia litterali sensu hic declarantur.
 1. 2. & 3. jentaculum Posonij : 4. in celeberrimo P. P.
 Benedictinorum monasterio S. Martini de sacro monte
 Pañoniæ, à Stephano I. Vngariæ Rege fundato: à S. usq; ad
 11. Budæ: 12. in regressu ex Vngaria, ut in singulorum fi-
 ne patet, apparavit. Id enim inter cetera dona insigne tan-
 tus vir habuit, ut etiam magna negotia tractans, & in ipsis
 itineribus constitutus, adhuc de rebus gravissimis, ac diffi-
 cillimis, libros optimos (unde & commentaria super 2. 2.
 D. Th. in ipsa Ordinis visitatione Gen. Mag. elaboravit) cõ-
 scribere posset. Miræ sunt laudes, quib; vivens, & post mor-
 tem, à viris maximis est celebratus, è quibus placet non-
 nullos referre, ut appareat, quanto Hungaria sole fue-
 rit collustrata. Ferunt, cum in Romana deprædatione
 ab improbißimis latronibus captus fuisset, à magno
 viro illis sic imperatum: *Ne extinguatur lumen Ecclesia.*
 Franciscus Ferrariensis, ille, qui libros S. Thomæ contra
 gentiles nobilissimis commentarijs elucidavit, ita ait.
Thomas Cajetanus omnium ingeniosissimus hominum, & Car-
dinei confessus, nedum familie nostræ insigne ornamentum.
 Bartholomæus Spina, Sac. Apostolici Palatii Mag. *Tho-*
mas Cajetanus, postremus quidem tempore, sapientie verò ac
vita splendore bis diebus nulli fortè secundus. Sixtus Sen.
Thomas Vius, Cardinalis tit. S. Sixti, Ordinis Prædicatorum,
natione Italus, patria Cajetanus, ejus denique Urbis Episco-
pus, vir tam vita Sanctimonia, quàm ingenij præstantia il-
lustris, subtilissimus Dialecticus, admirabilis Philosophus, &
Theologus incomparabilis, & inter eruditissimos sui sæculi lon-
gè eruditissimus. Bartholomæus Medina, Primarius Sal-

Fran.
 Ferrar.
 præf.
 in Com.
 l. Con.
 gent.
 ad Cle.
 7.

Barth.
 Sp. præ
 fac. ad

manti-

manticensis. D. Thomam proximè insecutus est Cajetanus, doctrina D. Thomae defensor acerrimus, flos ingeniorum omnium, vir ingenio, prudentiaq; acutissimus. &: Hoc solo nomine magnum nomen promeritus est Franciscus Victoria, quòd Cajetani sensum, & mentem, in aperto, & quasi ob oculos posuit, quòd sanè difficilior puto, quàm clauam de manu Herculis eruere. Nam in hoc authore difficilior videtur bene illud exposuisse, quàm selectissima, & pulcherrima inuenisse. Dominicus Bannez etiam Primarius Salmant. & Alphonso à Castro, & Prateolo, Cajet. oblocutoribus, illud usurpabat, *Leoni mortuo etiam lepores insultant.* Dominicus etiam Gravina, Thomam Cajet. florem ingeniorum sapè vocat. Flavius Aquilanus, qui XVII. annos eidem Cardinali fuit à secretis, & vitam illius, soluta, ligataq; oratione scriptis consignavit, in oratione parentali ad Cardinales ait. *Thomae Cajetani matrem, castissimam foeminam, inter alia, D. Thomam Aquinatem puerum docere, atq; ad cœlum usq; gestare, per quietem vidisse, satis constat. & de illius sanctitate.* Patres Amplissimi, cum satis signorum, atque miraculorum habeatis. quid tandem cessatis hunc hominem verè Sanctum in album Sanctorum ascribere? atque illi meritos honores decernere? nùm ad probandum illius hominis sanctitatem sunt nobis trecentorum annorū testimonia requirenda? Non dubito, si nunc cessatum fuerit, aliquando tamen tantæ virtutis habendam esse rationem. Non patietur posteritas tantam virtutem in honoratam jacere. Martinus ipse Lutherus hæresiarcha, tanti viri doctrina, & argumentorum acumine prestrictus, sic ad eum supplex aiebat. *Reuerendiss. in Christo Pater, cum diuino*

Comm.
Cajet.
in 22.
Six.
Sen. li.
4. bibl.
S.
Barth.
Med.
Prefat.
ad 1. 2.
D. Th.
Dum.
Ban.
pp. 9.
9. a. 2.
Grav.
t. 3. par.
1. p.
317. ex
tat Ora
tio Fla
vii to.
19. an.
Ezo. in
fine.

Tom.
p. oper.
rum
Luthe-
ri, in
actis
Au-
gustia-
nis.

Bzov.
1534.
ni. 96.
Gran.
to. 3.
præf.
p. p.
pag.
317.

Aug.
epist.
162.
247.
3. dixit
Apost.
lib. 4.
contra
Donat.
istas c.
26.

muneris unus insignitus dotibus, præsertim iudicii acrimonia donatus, rogo humiliter Rev. Tuam Paternitatem clementissimè mecum agere. Nec opponas, Gabrielem Prateolum, & Alphonsum à Castro in suis catalogis inter hæreticos Cajetanum ascripisse, id enim per summam injuriam factum adversus virum sanctissimum, & de Catholica Ecclesia, opere, sermone, scriptisq; optimè meritum, Bzovius, & Gravina comprobarunt. Clamat enim contra hujusmodi authores solemne illud D. Augustini contra Manicheos, etiam in canones relatum. Qui sententiam suam, quamvis falsam atque perversam, nulla pertinaci animositate defendunt, præsertim quam non audacia sue præsumptionis pepererunt, sed à seductis, atque in errorem lapsis acceperunt, querunt autem cautà sollicitudine veritatem, corrigi parati, cum invenerint, nequaquam sunt inter hæreticos deputandi. Item. Qui in Ecclesia Christi morbidum aliquid prævumque quia sapiunt, si correcti, ut sanum, rectumque sapiant, resistunt contumaciter, suaq; pestifera, & mortifera dogmata emendare nolunt, sed defensare persistunt, hæretici sunt. & : constituamus aliquem sentire id de Christo, quod Photinus opinatus est, existimantem ipsam esse Catholicam fidem; nondum illum hæreticum dico, nisi manifestata sibi doctrina Catholica fidei, resistere maluerit, & illud, quod tenebat elegerit. Quam enim unquam Cajetanus singularem opinionem pertinaci præsumptione defendit, qui omnia sua scripta, & dicta, iudicio sacrosanctæ sedis Apostolicæ semper subjecit, paratus ex animo retractare, nedum si illa aliter sentiret, sed si quis etiam privatus certiora, verioraq; docuisset. Neque is retractationum

commentarium, exemplo D. Augustini, erat neglecturus, nisi mors illum præmatura sustulisset, ut auctor gravissimus Gravina, testatur.

Videbitur nonneminis, eorum etiam, qui Principum à sacris Confessionibus in Hungaria extiterunt, me catalogum contexere debuisse. Fecissem sanè libentissimè, nisi hujusce rei, ut & aliarum multarum notitiam, exactiorem, tum temporum injuria, tum scriptorum incuria nobis abripuisset. Alioquin & in hac parte nostros laude haud exigua floruisse, vel ex eo constare possit, quòd Ordo Prædicatorum in eo Regno doctrina, & sanctitate, quæ ad id muneris apprimè desiderantur, cum primis floruerit, illoque præcipuè tempore, in spiritualibus ejus operam Principes nonneminis facere solerent; atq; in alijs, (et si per transennam) ejus rei vestigium aliquod etiamnum conspiciamus. Nam Cumanos Principes, Ordinis nostri primitias ex gentibus, peccatorum exomoleges in fratribus peregisse; Fr. Gerardum, virum sanctissimum, Mariæ filia Imper. Græcorum, Belæq; iv. uxoris; & Fr. Antonium Iadrensem, Episcopum deinde Modrusiensem, Beatricis, Matthiæ Corvini Regis conjugis, Confessarios fuisse, superius ex antiquis monumentis descripsimus.





DE REBUS HVNGARICÆ
Provinciæ Ordinis Prædicatorum.

PARS III. LIBER QVARTVS.
DE MVNERIBVS, PRO
Ecclesia, Regniq̃ue Hungarici bono ab hominibus Ordinis Prædicatorum susceptis.



Gregiè Sacrum Prædicatorum Ordinem intra Hungaricum Regnum, & extra, pro Ecclesia, totiusq̃ ejusdem Regni bono laborasse, plurima, & insignia, Apostolicæ cum primis Sedis jussu, ab eo suscepta, feliciterq̃ue munera peracta declarant: ea nos, quanta assequi uimus diligentia, ex Annalibus Ecclesiasticis, atq̃ue alijs sinceris monumentis, servata annorum serie designamus.

I.
Histo-
riola
M. S.
Con.
Vienn

Anno Christi 1221. Honorius III. datis literis Apostolicis Beato F. Paulo Hungaro, S. P. Dominici Discipulo,

primo

primo H
ac socijs,
salutemq̃
omnibus
historiolo
cunda A
tiam in m
Año Cl
matia ma
ducentib⁹
tistes illuc
signatorum
Sed cum m
sent, rem p
riae familiae
genter, &
nibus litte
tam acriter
res coegerit
cum initio
Christi tuer
de firmaro
obstinatos
pla destruct
instaurata
An. Chri
Hungarico b
laus opera
sim ejuraver

primo Hungaricæ Provinciæ Provinciali, & Fundatori, ac socijs, eos pro felici in patria ad maiorem Dei gloriam, salutemq; animarum, Ordinis Prædicatorum erectione omnibus commendavit. Harum literarum meminit historiola quædam Con. Viennensis M.S. ad secundam secundæ Ang. Doctoris, sub primam typographiæ infantiam in membrana excusam.

Año Christi 1222. Cum Bosna (olim Dardania) & Dalmatia maximis agitentur errorib⁹, populos hæreticis seducen⁹ ab Honorio III. Póntifice Maximo Colocensis Antistes illuc Legatus missus est, ut seu suasionib⁹, seu Crucis signatorum armis ad sanam mentem redire compelleret. Sed cum nec verbis, nec armis ab erroribus suis avelli possent, rem prorsus desperatam, iussu Pontificis, Prædicatoriæ familiæ commisit Antistes. Qui Pontificis iussa diligenter, & intrepidè perficientes, coeperunt disceptationibus litterarijs, & concionibus, hæreseos labe inquinatos tam acriter urgere, Colomanno Rege assistente, ut plures coegerint à tenebris ad verum fidei lumen redire. Verum initio ex Fratribus plures, dum constantissimè fidem Christi tuerentur, Martyrio coronati sunt. Tandem pede firmato, multos erroribus implicitos, & in sua perfidia obstinatos igni tradiderunt, deinde Fratrum opera, templa destructa, spinis, fruticibus, virgultis oppleta, sunt instaurata.

An. Christi 1233. apud eandem Bosnam, Provinciam Hungarico Regno subjectam, Dux regionis illius Nicoslaus opera fratrum Prædicatorum per id tempus hæresim ejuraverat, & in Fide Orthodoxa se perseveraturum

II.
Leand.
l. 2. p.
59.
B707.
anno
1222.
n. 10.
Malu.
cod. am.
c. 23.

III.
B7019
anno
1233.
n. 14.

ex ep.
293. &
294.

sanctè sponderat, dato filio obside in manus eorundem Prædicatorum, cui vehementius metuebat, ne à Rege Hungariæ feudi jure exveretur. Consuetudo enim obtinuerat, ut Rex Hungariæ ejusmodi jura hæreticis abrogaret, & recens ad fidem conversis pro voluntate sua concederet. Cum autem Nicollaus multis argumentis fidem suam Ecclesiæ probasset, scripsit Gregoris IX. Regi quidem, ut ex ea laudata consuetudine benignè se erga Ducem, atque filium in feudo concedendo, seu conservando haberet. Fratribus autem Prædicatoribus, ut filium ejus obsidem Patri restituerent, cum de ejus fide nulla dubitatio amplius remaneret.

IV.
Bzon.
anno
1234.
n. II.
ex ep.
Greg.
an. 8.
Ponti.
282.
Perus.
8. cal.
Nonteb.

Anno Christi 1234. Cùm Fratres Prædicatores ex Hungaria vnà cum B. Paulo Hungaro excurrentes, magnos profectus Fidei Christianæ apud barbaros illos fecissent, monebat Greg. IX. Pont. suggerentibus iisdem Prædicatoribus, Belam Regem Hungariæ, ut ad imitationem majorum suorum, recens conversis Cumannis, & Episcopo eorum, nuper à sede Apostolica Prælato, Ecclesiam aliquam Cathedralem erigendam designaret, ædificaret, atque proventibus assignatis locupletaret.

V.
Bzon.
anno
1238.
n. 4.
ex epif.
113.

Anno Christi 1238. Greg. IX. scripsit Provinciali Hungariæ Ord. Prædicatorum, & Ministro Ordinis Minorum Prov. Srigoniensis, ut vota Crucesignatorum pro subsidio Terræ sanctæ facta, in jam contra Asanum, Dominum Bulgarorum, hominum hæreticorum, atque schismaticorum, expeditionem susceptam, commutarent, & contra eundem piam militiam Christi signo insignirent. Scripsit in eandem rem Belæ Regi Hungariæ, ut

arma in Alanum schismaticum, & hæreticum susceperet: quæ etiam ex eo caperet, ea sub jure retineret.

Eodem anno, Priori, & Fratibus Ord. Præd. diocesis Quinq; ecclesiensis, vt in ædificatione Cathedralis Ecclesiæ Bosnensis, & in propagatione, atque defensione Fidei Catholica, Ecclesiæ Episcopali Bosnensi assisterent, præcepit.

Anno Christi 1239. Gregorius IX. Provinciali Hungariæ Ordinis Præd. mandavit, vt Fratres suos ad prædicandum schismaticis, & hæreticis Bosnensibus mitteret.

Anno Christi 1242. Innocentius IV. Fratres Prædicatores ad Bathum Tartarorum Ducem, Hungariam devastantium legavit, quibus jussu Pontificis, quamnam Religionem profiteretur, quarentibus, Christianum se esse dixit: quod ni crederent, Pontificem monerent, vt rei experimentum facturus, veniret. Cum Fratres adderent, quamobrem in Christicolas crudeliter adeo, & immaniter desaviret, Christo suis mansuetudinem, & dilectionem ad proximos imperante; respondit: majoribus suis, sibi quæ mandatum à Deo fuisse, vt de vniversis scelestis hominibus, cujuscunque Religionis existerent, vindicaretur.

Anno Christi 1247. Cum Archiepiscopus Colocensis maximas expensas in eradicandis, atq; convertendis Bosnensibus hæreticis fecisse assereret, ac propterea in Episcopum Bosnensem jus Metropolitanum prætenderet, Innocentius IV. Episcopo Iauriensi, & Priori Albano Ordinis Prædicatorum, vt eam rem certo certius inquire-

Bzon.
ibidem
ex ep.
211.

V.I.
Bzon.
ibidem
ex epif.
357.

VII.
Bzon.
anno
1239.
n. II.
ex ep.
175.

VIII.
Petrus
Mat.
in vita
S. Lu.
Regis
Gallia.
li. p.

IX.
Bzon.
anno
1247.
ex epif.
155.

rent, & sedis Apost. auctoritate, Ecclesiam, Episcopumq; Bosnensem Colocensi subijcerent, commisit.

X.
B704.
anno
1150.
n. 4.
ex epif.
61.

Anno Christi 1150. Innocentius IV. Pontif. sui anno XIX. præcepit Provinciali Hungariæ Ord. Præd. vt aliquos Fratres eruditione, ac pietate præstantes submitteret ad schismaticos in conuicinis Provincijs ad gremium Ecclesiæ convertendos; ipsis verò potestatem fecit, vt reduces absoluerent.

XI.
B704.
anno
1153.
n. 5.
ex epif.
416.

Anno Christi 1153. Innocentius IV. universis, & singulis Fratribus Prædicatoribus, apud Cumanos verbum Dei prædicantibus, vt 20. vel 30. vel 40. dierum indulgentiam, his, qui concionibus eorum interessent, largiri possent, indulgit.

XII.
extat.
l. Prim.
Or. P.
Mag.
Gen. F.
Steph.
Vfuma
vis.
fol. 30.

Anno Christi 1153. Innocentius IV. Fratribus Prædicatoribus apud Cumanos, & Hungaros, aliosq; infideles prædicantibus tale dedit diploma. Innocentius Episc. Servus Servorum Dei. Dilectis filijs, Fratribus de Ordine Prædicatorum, in terris Saracenorum, Paganorum, Græcorum, Bulgarorum, Comanorum, Aethiopum, Syrorum, Iberorum, Alanorum, Gazarorum, Gothorum, Zicicorum, Ruthenorum, Lacobitarum, Nubianorum, Georgianorum, Armenorum, Indorum, Moselitarum, Tartarorum, Hungarorum maioris Hungariae, Christianorum captivatorum apud Tartaros, aliorumq; infidelium nationum Orientis, seu quarumcumq; aliarum partium, proficiscentibus, salutem, & Apostolicam benedictionem. Cum hora undecima sit diei hominibus, vt exeant ad opus usque ad mundi vesperam deputati, & illud Apocalypsis eulogium citò credatur cum matris Ecclesiæ consolatione complendum, videlicet oportere viros spirituales, vite munditiam, & intel-

ligen-

līgētia grātia cum Ioanne fortitos, populis, & gentibus, lin-
guis, Regibusque multis aēnuō prophetare, quia non sequetur
reliquiarum Israel per Hsaiam prophetata salvatio, nisi (juxta
Paulum Apostolum) prius introeat gentium plenitudo: Nos,
licet immeriti, super Apostolica sedis speculam constituti, fide-
liter ac prudenter dispensandis Dei ministerijs, & operibus co-
adiuvandis, intendimus, si vergente plenitudine temporis, post
pia priorum studia in viam Domini Sabaoth novos, & penē
novissimos, qui sapientiam longum didicere per otium, opera-
rios mittere procuramus. Vos igitur, quos juxta professā Re-
ligionis officiū, zelus comedit animarū, & in quadriga quarta,
quam varijs charismatum donis, & fidei fortitudine trahi-
tis, ubique discurrere, vexillum Regis glorie procul levare
gestitis, ad gentes, quae Iesum Christum Dominum non cognos-
cunt, & ad subtractionis filios, qui Sacrosancta Rom. Ecce-
siae non obediunt, destinamus; vobis in remissionem peccatorum
omnium injungentes, quatenus seminati super aquas multas,
in illo tantum, qui mundum dixit se vicisse, confisi, ad illumi-
nationem ceterae multitudinis, & exterminium haeretica falsi-
tatis, ad confirmandum nutantium animos, & fidelium confor-
tandos in luce sermonis, & certitudine operis, propositam vobis
iter sine quorumlibet offensione curretis. Ut autem ministe-
rium vestrum honoretur plenius, & honorabilius impleatur,
praesentium vobis auctoritate concedimus, ut in terris, quae
adhuc sedis Apostolica Magisterio non intendunt, proponere
verbum Dei, & constitutis ibidem, (non obstante, si aliqua sint
excommunicatione ligati) in verbis, officio, & cibo, ac in alijs
securē communicare, & ipsos, seu etiam alios, converti ad uni-
tatem fidei cupientes, recipere, baptizare, & aggregare Ec-

clesia filijs valeatis: & Presbyteri ex vobis, ipos aggregatos possint insignire caractere clericali, & ipos ad Acolytatus Ordinem promovere. Liceat etiam vobis ibidem, redeuntibus ad obedientiam sedis Apost. qui sunt excommunicatione ligati, absolutionis beneficium juxta formam Ecclesie impartiri, & super eo dispensare cum ipsis, qui sacros receperunt Ordines, & divina celebraverunt officia sic ligati: hoc ipsum vobis sit licitum circa illos de terris eisdem, qui temporibus indebitis, vel infra aetatem legitimam, aut qui omnes eodem die, vel superiores, prætermisus inferioribus, conferre, seu recipere Ordines præsumperint, (sitamen in hoc servata talis forma extiterit, per quam Ordines recepissent:) vobis præterea dispensare liceat, ut illi ex nationibus vestra prædicationi commissis, qui post suceptionem sacrorum Ordinum, vel in gradibus, & casibus à divina minimè lege prohibitis, matrimonia contraxerunt, remaneant in eisdem: & hi, qui ad Ecclesiam Cath. redierint unitatem, ut inter suos habitent, communicent: nec non, quod Clerici nationum ipsarum publicè ad obedientiam sedis Apost. redeunt, gaudeant privilegio clericali. Sit etiam vobis licitum, omnium fidelium in terris prædictis confessiones audire, ac ipsis injungere pœnitentias salutes, & excommunicatos à Canone, vel alio modo, juxta formam Ecclesie absolvere, dummodo injuriam, & damna passis satisficiant competenter. Cum irregularibus autem partium earum, in casibus, in quibus solent Legati Sedis Apost. dispensare, ac etiam cum Clericis ipsarum partium, patientibus defectum natalium, (dummodo non sint de adulterio, vel incestu, aut de regularibus procreati) sit vobis dispensandi facultas: quam circa illos similiter habeatis, qui ab unitate Ecclesie Cathol. seu

Religion
re voluer
si Religio
& illos c
structi, j
modum,
(sicut es
absolven
sonarum
ibidem Ec
prophan
& illis, q
versi, da
à lege di
De causis
tiam vest
cordante
redeant
sicut iust
censuram
in locis, i
earundem
divina ce
benedicer
tem, &
quod à Ca
dines, &
portatilia
habere, &

Religione, vel clericali Ordine discesserunt, si humiliter redire voluerint, & dignè satisfacere de commissis. Ita quòd ipsi Religiosi ad sua loca, salva disciplina Ordinis, resumantur, & illos ex jam dictis, qui excommunicationis vinculo sunt astricti, juxta premissam formam, & predicta satisfactionis modum, absolvere valeatis, & cum irregularibus ex eisdem (sicut est expressum superius) dispensare. Ad hæc sit vobis absolvendi facultas occisores Clericorum, & religiosarum personarum, in predictis partibus constitutos; fundandi de novo ibidem Ecclesias, & reconciliandi ipsas, quæ sunt casu aliquo prophanatæ, ac de novo fundatis rectores idoneos providendi, & illis, qui de gentibus, vel de schismaticis noviter sunt conversi, dandi licentiam, ut uxores suas, cum quibus in gradibus à lege divina non prohibitis contraxerunt, valeant retinere. De causis matrimonialibus, quas in partibus illis ad audientiam vestram deferri contigerit, legitimè cognoscendi, ac discordantes inter se ad invicem, quòd ad pacem, & concordiam redeant; necnon, quòd inordinate viventes, de suis excessibus, sicut justum fuerit, satisfactionem exhibeant, compellendi per censuram Ecclesiasticam, vobis libera sit facultas. Insuper in locis, in quibus vos hospitari contigerit, vel in locis partium earundem, in quibus residentiam facietis, missam, & cætera divina celebrare officia, & in eisdem partibus, Coemeteria benedicere, ac dare indulgentias, commutare vota, facultatem, & licentiam habeatis. Caterum vobis concedimus, quod à Catholicis Patriarchis, Archiepiscopis, & Episcopis, Ordines, & alia Ecclesiastica Sacramenta suscipere, & altaria portatilia, more ipsorum, à jam præfatis Episcopis benedicta, habere, & illis uti possitis, si contingat vos aliquo casu nostra

alta-

altariola non habere, ac vestes Sacerdotales, altaris pallas, corporalia, per eos, qui ex vobis sunt Presbyteri (cū necesse vobis fuerit) benedicere, ubi Catholicorum Episcoporum copia non habetur, nec non alia facere, quæ ad augmentum Domini-
ci nominis, & ampliationem Cath. fidei; ac reprobationem, & irritationem illorum, qui Sacris Traditionibus contradicant. Nul-
li ergo omnino hominum liceat hanc paginam nostra con-
cessionis infringere, vel ei ausu temerario contraire. Si
quis autem hoc attentare presumpserit, indignationem omni-
potentis Dei, & Beatorum Petri, & Pauli, Apostolorum ejus, se-
noverit incursum. Datum Assisij X. cal. Augusti, Pon-
tificatus nostri anno undecimo.

De eodem Pontifice Innocentio, ita scribitur. Ejus
authoritate magnus numerus Prædicatorum ad infide-
lium destinatorum, multas barbarorum Provincias pera-
gravit, in quibus nulla adhuc Christi noticia, nullum lu-
men erat; idquæ eo fructu, ut scriptum sit, iniri non
posse numerum animarum ad rectam fidem per eos tra-
ductarum, præsertim verò in Cumanorum gente. Vnde
Benedictus, qui cæteris præerat fratribus, ad Generalem
Magistrum Vmbertum scribens, (quæ adhuc extant li-
teræ) hoc narrat, multa hominum millia, non solum ex
plebe, sed etiam ex prima nobilitate, baptismum juxta
ritum S. R. E. suscepisse. Refert etiam, Cumanos, jeju-
nia quadragesimæ, & alias Ecclesiæ ceremonias, ad un-
guem observasse; ipsosq; ingenuè profiteri solitos,
hæc omnia bona per fratres Prædicatores esse con-
secutos. Quia verò plurima damna à Tartaris pa-
tiebantur, Magistrum Generalem Ordinis efflagitabat,

Exor.
anno
1254.
n. p.
Ferna-
dex in
Cone.
Prad.
cod. an.
n. 11.
Castil.
p. p. li.
2. c. 50.
Platus
l. 2. c.
29. &
30.

ut in Comitibus generalibus cunctis fratribus injungeret, ut suis precibus pro eorundem neophitorum conversione, & protectione, apud Dominum intercederent.

Anno Christi 1264. Urbanus IV. Provinciali Hungariae Ord. Præd. ut Episcopos, & Prælatos, ad pacem inter Belam Patrem, & Stephanum filium, Reges Hungariae, conciliandam inducerent, admonuit. Quæ denique post diuturna diffidia anno Dñi. 1266. stabilita fuit, quando condiciones ejusdem in Insula B. V. Mariæ, die 9. Martij in instrumentum publicum à Philippo, Strigoniensi Archiepiscopo, aulae Cancellario, redactas, ad preces utriusque Regis, Papa Clemens IV. ad æternam rei memoriam, eodem anno 10. Cal. Julij. Viterbij confirmavit, donationemque bonorum Reginae uxori Belæ, consensu Stephani factam, in perpetuum approbavit idem Clemens, 12. Calend. Julij.

Anno Christi 1274. cum ex decreto Concilij Lugdunensis Sacra militia contra Saracenos in Syriam indicta fuisset, ut Christi fideles eo ferventiùs sacram militiam susciperent, & tanto majora subsidia corrogarent, scripsit Gregorius X. Pont. Lugduni idibus Novembris ex decreto ejusdem Concilij, undecim Provincialibus Ord. Prædicatorum, Lombardiæ, Romanæ, Franciæ, Provinciæ, Hispaniæ, Hungariæ, Græciæ, Teutoniæ, Angliæ, Daciæ, & Poloniæ, in reliquis verò partibus Italiæ, fratribus Ordinis Minorum, ut sacrum bellum indicerent, & ad illud, sive jurandum, sive prosequendum, Christi fideles incitarent. In super injunxit eis, ut Indulgentiam plenariam prædicarent his, qui in Syriam

XIII.

Bzon.

anno

1264.

n. 10.

ex ep.

6.

Bzon.

anno

1266.

n. 18.

ex ep.

90.

XIV.

Bzon.

anno

1274.

n. 16.

ex ep.

295.

proficiscerentur, multaque privilegia, gratias, & immunitates fidelibus impertirent, qui vel armatos, vel pecunias, vel aliqua alia sacrae expeditioni necessaria subministrassent.

XV.
In lib.
Privi.
apud V.
Sufanar.
fol.

Anno Christi 1288. Nicolaus IV. fratribus Prædicatoribus, apud Hungaros, Cumanos, & partes infidelium prædicantibus idem diploma, eisdem verbis, Reate, 3. Non. Septembris, Pontif. anno primo, quod Innocentius IV. supra num. XII. expedivit.

XVI.
Bxor.
1301.
n. 4. S.
6.

Anno Christi 1301. Bonifacius IX. Su. Pont. Fr. Nicolaum ex Ord. Prad. Cardinalem Episcopum Hostiensem, qui ei postea in Pontificatu anno sequente successit, Legatum de latere in Hungariam misit, ut ageret, quod Carolo Bertum, jam à se renunciatum Regem cuncti susciperent, ei (ut par erat) obtemperantes. Quam rem hac ipsa parte libro I. fusiùs enarravimus. Sed post ibi scripta incidi in vitam illius, quam Mag. Fr. noster Georgius Lazari, Tarvisinus, operi tanti Pontificis super Matthæum in lucem à se emissio præfixit; in qua res paulò aliter, quàm ibi insinuavimus, tradi videtur. Aitenim: illo Nicolao ad tantum fastigium Cardinalatû exaltato, repente florentissimum Hungaria Regnum ob mortem sine liberis Andrea Regis hujus nominis 111. tres potentissimi Regni competitores, maximo, eoque perniciosissimo totius gentis schismate, varijs prætensis juribus, coronam instantissimè postulantes, insurrexerunt. Atque inprimis Ottho Bavaria Dux sibi deberi contendebat, eo quia Stephani V. Regis, ex sorore nepos esset. Quo etiam nitebatur argumento Venceslaus, Venceslai Boemia Regis filius, ejusdem Stephani ex altera so-

Editus
fuit li-
ber Ve-
netijs
apud
Dami-
anum
Zena-
rium,
1603.

rore nepos. Urgebat verò, præ cæteris, Carolus Martellus Caroli Sicilia Regis natus, eo quod non jam ex sorore, sed ex filia Stephani V. genitus erat; atquæ regium diadema sibi decem ante annos à Primoribus Regni (superstite adhuc verum impotente Rege) collatum; non tam petere, quàm repetere videri volebat. Feruebat ea res, ut plerumque varia erant hominum, & Principum hinc inde fluctuantium, & disidentium studia; atque propè vergere ad seditionem videbatur, & demum res erat plena periculi; cum Pontifex opulentissima illius Provincia (at veriùs totius ferè Christianitatis) miserratus excidium, & vastitatem, presentissimum remedium attulit. Videbatur enim sibi tot tamque periculosa dissidia, non nisi unius Nicolai Bocassini Cardinalis, & Episcopi Ostiensis, citius, & magis, quàm alterius dexteritate posse sedari. Neque illum fessit opinio: Nam legati illuc missi prudentia ita demum factum est, ut brevi cedente Olbone, & Venceslao à Catholico Patre domum revocato, Pannonia tota, Carolo Martello à quo potissimum jura stabant, facile atque obsequentissime cesserit, Buda tantum eo quod cæteris pertinacius obstitisset, jussu Pontificis interdicta. Sic Lazarus. Verum non Carolo Martello, sed hujus filio Carolo Roberto Regnum addici voluisse Pontificem: nec tunc ex animi sententia rem perfectam (non equidem aliquo Legati peccato, qui vir fuit æquè prudentissimus, ac sanctissimus, nihilque prætermisit eorum, quæ in illa, sive suavitate, sive rigore desiderari possent, utque Venceslaus Pragam revocaretur, effecit) sed propter optimatum animos aliò propensos, & à Bonifacio, quasi jus Regem instituendi sibi

v. Bon-
finium
dec. 2.
li. 9.
pag 315
Abra-
ham
Bak-
Jchay
p. 920.
Cuspa-
ru Ens
l. 2. de

reb.
hug. p.
92. &
deiceps.

x. r. II.
V. su-
pra p. 2
lib. 2.
c. 27.

arrogaret, vehementissime averfos, tradunt Hungarici annales universi.

Anno Christi 1302. vel 1303. Fr. Andreas Hungarus, vir præclaris virtutibus excultus, Romam ad Benedictum XI. Su. Pont. procurandæ B. mæ Virginis Margaritæ Canonizationis causa à Rege Carolo Berto missus: inde, ipsomet Rege demandante, in Gallias ad Clementem V. anno 1305. pro eodem negotio contendit, quem Pontifex anno 1306. Archiepiscopum Antiliarensem esse iussit.

xlix.

Anno Christi 1262. S. Thomas Aquinas Ordinis Prædicatorum, Angelicus, Quintusquæ latinæ Ecclesiæ Doctor, Pius V. bulla, *Mirabilis Deus, Roma anno 1567. Pontif. anno 2. ac Divinæ Voluntatis Interpres, Clemens VIII. brevi ad Cives Neapolitanos*, cui illud donatum insigni, ut plurimos libros non sine speciali Dei infusione, *Iohannes 22. in bulla canonizat ejus, Redemptionem, anno Christi 1328. Pon. 7* & totam suam doctrinam absq; ullo profusus errore conscriberet, *Clem 8. in alio brevi ad Cives Neap. apud Urbanum IV. Sum. Pontificem* (qui illum eximia sanctitatis, & doctrinæ merito, plurimi faciebat, cuique, inter alia, Solemnitatis Corporis Christi Officium, quod hodiequæ per universam Catholicam Ecclesiam recitatur, componendum, Catenam auream ex Patribus in Evangelia texendam, & ad librum de Græcorum placitis responsionem injunxit) Beatum, *relationes Patrum Sancti Pauli 1. Eremitæ in Vngaria*, Eusebium Vngarum Strigoniensem, primum Sancti Pauli 1. Eremitæ instituti

aucto-

auctorem, qui eo tempore, cum Socijs quibusdam, pro Ordine suo, & pro S. Augustini Episcopi Regula impetranda, ad Urbem ex Hungaria convenerat, plurimum adiuvit, religiosus religiosos promovens, & pro Sanctis Sanctus ipse laborans. Quamobrem memoriam ejusdem S. Doctoris, Patres Pauliniani ab eo tempore gratitudinis ergo semper servarunt, diem etiam obitus, & canonizationis illius suis annalibus peculiarius annotantes. Initia dederat Ordini illi B. Eusebius, Strigoniensis primum Canonicus, cum alijs nonnullis pijs viris anno Christi 1215. vel 16. qui saculo valedicentes, imitatione Sanctorum anacoretarum, Pauli, Antonij, Hilari- nis, Macharij, & coet. in sylvis, & montium radicibus Deo vacare coeperunt. Quorum numero aucto, pie- tate ac religione vulgata, Bartholomaeus Episcopus quin- queeclesiensis, nobile eis, S. Iacobi nomine, primum omnium monasterium in Patak extruens anno 1225. eod- dem in vnum coegit, formulam in communitate vivendi praescripsit, eosque in suam tutelam cooptavit. Ab alijs subinde Vngariae Praelatis, plurimis Ordo ille favoribus, gratijsque cumulatus, & a Fr. Gentili Ord. Min. Cardinali de Lat. Legato in Vngaria, auctoritate Clementis V. sub ea- dem B. Augustini Regula, anno 1308. confirmatus, in Poloniam, Germaniam, atque Hispaniam sese diffudit. Sed cum primis in Vngaria, coenobiorum numero, & am- plitudine, pietate, ac sanctitate claruit; itaut magnus il- le Beatus N. Joannes Dominici, Cardinalis de Latere in Vngaria Legatus, Patrum illorum religione affectus, sibi Budae moriens apud eos sepulturam elegerit. Corpore

Exquis
ex
Ona.
phrio
refert
in an-
num
1216.

Exor.
anno
1308.
nult.
Alpho
Ciacco.
in Cle-
mente V.

enim

D. A-
thana-
sius in
vita S.
Ant.

enim solo in terra degentes, cogitatione, & aviditate in
caelesti patria conversabantur, contemptis terrestribus,
in lacrimis, & precibus, dies, noctesque ducebant, de-
primentes seipsos, ut à Deo exaltarentur, carnem fame-
siti, frigore, æstu, solitudine, vigilijsque conficientes, ut
æternorum gaudiorum delicijs frui mererentur. Verè il-
lis quadrabat, quod Athanasius in vita Magni Antonij
scribit. *Erant in monte Hungaria monasteria Pauli &*
Erem. tanquam tabernacula plena divinis choris psallentium,
lugentium, orantium, qui infinitam regionem quandam à
mundana conversatione sejunctam videbantur incolere. Ha-
bitu interiori albo, instar Dominicanorum, utuntur à 18.
cal. Decemb. anni 1381. quadie, S. Pauli 1. Erem. cor-
pus, per Ludovicum I. Regem Vng. à Venetis acceptum,
Demetrius Cardinalis SS. IV. Coronatorum, Archiepis-
copus Strigon. ad monasterium S. Laurentij supra Bu-
dam, in quo trecenti, aut quingenti religiosi olim in habi-
tasse dicuntur, solempni processione, & pompa transpor-
tavit. Gaudent indulto Pont. Privilegijs Carthusian.

XIX
Bzovio
anno
1308
n. 3. ex
epist.
data
Tolosæ
3. cal.
Jan.

Anno Christi 1308. Clemens V. Regibus, & Inquisi-
toribus Majoricarum, Sicilia, Navarræ, Daciæ, Sueciæ,
Portugalliæ, Cypri, Vngariæ, Trinaoriæ, Norvegiæ, Boe-
miæ, Aragoniæ, Castillæ, Comiti Sabaudia, Delphino
Viennensi, Duci, & Senatui Venetiarum, ut si qui adhuc
Templariorum capti non essent, eos caperent, & tùm lo-
ca, tùm bona eorum in custodia fideli vsque ad Aposto-
licæ sedis dispositionem retinerent, commisit, adeoq;
præcepit.

XX.
D. Io.

Anno Christi 1309. Fr. Gentilis, Ordinis Minorum

Car-

Cardinal
Clement
gustini H
porissim
veniens,
ni Princi
multis se
Robert
nisi con
rent. Q
dem B.A
da copiat
cupation
Ann
annem D
gravissim
stinatum
vit; ut ce
rum con
dis orien
Ann
maniam
riæ, & Pe
vinciali H
testatem
endi, qui
re, & ex p
figare.
Provincia

Cardinalis, pro negotijs Regni componendis à Su. Pont. Clemente V. missus Legatus de latere, opera B. Fr. Augustini Hungari, Episcopi Zagrabiensis, in re difficillima, potissimum usus est. Qui Magnates singulos prius conveniens, eruditissima deinde ornatissimaq; in totius Regni Principum, ac Procerum confesso habita oratione, multis solidis, nervosisquè rationibus ostendit, Carolo Roberto Regnum jure deberi: adeoq; persuasit, ut unanimi consensu illud ei decernerent, firmiterquè sancirent. Orationem R. mus D. Ioannes Tomco in vita ejusdem B. Augustini exaravit: quàm, cum illius M. S. legendæ copiam fecisset, ob temporis angustiam, & varias occupationes, describere non licuit.

Anno Christi 1324. Joanes XXII. Su. Pontif. F. Joannem Dominicum Ordinis Prædic. in Dalmatiam pro gravissimis Sedis Apostolicæ negotijs internuncium destinatum, datis 7. Idus Martij literis, Avinionem revocavit; ut certo certius cognosceret, quanta auxilia Austriorum contra Scalatum conquissivisset, quidve in adjuvando orientalibus Guelfis cum Illyrijs statuisset.

Anno Christi 1327. Cum Fraticellorum hæresis Germaniam præcipuè pervagata, vicina Bohemiæ, Hungariæ, & Poloniæ Regna attigisset, Joannes XXII. datis Provinciali Hungariæ Ord. Præd. Calendis Febr. literis, potestatem ei fecit, Inquisitores contra hæreticos instituendi, quibus licitum esset jus in delinquentes in fide dicere, & ex præscripto sanctionum Ecclesiasticarum reos castigare. Parem potestatem, datis 3. cal. Martij litteris, Provinciali Poloniæ ejusdem Ordinis Præd. largitus est.

annes
Tomco
Episc.
Befne-
sis in
vita B.
Augustini
Ep. Zagrabi.
& Lauererino.

xxi.
Brou.
anno
1324.

xxii.
Brou.
anno
1327.
n. 16.
17. 18.

Credibile veò est, non ad Provinciale duntaxat, sed & ad Regem, & Archiepiscopum Strigoniensem in Hungariam Pontif. scripsisse: cum non ad Provinciale solum, sed etiam ad Regem, & Archiepiscopum Gesenensem, eis vehementer Sancti Officii causam commendans, in Poloniam literas dederit, quas Bzovius in gratiam patrie singulariter descripsit. Vrsi precibus apud eundem Annalistam non semel, si quomodo in Vaticano ex litera comperirentur; sed cum à longo tempore, penè desperato morbo; (quo, & anno 1637. mente Febuario; heros insignis, piè, Romæ, tot tantorumq; laborum pro Dei Ecclesia exantlatorum, decreta in Coelis præmia percepturus, ex hac vita decessit) decumberet, nihil accepit.

xxix.

Bzov.

anno

1330.

n. 58.

Anno Christi 1330. cum Malendæ, & Alani Gentiles, sub dominio Hieratini, ex Hungaria Regum stirpe progeniti, Prædicatores postulassent, Ioannes XXII. Fr. Thomam Dominicanum, Senuscatensem Episcopum, quod magnæ religionis prædicator, & lege in Domini eruditissimus esset, aliosque Socios quàm plurimos, ad eos convertendos destinavit.

xxix.

Bzov.

anno

1348.

n. 30.

ex ep.

2. cal.

Iun. 6.

Anno Christi 1348. Clemens VI. Prioribus Fratrum Prædicatorum, & Ministris Fratrum Minorum Provinciae Hungariae, ut ad prædicandam Fidem Catholicam Cumanis, & alijs populis infidelibus, intra fines Regni Hungariae constitatis, viros doctrina, eloquentia, & morum integritate præstantes submitterent, delegavit.

xxv.

Bzov.

anno

1370.

n. II.

Anno Christi 1370. cum Ludovicus Hungariae, Rex, finitimas quasdam Provincias, permissione Sum. Pontificis, recens subiecisset, destinati eo Franciscani octo,

& ali-

& aliquot ex Ordine D. Dominici, non pluribus diebus, quàm quinquaginta, ducenta millia hominum ad Christum adduxerunt. Quo successu impulsus Rex optimus, ad Ordinis vtriusque Generales scripsit, ut duo mille fratres ad se mitterent, quoniam nulli esset opus futurum. Leguntur adhuc Urbani V. Pontificis ad vtriusque Instituti religiosos epistolæ, quibus eos ad tam optabiles, & religiosos labores, piè & ferventer invitabat, multisque privilegijs, & gratijs excitabat.

Anno Christi 1374. in Valachia, magna pars populorum, ejurato schismate græcanico, opera Fratrum Prædicatorum & aliorum cooperariorum, ac Ludovici Hungariæ, & Poloniae Regis, ad unitatem fidei hoc tempore reverterat, exemploq; alijs fuerat, ut reliqui ad idem ovile catholicum redire cogitarent. Vnum oberat, quod Episcopum proprium nondum habebant, qui ex officio pastoralis huic ministerio advigilaret, ferè omnibus ex Clero Ungariæ Prælati. Hortatus est Pontifex Strigoniensem, Colocensem Archiepiscopos, qui ex sententia Regis, quid expediret salutis illorum populorum, decerneret.

Cum año Christi 1378. Catharina Senensis, Virgo Sancti Ord. Pr. tum revelationum, tum miraculorum gloria id temporis illustis, Urbanum VI. legitimum Sum. Pontificem agnovisset, simulque Carolo Imperatori, legitime electum, coronatumque à Cardinalibus, nec in metum conferendam esse electionem, scripta epistola significasset; nec non tres Italicos genere Cardinales, qui ab Urbano desciverant, ut ad sanitatem mentis redirent, illumque ab eis ritè non autem metu creatum Pontificem

xxvi.
Bxov.
anno
1374.
n. 2.

xxvii.
Bxonig
anno
1378.
n. 36.

sequerentur, datis illis literis admonuisset: octo etiam epistolas Urbano scripsisset, quibus eum hortabatur, ad Ecclesiam Romanam, ut hortum optimis suauissimisque floribus, ita sanctissimis Cardinalibus muniendam, qui essent velut columnæ firmissimæ, & ad omnem satanæ impetum inconcussæ: eadem S. Virgo anno 1379, pro eadem causa Urbani VI. veri legitimique Pontificis Romani, Carolo R. Gallorū scripsit epistolam, qua nihil grauius nihil elegantius aut concipi animo, aut scribi ab ullo illius temporis viro potuisset: & eodem argumento nihil inferiores ad Ludovicum I. Regem Vngariæ dedit, quibus hortabatur, ut Urbano adhærent, auxilium, & suppetias pro Ecclesiæ pace, & vnitæ quamcitiùs ferrent. Literæ ad Ludovicum ex etrusco in latinum versæ sic habent.

Exor.
anno
1379.
v. 13.

ac lib
epist.
S. Cat.
Senen.
epistol.
129.

I. Cor.
13.

Charissime in Christo Jesu dulci, Pater. Ego Catharina serorum Christi Jesu famula, & mancipium, tibi in pretioso ejus sanguine scribo, in vera te, perfectissimamque charitate fundatum videre desiderans. In charitate, inquam, quæ non, quæ sua sunt, sed puram gloriam, laudemque nominis Dei in salute animæ, nec proximum propter se, sed duntaxat propter Deum inquit. ea, quæ vera parens est, ad vbera sua proles virtutum enutrens, quæ sine nulli vitæ inesse potest virtuti. Nam etsi potest homo utcumque virtutis actum habere, at non, qui verè sit actus virtutis, absque charitatis affectu. Ideoque gloriosus ille Apostolus, Evangelij tuba, Paulus agebat: si linguis hominum loquar & Angelorum, & noverim mysteria omnia, si distribuero in cibos pauperum omnes facultates meas, & si tradidero corpus meum ita ut arde-

am,

am, charitatem autem non habuero, nihil mihi prodest. Charitas ea diligit, quæ Deus diligit, adeoque illam habens, expoliatur se veterem hominem, peccatum nimirum, quod ita Deus odio habuit, & abominatus est, ut ipsum in Filij sui corpore mulctare decreverit; induitque novum dulcem Jesum Christum: charitati ad eò devinctus, ut cujuscumque fuerit status, aut conditionis, Christi amplectatur doctrinam, neque unquam obliviscatur sequi vestigia ejus. Anima manens in charitate, mundum spernit cum universis divitijs, & oblectationibus suis, aestimans illas ad justî ponderis libram, tanquam res sc. quæ nulla firmitate, vel soliditate subsistunt, adeoque quasi commo- dato acceptas, cernens aut eas sibi, aut se illis morte adveniente deficere. Charitas hæc, animam benevolam efficit, aman- temque inimicorum suorum, quos nimirum inimicos mundus arbitratur, cum revera non sint. Veri namque, propriique hominis inimici, mundus, daemon, fragilisque caro, & concu- piscencia nostra sunt; quæ omnia adversus spiritum prelia ur- gere consueverunt. Mundus quidem, oblectationibus ad cordis levitatem, inanem inordinatamque letitiam alliciens: dae- mon, pluribus, diversisque cogitationibus etiam corda hominû ad irrogandas nobis injurias instigans, ut ira, & impatien- tia stimulis agitati, charitatis, quæ vitæ nobis gratiam imper- tit, indumento nudemur: nostra denique concupiscencia, magna in nos rebellione, impugnationibus & motibus vitiorum universorum insugens. Hi sunt nostri inimici. Verum nibi- lominus est, si ratio velit, eos vi sanguinis Christi, potentiaque facile habetari. Tunc enim eos, quos, ut dixi, homines (sive quod injuria nos afficiant, sive quod nostra diripiant) esti- mant inimicos, ipsa sibi facit amicos, diligens eos tanquam

Dei creaturas, ea præsertim ratione, quod Deus jubeat illos amari: quo quidem amore, odij tenebris ex corde proximi sæpe depulsis, carbones etiam igne charitatis succensi, super illius caput congeruntur. Hoc unum est signis præcipuis, quibus, num anima sit nec ne in charitate, dignoscitur. In charitatem nulla cadit indignatio: sed patienter sustinet proximorum defectus: non est iracunda, sed benigna: non efficit hominem injustum, sed justum, unicuique, siue domino, siue subdito, jus suum reddere paratum. Deo laudes & gloriam; sibi cum odio, & detestatione peccati, confusionem; proximis amorem, & benevolentiam tribuit. Quod si is dominus sit, cui administrare justitiam incumbat, hanc, magno, & pusillo, pauperi, & diviti jus suum reddens, nec blanditijs, nec minis, nec suavibus, nec asperis patitur contaminari; sed aqua lance singulis exhibet, quod illis jure debetur. Magno, & vigilantissimo studio proximo suo deserviens, quam habet ad Deum dilectionem, in illum ostendit: cumque Deo commodum asferre nequeat, ratione prædita, Deo prædilecta creatura conatur asferre. Verè dulcem parentem charitatem, qua nullam habens amaritudinem, perenni gaudio afficit se possidentem. At dicet Chariss. Pater. Vehementer capior hoc charitatis affectu; sed unde potissimum me illum habere dignoscam? Respondeo: dignoscet, si eas in se condiciones, quibus charitatem ornatam esse diximus, anima persentiscat. Ea verò ad duas denique præcipue colliguntur, videlicet ad patientiam, qua universas injurias, parvas & magnas, undecumque, & à quacumque creatura illatas, mente pacata tranquillaque sustinet; & ad obsequium, quo in necessitate, pro viribus, humana creatura deservit. Illa a quo suscipit animo illatas injurias, hoc elargi-

tur.

tur. Ecquid verò elargitur? Charitatis affectum, proximum diligens sicut seipsam: quantumquē sive spiritualium, sive temporalium donorum, Deus imperit, tantundem eidem proximo suo benignè subveniens. Redditur quin etiam charitate anima gustus ad cibum verbi Dei percipiendum idoneus, quod ipsa ad mortem usq. servare contendit. Plura sanè alia ex charitate promaneant, sed ne longior sim, hac tantum præcipua sufficit enarrasse. O verè nimis beatam animam ad hujusce tam dulcis parentis ubera educatam. Ea namq. per omnia humilis est, & obediens, quā millies præligeret mortem optetere, quā Christi Crucifixi, ejusq. Vicarij obedientiam semel prævaricari. Nequaquam ita se gerit, quemadmodum ij, qui illius expertes, proprio astringuntur amore, quo jam planè veneno orbis infectus est universus. Profecto venenum, amor est proprius, quo intoxicata anima, ira repletur, impatiens efficitur, odij contra Deum, & proximum germinaremittere nunquam cessat. Ipse animum offundit tenebris, ne veritatem cernere, aut dijudicare possit: ipse sanctam illibatamquē fidem contaminat, atquē pessundat. Equidem, quantum dulce istud lumen pravi homines seipsos amantes in mystico Christi corpore Ecclesia S. obscurant, manifestè cernis amantiſſime Pater. Heu, qui Fidei sancta columna, & propugnatores esse debuerant, ipsimet eam abnegarunt. Ecquid enim Vicarij Christi Papæ Urbani VI. Electores concitavit? Urbani, inquam, VI. quem adeò legitima electione elegerunt, tanta solemnitate inaugurarunt, tanquā Sum. Pontificem, (ut verè est) reverendo consalutarunt, pro gratijs & beneficijs ei supplicarunt, per orbem totum, non metu hominum, sed ipsissima veritate perurgente, Pontificem e-

vulga-

vulgarunt; jam verò verum esse Pontificem inficiantur? Elegerunt quæ antipapam, veriùs Diaboli membrum nuncupandum: nam si foret Christi membrum, mori potiùs, quàm tanta præbere consensum abominationi sustinisset. Ajo, amorem proprium universi mali istius causam extitisse. Si namque ipsi virtutem, propria neglecta concupiscantia, dilexissent, haudquaquam hæc ausi fuissent perpetrare: immo verò ab illo, qui in terris est Christus, vitam, moresque suos corrigi, atque plurimarum, quæ per ipsos & alios in Ecclesia vitidario committebantur, iniquitatum foeces expurgari, æqui, bonique consuliissent. Liquidò sanè apparet, dæmonis illos sibi assumpsisse provinciam. Is enim, qui Deum amiserit, visioneque illius sit æternum privatus, ut omnes eundem amittant, exoptat, utque in perpetuam damnationem incidamus, quantum valet, connititur: sic cæci isti, coecorumque duces, tenebris, & erroribus, quibus tenentur, nos offundere omni studio contendunt: non attendentes miseri, ante supremi Iudicis tribunal, pro se, animabusque omnibus ipsorum causa pereuntibus, districtissimam se reddituros esse rationem. Non pluribus grande malum, & pravitatem eorum exaggerabo. Apparet enim, Deum ipsum, ut eorum mendacium, & Urbani Pape VI. quam ydem ipsi nobis annunciarunt, justitiæ veritatem, manifestè cognoscas, mentis tibi oculos referasse; nisi enim eam agnosceres, sectareris, (quod non facis) ipsorum miseriam. Magnum profecto in te Dei nostri beneficium, quo veritatis suæ radijs collustratum, illorum tenebris te comprehendi non permisit. Quinimò qui Fidei nostra defensor, illius quæ, dux contra infidelis semper extiteris invictus, ut jam nunc Ecclesia sua sanctæ propugnatores agas, dulcis Redemptor noster decrevisse vide-

tur.

tur. Age igitur, ad veritatis, Fideique sancta, adversus hereticos, falsos Christianos, veritatis abnegatores, defensionem, quaquaversum armator. Nulla neccende mora: magna sollicitudine, Deo, ad hoc te ministerium vocanti, respondendum: alia posthabenda universa. Vult, qui tanto amoris ardore vitam pro tua salute profudit, dulcis, et amantissimus Iesus, ut precipuos Ecclesia Sancta, sanctissimique Fidei luminis inimicos, tibi duntaxat habeas adversarios. Cum coeteris quibuscunque alijs tuis inimicis, cum ob amorem virtutis, ne charitatis affectu privere, tum ob instantes Ecclesia Sancta necessitates, pax tibi est incunda. Numquid enim ab Antichristo, diaboli membro, mulierculaque una, ad interitum, tenebras, et confusionem, universam Fidem nostram redigi sustinebis? Sane praedico, si Tu, coeterique Principes, qui potestis, remedium omni studio, et conatu adhibere neglexeritis, fore, ut eorum Deo confusi, durissime de incuria, atque cordis vestri tepore coarguamini. Nolim tamen, ut redargutionem illam, quae valde horribilis est, longeque ab humana dissimilis, praestolemur: sed, ut adventum matures, nec ulterius differas, precor, queso, et obtestor. Attende diligentius, Deum hanc tibi provinciam committere, cui par est cum debita reverentia humeros te supponere. Patri nostro Papa Urbano VI. quod oviculas suas ad tartareum lupum trahi oculis suis cernat, in vehementi amaritudine animi constituto, te decet commisereri. Verum est, ipsum se in Conditore suo confortare, quippe qui spem suam omnem fidemque in eo locaverit: eundem etiam ad onus hoc pro suo honore, atque Ecclesia Sancta sua adiutorio suscipiendum, te aptaturum, optime sperans. Mentis, queso, oculos, heu super mortuis hisce recludas. Discas ex

Gloriosis Martyribus illis, qui seipsos, dimissis omnibus, abnegantes, ad omnia supplicia, mortemque corporis omnem, sese comparabant. Orbis jam totus ea de causa discerpitur, perlatam spatiosamque perditionis viam concurritur, nec est qui obstitat: quod non sint, nisi homines seipsos amantes, nihil praeterea, quam de vitiarum, ditionumque mundi (quae sunt summae paupertas) bona cogitantes, atque adeo animas pretioso Christi Crucifixi sanguine redemptas nibili pendentes. Cupiens itaque (quod initio dixi) in vera te, perfectaue charitate manere, volo omnino, ut ceteris quibuscumque pro Dei honore, et fide sancta posthabitis, ad omne, quod possit, efficiendum, tanquam reipsa vir, te quam citius accingas. Porro spero, Deum, quem enixius rogo, pro immensa bonitate sua, mentem, conscientiamque tuam adeo arctaturum, ut ea sit tibi stimulus, qui, quo ad usque, quod a te Deus ipse requirit, perfectum aspiciam, numquam recedat. In hoc itaque opus toto pectore, sine cunctatione tibi incumbendum: id enim ego non sine causa urgeo, multum utique de tuo adventu confissa. Fortè namque etiam veritas hac sine vi ulla humana manifestabitur, et paupercula Regina hac, sive metu, sive amore, à pertinaci, obfirmatoque animo illo suo dimovebitur. Vide, amabo te, quam clementer à Christo in terris cum illa actum fuerit, qui non ea ipsi de facto ademerit, quibus ipsa se jure privavit; idque duntaxat ut videat, nùm ad cor, sui miserta, redeat, atque etiam amore tui. Sanè si jam id hodie efficiat, justè coram Deo, et te ipso, sit excusatus; ut enim id fiat, (cum ipsa nolit ad misericordiam confugere) à te aequi bonique consulendum. Neque verò aliqua te fallat affectio, quasi illa publicè haeretica renunciata, tibi tuove Regno dedecus ullum obveniat: cum enim publica iam et manifesta haeresis

ipsius

ipſius exiſtat, nequaquam ea de cauſa metuendum eſt. Quin-
imò magno tibi erit decori, quòd & juſta fieri, & contra hoc,
aliudue quodlibet crimen in hominem quemcunq; animadverti
decernas; quia ſi aduerſus ipſum filium tuum juſtitiam à te con-
tingeret adminiſtrari, ad majorem procudubio tibi cederet
decus & gloriam. Optimè novi, quòd ſi in dulci maneat cha-
ritate, ſic rem ſe habere cognosces: ſecus verò, ſi ſumos, & mun-
dà blandimenta, non excelsè, & regij: ſed demiffi, & vilis ani-
mi hominum more conſectareris. Deus, lumen tibi, & grati-
am ſuam infundat, quò Eccleſiæ ſanctæ naviculæ protectione
ſuſcepta, ad pacis tranquillitatisq; portum eam perducì procu-
res. Nihil adijciam ulterius. In ſanctâ & dulci maneat
dilectione: ſig; verbis meis fui tibi gravior, ignoſcas. Ani-
marum amor, dolorquè damnationis ipſarum, divina etiam
voluntas, quæ me, tibi ut ſcriberem, coegerunt, excuſabunt, le-
ſi amor. Regine me commenda, & Chriſti nomine, atq; meo eti-
am illam conforta.

Ita S. Catharina ad Ludovicum ſcribebat. & licet
apud Carolum Gallia Regem nihil effecerit, quòd Ioanna
Sicilia Regina (de qua in hiſce literis tacito nomine, ter-
mo, quæque Clementis VII. Antipapæ partes tuebatur)
Ludovico Caroli Regis ex fratre Duce Andegavenſi ne-
poti in filium adoptato, etiam regnum Siciliae detuliſ-
ſet: tamen Ludovicum in Urbani fide ſic confirmavit,
ut inſequenti anno 1380. tuendi Urbani deſiderio incen-
ſus, magnis Hungarorum copijs per Tarviſinum, Vin-
centinumquè agrum in Italiam deſcenderit, ac per Etru-
riam ducens, augensq; tandem ad extremos anni men-
ſes Romam venerit, nevé Urbanus adverſarijs ſuccum-

B70v.

anno.

1369.

n. 6. &

130.

B70v9

anno

1380.

n. 6.

beret, effecerit. Porro Ioanna hæc, Sicilia Regina fuit, cuius iussu, maritus ejus Andreas, Ludovici Regis frater, adhuc adolescens, fuerat laqueo præfocatus; cui Ludovicus licet maximè esset infensus, adeò tamen labis hæreticæ in Jamiam, qua ex affinis damnatione, quoquomodo affici posse videretur, perhorrescebat, ut hunc ei scrupulum in suis, S. Catharina, literis fortissimo argumento debuerit ex mente convellere: ut hinc etiam appareat, quanti Fidei Catholicæ sinceritatem, antiqui Pannonum Reges, & Principes facerent, & æstimarent. Sed non te prætereant, Pie Lector, egregius ille titulus, quo S. Virgo Catharina Romanum Pontificem exornat, dum illum non semel *Christum in terris* appellat.

28.
V. sup.
p. 187.
140.

Anno Christi 1409. Fr. Ioannes Dominici, Cardinalis Ragusinus Ord. Præd. à Gregorio XII. Legatus à Latere in Hungariam, ad Sigismundum Regem, pro difficillimis Ecclesiæ negotijs in magno schismate componendis, mittitur. Inter alia, Budæ etiam 140. dierum Indulgentiam, Aedem B. Virg. Deip. in Insula, Corpusque S. mæ Virginis Margaritæ visitantibus concessit, ut ex literis ejus, datis ibidem anno 11. Pontif. ejusdem Gregorij, superius memoratis, manifestum est.

29.
B. 2. v.
anno
1411.
n. p.

Anno Christi 1411. Gregorius XII. eundem Fr. Ioannem Dominici, ad Sigismundum Regem Hungariæ, & Romanorum Regem recens designatum, iterum destinavit: si fortè potuisset Principem, atque unà cum eo Germaniam, Hungariam, & Boemiam, nec non circumvicinas Provincias in suam sententiam adducere. Qui habitu transformato, persona Paræci, seu Sacerdotis sim-

plicis

simplicis assumpta, naviculæ parvæ sese commisit, Cæsarem convenit, acta Concilij Pisani accusavit, Gregorium Concilij Generalis convocandi, unitatisque ecclesiasticæ in eo conficiendæ cupientissimum esse ostendit: simul de convocando alio Oecumenico Concilio, deque modorum convocationis, tum actionum, admonuit: postquam etiam P. P. Pisani suum coetum necdum absoluisse, sed in alium locum distulisse, adeoque novum Concilium elegisse viderentur.

Anno Christi 1418. idem Fr. Ioannis Dominici, ubi multa, eaq; præclara in Constantiensi Concilio pro Sacra Vnione, (cujus magna fuisse pars, & Sanctus Antonius, & ipsa acta testantur) præstitisset, eo ad diem 22. Aprilis absoluto, Legatus Martini V. Pont. in Hungariam à Sigismundo Rege, ad Hussitarum hæreses compescendas, convellendasq; ductus, pro ea plurimum laboravit: sed cum altius malum radices jecesse videret, quam ut ille ferri sectione curari posset; noller vero Rex, ad sancti, prudentisq; viri hortatum, id remedij adhibere: Cardinalis, pereuntium animarum moerore contabescens, denique vita sanctissima per felicissimum finem expleta, eodem anno ad Cælos Budæ evolavit, miraculis multis post mortem nobilitatus. Sed de his, alijsque maximi huiusce viri gestis, consulenda sunt, quæ alibi in hoc opere scriptis consignavimus.

Anno Christi 1426. Fr. Iacobus de Clavaro (Civitas, sive oppidum est in Liguria) S. Th. Doctor egregius, Cardinalisque Brandæ Placentini, per Germaniam, & Hungariam Legati Theologus, Ord. Præd. pro conuer-

u. n. n.
V. sub.
à pag.
499.

precip.
in vita
illius
p. 2. l.
p.

æ æ æ.
Bren.
anno
1420.
n. 23.
p. 24.

Nider
in For-
mica-
rio li.
3. c. 10.

sione pervicacissimi cujusdam in eodem Hungariæ Regno hæretici, quæcunque evidenti, atque naturali ratione de rebus Catholicæ Fidei demonstrari nequeunt, inficiantis, cum alijs quibusdam strenuè prudenterque laboravit; quem deniq; ad lumē veritatis perductum, in S. Pauli i. Eremitæ Ord. dare nomen lætus aspexit. Rei seriem Ioannes Nider, Viennensis Academia, Ordinisq; nostri splendor, his verbis enarrabat. *Quo tempore in Vniuersitate Viennensi legi Biblia, vel Sententias, non longè in Hungaria repertus est quidam Artium liberalium Baccalaureus, & Presbyter, sed hæreticus talis, qui nec vetus, nec novum Testamentum, neq; Doctores admittebat. Hic tam mirabiliter singularis exiitit, ut secundum, (nesciente) non habuerit. Nam in Vniuersitate præfata post studium trivij, aliquandiu lectiones à Sacra Theologia Doctoribus audivit: postea factus Sacerdos, in Hungariam descendit, & ibidem prædicationis officium, & collationis Sacramentorum exercitium habuit. Interim sciolus modicum de artibus, displicentiam in ritu Fidei Christianæ acquisivit, & syllogizando, vel paralogizando potius, secū tacitè de articulis fidei, & de toti⁹ Ecclesia ceremonijs conferens, majora sibi hac videbantur, quàm antea, esse deliramenta. Et, ut perstringam brevius, ad hoc miser iste devenit, ut nihil penit⁹ crederet, de his, quæ sunt Catb. Fidei, nisi pro quanto à naturali Philosopho hac, propriè dicta demonstratione Philosophica, evidenter & efficaciter probari valerent, veluti demonstratur, unum esse Principem totius Vniuersi, & primam causam. Derisit ergo ceremonias omnes fidelium, parvipendit doctrinas Christicolarum, sprevit Sacramenta Ecclesia om-*

nia,

nia, vetus Testamentū non admisit, novum nihil magnipendit: utriusque glossas, & Doctores pro deliramentis habuit, & omnium eorum imitatores. Sed in his omnibus, multis Sacramenta Ecclesiastica latens heretic⁹ ministravit, & Sac. Missæ officium sæpius celebravit. Accidit autem quodam die, ut quidā ad celebrandum Missæ S. officium indutus sacris, versus altare, se, iturus prædisponeret. Cui ille ait: Visne iterum conficere fatuæ filium? vel aliud detestabile verbum simile infelix evomuit. Hanc blasphemiam alter agrè ferens, finitis divinis, perfidum privatim adiit, dicens. Dixistine, inquit, mihi celebraturo, an fatuæ filium iteratò consecrare vellem? Respondit Reus, quod sic: nec negavit: immò plusquàm antea, de infidelitatis toxico evomere coepit. Quo audito, est Episcopo denunciatus, captus, incarceratus; atque examinatus, inventus est, ut præmissi. Supervenit interea Legatus totius Germaniæ, Dominus Placentinus Cardinalis, cum tribus, tam Theologie, quàm Iuris Canonici devotis, prudentibus, & litteratissimis Professoribus: qui dictum Reum, in carceribus, ut salvaretur anima, visitarunt, atque p̃ys suasionibus, errantem, ut resipisceret, reducere curaverunt. Sed nihil penitus in tumido profecerunt. Nam de Sedis varijs VViklivistarum, & Boemorum, quæ pro tunc currebant, VValdensium, Ariano- rum, Iudeorum, Saracenorum, & quorumcunque perfidorum quesitus, constanter omnes istas derisit, & in suo tantummodo errore perstitit. Verū, ut ubique clavum clavo retunderent, Artibus videlicet, & Philosophia, quibus præfati viri tritissimi erant, operam dederunt, ut exinde jacula reciperent, præsertim F. Iacobus de Clavaro, nostri Ordinis, & Mag. Martinus de Hispania, ambo Sac. Pagine Professores, qui errantem

argutius aggressi sunt. Et licet, ut mihi idem, M. Iacobus retulit, hæreticus astutissimè, & cautissimè sibi caveret, ne contradictoria concederet, tamen sæpè in eisdem deductus est ad metas: ubi, cum aliter respondere nequiret, ait. Homines estis, non mirum, si homini concluditis. Cumque hac lucta multis continuaretur diebus, & perfidus in sua pertinacia perseveraret, quinimodò diceret, se in sua sententia mori velle; ex cogitare viri prudentes (anima ipsius miseri plus Javentes, quàm corpori) aliud consilium. Vinculetur, (dicebant ad Episcopi Officialem) secretius versipellis iste, arctius ponatur ad cippum, & toris stringatur. In his fortè pernoctans, vexatio dabit intellectū. Quo per ordinē factò, venerunt in crastino sapediti fideles anima Cyrulogi, videre volentes suum agrotum, ad quos impatienter clamavit. me, quaeso, incinerate: paratus enim sum: quousque animam meam frustra vexatis? Illi verò fomenta acriora anima, de Aegiptiorum thesauro philosophico applicantes, ostenderunt erranti, quàm imbecille foret humanum ingenium, quàm ars multa, vita brevis, iudicium fallax tempus acutum, & similia: & meditativum in his iterato relinquētes, non minùs quàm antea, minētū, abierūt. In crastino verò redeuntes, per divinum lumen inspiratum, bonum hominē invenerant. Vidi, (inquit reus) quòd salutem anima mea indefessè quaritis, literis eminentes estis, & in orbe terrarū famati: paratus sum ingenium meum vobis submittere. Iabete, quod placuerit, quia paratus sum sine fictione parere. Itaque revocare suam perfidiam iussus est, & fecit publicè. Et ne mundo ulterius serviens deciperetur à vanis, petiuit in Ordine Paulitarum recipi in monasterio, ubi Deo simpliciter, & valde devotè Deo servitur in Hungaria, ubi Ordo iste in magno est vi-

gore.

gore. *Ibi receptus militavit Christi tyrocinio, de cetero, ut spero, constans, & firmus remansurus.*

Anno Christi 1431. Fr. Joannes Stoicus, Ragusinus, S. Theol. Ord. Præd. vnâ cum Jo. Polemario, autoritate Apostolica, Juliano Cardinali Legato à Martino Papa V. & deinde ab Eugenio IV. facta, & ab eodem delegante, utriquè concessa, velut præses Basiliense Concilium inchoavit. De quo lege fusiùs ante descripta.

Anno Christi 1433. idem Fr. Joannes contra Ioannem Rochizana de Communionem sub veraquè specie per octiduum acutissimè, validissimèq; pro fidei Catholicæ defensione disputavit; ut præcitato loco licebit intueri.

Anno Christi 1442. Eugenius IV. anno XII. sui Pontificatus, F. Bartholomæum Lapacium, Florent. ex Ord. Præd. B. Joannis Dominici Cardinalis Ragusini discipulum, Episcopum Coronensem, virum æquè religione atquè omni eruditione præstantem, ad hæresim, quæ simplicis animi nomine per aliquot regiones vagabatur, compescendam, extinguendamq; in Hungariam, & Poloniam destinavit Inquisitorem; qui rem feliciter, Deo favente, peregit, ut paulo fusiùs superiùs attingimus.

Anno Christi 1448. Sum. Pont. Nicolaus V. cupiens turcicum gladium à cervicibus tùm Constantinopolitani Imperatoris, tùm Regni Hungariæ depellere, totaq; Europa hostem Christiani nominis eijcere, non contemnendas suppetias Ioanni Huniadi, sive Corvino, misit, eundemq; Fr. Bartholomæum Lapacium in Hungariam destinavit, qui Sacram militiam, more Ecclesiæ recepto, propositis quàm maximis indulgentijs indiceret, & copijs

XXXXII.

p. 3. li.
3. c. 3.

XXXXIII.

XXXXIV.
Ludo-
vico
Par-
ma de
Orig.
S. In-
quisit.
li. 1.
tit. p.
c. 5.

XXXXV.
Bxouid
anno
1448.
u. 7.

Crucesignatorum vnde quaque collectis, cum potestate Apostolici Legati præesset. Verum perfidia Georgii Despotæ, Rasciæ Principis, sterit, ne, quam sperabat de Turcis Huniades, victoriam eo tempore consequeretur. Cum duobus & vigintimilibus hominum ex Hungaria castramoverat, atque Valachiæ montanæ Palatinum in huius belli societatem asciverat. Sequebatur illum Legatus Apostolicus, prænom. Coronensis Episcopus, cum Proceribus Hungariæ, & innumera multitudo nobilium. Superato amne Tybisco, trajectoq; Isiro, cum per Daciam in Mysiam descendissent, & ad Severinum usque oppidum promovissent, Huniades, Despotem, (qui claudens cum Turcis internuncijs, recuperato Mysiæ Regno, pacem servare nitebatur) per Legatos oravit, ut sapè à se rogatus ad sacram expeditionem veniret, beneficiorumq; quæ ab Hungaris acceperat, memor esse vellet: de bello benè sperandum, quando neque pecuniæ, neque copiæ deforent: proinde impensius obsecrare, ut, coactis continuo equitum turmis expeditissimorum, sua castra sequeretur. At Despotes malè sentiens, ut honestius militiam detrectaret, varijs se modis excusans, abeunte Huniade, celeribus internuncijs, Hungarorum adventus, & copiarum multitudinis Amuraten admonuit, & quotidiana itinera significavit, cum invidia, cum gratificationis gratia, qua pacem cum eo facile servaram iri confidebat. Hinc Huniades Amuratis insidijs circumventus, Sandarobechi Albanensium Principis auxilij (qui ad conditum locum, & tempus non occurrit) opportunis destitutus, pugnandi necessitate ab Amurate

impo-

imposita, viribus imparibus, (Turcarum enim octoginta millia numerabuntur) depugnavit. Superiores aliquantò viribus nostri Crucesignati fuere: ad extremum tamen, hostium multitudine superati, succubuerunt, non incruenta Turcarum victoria, triginta quatuor Barbarorum millibus, Crucesignatorum octomillibus occisis; in quibus tamen Coronensis Episcopus, (egregia B. Ioannis Dominici Cardinalis proles, qui magistri etiam amore, nò semel legationem latus susceperat in Vngariam) & universa ferè Panoniæ nobilitas occubuit. Huniades verò salutis suæ fuga consulvit, in qua infestam, & variam fortunam expertus est.

Anno Christi 1460. Rex Bosniæ, Manichæos, qui erant in Regno suo quamplurimi, nisi baptismum Christi acciperent, è regno migrare coegit, substantia relicta. Duo circiter millia baptizati sunt: quadraginta aut paulo plures pertinaciter errantes, ad Stephanum Bosniæ Ducem, perfidiæ socium, confugere. Tres principes hæreseos, in aula Regis potentes, Episcopus Novensis victos ad Pium II. Pontificem Max. duxit, quos Pius per monasteria relegatos edoceri Christianum dogma curavit. Fr. Joannes Turecremata, Cardinalis S. Sixti ex Ord. Præd. ad se vocatos instruxit, persuasitq; tandem, abjuratis erroribus, Ecclesiæ Rom. quæ nec falleret, nec falleretur, documenta suscipere. Reconciliatos Pius ad Regem remisit. Duo in fide permansere, tertius more canis ad vomitum revertens, ex itinere dilapsus, ad Stephanum confugit.

xxxxi
Вѣстѣ
anno
1460.
n. 38.

37.
ex trā-
sumptis
litera-
rum
sentent.
apud
P. Ia-
cobum
Nem-
eti Soc.
Jesu.

Anno Christi 1481. Joannes de Aragonia, Tit. S. Adriani S. R. E. Presb. Cardinalis, per Vngariam, Bohemiam Poloniam, Sixti IV. Sum. Pontif. Legatus, Joannem, Plebanum Cassoviensem, Decretorum Doctorem, & E. Dominicum Priorem Ordinis Prædic. Commissarios in S. Jubilæi negotio delegavit, ut constar ex litteris authenticis, datis Cassovij ipso anno 1481. 8. Martij, quibus ij fidem faciebant, quod Stephanus Lengyel de Chontosfalua, cum filiis Joanne, & Francisco, & filia Clara, debitum fecisset, ponendo, & constituendo ad cippum pro expeditione facienda contra impiissimos Turcas, Christiani nominis atrocissimos hostes, juxta ordinem præfati D. Legati; & ideò posset ab idoneo Confessore à se eligendo, ab excommunicationis sententijs, & peccatis omnibus contritis & confessis absolvi, & assequi S. Jubilæi omnium peccatorum remissionem, & in mortis articulo Plenariam Indulgentiam, &c.

38.
monu-
mentis
sepæ ci-
tatis.

Anno Christi 1486. Fr. Petrus Ranzanus, Episcopus Lucerinus, ex Ord. Præd. vir doctrina, & eloquentia suo seculo nulli secundus, à Ferdinando Rege Neapolitano, ad Matthiam Corvinum Regem Vngariæ missus Legatus, apud eum triennium mansit, quando & librum numquàm plenè laudatum de rebus Vngaricis ad eundem Matthiam inscripsit, in ejusq; funere luculentissimè peroravit.

39.

Anno Christi 1492. Alexander VI. Sum. Pontifex Fr. Paulum Ligurem Moneliensem Episcopum Chiensem, Nuncium suum Budam legavit, vbi & spiritum cum

summa pietate redidit Conditori. Is in Chronico Magistro-
rum Ordinis post librum Sac. Constitutionum nostra-
rum, sic commendatur. *Floruit hoc tempore etiam vir*
præclarissimus, & doctissimus, Magister Paulus de Monelia,
Ianuenfis, qui cum post Provincialatum Lombardia superioris,
Sacri Palatii Magister effectus, plures annos in dicto officio
cum magna gloria, & omnium Prælatorum Curie gratia pere-
gisset, per Dom. Alexandrum VI. Episcopus Cbij effectus, in
Legatione ejusdem Pont. in Buda Vngarie ad Dominum devo-
tissime migravit.

Anno Christi 1523. Fr. Thomas Vius, Cajet. Car-
dinalis S. Sixti, ex Ord. Præd. Hadriani Pont. Max. Lega-
tus ad Ludovicum H. Hungariæ Regem cum magna pe-
cuniarum vi, pro comparandis adversus Solymannum
Turcarum Imperatorem, Regnum ejus infectis armis in-
vadere molientem, copiis, profectus est. Vbi summa om-
nium, Regis præcipue, ad gratulatione exceptus, eorum
animos sic confirmavit, ut & de bello Tyranno inferendo,
ultrò cogitarent, nedum ad resistendum essent animati.
Porro, pecuniam, quam secum detulerat, in alium usum,
quam in eum, pro quo receperat, erogari nulla ratione
permisit. Et quidem, feliciter peracta omnia, quamdiu
ibi ille permansit; sed brevi Hadriano morte sublato, à
Clemente VII. ejus successore revocatus, Romam rediit,
ubi Mohacianam funestissimam cladem, in qua Ludo-
vicus Rex optimus cum toto Regni flore, & robore (heu)
extinctus est, non absque summo mœrore, & lacrymis
multis, audivit anno 1526. Nonnulla, vir mortalium om-
nium sui seculi eruditissimus, ingenio suo acutissimo dig-

Chron.
Ma-
gist.
Ord.
fol. 69.
pag. 2.

40.
M.
Flau.
Aquil
in vita
Thoma
Cajet.
apud
Bxoni-
to. 19.
in fine.
Plod.
de vir.
ill. p. p.
l. 4.
col. 585

na, elaboravit. Sed plura de illo in præcedentibus scripta.

41.

Anno Christi 1562. Cardinales S. R. Gen. S. Inquisitionis supremi Inquisitores, Fr. Antonium à Grosupeto, S. Th. Doctorem, & in S. Tridentino Concilio Theologum, per Hungariam totam, aliasque partes, contra hereticam pravitatem, in omnes, præcipue verò in eos, qui ex Italica natione eadem pravitate essent infecti, inquirendi, universaq; opportuna, usque ad sententiam definitivam exclusivè, faciendi, Commissarium instituerant, ut agentes de S. Off. Inquisitoribus ostendimus.

42.

Indic.
Præl.
Conc.
Trid.
Pledis
2. p.
vir. ill.
anno
1562.
tit. E.
pi. Re-
lat.
Hung.

Anno eodem F. Joannes, Hungarus Claudiopolitanus, sive, (ut nunc vocant) Colosvariensis, Ord. Pr. vir in Theologia, & Pontificio jure præstantissimus, Episcopus Chanadiensis, ex Ord. Prædicatorum pro Hungaria, universaq; Ecclesiæ bono, cum reliquis Patribus, fidei dogmata definiebat, & reformationis decreta condebat in Oecumenica synodo Tridentina, in qua ipso anno 1562. die 24. Novembris, solutus est mortalitate.

43.

Anno Christi 1566. Pius V. ex Ordine Præd. Sum. Pontifex Sanctissimus, (de cujus Canonizatione Romæ à multis annis jam agitur) sciens, quantum ad hæreses profligandas, moresq; componendos Sacri Concilij Tridentini, ad hoc ipsum celebrati, observatio, & Seminariorum potissimum erectio, in quibus exactè juniores Clerici instituerentur juxta ejusdem Sacri Concilij decreta, valerent, cupiensq; ex animo ea executioni in Ungaria mandari, non solum Ecclesiasticos Præsules ad eam per litteras suas est cohortatus, sed etiam Magistrum in S. Th.

Fr. An-

Fr. Antoninum à Grosupto Ord. Prædic. quem virum sibi probatissimum appellabat, ad Archiepiscopum Strigoniensem Vngariæ Primatem, & ejus Suffraganeos, Oratorem delegavit, qui illos ad eadem seminaria erigenda suo nomine moneret, & hortaretur, ut patet ex insequentibus literis anno p. sui Pontif. Christi 1566. datis.

Venerabili Fr. Archiepiscopo Strigoniensi, Regni Vngariæ Primati, & Suffraganeis ejus.

Venerabiles Fratres Sal. Ad exequendum Apostolica servitutis Officium, quod non sine timore, ac tremore, in spiritus humilitate divina vocationi obedientes, suscepimus, oportet nos, omnium, qui in sollicitudinis nostræ partem vocati sunt, auxilio tantò studiosus sublevari, quantò infirmiores vires nostræ, & Ecclesiæ graviora sunt tempora. Nullum verò occurrit nobis mentem nostram huc & illuc versantibus aliud remedium, ad Ecclesiam ipsam in commodiorem, & tranquilliorum statum redigendum, quàm, ut Sacrum generale Concilium Tridentinum, quod sub fel. record. Pio. Papa IV. Prædecessore nostro, Deo Auctore, tandem feliciter peractum fuit, ubiq; servetur. Nullum certè est aliud remedium, quod tot & tantis Ecclesiæ malis adhiberi possit: nullum restat auxilium, quo possit Religioni Catholicæ, & salutis gregis Dominici subveniri. Hoc honorum omnium votis optatum, hoc precibus à Deo expetitum semper fuit. Proinde vos in Domino salutantes, obtestamur, ut Officij vestri memores, cum alia, quæ tam piè, tam maturè, tam providè in ipso Concilio statuta fuerunt, debita diligentia observare curetis tum illud de Seminario in unaquaque Ecclesiâ instituendo; quo nihil, utilius, nihil his temporibus Ecclesijs opportunius, neque accommodatius statui potuit.

Actum

extant
harum
literarum
paria
in Vi-
cenen-
si Ord.
P. Ar-
chivo.

Actum de eare audimus fuisse vobiscum, dum idem Prædecessor viveret, à dilecto filio nostro Zacharia Cardinali Delfino, & à duobus alijs sedis Apostolicæ Nuncijs, & vos, responsum dignum vestrapietate dedisse: & speramus, vos, id quod promissistis, præstituros. Sed quia vehementer optamus, decretum, quod tantopere Ecclesijs utile esse constat, atq; adeò necessarium, sine longiore mora ad effectum ubique, quacunque ratione fieri poterit, adduci; mandavimus dilecto filio Antonino de Grosupto Ordinis Predicatorum Professori, viro nobis probatissimo, ut vos ad id, quod tùm polliciti fuistis, sine longiore mora præstandum, nostro nomine admoneat, & hortetur. Cujus Orationi, ut fidem habeatis, et, ut præclarum testimonium, quod de vobis ab eodem Cardinali habuimus, re comprobetis, petimus. Si quid autem ipsi à nobis requireris, quod vobis, ac vestris Ecclesijs opportunum sit, desiderijs vestris, quantum cum Deo poterimus, satisfacere, & vos, ut eximios filios, juvare, atque honorare curabimus. Dat. Roma apud S. Petrum, die 11. Februarij, 1566. Pont. n. anno p.

44.
ex lit.
datis
ex Vr-
be ad
quendam
Germania
Prin-
cipem
anno
1567.
25.
Martij

Anno Christi 1567. Sanctissimi. idem Pont. Pius, de Vngariæ Regno valdè sollicitus, cùm de Turcico exercitu audisset tùm numerofo, tùm instructo ac minaci, vehementer timuit, ne detrimentum aliquod Vngaria acciperet. Nequeverò se tam hoc timere dixit, quàm peccata, quibus iram Dei in nos provocamus in dies, adeoque ad auxilium Dei esse recurrendum. Itaque edixit per suum Vicarium omnibus Sacerdotibus, monachis omnibus, ut sacra facerent, pias item orationes ad Deum haberent; quibus veniam Christianæ reipublicæ precarentur, ut iracundia Dei à nobis averteretur. Idem voluit per

Con-

Concionatores Populo commendari. Illud præterea addidit, præter hunc dolorem, ac sollicitudinem de Turcis conceptum, infinita se animi molestia affici, quod multi sint Principes, multi Episcopi, qui zelum Dei non sentiant, discrimen, in quo Christianismus versatur, non percipiant; & cum rerum spiritualium, cultus divini, ac reformationis morum primæ rationem habere deberent, atque adeò vni, toti tamen in conservandis rebus temporalibus sint intenti, ac dedit: quare mirum non esse, si populum suum in opprobrium dei Deus hostibus suis.

Eodem anno, idem Sanctiss. Pontifex acerbissimè tulit expugnationem Sigetij in Hungaria, qua intellecta, secessit ad Palatium Capitolij, quod Ara Coeli appellatur, atque ibi à negotijs segregatus, illud grave incommodum deploravit piissimus Pontifex, Dominum precatus, ut nostri per Christum miseratus, flagella iracundiæ suæ, quæ pro nostris peccatis meremur, avertat.



apud
M. f.
Ar-
change-
lum de
Ripal-
ta pag.
56.

45.
ex eif-
dem li-
teris
26. Sep-
temb.
apud
eundem
Ripal.
pag. 59



DE REBUS VNGARICÆ PROVINCIÆ
Ordinis Prædicatorum.

P A R S Q V A R T A.
LIBER VNICVS.

REstat jam Postremo loco, ut quæ ad Provincia
nostre Vngariæ Institutionem, Conventus, Uni-
versitates, Loca, Monasteria, Generalia Capitula,
Rosarij Sodalitatem, Peregrinantium Societatem, Re-
formationem, Desolationem, Occasum, Reparationemq;
illius attinent, quantum cum Deo poterimus, stylo
prosequamur.

CAPVT I.

Provincia Vngariæ initium, Primus Prouincialis, Locus.



Vngariæ Provincia, Anno Christi 1221. in
totius Ordinis Generali Capitulo secundo,
Bononiæ, ad Pentecosten sub S. mo P. Do-
minico celebrato, duxit Originē; quando
Ordo Prad. etiam habens plura in varijs orbis
terræ partib⁹ coenobia, nullis adhuc Prouincijs distinctus,

in

in hæc denique, Hispaniam, Franciam, Lombardiam, Romanam, Provinciæ, Teutonium, Vngariam, Angliam, ita distributus fuit, ut quamvis sex priores, propter jam tunc extinctos Conventus, essent erectæ Provinciæ, Vngarica tamen, & Anglica, designatæ duntaxat intelligerentur, quæ brevi, per destinandos jam tunc fratres constructis coenobijs, forent erigendæ. Quod & factum: nam, ut in Angliam Beatissimus P. Dominicus post Capitulum misit Fr. Gisilbertum Anglum Provinciale cum alijs fratribus, qui domos ubique extruentes, paulatim in Scotiam, Hiberniam, Scandiam, Norvegiam, Suetiam, Gothiam, Groenlandiam &c. propagati sunt: sic in Vngariam missis à B. P. Dominico Ss. Viris B. Fr. Paulo Hungaro, & B. Sadoch cum alijs socijs; brevi tempore monasteria complura ædificata sunt ipso B. Paulo primo hujusce Provinciæ rectore, & Provinciali, ut alibi gravium authorum testimonio dicebamus. Porro cum inter Provincias cœteras ordinem habuit, ut locus illi septimus ab ejus erectione perpetuo fuerit attributus: quod Patres Capituli Gen: Romæ celebrati anno Christi 1553. sub Gen: Mag. Fr. Stephano Vfusmaris in eodem Capitulo electi, planè testantur, cum ita ajunt. *Declaramus conformiter ad ea, quæ in actis vetustissimorum Capitulorum Gen: reperta sunt, quòd deinceps in Capitulis Gen: & ubique Provinciæ nostri Ordinis servare debeant infrascriptum ordinem, juxta quem tenebunt loca sua, &c.*

1. Prov. Hispaniæ.
2. Tolosana.

25. Calabriæ.

26. S. Crucis Indiarum.

Malu.
anno
1221.
c. 6.
& 7.

p. p. li.
vn. c.
3.

Cap.
Gen.
Romæ
anno
1553.
tit. De
clara
tiones.

- | | |
|--------------------------|----------------------------------|
| 3. Franciæ. | 27. Hiberniæ. |
| 4. Vtriusque Lombardiæ. | 28. S. Iacobi de Mexico. |
| 5. Romana. | 29. S. Io: Baptista del Perú. |
| 6. Regni. | 30. S. Vincentij de Chiapa. |
| 7. Vngariæ. | 31. S. Antonini de novo Reg: |
| 8. Teutoniæ. | 32. Occitana. |
| 9. Angliæ. | 33. S. Dominici Venetiæ. |
| 10. Poloniæ. | 34. Nesciovanensis. |
| 11. Daciæ. | 35. S. Cathar. M. de Quito. |
| 12. Græciæ. | 36. S. Laurentij de Chile. |
| 13. Terræ Sanctæ. | Qui ordo Proviuciarum cō- |
| 14. Aragoniæ. | firmatus fuit Romæ 1558. |
| 15. Boemiæ. | Postea vero creatæ sunt aliæ |
| 16. Provinciæ Provinciæ. | sex Provinciæ, nempe P. S. mi |
| 17. Saxonæ. | Rosarij Philippinarum, P. S. |
| 18. Dalmatiæ. | Hippolyti mart. de Oaxaca, |
| 19. Trinacriæ. | P. S. Petri Martyris P. S. Cath. |
| 20. Portugalliæ. | de Senis, quæ etiam dicitur |
| 21. Scotiæ. | Aprutina: & Romæ 1612. |
| 22. Bethicæ. | fuit creata Provincia Russiæ. |
| 23. Germaniæ inferioris. | Ita declarat. Constit. nostri |
| 24. Apuliæ S. Thomæ. | Ord: d. 2. c. 4. ad. n. 3. l. a. |



CAPVT II.

Conventus Provinciae Hungariae.



Rdinis nostri loca, si Sanctimonialium sint, Monasteria, proprius loquendo; sin autem virorum, & chorum habent cum duodecim professorum fratrum numero, è quibus decem ad minus Clerici sint, dicuntur Conventus: si minore numero constant, Loca vocantur: si cum maiore etiam numero sine Choro solo studio vacant, qualia sunt plurima in Hispanijs, Collegia nuncupantur. Et vero vsque ad annum Christi 1363. in Hung. Provincia Conventus 35. numero recensebantur, vt patet ex Fr. Bernardi Guidonis Chron. m. s. Bononiae asservato cum additionibus factis ab alijs vsque ad annum præcitatum: ex quo, nullo dempto, vel addito Conventu, suum indiculum S. Antoninus ita descripsit-

In Provincia Vngaria, qua comprehendit Pannoniam, Sclavoniam, & Dalmatiam, sunt Conventus 35. &

<i>In Pannonia quidem sunt isti Conuent:</i>	Ferrei Castri.	Bihig.
Albæ Regalis.	Camariensis	Iadrensis.
Pestensis.	<i>In Sclauonia sunt isti Conuent.</i>	Canstironovenfis.
Budensis.	Chamensis.	<i>In Dalmatia sunt isti Conuentus.</i>
Strigoniensis.	Veronica.	Spaletanus.
Jauriensis.	Poslega.	Ragusinus.
S. Martini.	Zagrabiensis.	Durachium.

Bernardus
Guido
scripsit
anno
1303.

S. Antoninus
con. 3.
p. hist.
t. 2. c.
13. §. 3.

Novensis.	Albēsis Transylv.	Banen.
Quinque Ecclesi:	Histricæ.	Cassa.
Marchianus.	Transylvanensis.	Budruch.
Zeuriensis.	Similij.	Francavilla.
Potochensis.	<i>Citra Danubium</i>	Afferficulos.
Albæ Transylvanæ	<i>isti.</i>	
Soybinienſis.	Tyrva.	

Ap-
pendi-
ce 2. ad
Syno-
dum
dioces
anam
Stri-
gon.

Auctis deinde numero Conventibus, Vngariæ Pro-
vincia à Dalmatina sub annum Christi 1486. sejuncta est.
postquam separationem, ad Eminentiss. Cardin. Petri
Pazmany calculum, insequentes computabantur.

In Alba Regali.	Agriæ, propè Ecclesiam S.
In Pest, ad S. Antonium.	Michaelis.
Budæ, ad S. Nicolaum.	Albæ Iuliz, B. Mariæ Virginis
Strigonij, ad S. Martinum.	Cibinij.
Zagrabiz, ad S. Nicolaum.	Bistricij.
Iaurini.	Szegedini.
Quinque Ecclesijs.	In Temes-var.
Vesprimij, ad S. Catharinam.	Claudiopoli in Veteri Civitate
In Sancto Martino.	Veròviciz.
In Castro ferreo, S. Crucis.	Szechènij.
In Bihach, sive Bich, in Croa- tia.	Bereg - szászij.
Tyrnaviæ, ad S. Ioannem	In Insula Leporū, ad B. Virg:
Baptistam.	In Czobor - Szent - Mihály.
Cassoviæ.	Afferficulis, h. e. Székely-
Budorach.	Vásarhely.

At verò juxta Mag. Fr. Io. Michaelis Plodij, S. Of-
fij contra hæreticam pravitatem per Statum Mediola-
ni Gen. Inquisitoris, indiculum, numerus major appa-
ret: sic enim eos recenset.

Albæ Regalis.	Albæ Iulienfis.	Tyrnavienfis.
Pestanus.	Vbinienfis.	Frisacenfis.
Budensis.	Cibinienfis.	Segedinenfis.
Strigonienfis.	Bistricenfis.	Temesvarienfis.
Zagrabiensis.	Allensis.	Colosvarienfis.
Iaurienfis.	Transsylvanensis 1.	Casmenfis.
Quinque Ecclesie:	Transsylvanensis 2.	Verovicenfis.
Vesprimienfis.	Clamenfis.	Zechienfis.
S. Martini.	Leurienfis.	Schebniezenfis.
Ferreo castrenfis.	Potochenfis.	Cassimenfis.
Veronicenfis.	Soybinienfis.	Nomenfis.
Posegenfis.	Albenfis.	Bugenfis.
Bibachenfis.	Kerezzechienfis.	Garisienfis.
Bagnensis.	Leubenensis.	Znoymenfis.
Histricenfis.	Posegauerenfis.	Vervenfis.
Similienfis.	Symozornenfis.	Tenarvienfis.
Tirvenfis.	Garenfis.	Beregszalzienfis.
Cassenfis.	Coronensis.	Insulæ Leporum.
Budruchenfis.	Boritenfis.	S. Mariæ Angelorū,
Francavillanus.	Segbavienfis.	CzoborSzérMihaly
Afferficulenfis.	Petovienfis.	Marchianus,
Aregh.	Cassovienfis.	

Coeterum, quamvis certò teneam, plures fuisse Fra-
trum nostrorum Conventus, quàm relati sint ab Eminen-

*Lib. 2.
de Prog
Sancti
Dami-
nici per
Italiã
c. 63.*

tis.

cis. Pazmany; & adhuc à M. Plodio, aliquos, vt in Cumania unum, aut plures; in Moldavia & Valachia Ceretensem, Perusensem, Primicellensem; in Hungaria Sirmiensem, Sigehiensem, Camaroniensem, Vaciensem omisos fuisse: haud tamen ægrè crediderim, in hoc Plodij catalogo non semel eundem locum repeti, propter aliquam unius vel alterius literæ, aut syllabæ, vt apud diversos scriptores exteros (qui nomina peregrina variè pronunciant, & scribunt non rarò) reperiri potuit, mutationem, additionem, subtractionem; quo factum sit, vt diversa censerentur loca, quæ aliqua vocis varietate à diversis essent descripta, vt Tirvensis, Tenarviensis, Tyrnaviensis: Cibiniensis, Vbiniensis: Posegenfis, Posegaverensis: Albenfis Allenfis. Itaque Syllabum alium, abacedario, ad facilitorem comprehensionem, ordine, cum omnibus locis à Plodio, & à nobis jam enumeratis conficere, & circa singula, quæ occurrerint explicanda, placet annotare.

Alba Iulia. Ea urbs est in Transylvania vetustissima, sede Episcopali celebris, olim Regum Daciæ regia, & jam Principum Transylvaniæ sedes; à Iulio, vel à Giulia Hunnorum Duce nomē habens, vt aliquibus placet; vel, quod verius est, à Iulia Augusta Marci Aurelij Antonij Pij Imperatoris matre. Inqua arboror fuisse duos hujus Provinciæ Conventus, quos Guido, & S. Antoninus vocant Albæ Transylvaniæ & Albenfis Transylvaniæ: Plodius verò Transylvanensem 1. & Transylvanensem 2. vt inibi etiam monebo.

Albenfis, ab Alba Regali Civitate Vngariæ sic di-

cta,

Bonfin.
dec. 1.
li. 9. p.
134.
Auctor
Reipub
Vng. p.
37.

sta, quòd olim Vngariæ Reges, in ea coronari, & vita functi, cumulari solerent. In ea Conventus ante annum Christi 1247. exstabat; nam Episcopo Iauriensi, & Priori nostri Ordinis Albeni, dicto anno Innocentius IV. commisit, ut viderent, an Bosnensis Ecclesia Colocenſi Metropolitanæ, propter expensas in ejus erectione factas, foret subijcienda; siquæ justum æstimarent, porro subijcerent: quod & factum.

Albenſis. Fortassis est, (ut præmonui) Albenſis: viri enim geographiæ hungariæ periti, ajunt, nullum esse locum, unde hæc denominatio sumatur. Attamen, præter Albam Iuliam, & Albam Regalem, est etiam in Regno Vngariæ Alba Græca, quæ & Taurunium, & Belgradum vocatur. Hungari enim (Bonfinio teste) ut progenitorum memoriam propagarent, tot Albas dixerunt: Nam illi ab Vnnis, Vnni à Leucis, idest, Albanis Asiaticis, qui à Scythiis orti sunt, originem duxerunt. Sed nûm Albægræcæ nostri Ordinis Coenobium fuerit, hætenus, quod meminerim, non legi.

Agrienſis (quem, me judice, Plodius dicit Aregh) ab Agria civitate Episcopali inter Tibiscum, & Danubium, quæ olim à Tartaris, Bela IV. Rege, destructa, majore ab ipso magnificentia instaurata est. Aliqui ab Agrianis Illyrici populis, qui eam condiderint, alij ab interfluente fluvio, nonnulli minus verè, quòd gens agrestis esset, & inurbana, appellatam dicunt. Coenobium in ea fuit non procùl à S. Michaelæ.

Afferſiculenſis, ab Afferſiculis, sive Foro Sicularum, aliàs *Zeckel VVassarhel*, Siculiæ (quæ Daciæ est angulus,

Bonfinio
dec. p.
li. p.
pag. 23.

Bonfinio
pag. 4.

Moldavia] contiguus) oppido amplissimo , ubi frequentes Sicularum conventus esse solent. Coenobij istius origo antiqua , quando & illius meminit S. Antoninus.

Banensis , à Bano oppido præcipuo in ea parte Macedoniae , quæ hodie Scutarinominatur ; juxta Plodium agentem , Conventum hunc fuisse in Albania ; alioquin Banensis etiam dici potest à *Ban-Monostira* , alias *Bak-monostira* , Sede Episcopatus Sirmienensis in Vngaria. extat & apud S. Antoninum.

Beregşaszienſis à Beregşszas , Vngariæ Civitate celebri in Beregiensi Comitatu. Conventus vigeat circa annum 1566. quando universi illius Religiosi odio fidei ab hæreticis trucidati sunt.

Bichenſis , sive *Bibachenſis* à Bich , sive Bihach oppido in Croatia. memoratur Conventus à S. Antonino , Plodio , & Card. Pazmany.

Boritenſis apud Plodium , fortè Bosniensis , Bosnensis , Boslinensis ; neque enim dubitaverim familiæ Prædicatoriæ loca fuisse in Bosnia ; ubi primus ejus Episcopus extitit noster B. Ioannes Teutonicus , & per homines suos , (ut non semel scripsimus) plurimum pro animarum beneficio , & gloria Dei laboravit. Quin etiam Plodius , Provinciæ Vngariæ Conventus in Bosnia extitisse disertè testatur.

Budensis , à Buda Vngariæ Metropoli , quam sic dictam putant à Buda Atilæ Hunnorum Principis fratre , & imperij consorte ; sive , (quod verius censetur) à Budinis Scythiis , accolis Boristhenis , qui cum Atila in-

Pannoniam egressi, eam condiderunt. Is, propter Regiam, & Generale Studium, celebris hujus Provinciae Conventus fuit; in quo etiam Comitia totius Ordinis anno 1254. sub Umberto de Romanis, V. Gen. Magistro, tunc electo, celebrata sunt. Ecclesia, olim S. Nicolai nomine, in equorum stabulum ab impiissimis Turcis versa adhuc visitur, ut ab ijs, qui in ea Vrbe fuerunt, accepi-

Budruchensis, vel Budorachensis, ab oppido Budruch, sive Budorogk in Comitatu Bodrogienfi. ejus meminerunt S. Antoninus, Plodius, Pazmanius.

Bugensis, à Plodio recensetur alius à Budensi; sed nihil certius invenire hactenus potui.

Cassensis. Cassam, locum diversum ab Vrbe Cassovio, in confinibus Vngariæ, & Moraviæ, ad montes Carpathios, legimus in tabula Germaniæ Rumoldi Mercatoris, impressa anno 1612.

Cossovienfis, à Cassovio, olim Cassionia, à Cassio Cive Romano, sic appellata, sicut alia Regni Vngariæ loca, Posonium à Pisone, Sopronium à Sempronio, Sabaria, à Fabio, (ut quidam putant,) Alba Iulia, à Iulia, Iulio Cæs. Giulia, Severinum à Severo Imperatore: estque urbs cultissima atq; clarissima, multum adhuc retinens antiqui splendoris. Coenobium nostrum, sacrarum literarum studio, pietatis observantia, structuræ opere, fuit insigne: sed ob incendium, quo ex igne fortuito urbs tota cum majori templo, ipsum nostrum, & Franciscanorum Coenobia conflagrarunt; aliasque, bellorum, & religionis

De hoc
incen-
dio, Is-
thuan-
ssi, de

rebus
Hung.
li. 19.
pag.
373.

acatholica perturbationes, denique desertum est à nostris hominibus. Cives autem Cassovienses, Cæsari Rudolpho 2. supplicarunt, ut ipsi Templum pro communi Civitatis frumentario daretur, quod impetrarunt anno 1578. ea tamen conditione, ut repetentibus illud Dominicanis, sine mora restituerent, ut patet ex Cæsarearum literarum exemplari, quod sequitur.

Nos Rudolphus, & coet. Memoria commendamus tempore presentium, significantes, quibus expedit, universis, quod Nos, attentis & consideratis constanti fidelitate, fidelibusque servitijs fidelium nostrorum prudentiam, & circumsectorum iudicium, & Iuratorum, totiusque Communitatis civitatis nostre Cassoviensis, tum verò benignum habentes respectum humillima supplicationis ipsorum nobis propterea facta: totale desertum templum, alias ad Religiosos Fratres Ord. S. Dominici pertinens, sed per complures hactenus annos à fratribus praedicti Ordinis desertum, tam ex incendio, conflagrationeque praefata Civitatis nostre Cassoviensis, omni prorsus tecto destitutum, quam temporis, & aeris injuria penitus corruptum, & desolatum, in inferiore ejusdem Civitatis nostre Cassoviensis parte, & area situatum, ysdem Iudici, Iuratis, & Communitati civium Civitatis nostre Cassoviensis, pro domo Frumentaria reparandum, & extruendum clementer dedimus, contulimus, & concessimus. Ita, & sub ista conditione, ut fidei nostro Reverendiss. Stephano Radesio Episcopo Agriensi, per Ungariam Locum tenenti, & Consiliario nostro, tanquam Diocesano ipsorum, literas sub sigillo Civitatis ipsius Cassoviensis publice consignatas, dare teneantur. Quod si successu temporis praedicti Fratres Ordinis S. Dominici in integrum restitui, ac

templum prædictum ab ipsis Civibus Cassoviensibus per illos
repeti contingat: tunc ydem, illud, absq; resistantia, difficul-
tateq; aliquali, eisdem remittere, & restituere debeant, & te-
neantur. Immo damus, conferimus, & concedimus, harum
nostrarum vigore, & testimonio literarum mediante. Da-
tum in Arce nostra Regia Posoniensi, Die 10. mensis Aprilis,
anno 1578.

Ceretenfis, unus ex tribus Conventibus in Molda-
via, & Valachia, qui ex Vngariæ Provincia, Congrega-
tioni Peregrinantium traditi fuerant, & eidem postea
Provincia, à Magistro Gen. Fr. Martiale Auribelli Au-
nionensi, restituti.

Chasmenfis, S. Antonino Chamenfis in Sclavonia.
Meminit Isthvanffi Chasmæ arcis in Illyrico, non longè à
Crisio, quam Vlamanes Persa, Turcarum Dux, occupa-
vit, sæculari præpositura gaudentem. Putem Conven-
tum esse etiam, quem Cassimensem Plodius vocat,
dum distinctos ponit Chasmensem, & Cassimensem. Erat
in diocesi Zagrabienfi.

Cibiniensis, à Cibinio Transsylvaniæ metropoli, quæ
Cibini, annis nomen retinet, & voce alia *Hermanstæt*,
ab Hermanno primo ejus conditore dicitur; cultissima
illa quidem Civitas ædificiorum structuris, & magistratu
politiciæ laude præclaro; muris, propugnaculis, & ad
vitam necessarijs non solum egregiè instructa, sed cui
etiam, quæ ad delicias, & voluptatem faciunt, suppetant
abundè. Conventus Cibiniensis non extat in S. Anto-
nini indice, benè apud D. Pazmanyum, & Plodium, ve
paulò recentior videri possit; nisi ei sit Soybiniensis.

V. de
re hac
Plodius
2. p. Vir
illust.
li. 3. col
36.

lib. 19.
p. 352.

Plodius
2. p. vir
illustr.
lib. 4.
col. 145

Cilmienfis. meminit hujus Plodius, dum narrat, Mag. Generalem Ord. Fr. Franciscum Sylvestrium Ferrariensem, in Conventu Cilmienfi Studium Generale Prov. Vng. constituisse; ut proinde nō nisi majoris momenti locus esse debuerit. Sed pro Cilmienfi, Sirmienfis, legendum.

Chomariensis, sive *Comarionensis*, à Comara, vel Comaronio, sive *Komaron*; qui locus hodie est arx sita in extremo angulo Insulæ cujusdam Danubianæ non longè à Iaurino, adversus omnem vim valdè munita. Conventus, (quem S. Antoninus vocat Chamariensem) Ecclesiam extare adhuc, bonaq; illius Præfecto, sive Mandanti arcis commendata, feruntur.

Clamensis, apud solum Plodium describitur, cujus loci nomen investigare non potui.

Claudiopolitanus, (voce recentiori Colosvariensis) à Claudiopoli Civitate Transsylvaniæ, quam Claudius ædificavit; quæq; sita in planicie peramoena, hodieq; tam murorum ambitu foris, quàm ædificiorum structuris intus splendida est. Nobilissimum planè, & amplissimum fuit coenobium; jam locus totus ab Arianis occupatur, in quo Scholas habent Sathanæ, & digna fulmine, ac mille inferis docent dogmata, moreq; damnatorum loquuntur blasphemias; nam, ut religiosus quidam noster ejus urbis civis, se audivisse, dum adhuc esset in sæculo, referebat; Prædicantem ex ipsis quendam, Perpetuam Virginem Deiparam, coeli, mundiq; Dominam, supra mulieres, immò & creaturas universas benedictam, quæ vel in prima sui sanctificatione Angelorum vertices gratiæ cumulo longè superavit, corruptissimæ suæ vxori

v. Theo
logos
3. p.
9. 27.

comparare non puduit, verbis illis, *mater Christi talis quædam fœmina fuit, qualis uxor mea.* Sed nos nefandissimi hominis, seu dæmonis potius, os loquentis iniqua, illo Sanctissimi Ioannis Chrysostomi, Episcopi Constantinop. in Magnæ Matris, Hungariæ Patronæ laudem, obstruamus, elogio: *Magnum revera miraculum fuit Beata semper Virgo Maria, qua nihil majus, aut illustrius ullo tempore inventum est, seu aliquando inveniri poterit, qua sola cælum, ac terram amplitudine superavit: qua nihil sanctius.* Non Prophetæ, non Apostoli, non Martyres, non Patriarchæ, non Angeli, non Throni, non Dominationes, non Seraphim, non Cherubim, non deniquè aliud quippiam inter creatas res visibiles aut invisibiles, majus, aut excellentius inveniri potest. Clauerunt ex ea urbe in nostro Ordine, Fr. Nicolaus Mirabilis, S. Th. D. Prædicator Apostolicus, & per totum Vngariæ Regnum Inquisitor: & Fr. Ioannes, Chanadij Episcopus, ad Concilium Tridentinum à Cæsare Ferdinando missus cum alijs quibusdam apud Isthuanfi li. 21.

Coronensis, Coronæ, sive Brassoviæ, Transsylvaniæ Civitate, mercibus turcicis celebri, intra montes amoenissimos sita, moenibus, fossis, & propugnaculis probe munita, per cujus singulos ferè vicos, rivuli salubri fontium scaturigine perennes descendunt; frumento, linoque adeò abundante, ut quasi horreum vicinarum gentium habeatur. Hujus Conventus mentionem facit Plodius.

Cumanus, in Cumania, regione olim gentilium populorum extra Regnum Vngariæ, ut non procul ab initio hujus opellæ narravimus; unde tamen Cumanorum

Hemil.
in Hy-
popan-
ton
Dem.

p. 436.

n. Au-
chor.
Reip.
& Pa-
19 Reg.
ni Hüg.
pag. 26

colo-

Bern.
Guido
in Chro-
nico
Mal-
venda.
anno.
1222.
c. 23.
Plod.
in Prog.
li. 2.
c. 63.

colonia in Vngaria propagata: quod præter alia, quæ ibi terigimus, Campi Cumanii descriptio apud Cosmographos, Palatini titulus, & authoritas in Comanos manifestant. Sic Valachi in Vngaria, ad Austriæ, Styriæq; confinia, & Saxones in Transsylvania (quorum omnium primæva patria longè inde distat) modò visuntur. Sed in ipso Cumania Regno, B. Paulum Vngarum, & fratres ex Provincia Vngariæ, conventum & vnum, & plures habuisse, traditur à Guidone, Malvenda, Plodioque.

Czobor-Szent-Mihaly. Sancti Michaelis nomine locus est in Vngaria. Hujus Conventus mentio est apud Em. Pazmanium, & Plodium.

Ferreo castrensis, ab oppido Castro ferreo, Sabaria duobus circiter hungaricis milliariis ultra Rabam fluvium distante, ex quo Comitatus Castriferrei in Vngaria notissimus. Olim fuit florentissimum, Præpositura, & Capitulari etiam dignitate gaudens: sed jam vix justipagi nomen meretur, adeò Turcarum vastationibus est desolatum. Ad eum locum anno 1636. mense Augusto per Ad. R. D. Præpositum ejusdem Capituli, (quod modo Sabariæ residet) tuto cum comitatu, propter Turcarum excursiones, perductus, non sine lacrymis, ruinas cum oppidi, cum nostri Sanctæ Crucis titulo Conventus aspexit. Is erat olim intra oppidum. Tota adhuc Ecclesia absque recto conspicitur; cujus longitudo à extremo usq; ad supremi sacelli parietem (in quo magnæ Christi Crucifixi B. V. Deip. S. Ioannis Evang. imagines apparent) 133. latitudo 45. pedum existit. Turris, quæ à læva est, summitas dejecta: latitudo, 20. circiter pedum.

est.

est. Dormitorij locus in crucis formam benè commodus, ad 24. cellas complectebatur. Intra monasterij septa non procul à reliquo ædificio, sacellum, & ædiculæ, quasi ad quendam recessum constructa. Parietinae duntaxat omnium extant: sed planè ea antiquitatis vestigia, quibus fuisse pristinae illi paupertati, & sanctitati religiosa locum accommodatissimum, innoscat. Raba fluvio pertransito, apparet sylva grandis, quæ adhuc *Barat Erdû* hungaricè, i. e. monachorum sylva dicitur, & ad ipsum Conventum spectasse memoratur; ut & alia pleraque bona spectabant, ab hominib' familiæ cujusdã nobilis per vim usurpata, sicut ex insequentibus Ad. Reu. Capituli Castri ferrei literis apparebit. Nos Capitulum Ecclesiæ Castri ferrei, Memoria, &c. quod Reverendus Dom. Fr. Gasparus de Kermend, Ordinis Prædicatorum Tyrnaviensium, nostram personaliter veniens in præsentiam, in suo proprio, ac totius Provincia præscripti Ordinis Prædicatorum, ex familia Divi Dominici, per modum solemnis protestationis, & inhibitionis, nobis significare curavit in hunc modum. Qualiter superiori tempore, dùm videlicet ipse protestans in persona ejusdem totius Provincia ejusdem Ordinis hic in Oppido Castriferrei personaliter constitutus fuisset, tunc omnem curam, & provisionem Claustrî Sanctæ Crucis in hoc Oppido Castriferrei fundati, simul cum cunctis suis utilitatibus, & pertinentiis quibuslibet, Honorabilibus Magistris Ioanni Karoli de Kermend, Custodi, & Ioanni Nagy de Halsó, fratribus videlicet, & Canoniciis nostris tali modo commississet, ut videlicet ipsi, prædictum Claustrum, juxta vires eorum, protegere, & vineas simul cum terris, & foenetis, ad prædictum Claustrum ubi vis per-

tinentibus restaurarent, fructusq; usq; ad ingressum Fratrum
 ejusdem Ordinis perciperent, directamq; tertiam partem eo-
 rum ejusdem Fratribus futuris, & superviventibus reservarent,
 ex alijs vero duabus partibus totalium proventuum, vineas re-
 staurarent: tamen postea statim Egregij A. de M. & B. de
 M. nescitur quibus rationibus, pradiatum Claustrum simul cum
 universis suis utilitatibus, & pertinentijs quibuscumque, terrijs
 similiter arabilibus cultis & incultis, ac foenetis, nec non vi-
 neis in promontorijs Henie, & Oloska existentibus de manibus
 prefatorum protectorum, seu provisorum, ad id, ut pramissum
 est, deputatorum, exceperent: & prefati A. & B. de M.
 vineas in prefato promontorio Oloska, pro seipsis, via facti,
 potenter propria auctoritate occupassent, & ab eo tempore fru-
 ctus, & utilitates quaslibet perceperunt: alteram vero vi-
 neam, nempe in promontorio possessionis Henie existentem, annota-
 tus B. de M. & Egregij C. similiter de M. Provido D. de N. Iobbagio-
 ni ejusdem C. de M. in oppido Castriferrei commoranti, est mare,
 & nendere fecissent, absq; scitu, & voluntate totius Ordinis fra-
 trum: alias etiam utilitates universas ejusdem Claustrum prescripti, A.
 B. C. de M. Iobbagionesq; eorum perceperunt, perciperentq; etiam
 modo potentia mediante, in prejudicium, & derogationem, damnumq;
 prescripti Ordinis, totiusq; Provincia Fratrum prescriptorum
 manifestum. Unde facta hujusmodi protestatione, idem Fr.
 Gaspar, in suo proprio, ac totius Provincia Fratrum prescripto-
 rum, memoratos A. B. C. de M. & alios universos, & singulos,
 ab occupatione, usurpatione, &c. prohibuit, contradixit, con-
 tradicit, & prohibet publice & manifeste. Harum notarum
 &c. Datum feria sexta, in festo Transfigurationis Domini,
 Anno ejusdem, millesimo quingentesimo quinquagesimo septimo.

Peper-

Peperci occupantium, & familiæ ipsorum nomini, ne quo loco, ut & ubique, cupimus omnibus deservire, quispian se putaret offensum.

Francavillanus. Hujus inter Vngariæ conventus meminere Guido, S. Antoninus, & Plodius. Franciscanis etiam fuit in Vngaria monasterium de Franca Villa apud Em Pazmanium.

Frisacensis. Conventus hic ex Carinthia, pro restauranda Vngariæ Provincia, ad annum Christi 1580. aggregatus est; quem Frisaci, Noricorum quondam urbe celebri, Virunium, sive Viruvium appellata, S. Hyacinthus, à Beatissimo P. Dominico ad prædicandum Evangelium in Poloniam dimissus, primum omnium ædificavit anno 1218. De quo Clemens VIII. in bulla canonizationis sic ait: *in itinere, cum usq; ad Civitatem Frisacensem processisset, verbo simul & exemplo tantum illic profecit, ut ipsis sex mensibus monasterium Ordinis Prædicatorum, multis ibidem Fratribus, & Hermano illis præposito relictis, construxerit.* fuisse amplissimum, & religiosis numerosissimum, & ædificium ipsum adhuc, & alia vetera monumenta stantur. Tanta pietate floruit, ut memoriæ prodatur, divinicus euidam Fratri revelatum fuisse, locum sepulcræ illius Conventus Religiosorum, terram esse Sanctorum, nullumq; loci palmum extare, in quo non essent eorum reliquæ.

Garensis, à Gara, oppido Dominorum de Gara, qui maximi fuerunt in Vngaria; & pro suo zelo, Catholicam Religionem quàm maximè promoverunt.

Garisiensis. Hunc memorat à præcedente distin-

Atum Plodius: sed nihil magis hactenus scire licuit de illo.

Gracensis. & hic pro ejusdem Provinciæ reparatione Gracij Styriæ metropoli accesserat; ubi intra moenia, præter Dominicanarum Monialium, quod etiam num extat, fuit ad Sancti Sanguinis loco præclaro Fratrum cœnobium, Mag. Fr. Alexij Butzl opera ædificatum, sub initium 14. seculi; ut ex hoc epitaphio, quod in templo ibidem adhuc legitur, constat. *Anno Domini 1411. 5. Novembris, obiit Reuer. P. Mag. Alexius Butzl, Sac. Th. professor, ac hæretica pravitatis Inquisitor, nec non Vicarius nationis inferioris Bavaria, Conventus Viennensis F. hujus loci primus Prior, & inceptor: cujus anima requiescat in pace.* Postea verò Templo majori parochiali P. P. Societatis Iesu tradito, & loco nostro Parœciæ addicto, ad D. Andream extra Urbem, infra Muram fluvium, & cœmeterium concessimus: ubi, vetere ædifica diruta, non adeò pridem nobile templum, devotione Sanctiss. cum primis Deiparæ Rosarij frequentissimum, constructum est cum Conventu benè amplo, in quo Studium est Congregationis Styriæ, & Carinthiæ generale; cui ab anno 1627. per triennium in Regentiæ officio indignus desudavi.

Histricensis. Sub hoc nomine à Guidone, S. Antonio, & Plodio memoratur: sed fortassis idem fuerit, qui Bistriciensis; præsertim, cum à Guidone in Transylvania locetur.

Iauricensis, à Iaurino, Vngaricè *Raba*, Vrbe, Episcopali sede, & primario jam totius Vngariæ adversus Turcas munimento, præclara. Omnium totius hujus Provinciæ conventuum antiquissimus existimatur, qui per B.

Paulum Vngarum anno 1221. vel insequente proximè fuerit fundatus. Is est, quem Garinus Lauriensem in vita S. Margaritæ vocabat: non antiquitate solùm, sed & Beati Mauritij Chakij, Fr. Cari vel Caroli, germani ejusdem, è regio stemmate; Fr. Petri Iauriensis AA. & S. Theol. Profess. qui mortem Beatiss. V. Margaritæ meruit per nocturnam revelationem audire, aliorumq; sanctitate, atq; doctrina clarissimus. Ita jam Ecclesia, & Convent. delera sunt, ut neq; quo loco fuerint, indigitare quisquam possit. Prædia tamen ipsius, ad Patres Societatis, qui ibidem Collegium habent, dicuntur pervenisse.

Insula Leporum. Ea est Danubij Insula, mille passib⁹ Buda distans, quæ à Belæ tempore, B. Virginis Mariæ, & deinceps etiam B. Margaritæ titulo est insignita. In qua, præter Regia Palatia, erant etiam Religiosorum Ordinum Monasteria complura, Cisterciensium, Præmonstratensium, Franciscanorum, Paulinianorum, Dominicanorum: & quidem, præter Monialium Ord. nostri Monasterium, extitisse ibidem Fratrum Conventum, non tantùm Plodius, sed etiam Cardinalis Pazmany testatur. In vita m. s. S. Margaritæ passim occurrit mentio Fratrum, qui in ea Insula, Monialibus, pro Sacris, & religiosis functionibus, inserviebant; quod fieri non poterat, nisi ibidem proprium locum habuissent, cum Buda longius distaret: nec Regiam Belæ Majestatem, qui filiæ intuitu Monasterium magnificentissimum Sororibus extruxerat, aliter cum Fratribus facere decebat.

Kereszegiensis, à Keresch, sive Kereszeg, oppido juxta fluvium Kerez, in Bihoriensi, aut Torontaliensi Vngariæ

tit. de
Consec-
rationib9

Comitatu, vnde etiam sese inscribunt Mag. Dom. Cakij, nimirum de Kereszeg. Conventus hic, vt postet renunciari, indultum est à Capit. Gen. Romæ, anno Christi 1553. hisce verbis. *Concedimus Provincia Vngariæ, quòd possit relinquere Conventum Kerezzeghiensem.*

Leubenensis. hic est Leobienensis, à Leobio Civitate in Styria, qui cum alijs ejus Conventibus, Prov. Vngariæ, fuit, vti diximus, incorporatus.

pag. 48

Sancti Martini. De loco hujus nominis loquens auctor libri Reip. & status Regni Hung. dicit. *Tria ab Iaurino milliaria, orientem versus, est mons S. Martini, in cujus jugo insigne monasterium;* Benedictinorum nimirum de Sancto monte Pannoniæ, à S. Stephano Rege I. fundatum: *ad radicem verò oppidum, ligneo sepimento terra expleto, præcinctum.* An verò hic fuerit nostri Ordinis Conventus, asserere non possum, quòd multa in Vngaria dicantur loca nomine Sancti Martini: illum tamen concorditer agnoscunt Guido, S. Antoninus, Pazmanius, & Plodius.

Pagi-
na III.

Marchianus. Meminit ejus Guido, S. Antoninus, & Plodius. Em. etiam Pazmany, inter Præposituras Ordinis Canonicorum S. Sepulchri Hierosolymitani in Vngaria, recenset unam de Marchia.

Plodius
2. p. li.
p. col.
13.

Novensis, S. Antonino Nomenensis, Plodio Nonensis, à Nova, Civitate Dalmatiæ, Episcopali sede ornata. Antiquus sanè Conventus, qui, Plodij testimonio, sub annum Christi 1228. fuerit fundatus.

Pensutensis, vnus ex tribus in Congregationem Peregrinantium olim ascitus, iterumq; Provinciæ huic restitutus.

Pestanus, à Pesto oppido, è regione Budæ, in vltorio-
re ripa Danubij (vt solo navali ponte vltro citroq; venia-
tur) sito, natura, & arte cum primis munito, & civibus
frequenti. S. Antonij nomine, inter antiquiores ac-
censebatur, qui anno Christi 1233. 12. nimirum ab Or-
dinis in Hungariam ingressu, jam esset erectus, vt ex li-
teris B. Fr. Buzad Banffij, illo anno, in ipso Pestensi Mo-
nasterio datis, quas & prima hujus commentarioli parte
descripsimus, liquidò constat. Fundarunt Michael de
Besenye, & vxor illius Anastasia, & ejus filius Gregorius;
itemq; Blasius de Kenderes. Celebrata sunt in ipso Co-
mitia totius Ordinis Generalia, sub B. Ioanne Vercellense
VI. Ord. Gen. Magistro, anno Christi 1273.

Pettoviensis. Pettovium, Civitas est Styriæ præ-
clara, in quo, ad ripam Dravi fluvij præterfluentis,
non exiguum est Ordinis nostri, S. Mariæ superioris titulo,
Cœnobium, quod in reparationem Provinciæ Vngariæ
ab anno Christi 1580. est cooptatum: præcipuumq; eo
tempore fuit, à PP. etiam Capituli Generalis Romæ anno
1589. celebrati, pro examinandis juvenibus, nomine
ejusdem Provinciæ recipiendis, designatum.

Posagensis. Posega, citerioris Vngariæ regio est, vi-
cina Illyrico, quæ intra Savum, & Dravum flumina, non
imparibus ferè intervallis sita est; ita vt à septentrione
Dravo, à meridie Savo claudatur. In ea arx est, Posega
nomine, à qua omnis regio nominatur, quam à paucis
custoditam, Solymanus Turcarum Imperator, dum ab
irrita Viennæ anno Christi 1529. obsidione reverteretur,
ex improvise aggressus, facili negotio cepit cum Collegio

Истна-
сти pag.
208.

Sacerdotum S. Petri Poslegani, quod in propinquo ad mille passuum spatium distabat, Sacerdotibus, trajecto Dravo, versus QuinqueEcclesias in tutiora loca profugientibus. Poslegensis Coenobij meminere Guido, S. Antoninus, & Plodius: an verò illud fuerit Collegium S. Petri, quod ex Isthuanffio memoravimus, nescio.

Posegavarensis; hunc à præcedente distinguit Plodius; sed, ut nihil verat, duos in Poslegana regione nos Conventus habuisse, sic in re obscuriore, nihil mihi datur certò posse definire.

Potochenfis, sive Potokenfis, commemoratur non tantum à Plodio, sed etiam à Guidone, & S. Antonino: de quo consultus à me R. P. Nemethi ita respondit: *Patakini*, sive Potoki, legi fuisse *Prædicatorum Conventum*. Nunc hunc locum possidet Illustriss. Transsylvania Princeps. Est oppidum cum arce in Vngaria situm.

Primicellensis, vnus ex assumptis pro Peregrinantium Congregatione.

Bonfin.
Decad.
p. li. p.
p. 23.
V. I.
Isthuanffio
li. 15.
pag.
270.

p. 3. l. 4
n. 6.

Quinqueecclesiensis, à QuinqueEcclesijs, nobili, & Episcopali Vngariæ Vrbe, quæ à quinque Basilicis, Bonfinio teste, sortita est nomen; jam verò sub Turcarum ditione est ab anno Christi 1543. quo eam Solymanus occupavit. Conventus hic anno 1238. erat fundatus; quoniam illo ipso anno Gregorius IX. Pont. Max. Priori Quinqueecclesiensi, & Fratribus, ut in ædificatione Cathedralis Ecclesiæ Bosuensis, & in propagatione, defensioneq; Fidei Catholicæ, Ecclesiæ eidem assisterent, demandavit, ut ante narravimus.

Schemnicensis (Plodio *Schebnicensis*) à Schemni-

cio, vna ex montanis Hungariæ Civitatibus, (quæ libere
sunt, & plurimis immunitatibus gaudent, auri, & argen-
ti fodinis celebres) vnde oriundus fuit Abraham Bak-
chay, Chronologiæ de Regibus Hungaricis, quæ Bonfi-
nio annexa est, eruditus conscriptor. In Montanis Ci-
vitatibus nos habuisse Cœnobîa, sæpius mihi retulit piæ
m. P. Magister Fr. Albertus Ernestus à Pranch, Inviçtis.
& Pijssimi Ferdinandi II. Augusti collactaneus, verè e-
gregius, & Apostolici spiritus Prædicator, atque in hæ-
reticorum controversiis dirimendis, cavillisq; enodandis
fœliciter versatus, ex Conv. Viennensi; qui in Vngaria
in bonis Illustris, D. Comitibus Pauli Palffy, Vngariæ Ca-
mera Præsidis, Ordinisq; nostri singularis Patroni, non
exiguo tempore, cum pietate, & proximorum ædifica-
tione degens, plurimos, & inter alios, totam Civitatem
Morech, quæ est in Vngariæ confinio, ad eundem D. Co-
mitem spectans, ferventi prædicatione ad Fidei Catho-
licæ veritatem perduxit. Is, earundem Montanarum
Civitatum, in quibus ferè solus germanici idiomatis usus
est, salutem zelatus (paucissimi enim ibi Catholici) ad
illas, ferè jam cunctis dispositis, decreverat cum alijs com-
militonibus ex nostris proficisci; sed morte præventus,
non potuit. Nec tamen omnino desiderio suo frustra-
tus. In ipsa enim suprema sua ægritudine, non semel
ad me dixit: rogare se Deum, vt, si non esset sibi ex ea
infirmirate migrandum è vita, lagiretur salutem, quò
quamcitiùs destinatum iter arripere posset: sin autem
moriendum esset; ipsa hebdomada sancta, quo tempore
jam ante plurimos annos in Prædicatoriam familiam

*Incipit
hæc
Chronologia
à pag.
914. o.
peris
Bonfi-
niani.*

nomen

nomen dederat, animam redderet Redemptori. Quod & factum; ipsa enim feria quarta ejusdem sanctioris hebdomadae, media circiter 7. matutina, cum prius peccatorum exomologesin fecisset, pie decessit Viennae, anno Christi 1633. sepultusque est in quarta claustrii defunctorum parte, versus refectorij caput, juxta magnam statuam B. V. Deiparae de Pietate, (quae tunc ob novi templi aedificium ibi extabat) cui fuerat peculiari devotione affectus.

Seghaviensis apud Plodium: sed haecenus nihil amplius scire licuit.

Similiensis, sive Simigiensis, in oppido Simigio, ex quo Comitatus Simigiensis in Vngaria praecipuus. In hoc Conventu fuerunt pretiosissimae illae S. Patris Domini Reliquiae, quibus novem mortui suscitati, & innumera miracula patrata fuerunt, ut parte prima hujus descriptionis ex certissimis monumentis enarravi. fuit Conventus perantiquus; cum Vincentius Bellovacensis in Speculo historico, quod anno Christi 1244. absolvit, multa ex miraculis facta in hoc Vngariae Conventu recenset: & Fr. Constantinus, Vrbevetanus Episcopus, in Officio, quod pro solemnitate ejusdem Sanctiss. Patriarchae anno 1248. confecit, ad eadem miracula sub id temporis proximè facta, (me iudice) respiciens, dicat ad Christum, *Per quem multos à morte suscitasti, pœnas nobis relaxa debitas.* Labet autem hic annotare, quod jam nunc, dum hæc scribo, ex P. M. Fr. Gullielmi de Moncaluo, (inter primas utriusque Provinciae Lombardiae dotes partibus omnibus insignis) literis datis ex Bononiensi

Vincen-
tius ip-
se in fi-
lippi o-
peris.

Senen-
sis in
bibli-
oth. an.
1248.

Fernan-
dez pa.
344.
extas
offic. in
Breni-
ar.
Prad.

nostri

nostri Ordinis Academia, in qua secundam S. Th. cathedram pro Baccalaurei munere, moderatur, accepi; nimirum in Chronico Fr. Bernardi Guidonis de rebus nostri Ordinis præcitato, ubi in codice ponitur Similu (in S. Ant. Simili) ad marginem scriptum esse, (etsi caractere alio) Simulu: ut scilicet intelligamus, unum eundemque locum esse, quem Guido Similu, Theodoricus Simulu, S. Antoninus Similium vocabat, ut jam dicta prima parte monebam. Quæ pro Vngarorum consolatione, qui, quod à me interrogati de voce Simulu, sive, ut Bellovacensis scribebat, Sinulu, etiamsi versatissimi in rebus, & locis Vngaricis, nullum credebant esse locum illius nominis in ea regione, rebus gestis, à nobis enarratis, fidem fortasse etiam non adhiberent, dicta esse velim. Neque enim de Simili, sive Simigij loco unquam dubitabunt.

Sirmiensis, à Sirmio, vel Syrmio, Vrbe Pannoniæ celebri & perantiqua, à Syrmo Triballorum Duce, ut Bonfinius ait, appellata. In ea, Maximo patre, ortus est Probus Cæsar, qui Imperij Rom. habenas moderatus ab anno Christi 279. per quinquennium, plurimis, maximisque victorijs ejus gloriam auxit: unde & lapidi ejus sepulchrali hic titulus inscriptus est. *Hic. Probus. Imperator. Et. Verè. Probus. Situs. Est. Victor. Omnium. Gentium. Barbararum. Victor. Etiam. Tyrannorum.* Deo sic illi repensante, quod prædecessorem suum Tacitum Imp. imitatus, sublata Christianorum persecutione, pacem Ecclesiæ permiserit, ut notavit Baronius. Sirmij etiam celebratum est anno Chr. 357. œcumenicum quidem, quod Sirmienense dicitur, Concilium, cui, præter Orientales, in-

Bonf.
dec. p.
li. p.
pag. 20
V. Vo-
piscum
in Pro-
bo. Bon-
finium
supra.
Baroni-
um ab
anno
279.
anno
280.
V. Ba-
ron.

an. 1150.
357.
Et ibi
Bzoni-
um. Bi-
niam
in no-
vis ad
Concil.
Sirmie
se to p.
Concil.
Gravi-
nato. 4
p. 2.
pag. 77
V. Baro
an. 375.
Et Bzoni

Istha-
ffi l. 23.
pa. 485

Tabula
Rumol
di Mer
catorii.

terfuerunt 300. & amplius Episcopi ex Occidente : sed planè reprobatur, adeoque Conciliabulum : cum in eo, Constantio Imperatore Ariano præsente, ex Fidei formula vox, *Consubstantialis*, sublata sit ab Arianis, Photinum in speciem damnantibus, ut Catholici esse viderentur : ubi etiam ab omnibus Orthodoxis deploratus Magni illius Olij Cordubensis contigit casus ; qui jam grandævus, exilio, erumnisq; multis à Constantio attritus, denique Arianis, de quibus sæpius gloriose triumphaverat, assensit. Conventum nostri Ordinis Sirmiensem, censeo esse illum, quem apud Plodium in Mag. Ord. Francisco Sylvestrio, sub corrupta blæsi hac oris voce, Cilmienfis, legimus ; ei enim nulla aptius potest respondere, quàm Sirmiensis.

Sigebtiensis, à Sigetho, Vngariæ oppido, arceq; ; Solymani obsidione, & morte, illustri ; quanquam enim Tyranni copiis sit expugnata, is tamen sub ipsa victoria, alui profluvio extinctus est. In eo Conventu, (cujus neque S. Antonini, neq; Cardinalis Pazmanij, neque Plodij catalogi meminere) Fr. Paulus Hungarus A. A. & Philosoph. M. & S. Th. Lector, Regulam, & Constitutiones pro Sororibus Monasterij Leporum se ex Vngarico latine vertisse fatebatur anno 1474. in die S. Remigij. ut autentica exemplaria, quæ apud me sunt, attestantur, alibi tamen memoratur à Plodio.

Soybiniensis. Hujus meminere Bernardus Guido, S. Ant. & Plodius ; & quidem Guido, quasi in Transsylvania fuerit. An fortè Cibiniensis, errore perperam pronunciantis ? In tabula geographica Germaniæ jam prænarrata, describitur *Sobien* in confinibus Vngariæ, &

Poloniæ, ultra montes Carpathios. Certè magis placet
esse Cibiriensem.

Strigoniensis. Strigonium, Pannonicarum Urbium
penè vetustissima, & nobilissima, Archiepiscopi totius
Vngariæ Primatis sedes, sita est ad Danubij ripam, qua-
tuor oppidis constans, quorum primum, arcem regiam
cum primario Templo colli impositam complectitur :
2. Hydropolis nominatur, ad collis medium in ripa Da-
nubij situm : 3. in adversa ripa è regione positum : 4.
Rascianorum Civitas in citeriore ripa appellatur. Oc-
cupatum est Strigonium à Solymano anno Christi 1543.
quo & anno alijs duabus nobilissimis Hungariæ urbi-
bus, Alba Regali, & Quinque Ecclesijs, haud magno labo-
re, neque multo suorum sanguine potitus est : cum Chri-
stiani Principes (vt meritò queritur, familia, calamoque
Magnificus Isthuanffi) execrabili vecordia diducti, ac per-
petuis inter se armis dimicantes, de vicinæ Pannoniæ sa-
lute, ac permansione nihil pensi habere viderentur ; tam-
diuque insanirent, donec ipsi, debellatis ejus Regni cala-
mitosi reliquijs, eorundem barbarorum armis, injuriæq;
expositi, aut ab extremo ignominia pudore ad pietatis
decus revocati, necessaria arma sumere, aut similem sibi,
ac suis populis, & regnis calamitatem, clademque ex-
pectare condidicerint. Prudenter ille quidem, & justissi-
ma sanè querela ; quam, si ij, ad quos est, jam denique
attenderent, meliora sperare liceret : sed res (proh do-
lor) ita constitutæ videntur, uti verendum sit, ne non
nisi exemplo suo, seroque sapiant Phryges. Conventus

Auctor
lib. Re-
ip. &
Stat.
Regni.
Vng.
pag. 45.

libro.
15. pag.
270.

Strigoniensis, (qui ex antiquioribus totius Provinciae fuit) Templum, ad honorem S. Martini, Deo dicatum fuit. Ejus cunctorum indiculi meminerunt.

Symozornensis, apud Plodium. *Simon-Tornensis* P. Nemeti; qui tamen scribat, nihil se de illo legisse.

Szecheniensis Pazmany; l. Seceniensis, à Secenia arce capta ab Aly Eunuchò Budæ Præfecto anno 1552. cujus meminit Isthuanssi libro XVIII. vel Secenensis à Seceno arce alia, ad quam magna clade nostros affectos fuisse à Turcis idem auctor memorat libro XXI.

Szegedinensis, sive Segedinensis, à Seged, sive Szegedino, oppido Vngariæ in Comitatu Bachienfi; cujus Conventus meminere Plodius, & Card. Pazm. in catalogis; & fundatum fuisse anno 1319. alio loco refert Plodius; licet addubitet, an is potius, vel Sighetiensis sit illo anno fundatus.

Temesvariensis, à Temesvario Vrbe Vngariæ in Comitatu Temesiensi celebri, quæ à fluvio Temes, vel Temesso, ex alpibus ad Severinum urbem non longe à Danubio sitis profluente, urbemq; & arcem præterlabente, nominata est, quasi Temessi arx; *Vár* enim hungaricè, arx dicitur. Hebet duo oppida, quorum alterum ab oriente, Insula vocatur: alterum vero septentrionale, Temesvarium dici solet; quæ oppida simul cum arce, fossa præalta aquis plena irrigantur. Eam Achomates Turca anno Christi 1552. expugnavit. Conventus Temesvariensis noster à Plodio, Pazmanyque recognoscitur.

Tenarvicensis, } Hi tamquam distincti recensentur à Plo-
Tirvensis, } dio. Ut ut tamen sit, certum est, nobis
Tyrnaviensis. } fuisse Cœnobium, S. Jo: Baptistæ nōmi-
 ne, quo loco nunc degunt P. P. Societatis, Ternaviæ, sive
 Tirnaviæ, vel Tyrnaviæ, (variè enim pronunciatur, &
 scribitur) quæ vrbs est Vngariæ supra Danubium, vi-
 ginti quinque circiter mille passibus Posonio distans;
 à capto Strigonio, Strigonienſis Archiepiscopi, & Capi-
 culi sedes: jam verò munificentia Eminentissimi Paz-
 many, Universitate apud P. P. Societatis Iesû, egregijsq;
 P. P. Franciscanorum, & P. P. Societatis, (quibus, Excell.
 & Illustris. Princeps Palatinus, Comes Nicolaus Esthe-
 rasy de Galantha, magnificentissimum templum, ad S.
 Ioannis Baptistæ, ingentibus sumptibus posuit: delatis-
 que eò ex Civitate ferrea suorum Ipsanis, hoc anno 1637.
 die 30. Augusti, per Illustris. D. Georgium Lippay, Epil-
 copum nunc Agriensẽ, & Regni Cancellarium dedica-
 vit) ædificijs ornata. Vetustum Ord. Cœnobium fuit,
 quando & à Bernardo Guidone anno Christi 1305. me-
 morabatur: sed & omnium postremò Ordini defecit.
Transylvanensis 1. } Sic Plodius. Sed & Guido, ac S. An-
Transylvanensis 2. } toninus, præter alios Conventus in
 Transylvania, etiam vnum vocant simpliciter Transyl-
 vanensem: potuit ergo alius eodem nomine superaddi,
 cui ad alterius distinctionem, temporis apposita sit nota.
 Sed & illud occurrit; cùm Guido, & S. Ant. recenseant
 inter Transylvaniæ Conventus, duos ex Alba, videlicet
 Albæ Transylvaniæ, & Albenſis Transylvaniæ, fortasse
 recentiores, illos notis temporis 1. & 2. distinguere vo-

luisse.

luisse. Quomodo apud Italos, existentibus duobus conventibus in uno loco eademq; provincia, non alia nota solent distingui; vt Genuæ 1. Genuæ 2. Ferrariæ 1. Ferrariæ 2. &c. Vt cumque autem res se habeat, addo, (quod huius indiculi initio capi dicere) cum ex Guidone, & S. Anton. disertè habeamus, duos Albenfes Conventus fuisse in Transsylvania; ac certum etiam sit, nullam, præter Iuliam, Albam esse ibidem: colligi binos Albæ Iulie Conventus extitisse.

Zonf.
dec. 2.
li. 3.
p. 215.

Pag.
47.

Vaciensis. Vacia, vrbs in Vngaria ad ripam Danubij sita, vbi, teste Bonfinio, magnum nemus olim fuit, à Vacio quodam S. Eremita inhabitatum, ex cuius nomine Rex Geisa, Belæ I. filius, ædificatam à se Civitatem, Vaciam vocavit, in qua & voluit (tanta erat Regum prisorum pietas) cumulari. Fuisse domicilium Musarum, scribit author Reip. Regni Vng. Episcopum habebat Suffraganeum Strigoniensis Arch. sed ipsa à multo tempore statione malè fida Christifidelibus, & ab anno 1597. à Turcis occupata, Episcopus inde cogitur exulare. In ea Vrbe illud magnum factum miraculum, quod Beatus Mauritius Chakius Vngarus, nostri Ord. vnà cum Socio, nocte concubia, ex clausa hospitis sui domo, in clausam Ecclesiam, Sacras Deo preces soluturus, penetrarit. & verò quamvis eo tempore non esset ibi Dominicanus Conventus, ædificatum tamen exinde fuisse sub S. Jacobi nomine, Reverendiss. D. Gregorius Nagy Falui, Vacienfis Episcopus longè Digniss. & Iaurienfis Ecclesiæ Custos, cum alijs, cum mihi cum primis omni nomine maxime colendus, ex certis Vacienfis Ecclesiæ monumentis enarrabat.

Vbini-

Vbinienſis, apud Plodium in Tranſſylvania; ſed non difficile crediderim eſſe Cibiſienſem, quamvis eidem Plodio ſit diſtinctus: nullus enim locus extare dicitur in Tranſſylvania, è quo ea denominatio ſine corruptione ſumatur. Ita etiam ſentit P. Nemeſi in literis, quas poſthæc ſcripta ab illo accepi.

Vefprimienſis. Veſprimium, alijs Beſprimium, Epiſcopali ſede nobile, inter primarias olim Vngariæ Vrbes numerabatur. Arcem habet longè amœniſſimam in colle ſitam, unde in ſubjectum oppidum, vel potiùs deſuncti vaſti oppidi ruinas, agrumque vicinum, longè lateque patet proſpectus. Epiſcopo illius ex veteri conſeſſo privilegio competit, Reginas Diademate in augurandi, atq; coronandi, qui & Cancellarius Reginæ eſſe conſuevit, ſingularis [privilegij] prærogativa. Veſprimienſis Conventus noſtri, quot quot de hiſce ſcripſerunt, authores meminere: & Cardinalis quidem Pazmanius, ſub S. Catharinæ M. nomine. Plodius etiam originem illius in annum Chriſti 1221, vel 22. refert, ut proinde cenſeri debeat fuiſſe vetuſtiſſimus, atque ex omninò primis à B. Paulo Hungariæ Apoſtolo ædificatis. Viſuntur adhuc parietinæ, cœteris, per Turcarum cum vaſtationem, tùm viciniam, (ob quam nec ipſe Epiſcopus abſque denſo milicum comitatu, audet extra arcem pedem efferre) deſolatis.

Verovicenſis, } Quamquam hi diſtinguantur à Plodio,
Veronicenſis, } veriùs tamen cenſeo, hiſce vocibus eun-
Vervenſis. } dem Conventum deſignari; nam Veroni-
 cam locant Guido, & S. Antoninus, in Sclavonia, ſive Illy-

An-
 ſtor Re
 ip.
 Regni
 Hung.
 pag.
 247.

li. 18.
pag.
352.

rico; certum autem est, locum simili voce gaudentem nullum esse ibidem, præter Veròviciam, siue Veruciam, oppidum, & arcem, quæ non procul à Dravo sita est, & circa annum Christi 1553 à Turcis occupata fuit, Duce Vlamane Persa, qui factis in monasterio Fratrum, quod prope arcem erat, aggeribus, tormentorum explosionibus, mœnia arcis vetusta, & invalida, victus diu possent perferre, adeo concussit, ut nostri cum illo pacisci, & ditionem facere fuerint coacti. De quo videri potest Isthuanfius. Meminere Conventus hujus Guido, S. Antoninus, Plodius, Pazmanius. Quod unus Conventus illis tribus vocibus significetur, postquam hæc scripsi, P. Nemethi etiam credere se significavit.

Dec.
p. li.
p. pag.
39

Zagrabienfis, à Zagrabia, quæ est Vrbs Episcopalis Croatiae celebris, dicta secundum Bonfinium à terræ fecunditate, antea Vicus Italicus; cuius cathedræ B. Augustinus Hungarus, Ord. Præd. sanctitate, & miraculis celeberrimus, plurimis annis præfedit; & effecitq; ut Officio Divino, Dominicanorum ut plurimum, consimili, per totum Episcopatum uterentur. Potrò Conventus prius fuit in ipsa Civitate Capitulari Zagrabienfi; deinde verò ad Montem Græciæ, siue Græcensem, fuit translatus. Quæ duæ Vrbes, quasi contiguæ sunt, etsi mœnijs, & nominibus ipsis hodieq; distinguuntur. & illa munita quidem, & inferior; sed hæc instructior, & editior loco, quondam à Rege Bela IV. ut fertur, edificata. Ea translatio sub Fr. Leonardo Mansueto Perusino 31. Magistro Ordinis Gen: qui illum in sui curam suscepit, est facta. S. Nicolai titulo juxta Pazm. vocabatur.

Zechiensis. Hujus meminit Plodius, tanquam à reliquis omnibus diversis. fortasse fuit in Zechze, loco Hungariae in Albenfi Comitatu sito, quem apud Mercatorem cum in Geographia Germaniae, tum in Atlante habes descriptum.

Znoymensis, à Znoyma Vrbe Moraviae nobili, in qua adhuc ad partem ampli fori cernitur domus, vbi piensissimus Coesar Sigismundus, Hungariae, & Boemiae Rex, mortuus est anno Christi 1437. Conventus nomine S. Crucis, olim perquam insignis, jam propter incendium, & temporum injurias, magna egens reparatione; aliquando Plodio teste, Vngariae adiunctus fuit: pertinet nunc ad Boemiae Provinciam.

Zeuriensis, cujus meminerunt Guido, S. Anton. Plodius, fortasse dicitur à Zeurin oppido in Transalpina, sive Valachia, quod latine Severinum dicitur, à Severo Imperatore, (vt Bonfinius ait) conditum. Si ab alio loco dicatur, mihi non est compertum. Certum est, eam vocem fuisse Vngaris non insolentem, vt ex Bonfinio patet.

Adverterim verò, Conventus hujus Provinciae, successu temporum, quoad Regnum integrum stetit, excrevisse; cum & praecedente seculo, anno Christi 1518. Conventum, à Moyse quodam, Regis Vngariae Vladislai I. E. Camerae Praefecto, apud Plodium in Magistro Ord. Gen. Fr. Garcia de Loaysa, Hispano, fundatum legamus. En promissis steri, ingenue Lector, immò, si rectè advertas, plures dedi (largitas enim decet promissorem) alijs etiam quibusdam, praeter eos, quos praefatus fueram, Conventibus annumeratis. Sed enim, priusquam ad ulte-

Decad.
p. 4. p.
pag. 6.

Plod.
2. p. li.
4. col.
129.

Fernan
dez pag
341.

rora progrediamur, operæ pretium me facturum existi-
mo, si catalogum Conventuum à Fr. Bernardo Gui-
done, Gallo de Castro S. Vincentij, descriptum, ex chro-
nico m. s. Bononiæ apud nostros servato, (quod jussu E.
Almerici Placentini, XII. Mag. Ord. Generalis, Tolosæ ele-
cti anno Christi 1304. atque adeò non 1300. ut videntur
velle aliqui, quos aliàs, cum certiora non haberem, sum
secutus; nec 1303. ut sub hujusce capituli initium per col-
lectoris mendum irrepsit; sed 1305. contexit) cum ad-
ditionibus factis usque ad annum 1365. hic reposuero;
quem seriùs acceptum, absque impressoris impendio, for-
tassis & stomacho, primo loco reponere non licebat.
Ibi ergo sub tit. *Conventus Ordinis Fratrum Predicatorum*,
ad rem nostram sic scribitur

In Provincia Hungaria.

In Pannonia isti.

*Conven. Alba Regalis. Pestensis. Budensis. Strigoni-
ensis. Iauriensis. Con. S. Martini. Ferrei Castri. & cum a-
lio caractere additus. Camariensis.*

In Schlavonia isti.

*Conven. Tbamensis. Veronica. Possëga. Cagrabien-
sis. Byhig. Iadrensis. & alijs caracteribus adjecti, Castrianen-
sis. Insulensis.*

In Dalmatia isti.

*Conv. Spaletanus. Ragusinus. Duratinus. Noven-
sis. Quinque Ecclesiensis. Marchianus. Zeuriensis. Potokensis.
Ultransylvani.*

Alba transylvana. Soybiensis. Albensis transylvana.

Histri-

*Histrice. Transylvanensis. Similu. ad marginem, Simulu.
Citra Danubium.*

*Tirva. Banensis. Cassa. Budrat. Francavilla. Apud
Siculos.*

Ex hoc catalogo colligere inter alia possumus, 1. multò antiquiores S. Antonini ætate fuisse Conventus, quos recenset; cum iidem sint, cum hoc Guidonis indiculo recitatis. D. enim Antoninus, qui extremo vitæ suæ tempore tertiam partem historiam absoluit, (agit enim de Pij II. Sum. Pontif. electione, multis ejus gestis post illam, legatione Reip. Florentinæ ad Pium, describitque elegantem & eruditam, à se, qui in eadem legatione primas tenebat, habitam orationem anno Christi 1458.) ex hac mortali vita anno 1459. ferè vno seculo post factas additiones ad scripta Guidonis, & supra sesquiseculum, ex quo Guido scripserat, emigravit. 2. plures dubio procul fuisse S. Antonini tempore Hungariæ Conventus, cum incredibile sit, tanto intervallo numeros non succrevisse. 3. ex notula illa *Ultratransylvani* præfixa à Guidone, omissa vero, (saltem in meo codice) à D. Antonino, præferri nobis lucem, ut judicium ferre possimus de subjectis Conventibus, illis præcipuè, qui oblecturioribus vocibus designantur, ut Soybinienfis, Histricensis; ut sc. ille sit Cibirienfis, hic Bistriciensis, ut in nostro indiculo est annotatum. Nihilominus tamen scias, casu aliquo inversum fuisse ordinem inter Conventus Similu, sive Similij, & apud Siculos, sive Afferficulis: verè enim Afferficulensis erat in Transylvania, & Similienfis in Hungaria Cisdanubiana. Tandem, diversitatem aliquam

3. p.
histr. tis
22.

in voce, non semper diversa loca denotare; nam Thamen-
sis, Similù, Apud Siculos, Budrat, Castrianensis, Gui-
doni: Chamenis, Similij, Afferficulos, Castronovenis,
Budruch S. Antonino, conveniunt. Ac de his jam satis;
ad alia stylus vertatur.

CAPUT III.

De Collegijs, & Studijs Generalibus, sive Uni-
versitatibus.

Noto Prædicatorum Ordine, ut plurimum,
vix reperire est Cœnobium, (si tollas desolatas
Provincias) in quo etiam studium non vigeat,
& Religiosi Fratres, aliq; extranei, (si lubet) in
Philosophicis ac Theologicis lectionibus, conferentijs,
repetitionibus, disputationibus non erudiantur, exer-
ceanturque; ut proinde haud ineptè quispiam, Domini-
canorum familiam quandam in orbe terrarum disper-
sam Universitatem vocaverit. Hoc ab Ordinis princi-
pio originem traxit, in cujus primævis legibus sic legi-
mus esse sancitum. *Conventus citra numerum duodecim
fratrum professorum, quorum decem ad minus, sint Clerici, &
sine licentia Generalis Capituli, & absque Priore, & Doctore,
non mittatur, nec postquam missus fuerit, dictus numerus fra-
trum minuatur, ubi in declarationibus, præter alia: ac de-
bet habere Doctorem, id est, Lectorem, qui fratribus legat. Cum
enim Ordo noster pro salute animarum principaliter,
essentialiterque fuerit institutus, opus erat, ut sac. studia.*

Constit.
Ord.
Præd.
dist. 2.
c. 1. n. 2

literarum, quæ ad id muneris omnino necessaria sunt, ubique ferò promoverentur. Verum enim uerò selectiora, & insigniora quædam studia in singulis Provincijs designata sunt, quorum Moderatores peculiaribus gradib⁹, & titularis insigniti, de cœteris ad munera legendi, concionandi, laureasq; graduum Philosophiæ, ac Theologiæ promovendis, ex instituto decernerent; quæ Generalia, Ord. Universitates, & alicubi etiam Collegia, (è quibus nonnulla omnino sunt à Conventibus separata, ut in Hispanijs, quædam verò etiam ipsis conjuncta, ut ferè in Italia.) nuncupantur. Itaque in Provincia Vagariæ, Generale studium Conventui adjunctum, diu viguit in Vrbe regia, Buda, ubi etiam vir celebris M. F. Petrus Niger, Clypei Thomistarum auctor, sub annum Christi 1481. Regentem, sive studij ejusdem Caput agebat. Cum verò aliquo postea tempore inde fuisset amotum, eodem, M. G. Fr. Thomæ Vij Cajetani jussu, revocatum est. Deinde Mag. Gen. Fr. Franciscus Sylvester, Ferrariensis, qui creatus anno Christi 1525. obiit anno 1528. in Cilmienfi, sive Sirmienfi potius Conventu, illud instituit, & crexit.

CAPVT IV.

De Locis, sive Vicariatibus.

Reperiuntur interdum loca quædam in Provincijs, in quibus duodenario numero pauciores fratres degere solent, qui non Conventus, sed simpliciter Loca, & alicubi Vicariatus dicuntur, ad populorum devotionem, & itinerantium

Plod.
2. p. in
Gen.
Caset.
colum.
108.
Idem
in Gen.
Ferr.
col. 145

fra-

p. 2.
li. 3.
col. 97.

fratrum solamen erecta : qualia in Vngaria etiam fuisse certum est ; meminit enim Plodius loci S. Crucis in Vocres, sub Gen. M. Fr. Vincentio Bandello, anno Christi 1505. fundati.

titulo :
Acceptationes.

Albæ etiam Iuliæ datus est Locus Ordini à Cæsare Ferdinando I. Rege, & Capitulo, acceptatusque anno 1553. ut constat ex actis Capituli Gen. Romæ anno illo celebrati, in quibus sic dicitur. *Acceptamus Locum, concessum Provincia Vngaria in Alba Iulia Transsylvania, à Regia Majestate, & Capitulo Ecclesiæ Cathedralis.* Nec moveat, quod diximus, Albæ Iuliæ duos nostri Ordinis Conventus extitisse : nam esto etiam tunc illi permanferint, præter Conventus plures, etiam Loca, sive Vicariatus in præcipuis Urbibus, ut Mediolani, Romæ, Neapoli &c. esse nostris, vel isto tempore conspiciamus. Locum, vel ex Conventibus alterum, B. Mariæ Virginis nomine insignitum liquet ex Em. Pazmany.

C A P V T V.

Sanctimonialium Monasteria.

in Chronico M.
S. Bononia
asser-
vato.



Ernardus Guido de Sanctimonialium Vngariæ Monasterijs agens, ita scribebat. In Vngaria Monasterium apud Insulam fundatum à Rege Vngariæ, ubi pro thesauro habetur pretiosa Soror Margarita, Virgo electa, & sancta, filia quondam Regis Hungariæ, nomine Bela, quæ in vita, virtutibus, & miraculis multis effulgit, & post mortem vivere cum Deo miraculis demonstratur.

Mo.

Monasterium apud Vepremium.

Monasterium apud Iadreu.

Alio caractere additum, Albaregalense.

S. Antoninus ita. In Vngaria Monasteria quatuor. Inter quæ præcipuum est apud Insulam, fundatum à Rege Vngariæ; vbi quiescit Soror Margarita, monialis dicti monasterij, filia Regis Vngariæ, sanctitate præcipua, quæ miraculis in vita, & post mortem claruit.

A M. F. Joanne Michaeli Plodio, prætermisso Iadrense, (quòd divisa Vngariæ à Dalmatiæ Provincia, ad eam non attineret,) sex recensentur.

- (záfz.)
1. Albæ Regalis. 2. Quinque ecclesiense. 3. Beregs-
4. Nemeti. 5. Vesprimij. 6. Insulæ Leporū.

Quitamen, dùm subdit, hæc & alia Monasteria in amplissimo Vngariæ Regno, finitimiisque regionibus erecta, partus, (fas est dicere) Sancti Fr. Pauli Vngari, Conventus Bononiensis filij, extitere, &c. insinuat plura fuisse.

Eminentissi. Pazmany, octo enumerabat. (záfz.)

1. Albæ Regalis. 2. Quinque Ecclesijs 3. In Beregs-
4. In Nemeti. 5. Vesprimij, ad S. Catharinam.
6. In Insula Leporum, ad B. Virginem. (ke.)
7. S. Margaritæ Virg. & Martyris de Hahold, in Peles-
8. B. Mariæ de Angelis in Lâbatlan.

Ego juxta foundationis antiquitatem, ad singula, quæ occurrunt, annotabo.

Vesprimiense S. Catharinæ V. & Mart. omnium primum sub ipsum exordium Ordinis in Hungaria, anno ni-

mirum

3. p. hist
tit. 23.
c. 13.
parag.
3.

Lib. p.
de Prog
S. P.
Dom.
in Ita-
c. 63.

App.
dice 2.
pag.
115.

De Bo-
scai-
ane
rebellio
ne lege
Isthu-
anffiu
lib. 33.
et 34.

mirum 1221. vel 22. fundatum ; in quo per Septennium educata fuit Beata Margarita V. sub disciplina B. Helenæ Virg quousque cum alijs ad Insulam Leporum transmi- gravit. In eo corpus ejusdem B. Helenæ, vitæ sanctitate ad miraculum stupendæ, quiescebat. Sterit, vt creditur, vsque ad cladis Sigethianæ tempora, annum sc. Christi 1566. quando Moniales Vesprimio relicto, Kermendi- um, Civitatem Illustrissimi D. Comitis Adami de Bötthi- an, citra Rabam fluvium, profugerunt : vbi bonis multis ad vitam religiosam honestè transigendam do- natæ, vsque ad Boscaianæ perduellionis injurias sub an- num 1605. perdurarunt, quando fuga sibi consulentes, ad tutiora, prout poterant, loca se receperunt. Rebus deinde pacatis, quæ superstites fuerant, redeuntres, di- ruta, & disiecta reparare cœpere : Sed illis extinctis, earū bona alijs distributa, præter aliqua, quæ Ordini n. in Vng. restituendo, se redditurum, Illustr. & Rev. D. Georgius Draskovit Episc. Iauriensis, sanctè non semel asseveravit. Vidi vestigia reparationis cum nota anni 1615. circiter.

S. Catharina V. & Martyris de Habold, in Pelleske, fun- datum fuit à Comite Arnolde ex familia Banffiorum de Alfo Lindua anno Christi 1234. vt ex certa rerum Hun- garicarum noticia scribere se refert Pazmanius. Credi- derim Arnoldum istum filium fuisse B. Buzad Bamffi Martyris præclari, qui jam provecta ætate, relictis bo- nis suis, filijs, Ordinem nostrum professus est sub annum 1233. vt scripsimus parte prima.

Insula Leporum, B. Mariæ Virg. Insigne fuit illud Monasterium, quod Bela IV. in gratiam Beatissi. Vir-

ginis Margaritæ filiæ suæ, magnificè, & regaliter fundavit, ac dotavit; perfecitque anno 1252. ex quo deinceps Insula eadem, B. M. Virginis, & postea etiam Beatæ (vt Ranzanus scribit) Margaritæ, est dicta. Ad ipsum B. Margarita decennis cum alijs Sororibus ex Vesprimienſe Claustro est deportata; in quo decem & octo annos, nimirum ad XXVIII. ætatis suæ annum, vitam innocentissimè, sanctissimèque tranſegit; atque ibidem ſepulta innumeris, maximisque miraculis coruscavit; vt in ejus vita, quantum Dei munere valvimus, ex certissimis monumentis referre conati sumus. Vbi tamen, ſicut neſcius non ſum plura me alia effugisse, ſic & illud valde mirabile miſſum: quod per Sanctiſſi. Virg. Margaritæ interceſſionem, pijs precibus, & voto imploratam, mulier quædam, prolem, quam faminei ſexus ediderat, in masculèam obtinuerit permutari. Hoc enim in respon. ad lectionem ejus officiij octavum perſpicuè aſſeritur ijs verbis. *Oſpectanda ſeculo novo res miraculo, geſtu ſingularis, vatum Mater aſtruit, viri ſexum induit forma puellaris, &c.* Tale etiam de S. Patriarcha Dominico narrat ex vetuſtis ſcriptoribus egregius Noſter Malvenda, addens: *Haud ſanè hujusce generis transformationes illæ cenſendæ, cum fœmine in veros mares aliquando fuere commutata, quas Plinius lib. 7. cap. 4. & Photius in Bibliotheca Codice 244. è Diodoro Siculo memorant: hæc enim divina virtute, maximoq; miraculo in gloriam S. Dominici, S. Margaritæ effecta fuit.* Inſinuat etiam in lectionis ſecundæ reſponſorio, ortum S. ejusdem Virg. vitæq; in Ordine Prædicatorum inſtitutionem, fuiſſe à Sanctiſſimo P. Dominico cœlitus

Ranza
nus de
rebus
Vngar.
indice
15.

Tho-
mas
Malvè
da an-
no 1221
c. 56.

apparente revelata. *Ortus, Cælo conscio, germinis magnifici, paupertatis pretio voto cultu subijci, Patris almi nuncio panditur Dominici. & Summi civis ætheris, forma vitæ cæteris, juris usu cælici. Patris.* In eodem templo Stephanus V. Rex, B. Margaritæ Germanus, qui bonis pluribus Monasterium locupletavit, corpus suum humari mandavit; quod factum. Ibidem Elisabetha Stephani V. Regis, Elisabetha; Andree III. sanctitate illustres filiae, sepultæ. Maxima in eo Regij, Illustrissimi que stemmatis nobilitas, relictis sæculi dignitatibus, Deo semper studuit famulari, præcipue autem circa ejusdem B. Marg. tempora (vt ex indiculo Sororum, quæ pro vitæ ejus sanctitate tulerunt testimonium, superius colligi potuit) quando & septuaginta moniales in eo degebant. Sicque tanquam omnis pietatis, religionis, cunctarumque virtutum laude clarissimum, planeque sanctissimum Deo dicatarum Virginum asceterium, per tria, & amplius secula perseveravit: donec Turca per immanissimam tyrannidem vniversa devastante, Sanctimoniales, correptis Sanctiss. V. Margaritæ reliquijs, alijsque charioribus rebus, & inter eas, muneribus à Bela Rege in professione ejusdem S. Virg. oblati, vestibus nimirum Sacerdotalibus, auro, gemmisque regentibus, candelabris ex Iaspide, calice cum patina, vnionibus, aurique pigmento insigniter exornato, sacris Chori libris, scripturis etiam, atque alijs, (vti in metu, & periculo tanto licuit) in fugam sese conijcentes, Tyrnaviam appulerunt. Vbi Fratres, ad S. Ioannis Baptistæ degentes, extorrium Confororum calamitatis (vt par erat) commiserantes, diviso Cœnobio, partem sibi vnam,

alte-

p. 2.
li. 2.

alteram
ret, attri
vitæ bon
supplicar
Nagy-K
Nitriense
tus desol
eam indu
tes literæ
Nos
mendamus
vniversis
liani II. De
gusti, & Go
cis Austria
Introducto
directas, b
verba. M
tor semper
Rex, Archi
fris, Honor
& gratiam.
afficimur p
gias Virgin
per Tarcas, C
via, & in M
habere, quo se
providere, to
bo vocatas, in

alteram illis, ita tamen, ut ultro citroque aditus non pateret, attribuerunt. Quoniam vero, pro sustentatione vitæ bonis aliquibus indigebant, Cæsari Maximiliano II. supplicarunt; quibus annuens, eis totales possessiones Nagy-Kolos, Kis-Kolos, & Iaczho nuncupatas, in Civitate Nitriensi, quæ aliàs ad Abatiam Kolosiensem (tunc penitus desolatam) pertinebant, clementer concessit. Hoc, tam indulgi Cæsarei, quam illius executionis insequentibus literæ, aperte testantur.

Nos Capitulum Ecclesiæ Strigoniensis, memoria commendamus, tenore presentium significantes, quibus expedit, universis, Nos literas Serenissimi Principis, & D. D. Maximiliani II. Dei gratia, electi Romanorum Imperatoris semper Augusti, & Germaniæ, Hungariæ, Boemiæ, &c. Regis, Archiducis Austriæ, Ducis Burgundiæ, & Domini nostri Clementissimi, Introductorias, & Statutorias, nobis præceptorie sonantes, & directas, honore, & reverentia, quibus decuit, recepisse in hæc verba. Maximilianus II. Dei gratia, electus Rom. Imperator semper Augustus, & Germaniæ, Ungariæ, Boemiæ, &c. Rex, Archidux Austriæ, Dux Burgundiæ, &c. Fidelibus nostris, Honorabilibus, Capitulo Ecclesiæ Strigoniensis, salutem, & gratiam. Cum nos, cum pro ea, qua erga Ecclesias Dei afficimur pietate, & devotione, tum verò considerantes Religiosas Virgines Sanctimonialis de Insula Leporum, sedibus suis, per Tartas, Christiani nominis hostes expulsas, & nunc Tyrnaviæ, & in Monasterio S. Ioannis Baptiste commorantes, non habere, quo se sustentare possint, ideoque volentes eis clementer providere, totales possessiones Nagy-Kolos, Kis-Kolos, & Iaczho vocatas, in Civitate Nitriensi existentes, quæ aliàs ad Ab-

batiam, Kolos appellatam, pertinebant; sed nunc eadem Abbatia Kolosensis penitus defecta, & vacua, per ipsas Sanctimonialiales, ex annuentia, & consensione Reverendiss. olim Nicolai Olabi, Archiepiscopi Strigoniensis, & Locumtenentis nostri, &c. fuerunt possessa, simul cum universis suis utilitatibus, & pertinentiis quibuscumque, quovis nominis vocabulo vocatis, sub suis veris metis, & ex antiquis, limitibus existentibus, ad easdem de jure ab antiquo spectantibus, & pertinere debentibus, memoratis Venerabilibus Virginibus, Sanctimonialibus de Insula Leporum, nunc in præfato Monasterio S. Iohannis Baptista, Tyrnavia fundato, commorantibus, usque ad illud tempus, quo rursus in locum veteris sue residentie possint redire, vigore aliarum literarum nostrarum donationalium superinde emanatarum, dederimus, donaverimus, & contulerimus: velimusque easdem in dominium earundem, & dicti juris nostri Regij in eisdem habiti, per nostrum Regium, & vestrum homines legitime facere introduci. Super quo fidelitatis vestra, harum serie committimus, & mandamus, quatenus vestrum mittatis hominem, pro testimonio fidedignum, quo præsentem, Egregium Georgium Sambokrèsi, aut Balthassar, & Iohannes Vysalusi; sin, Gregorius Babindali, vel Emericus, & Franciscus Elefanti, siue Nicolaus Roson, vel Lucas Posar, alijs absentibus, Homo noster Regius, ad facies præscriptarum totalium possessionum Nagy-Kolos, Kis-Kolos, & Iaczho, in dicto Comitatu Nitriensi existentium, habitantibus, vicinis, & commetaneis eorundem universis, inibi legitime convocatis, & præsentibus, accedendo, introducat prænominatas Religiosas Virgines Sanctimonialiales de Insula Leporum, in dominium earundem possessionum, & dicti juris nostri Regij in eisdem

babi-

habiti, statuatq; easdem, & idem, & eisdem, premissa nostra donationis, & iuris nostri Regij titulis, ipsisq; incumbentibus, simul cum cunctis suis utilitatibus, & pertinentijs quibuslibet (si non fuerit contradictum.) Contradictores vero, si qui fuerint, evocet eosdem contra annotatas Religiosas Virgines Sanctimoniales, in Curiam nostram Regiam, nostram sc. personalem in presentiam, ad terminum competentem, rationem huiusmodi contradictionis sue reddituros. Et post hac huiusmodi contradictionis, & statutationis seriem, simul cum contradictorum, & evocatorum, si qui fuerint, vicinorumq; & commetaneorum, qui premissa statutioni intererunt, nominibus, terminoque assignato, ut fuerit expediens, eidem personali presentia nostra suo modo fideliter rescribatis. Secus non facturi. Datum Posonij die 14. Octobris, anno Domini 1572.

Nos itaque mandatis sue Majestatis, in omnibus, ut tenemur, obedire volentes, una cum supradicto Egregio Sambokrési de eadem Sambokrét homine sue Majest. Regie, unum ex nobis, Venerabilem videlicet Michaelem Tapolchani, fratrem, & Concanonicum nostrum, ad premissa fideliter peragenda, nostro pro testimonio transmiseramus fidedignum. Qui tandem exinde ad nos reversi, nobis sub Iuramento, in Generali Decreto superinde expresso, consona voce retulerunt in hunc modum: Qualiter ipsi feria quarta proxima post festum Sancti Urbani Pape, recens transactum, ad facies prescriptarum totalium possessionum, Nagy-Kolos, Kis-Kolos, & Iaczho vocatarum, in dicto Comitatu Nitriensi existentium habitarum, Vicinis, & Commetaneis earundem universis, praesertim Egregijs Christophoro Bosány Iunior de eadem Bosány, & Ioanne Turcháni de Turchán, Alberto de de Fekete de Korpona, & Paulo

Domanyiczki de eadem Korpona: item providis Paulo Alfyk, Iudice in Nedanouvecz, & Stephano Vrbano-
 vich, Ionanni Aponyi, & Georgio Kmech, Matthia Apony, Nicolao
 Gotbko, Georgio Loyko, & Laurentio Bodor, & Széplak, alias
 Krazno, familia Dominorum de Tapolchány, Georgio Zurvo-
 radiu oppido Sambokréth, dicti Georgij Sambokréth, Lauren-
 tio Bakos in Szuchan, prædicti Ioannis Turkbányi, Martino
 Matbussouich, in jam dicta Nedanouvecz, possessionibus, voca-
 tis, præfati Matthia Aponyi, commorantibus, Egregiorum Co-
 lonis: alijs etiam quamplurimis inibi convocatis, & præsen-
 tibus, accessissent: idemque Homo sue Majestatis Regius, dicto
 nostro testimonio præsentem, introduxisset prænominatas Virgi-
 nes Sanctimoniales de Insula Leporum, in dominium earun-
 dem possessionum, dictique Iuris sue Majest. Regia in eisdem
 habitis, statuisset easdem idem eisdem, præmissæ sue Serenitatis
 donationis, & juris sue Majestatis titulis, ipsis in cumben. si-
 mul cum cunctis suis utilitatibus, & pertinentijs quibuslibet,
 nullo tunc ibidem Contradictore apparente. Veruntamen in-
 fra resolutionem quindecim dierum, hoc est, feria 2. proxima
 post octavus Corporis Christi, Nob. Emericus Paulouich de
 Vvindy, nostram personaliter veniens in præsentiam, suo,
 heredumque suorum nominibus, & in personis, præmissæ statu-
 tionis, ratione domus, & curia sue nobilitatis, ac cunctarum
 ejus pertinentiarum, in possessione Nagy Kolos, in antedicto
 Comitatu existen. habitis, si, & quatenus prædictæ Religiosæ
 Virgines Sanctimoniales, se & eo statui fecissent, contradic-
 tionis velamine coram nobis in Capitulo obviavit. Ob quam qui-
 dem contradictionem, nos quoque eundem Emericum Paulo-
 uich de Vvindy, mox ibidem, & eodem die personaliter con-

tra annotatas Religiosas Virgines Sanctimoniales, in Curiam
S. Majestatis Regiam, sua videlicet Majestatis Regiam, sua vi-
delicet Serenitatis personalem in presentiam, ad terminum
competentem rationem contradictionis sue redditurum, evoca-
cassemus quidem; nihilominus tamen, antequam litera nostra
relatoria super premissa introductione, & statutione, pro ali-
qua partium extracta fuissent, feria 3. proxima ante festum
nativitatis B. Ioannis Baptiste, memoratus Emericus Pau-
lounich, ad nos in Capitulum personatiter reversus, præactam
suam contradictionem, suo, & heredum suorum nominibus fa-
ctam, in toto, & in qualibet sui parte annihilandam, cassan-
dam, & revocandam esse duxit; prout annihilavit, cassavit,
& revocavit: statutionemq. ipsam, pro premissis Religiosis
Virginibus Sanctimonialibus, firmam reddidit coram nobis, ha-
rum nostrarum vigore, & testimonio literarum mediante.
Datum ipso die revocationis, & pertractationis An. Domini
1572. Hisce igitur bonis à Maximiliano Cæsare do-
natæ Sanctimoniales, Deo Altissimo in altera Monasterij
parte famulabantur, quousque fratribus universis morte
extinctis, totus illis locus solidè cessit; ubi ad annum cir-
citer 1614. perseverarunt: quando Majoribus agenti-
bus, urgentibusque, etsi nolentes, reluctantes, Deumque
obtestantes, injuriam se pati, adeoque inde exturbatæ ve-
rius, quam eductæ, Posonium denique ad Clarissarum
Monasterium cum rebus suis deportatæ fuere. Ibi qui-
busdam Ordinem permutantibus, aliæ in primæva sua
professione constanter perstiterunt; è quibus año 1635.
duæ adhuc erant superstites; quæ fuerant Tyrnaviæ cœ-
terarum Antistitæ: sed altera jam piè defuncta, altera vi-

vit hoc ipso anno 1637. mense Septembri. Nonnullis
visa est res illa Superis minimè placuisse; quòd intra an-
num, aliquot præcipua illius capita sint morte sublata;
præter Maximi sanè cujusdam Principis ædes, eti-
am ipsum forum incendio conflagravit: Ecclesia S.
Joannis Baptista novas reparationes nunquam susti-
nuerit; neque quicquam effici potuerit, donec novis
jactis fundamentis, aliud extructum est ædificium. Ve-
rùm ego nihil temerè suspicatus, quicquid est, divinæ sen-
tentia committo. Denique illud hic addiderim; cum
Conventus fratrum Vesprimij, S. Catharina V. & M. &
Con. in Insula Leporum, B. Mariæ Virginis nomine, non
secus ac Monialium Claustra, nuncupati legantur, videri
fuisse Conventus Monasterijs ad communem Ecclesiam
adjunctos, quippè qui cum sufficienti fratrum numero
ad spirituales Sanctimonialium opportunitates forent
cooprati.

Alba Regalis. Hoc videtur constructum post annum
1305. quando ejus mentio habetur in additionibus ad
Guidonis m. s. quæ factæ sunt ab eo anno usque ad 1365.
vti jam præmonuimus. Et adhuc reliqua *Quinqueeccle-*
sienſe, *Beregszasziensie*, *Nemetense*, *Labatlaneuse*, quæ
nullo modo memorantur, recentiora fuisse videntur:
licet hoc prorsus necessarium quoad singula non sit,
cùm potuerit subterfugere illos scriptores, sicut contigit
in Monasterio, secundo loco commemorato.

Porro duplex locus describitur in Vngaria, *Nemeti*
nomine; alter in Barsiensi Comitatu, propè Schemnitium:

alter in Comitatu Neugradiensi juxta Danubium: sed in priori Monasterium fuisse putatur.

Labatlan verò oppidum est ad Danubium, non procul à montibus, qui *Verther* dicuntur, alias *Schilperg*, suntque in Soproniensi Comitatu. Vocabatur Monasterium S. Mariæ de Angelis, vigebarque anno 1492. teste Em. Pazmanio.

Dixiego, quantum licuit, Provinciæ Hungariæ loca, illis demptis, quæ Dalmatinæ, per sejunctionem unius ab altera, anno, juxta Flodium, 1486. factam, addicta fuer; de quibus loco isto nihil scribendum existimaui. Namque & sine illis, in Moldaviam, Valachiam, Transylvaniam, superiorem, inferioremque Pannoniam, Croaticam, Bosniam, Illyricum, Provincia nostra tractu suo porrigebatur. Filia illius indubiè sunt Provincia ipsa Dalmatiæ, Peregrinantium, Ragusique Congregationes. Idem de Provincijs Poloniæ, Daciæ, Boemiæ, Congregationeque Styriæ, & Carinthiæ, sentit in literis ad me datis Eximius P. M. Fr. Gulielmus à Moncaluo, cujus ingenio, judicioque cum singulari prudentia, & pietate conjunctis, plurimum ego semper meritò tribui: verum de re hac enucleatè scribere, currente proelo, modò non datur.

2. p. in
præfa-
tis an-
notati-
one 3.



CAPVT VI.

De Generalibus Capitulis in Provincia Vngaria celebratis.

Insigniores semper extitere Provinciæ, in quibus habita Generalia Comitia, ad quæ condendis legibus, decernendisq; illis, quæ pro communitotius Ordinis bono opportuna sunt, ex vniuerso Orbe, Patres gravissimi juxta præscriptas leges electi, designativè conveniunt. Neque enim vnquam in nuper exorientibus, vel jam collapsis, sed in optimè constitutis Provincijs semper habentur. Porro in nostra Vngarica Provincia duo insignia Generalia, Capitula, de quibus sæpenumero meminere Sac. Constitutionum nostrarum declarationes, sunt celebrata. Prius in Vrbe Regia Buda, à Christo quidem nato, anno 1254. ab ingressu verò Ordinis in Vngariam, 33. Bela, & Maria Regibus instantibus, quo & tempore Beatiss. Virgo Margarita earum filia, annum agens ætatis duodecimum, solemnum trium votorum professionem, in manibus B. Vmberti de Romanis Burgundi, V. Mag. Gen. in eodem Capitulo electi, nuncupavit. Posterius apud Pestum, (oppidum è regione Buda, solo Danubij, qui per pontem, ultrò citroq; traiecitur, interjectu distans) anno Christi 1273. ingressus Ordinis 57. sub B. Ioanne Vercellense Mag. Ord. VI. ad Regum etiam instantiam, quando eadem Virgo Sanctiss. Margarita, cum ante biennium jam

ad

ad superos evolasset, multis maximisq; signis, solis instar, de coelo coruscabat. Præcipua, quæ in illis Capitulis sancita fuere, diligens scriptor Ambrosius Taegius, in suis monumentis, quæ tomis aliquot in Mediolanensi nostro S. Mariæ gratiarum bibliotheca manuscripta servantur, fidelissimè collegit: ea ad me transmissa, verbis ipsius, in tui gratiam, studiose Lector, censui describenda. De Budensi igitur, sic ait.

Fr. Am
brosius
Taegius
Medi-
olan.

Anno Domini 1254. à confirmatione Ordinis 38. à transitu B. Domitici anno 33. pridie Calendas Iunij, in festo Pentecostes celebratum est 33. Capitulum Gen. Buda in Provincia Ungaria, sub Mag. Umberto de Romanis, tunc noviter electo. In quo Capitulo Constitutiones quædam factæ sunt, & cum alijs in libris Constitutionum suis sunt locis insertæ.

I. In cap. de Domibus concedendis, in fine additum fuit sic. Statuatur semper aliquis Fr. Clericus, vel Conversus maturus, discretus, & securus, qui sit Portarius, & diligenter, quæ ad officium portarii pertinent, exequatur. Poterit autem aliquem Fratrem, vel Sacularem honestæ conversationis habere in adiutorium, cum necessitas hoc requiret.

II. In capitulo de Capitulo Generali, ubi dicitur de Magistro, seorsum corrigant, & emendent, additum fuit: Qui coram ipsis humiliter se prosternens, veniam faciat: & stans de suis excessibus se accuset; & Diffinitores audiant accusantem.

In hoc Capitulo quamplurimæ factæ sunt pro bono statu Religionis conservando Ordinationes.

I. Quod de B. Petro Martyre fiat per totum Ordinem festum totum duplex, & Pax in Conventu detur.

II. Quòd provideant Priores, quòd in diebus Communionis fratres Conversi sermonem habeant in vulgari.

III. Quòd Supprieores non constituentur per scrutinium, sed de consilio discretorum, qui coram Priore conferant.

IV. Quòd Priores, & alij fratres curam diligentem habeant, quòd nomen B. Dominici, & B. Petri Martyris in Calendarijs, & Litanijs scribantur; & pictura fiant in Ecclesijs nostris, & quòd eorum fiant festa.

V. Concessum fuit Fratribus, quòd in festo B. Dominici fiat processio, ubi commodè fieri poterit, si Priori, & Fratribus visum fuerit.

VI. Quòd Fratres observent jejunia, qua communiter in patria observantur.

VII. Quòd nullus Frater libros sibi commissos in vita sua, assignet alicui Conventui speciali, nec alicui super hoc concedatur licentia.

VIII. Quòd in quolibet Conventu constituatur unus, vel plures, si multitudo Fratrum hoc requirat; qui non solum post Completorium, sed etiam de die omni tempore, quando sibi videbitur, circuire debeant omnes officinas, & loca, in quibus Fratres solent conversari, & insolentias, quas viderint, Prælato referre, & delinquentes in Capitulo proclamare teneantur.

In eodem Capitulo concessa sunt domus quedam Provincijs quibusdam, videlicet Provincia Hispania, duæ: Provincia, duæ: Lombardia, duæ: Teutonia, duæ; & Polonia duæ.

Sequens Capitulum generale assignatum fuit apud Mediolanum in Provincia Lombardia.

De Pestensi verò ita scribit. Anno Domini 1273.

ad confirmationem Ordinis anno 57. à transitu B. Dominici anno 52. pridie Cal. Iunij, in festo Pentecostes celebratum fuit 52. Capitulum Generale apud Pestum in Provincia Vngarie, sub Magistro Ioanne Vercellensi; in quo Constitutiones quedam factæ sunt, & cum alijs in Constitutionum libro suis sunt in locis insertæ. Ordinationes quoque multæ sunt pro bono statu Religionis factæ.

I. in cap. de Capitulo quotidiano, ubi dicebatur, similiter quicumque frater caveat, ne malum, quod audivit, &c. totum deletum est, usque ibi, auditis verò &c.

II. In cap. de Visitatoribus, ubi dicebatur, generali Capitulo studeant denunciare, totum hoc est remotum, & sic fuit positum. Si quis Frater nostri Ordinis, per se, vel per aliam, ordinationem de se, vel de alio factam, vel obedientiam sibi, vel alij fratri injunctam, per quamcunque personam extra obedientiam nostri Ordinis constitutam, quocumque modo procuraverit revocari, vel in aliqua Provincia, vel Conventu, aut in officio, seu Studio generali poni, vel remanere, vel inde removeri, vel cum personis extraneis commorari, ipso facto, ex vi presentis statuti, omni voce tam in accusationibus aliorum, quam in electionibus, & tractationibus eorum, qua mittenda sunt ad Capitulum generale, vel Provinciale, penitus sit privatus: nec ad prædicta restitui valeat, nisi per Magistrum Ordinis, vel Capitulum generale.

Secundò in hoc Capitulo Ordinationes quamplures factæ sunt pro bono Religionis statu conservando, ex quibus aliquas magis necessarias hic apponere necessarium existimavi.

I. Quòd priores, & eorum Vicarij non mittant ad Stu-

dia

di generalia fratres discolos, vel ineptos; & si quos tales miserint, studeant revocare.

II. Quod Constitutio de non equitando, & de carnibus non comedendis diligentius observetur; & qui culpabiles inventi fuerint, per Priores Provinciales, & Visitatores gravius puniantur.

III. Quod Priores conventuales, Constitutionem de silentio tenendo, & de pœnitentia profractione silentij, & de jejunijs Ordinis diligentius observari faciant.

IV. Quod Fratres discoli, & indisciplinati, ad Conventus parvos, & novos non mutantur; & missi, per Priores Provinciales revocentur; & ponantur in illis, in quibus melius sub disciplina teneri poterunt.

V. Quod Priores provinciales, quando assignant fratres periculosos Conventibus, qui ignorant conditiones eorum, statum ipsorum Prioribus illorum Conventuum studeant renunciare.

VI. Quod nullus Prior apostatam alterius Conventus accipiat ad Ordinem, sine Prioris provincialis, vel ejus Vicarij licentia speciali.

VII. Quod Constitutio de receptione fratrum Conversorum, secundum quod scripta est, observetur; & ipsi à Prioribus in officijs occupentur.

VIII. Quod Studentes, pecuniam sibi à Provinciali, vel à Conventibus assignatam non expendant, nisi in libris Theologicis, & nisi de Prioris provincialis licentia speciali. Cum autem de studio redierint, de receptis, & expensis, Priori provinciali, vel conventuali teneantur reddere rationem, secundum quod ab ipsis pecuniam receperunt.

IX. Quod

IX. Quòd nullus frater habeat vestes Ecclesiasticas, vel ornamenta, seu aliqua paramenta, Craces aureas, vel argenteas, vel cum lapidibus pretiosis, nec annulos, vel lapides pretiosos: qui habuerint, expedire se in fratres menses à notitia presentiarum teneantur. Quòd si non fecerint, illis Conventibus, de quibus fratres illi fuerint, assignentur.

X. Preceptum fuit in virtute obedientie fratribus universis, quòd in Alchimia non studeant, nec doceant, nec aliquatenus operentur, nec aliqua scripta de scientia illa teneant: sed Prioribus suis restituant, quàm citò poterunt, bona fide per eosdem Priores Provincialibus Prioribus assignandos.

XI. Quòd Priores, & Diffinitores Capitulorum Provincialium, nullum locum recipiant, nisi prius eis constiterit, quòd sit locus idoneus pro Conventu edificando, per fratres, idoneos ad hoc inquirendum, destinatos.

XII. Quòd Priores, & eorum Vicarij, Diffinitores Capitulorum generalium per eorum Conventus transeuntes, & redeuntes, deducant, vel deduci faciant ad proximos Conventus, eis necessaria ministrando.

Tertiò in hoc Capitulo concessæ sunt domus quædam nonnullis Provincijs; vtz Hispania, due, quarum vna in sede Vrgelensi poneretur: Provincia, una: Francia, vna in Polomato ponenda: Prou. Teutonia, due, & P. Anglie, vna.

Sequens Capitulum gen: apud Burdegalam in Pr. Provincia assignantum fuit, vel in loco secundum exigentiam Concilij, vbi Magister Ordinis duxisset eligendum. In eo tamen Conventu celebratum non est, sed apud Lugdunum, vbi Concilium generale celebratum est, &c. Ita Taegius.

Castil-
lus Cët.
p. li. 3.
c. 9.

De hoc Capitulo Gen: Fr. Ferdinandus Castillus in Centuriis Ordinis prudenter quædam scripsit, digna, quæ legantur. Commendant verò cum primis Patrum illorum studium, et zelum in omnibus, quæ in majus Dei obsequium, & gloriam ex Sacro Ordine nostro poterant redundare. Quisquis enim, ait, horum possider, si talem, qualem esse decet, videre desiderat, diligentissimam sanè illum navare opus est operam, ut ab omni graminis, & malæ herbæ genere, semper expurget. Cum enim, quò pinguior humus, exultiorque fuerit, eò prava germina citius, ac facilius repullulascere, & succrescere soleant, farculum ad ea excindenda, convellendaque, præmanibus omnitempore habendum est. Siquidem opinari, quòd ea serpere, ac propagari non adnitantur, insipientiæ, seu veriùs dementiæ fuerit. In eisdem Comitij, ferreum cingulum, flagella, cilicia, cœteraque sanctissimæ, innocentissimæque Virginis Margaritæ penitentiae instrumenta, Magister Ordinis, Fratribus, ac Sororibus publicè ostentavit.

CAPVT VII.

*De B. Virg. Deiparæ Rosarij in Hungaria
instituto.*



Vin de re Hungarico Regno apprimè profutura, ut de vitiorum, & hæresum monstis, Turcis, & adversarijs omnibus gloriosè triumphet (si eam ex animo amplecti voluerit, ut pro

avita illius in Beatiss. V. Deiparam pietate non dubita-
mus) Sacratissimi sc. Rosarii, quæ olim in eodem Regno
floruit, sodalitate, hoc loco, cum pro susceptæ scriptio-
natione, cum pro meo in eam gentem amore, aliquid e-
differam, præterire non possum. Rosarium, quod &
Psalterium B. Mariæ nuncupatur, est quædam formula
precandi Deum in honorem ejusdem Deiparæ, qua cen-
ties & quinquagies recitata Angelica Salutatione instar
Davidici Psalterij, & cuilibet decadi interjecta oratione
Dominica, per quindecim decades, quindecim præcipua
humanæ instaurationis mysteria pijs meditationibus per-
cententur. Secatur verò in tres partes, quarum prima,
gaudiosa: secunda, dolorosa: tertia, gloriosa mysteria
comprehendit.

Brevi.
ar Pra-
dicat.
Domi-
nica p.
Osto-
bris.

- | | | |
|---|-----------|-----------|
| Gaudiosa. | Dolorosa. | Gloriosa. |
| 1. Dominica In - r. Christi oratio in r. Christi Resur-
carnationis an- horro: rectio. | | |
| 2. Visitatio B. Vir. 2. Flagellatio. 2. Ad Cælos As-
ad Elisabeth. | | census. |
| 3. Incarnati Verbi 3. Coronatio ex 3. Spiritus S. in Dis-
Nativitas. Spinis. cipulos missio. | | |
| 4. Ejus in Templo 4. Crucis gestatio: 4. Virg. Deiparæ
Præsentatio. Assumptio. | | |
| 5. Ejus in Templo 5. Crucifixio. 5. Ejusdem Deip.
inventio. Coronatio. | | |

V. Bzo-
wium
anno
1213.
a. B. 9.
O Ma-
luendā
anno
1215.
à cap.
10. Al-
bigen-
sin erro-
res fu-
se apud
Bzon.
an. 1199
à n. 33.
Mal.
anno
1205.
à cap. 4

Vt ita pulchrè admodum rei congruat Rosarij no-
men, dum frondibus, vitæ; sentibus, passionis; flori-
bus, gloriæ triumphantis cum Virgine Matre Christi Do-
mini mysteria correspondent. Hujus adeò præclari
inventi, Beatissima Deipara edocente, auctorem fuisse S.
Patriarcham Dominicum, certum est. Cum enim Albi-
gensium nefaria hæresis, Sacrosanctæ Matris Dei (quam
per summam impudentiam voce impurissima meretri-
cem appellabant, ejusque illibatam virginitatem infami
infamia violabant) dignitati potissimum infesta, in re-
gione Tolosatium impiè grassaretur, ipse Beatissimus
P. Dominicus, qui eo tempore Prædicatorum Ordinis
fundamenta jecit, divino incensus ardore, Tolosam, ad
debellandas hæreses, & fidem Catholicam propugnan-
dam se contulit. Vbi cum omnia hæresum, ac vitiorum
incendio deflagrare vidisset, ad sacram anchoram Beatif-
simam Virginem se convertit: precibus eam assiduis in-
terpellat, ut tantæ malorum inundationi sua benignitate
subueniat. Admonet ipsum divinitus Cælorum Regi-
na, ac jubet, ut Rosarium populis omni mentis fervore
prædicet. Hoc esse unicum, ac singulare ad evertendas
hæreses, vitia extinguenda, virtutes promovendas, Dei
misericordiam, suffragiaque sua impetranda præsidium.
Cœpit igitur saluberrimum Rosarij institutum per B.
Dominicum, ejusque Fratres Prædicatores incredibili
cum animarum fructu ubique propagari, erectaque sunt
ejusdem complures societates. Ut, sanè, cum dicim⁹ S. Do-
micum Rosarij auctorem fuisse, non sit accipiendum,
quasi ipsum primum, & à se tam sancti ritus invento-

rem, & excogitatorem affirmemus. Ipsa enim Beatiss. Deipara, viro Dei, ut diximus, appars, illum docuit Rosarii institutionem: ore, verbis, monituque B. Virginis, eaque praeunte S. Dominicus Rosarii formulam didicit: adeoque Sacra Dei Genitrix inventrix: Sanctus Dominicus potius promulgator extitit, ut Thomas Malvenda loquebatur. Nequis verò de huiusce rei veritate ambigat, Summorum Pontificum, qui eam apertè profitentur, testimonij placet stabilire. Leo X. sic ait: *Olim, prout in historijs legitur, à S. Dominico quadam Confraternitas utriusque sexus fidelium, de Rosario ejusdem B. Mariae Virginis nuncupata, ad honorem Angelicae salutationis instituta, & in diversis mundi partibus predicata fuit.* Pius V. Spiritu sancto, ut piè creditur, afflatus B. Dominicus, Ord. FF. Prædic. auctor, cujus institutum, cum in minoribus essemus, expressè professi sumus, occasione, qua Albigenisimæ hæresis per partes Galliarum, & Italia, miserè grassabatur, & tam multos excocaverat seculares, ut in Domini Sacerdotes, & Clericos sevisimè furerent, levans in Cælum oculos, & montem illum gloriosa Virg. Maria, almae Dei Genitricis respiciens, modum facilem, & omnibus pervium, ac admodum pium orandi, & precandi Deum, Rosarium, seu Psalterium ejusdem B. Mariae nuncupatum, quo eadem Beatiss. Virgo, salutatione Angelica centies & quinquagies ad numerum Davidici Psalterij repetita, & oratione Dominica ad quamlibet decimam cum certis meditationibus, totam Domini nostri Iesu Christi vitam demonstrantibus, interposita, veneratur, excogitavit; excogitatum per Sancta Romana Ecclesia partes propagavit. Gregorius XIII. Memores, B. Dominicum, Ord. Prædic. institutorem, cum &

Ann.
1215.
r. 12.

Bulla
data
Roma
pridie
non O-
ctobri
anno
1520.
Pont.
sui an.
8. ini-
tiū est,
Pasto-
ris ater-
ni.

Bulla
eius i-
nitium,
Consue-
verūt,
data
Roma
anno
1567.
die 27.
Sept.
Pont.
ejus
an. 4.

Bulla, que incipit, Monet Apo- stolus da- ta Ro- me p. Apr. an- 1573. Pont. an. p. Bulla, Dum in effa- bilita Roma 30 Ian. anno 1586. Pontif. an. p. Brev. Præd. Brou. anno 1475. n. 22.

Gallia, & Italia à perniciosis premeretur hæresibus, ad iram Dei placandam, & Beatiss. V. intercessionem implorandam, piissimum illum orandi modum instituisse, quod Rosarium, sive Psalterium Beatissimæ Virginis nuncupatur, &c. Sixtus V. Attendentes itaque, quàm Religioni nostræ fructuosum fuerit, Sanctiss. Psalterij, Rosarij nuncupati gloriosa, semperq. Virg. Mariæ almæ Dei Genitricis, institutum, per B. Dominicum, Ordinis Fratrum Predicatorum auctorem, Spiritu S. ut creditur, afflatu excogitatum, quantaq. exinde mundo provenerint, & in dies proveniant bona, &c. è quibus nemini non facile erit iudicium ferre de eo, quod aliqui in Hungaria, dixere non ita pridem, Rosarij institutum ante annos LXX. non extitisse, quòd fortasse illud à tempore navalis contra Turcas pugna, sub Pio V. Sum. Pont. anno nimirum Christi 1571. sumpsisse originem existimaverint. Verùm aliud fuerit loqui de festo die Rosarij prima Octobris Dominica, quod inde ortum habuit; aliud de Rosarij, Sodalitatisque illius institutione, quam & ante secula quatuor fuisse, inficias ire non licet, cùm à Beatissimo P. N. Dominico initium coepisse, annales univ. summi- que Pontifices jam præcitati, suis diplomatibus disertè testentur. Sed (ut ad historiæ seriem revertamur) cùm temporis decursu, celebris consuetudo, vel hominum negligentia, vel dæmonis astu paulatim coepisset excidere, ut penè jam extincta videretur, Sacratissima Virgo, immenso circumdata lumine, B. Fr. Alano Britanno, eximio Concionatori, ad annum Christi 1473. se visendam exhibuit, atque monuit, ut cùm ipse, cùm ejus Socij Prædicatores, collapsam Sacri Rosarij devotionem totis viri-

bus restituere conarentur. Si quidem hoc genus orandi promptum ac facile, esse sibi gratissimum, ad impetrandam divinam misericordiam accommodatissimum, populis salutare, & contra quævis adversa præsens auxilium. Priorem etiam Conventus Prædicatorum Colonie Civitatis, Fr. Iacobum Sprengerum, eadem Sacratiss. Virgo, ad eundem instaurandum sacrum ritum, cum se ipsam illi fecisset conspicuam, vehementer accendit. Tantum verò prædicatione, & opera fratrum Prædicatorum divina ista devotio in Christiano populo ubique promovit, tot, tantæque in honorem Dei Genitricis sub Rosarii nomine fundatæ sunt Societates, in quas Reges, Principes, Imperatores, atque Ecclesiæ Præsides pro summo ducunt honore cooptrari, ut vix verbis exprimi possit. Romani etiam Pontifices innumeris indulgentijs, privilegijs, favoribus, atque gratijs, sacrum istud Rosarii institutum prosequentes egregiè ornavunt. Sed cum primis ipsa beatissima Deiparens Maria, quod ipsa contulit mundo salutare Rosarii donum, mirificè fouet, & auget, cultores ejus insignibus afficit beneficijs, clarissimisque miraculis illustrat, ut plurimum, grauiumque virorum scripta, in quibus per quatuor etiam seculorum annales, seriatim digesta sunt, palàm ostendunt. Inter quæ illud meritò singularissimum celebratur, quo Dei Genitricis auxilio sacris Rosarii precibus implorato, anno Domini 1571. Sept. Octobris, quæ Dominica fuit, ad Naupactum Achaici sinus, de Turcarum classe, viribus, & numero longè majore, à Christianis Principibus navali bello maxima post hominum memoriam victoria parta fuit. Cum

enim

Breu.
Pred.
Brou.
sup. n.
28.

Brou.
anno
1478.
n. 1.
And.
Coppen
stein in
Rosa-
rio.

Diplo-
mata
Ponti-
ficia in
unum
collecta
habes
in The-
sauro
Apo-
stolico
Fr. Pe-
tri Lon-
get im-
presso

Daaci
1635.V. in-
ter ali-
os Al-
phonsi
Fernan-
dez in
Rosa-
rio.Bulla
cit. Me-
net. A-
postoloMur-
tyrol.
Rom.

7. Oct.

Bulla
cit.

enim ea die per vniversum Christianum orbem Sodali-
tates Rosarij, pias preces, ac processiones ad sacram Vir-
ginem de more haberent, ab omnibus fidelibus piè credi-
tum est, ejusmodi preces, ad obtinendam Dei Genitricis
opem pro Christiana classe plurimum profuisse. Quod
& Gregorius XIII. literis Apostolicis aperte testatus est.
Quocirca Clemens IX. Apostolica auctoritate confir-
mans Festum Rosarij Dominica p. Octobris à Gregorio
XIII. institutum, publicis Ecclesiæ tabulis hæc inseriben-
da mandavit. *Die septimo Octobris Commemoratio S. Mariæ
de Victoria, quam Pius V. Pont. Maximus, ob insignem victo-
riam, à Christianis bello navali ejusdem Dei Genitricis auxilio
hac ipsa die de Turcis reportatam, quotannis fieri instituit: &
Gregorius XIII. prima hujus mensis Dominica die, annuam So-
lemnitatem Rosarij ejusdem Beatissimæ Virginis celebrandam
decrevit.* Sed & hisce proximis annis plurima & ingen-
tia beneficia Sacri Rosarij precibus impetrata sunt. Ge-
nuensis Respublica, illis, se à Gallis magna irruptione,
& longo tempore inuadentibus, liberatam agnoscit. Bo-
noniæ impij quidam hæretici homines, qui Sacras imagi-
nes, Deiparæ potissimum Virg. confringebant, sordibus
commaculabant, varijsque modis tempore multo labe-
factabant, nunquam, etsi maximis (ut par erat) diligen-
tijs, precibus, supplicationibus, alijsquæ publicis, & pri-
vatis sacris adhibitis exercitijs, detegi potuerunt, donec
solemnî, ac frequentissima Rosarij Sacratiss. processio-
ne, unus quidam ex ipsis, (qui, ut Catholicos derideret,
intererat,) in Sac. Beatissimæ Virginis statuam, quæ cir-
cumferebatur, obtutum defigens, mirabili, ac minaci

ejus

ejus aspectu ictus, atque timore magno perculsus, gestorum poenitens, Sanctæ Inquisitionis tribunal ad D. Dominici adiit, seipsum, coeterosque tanti sceleris complices revelavit, accusavit, damnavit. Quibus comprehensis, aliisque jure peragendis peractis, Vrbs æquè religiosissima, ac illustrissima, à nefaria impietate liberata, mœroreque, quo diù contabuerat, soluta, gratias Deiparæ liberatrici summa animorum læticia, & devotione peregit. Ipsamet Bononia, plurimæque aliæ Civitates, lue vehementissima, per Italiam grassantē, ad sacram Virginis Deip. opem per Rosarij preces, ab innumeris utriusque sexus hominum turmis, alternis choris efflagitatam, confugientes, præsentissimo numine se fuisse defensas agnoscunt. Mediolani, Rosarij precibus, oleoque lampadis, quæ ad B. V. Deiparæ Gratiarum ardebat, annis 1630. & 31. propulsata pestilentia, quæ non auræ infectione solum, sed & ferali pravorum hominum maleficio validè serpebat, istud ad perpetuum rei monumentum supra templi valvas carmen inscriptum.

*Gratiarum Mariæ
Quæ primas gratias
Mediolani in hac Ecclesia fecit
Pestiferamque recens
Vnctionem profcua fugavit
Ut protegat semper
Gratias læti reddite Cives*

Et dum ista cuduntur, Bononia, M. Fr. Gullielmus à Montecaluo, laudatus, atque laudandus, ita scribit: in

omni-

omnibus hisce civitatibus multum percrebuit S. Rosarij devotio, maxime post pestilentiam. Hic Bononia (qua se Rosarij Urbis nomine insignivit) in singulis angulis Rosarium, cum primis verò in templo nostro quotidie magno populi concursu recitatur.

Verum præstat nonnulla ex Magno viro Mag. Generali nostro, Fr. Nicolao Rodulfo in epistola encyclica, quam ad Ordinem univèrsam dedit anno 1631. quæque mihi hæc scribenti ad manus occurrit, brevi perstringere. is enim de mirabilibus illis, quæ sub illud tempus, sanctissimi Rosarij virtute in orbe universo patrabantur, sic propemodum edissererebat. Bononia faviente pestilentia, Civitas promisit, ac vovit Deo, Beatæq; Virgini de Rosario, si è malis eriperentur, quotannis se, in perpetuam obtenti beneficij memoriam, publica supplicatione, sedis Apostolicæ Legato, & Regimine intervenientibus, ad D. Dominici accessuros; sacrum in Deip. honorem solemne Deo facturos; vestitu, ac dote, puellas, sive ad conjugium, sive ad Religionem, donaturos. Haudquaquam irritum votum: quam exim exoptabant gratiam, feliciter affecti sunt. Plures lampadis oleo, multi rosis benedictis, alijs Rosarij recitatione, alijs ad Deiparæ Virginis Rosarij commendationem integra valetudini restituti. Iuvenis quidam peste ad extrema deductus, cum ij, quos spectat illo morbo affectos deferre ad Xenodochiam, quod S. Lazari domum vocant, advenissent, Deip. Rosarij se commendans, Sanitati statim restitutus, ad S. Dominici gratiarum actione properavit. Victoria Petri Mascarelli, eodem contagio percussa, ubi se Deip. Rosarij tutela commendasset, ex morbo convaleuit. De Angelo Gabriello conclamatur erat;

parentes circa illū Rosarium recitarunt, & factus est sanus. Hippolytus Bandellus, Laura Campegia, Anna Manzolina, Isabella Zacharina, Alexander Tabrissola, Anna Georgij, Orsina Campani, Violanta filia Io. Baptistæ Vacca, alijsq; innumeri, ope ejusdem Deipara curati sunt. Porro Civitas pro obtento beneficio eo apparatu solemnitatem Rosarij celebravit, ut magnificentia fines, ac terminos excessisse videatur. Supplicationes, sacra solemniora, munerum pretiosiorum oblationes, à paræcijs, sodalitatibus, personisq; privatis in plures dies, mensesq; protracta. Delegerunt etiam in Patronam Deip. V. de Rosario, præter Bononienses, Respublica Lucensis, Fanum, Auximum, & Perusum, Civitatem se Rosarij compellans. Genuensis Respublica, unicam adversus bellapræterita protectricem, & præsentis contagij præservatricem eandem Deiparam agnoscit. Neapolis, tota S. Rosarij devotione exardescit. Florentia, inter præcipuas pro quadragesima contra pestilentiam sanctiones, edixit, ut quotidie, hora tertiarum, vicitim B. Deip. Rosarium, Sacerdote in publica platea mysteria contemplanda proponente, domorum incola è fenestris per choros recitarent. Mediolani oleo lampadis Deip. Rosarij ingentes curationes factæ narrantur. In Gallijs, Rege Christianissimo Ludovico XIII. superstite Rupellanam arcem inexpugnabilem, in qua sese hæretici contutabantur, obsidente: Regina Parens, memorans Rosarij devotionem à Deipara V. pro hæreticis in Gallia debellandis S. P. Dominico inspiratum fuisse: Parisijs in ade nostra B. V. Annunciata, ad Rupellanos, cæterosque Ecclesia hostes devincendos, hanc devotionem promovit. Proprioq; motu, ac pietate cum regnante Regina, Regis fratre, atque alijs Principibus ad memoratam adem accedens, incipiente Parisiense

Archiepiscopo, cum populis, lacrymis & summa pietate orantibus, & victoriam de poscentibus, Rosarium recitavit. Quam verò efficaces ea fuerint preces, insignis inde, gloriosa, nulloque unquam senio obliteranda consecuta victoria, manifestè declarat. Pater M. Fr. Sebastianus Michaelis, Sacratiss. Rosarij devotionem apud Montem Pessulanum divinitus inspiratus innovavit: quo ex tempore Civitas illa ab heresi liberata, quæ prius fuerat arx munitissima hereticorum, facta est fortissimum Catholicorum presidium. Ex Chio præclara Gracie Insula scribebat anno superiori 1630. 11. Augusti, Vicarius ille Generalis, adeò per Insulam totam Rosarij devotionem invaluisse, ut jam Beatiss. V. non sine Rosarij titulo soleant nominare. Conveniunt, inquit, populi ter in hebdomada ad ipsum persolvendum devotione tanta, ut in foelicitati ducant, interesse non posse. Quibus verò diebus in Ecclesia non dicitur, à familijs in proprijs adibus recitatur. Puella infontes, sub vesperum, in Ecclesiam, Deum per Rosarium comprecatura, concurrunt. Ea devotione factum est, ut Schismatici, Ecclesia Romana hostes insensissimi, qui vix aliàs per colloquia, & acres disputationes ad illius ritum adduci poterant, jam nunc ad Catholicam fidem vi tanta alliciantur, & trahantur, ut nullus agrè elabatur mensis, quo non ex ipsis quispiam ad eam convertatur. Tot enim mirabilia, atque stupenda, Rosarij virtute patrantur, ut nihil umquàm simile Schismatici expertos fuisse dicant. Ex Sac. Congregationis de propaganda fide literis, hoc anno 1631. ad me datis, accepi, quod novi Martyres Cath. fidem, Religionemq; nostram illustrarint in Iapone; & ex Congregatione nostra India Orientalis missi à P. Fr. Ludovico de Spiritu Sancto ad Insulam quandam supra

Malacam quindecim nostrorum, quibus praeerat P. Fr. Michael Regius, ita se gesserint, ut jam laborandum non sit, qui baptizentur, sed, qui ob innumerabilem populorum ad fidem converforum multitudinem possint baptizari. Quoddam cum Monotapa, ad eos, qui nuper conversi fuissent, perdendos, centummillium hominum exercitum coegisset, illi verò ad P. Fr. Ludovicum, cùm ad arcem, confugissent: is ipsorum instantia, precibusq; permotus, collecto magno hominum numero, quos ad fidei, vitae, & larium defensionem animavit, Virg. etiam Deip. Rosarij, cujus mysteria in Christianorum vexillis jusserat representari, ope invocata, tam propitium divinum numen expertus est, ut obtenta felicissima, eaq; miraculosa victoria, in Augustali Vrbe, triumphanti Liberatrici sub nomine Rosarij Ecclesiam erexerit, & sacra Deo in ejusdem honorem pro gratiarum actione cum ingenti gaudio obtulerit. Cùm verò devicti Imperatoris Auunculum Imperij successorem instituisset, victorias illas, quibus animi Christo Domino non mancipientur, parvifaciens, octimestris spatio pro nuperi Imperatoris conversione laboravit, quem tandem cum Imperatrice conjuge, ac plurimis Regni Principibus ad fidem Catholicam perductum, Sacro Baptismatis fonte regeneravit; Imperatricemq; ex nomine matris B. P. N. Dominici Ioannam nuncupavit. Ejusdem verò Imperatoris Nepos, qui simul cum nova Christianorū messis manipulis, Goam, pro fidelium consolatione missus fuerat, ut in nostra Praedicatorum Goensi Ecclesia, omni, qua fieri posset, solemnitatis pompa baptismo initiaretur, egit S. Inquisitionis Officij Deputatus cum Lusitania Priore Provinciali. Tantum ex literis illis P. N. Generalis. Verum & pauciora quædam ex ijs, quæ in Germaniæ, Vngariæ conterminæ regionibus,

recentius ejusdem S.^{mi} Rosarij virtute contingere, mihi videor absque piaculo præterire non posse.

Constantiam Suecicus Dux Horn anno 1634. die Natali B. V. Mariæ sacro, auxiliantibus Heluetis, ex improuiso obsederat: sed licet Urbem diu noctuque, quæ tormentorum explosionibus, quæ militum assultu diu ex diversis partibus laceraret, itaut crederet hostis cuncta intro ædificia diruta esse, atque vastata: interim tamen Civibus, B. Virg. opem per Rosarij potissimum preces implorantibus, nihil, stupente hoste, illa passa est detrimendi: quin etiam ipsa Dominica 1. Octobris, ejusdem Dei Genitricis Rosario dicata, post processionem, & recitationem Rosarij, cæteraque omnia à Sodalibus ea die haberi solita, ampliori fide ac devotione peracta, à dirarctaq; efferi hostis desperantis, adeoque recedentis, per integrum mensem obsidione liberata fuit. Quam liberationem pij homines censuerunt sacris Rosarij precibus à Deo concessam; quod & Concionator summi Templi Constantiensis, è Soc. Iesu P. è Suggestu sincerè populo prædicavit. Villingensis Civitas in Sylva Ercinia cum acri obsidione à Suecister vallaretur parùm ante illa tempora vovit inter alia, Rosarij Sodalitatis, urgente P. Fr. Ludovico Ord. Min. Convent. ibidem Guardiano, institutionem. Quare, cum à nostris, eò propter hostem pergere non valentibus, indultum esset, vt Sodales inscriberentur, Archifraternitatiscq; gratijs omnibus potirentur, tanta devotione, edocente præeunteq; ipso R. P. Guardiano, Rosarij preces cum pijs meditationis ad quilibet etiam angelicas salutationes, & orationes Domi-

nicae frequentarunt, ut eo solo quasi invicto pectoris robore armati, & per visibilem B. Virg. apparitionem mirificè consolati, nihili ducerent adversarios; à quorum denique oppugnatione felicissimè B. Virginis auxilio vindicati sunt. Id ejusdem P. Ludovici libellus Rosarij germanicè editus, cum inscriptione *Villingerische Bräutwebr*, plenius testatur. Vberlingensis Civitas propè lacum Morispurgensem, Constantia trium horarum itinere distans, triennio antequàm à Duce Hòrn obsideretur, Archifraternitatem Rosarij per F. F. Prædicatores Constantienses quàm devotissimè instituendam curaverat. Sub ipsa verò obsidione anno 1635. cum jam omnia quasi essent in extremo discrimine constituta, ut de deditioe aliqui non satis in fide fortes cogitarent, & nihilominus se cum summa pietate Deo, ac B. Virg. per sacram communionem, & Rosarij preces commendare non desisterent, ecce eadem Deipara supra turrin Civitatis circumamicta Rosario, una manu Hostiam salutarem tenens, altera gladium hostibus minacem intentans, illis & nostris in clarissima luce refulsit. Qua visione hi recreati, & confirmati, illi verò animis consternati, ac per summam blasphemiam, & Albigenibus, ut prædiximus, olim usitatissimam, agentes, *meretrice illa obsistente, impossibile esse, se quicquam efficere* (ecce blasphemi inimici nostri sunt iudices) post dies paucos abcessere. Friburgi sub annum 1626. mulier per biennium circiter infirma, cum nec manus nec pedes amplius dimovere posset, nocte quadam gravius ægritudinis molestia conflictata, in Beatiss. Virginem spe majori conjecta, pro

sanitate, quotidie se duas Rosarij partes persoluturam devovit. Quæ statim incolumitati reddita, die insequente ad templum Prædicatorum sospes accessit, & Deo, ac B. Virg. [gratias agens, quæ secum contigissent, Patribus enarravit. Styra superioris Austriae Civitate, anno proxime præterito 1636. mulier olim hæretica, ad fidem conversa, & Sodalitati Rosarij inscripta, paulopost gravissimè infirmata, pedum, ac manuum usum amiserat, neque tamen Rosarij recitationem omisit. Cum verò inter orandum sæpius quasi extra se raptà à circumstantibus visa fuisset; narrabat post orationem, B. Virg. cum Iesulo infante sibi apparuisse, magnasque consolationes impertivisse: proinde durante ægitudine vehementius semper oravit, felicissimam se æstimans cum ea infirmitate talibus frui Coeli delicijs. Sed nocte quadam, cum quasi agonizans apparuisset, à duobus P. P. Societatis fuit visitata, quibus loquentibus, & interrogantibus, ut assolet cum in agone constitutis, ne verbum quidem respondit, tota in Rosarij preces abstracta. Illis autem absolutis, extendens sensim manus, ac pedes, in integrum sanitati restituta, Deo, & B. Virginicum summis laudibus gratias persolvit, quod per eandem Deiparam non solum corporis salutem recuperasset, sed & de Catholice fidei mysterijs fuisset instructa. Hem Catholice, Pieque Lector, mirabilia magna, quæ ad depellendam pestilentiam, hæreses, & infidelitatem profligandas, victoriam, atque hominis utriusque salutem impertiendam, Rosarij merito hisce etiam diebus Deus nusquam non operari non ces-

sat.

fat. Haudquaquam dubitem, quisquis hæc piè sincere-
que perpenderit, quin ad hanc Deiparæ devotionem san-
ctè affectus, ac certissime cuiquam nullo vnquam tem-
pore auctor futurus sit, ne adeò sanctum, salubreque
institutum, ubique, & in ijs potissimum plagis, quæ varijs
obnoxia sunt calamitatibus, quoad fieri possit, promo-
veatur. Sanè quemadmodum B. Virgo Deipara, sui hu-
jusce instituti cultores mirificè fovet, & adiuvat; ita ip-
sum inane, ac leve existimantes, valdè sibi displicere, sæpè
significavit, neque inultos esse permisit, vt ex annalibus,
alijsque monumentis, studiosis promptum est contueri.
O utinam vox mihi, tubæ, aut potiùs tonitruï instar ob-
tigisset, qua vniversos populos, præcipuè quos Vngarici
Regna corona umquam complexa est, ad saluberrimum
hoc orandi genus toto pectore capeßendum, frequen-
dumque concitarem. Utinam iterum autem utinam,
foelicissimum hoc institutum in eodem quàm citissimè
refloresceret Regno: sperarem enim indubiè aliam ejus
faciem brevi conspectum iri, vt alia erat, cùm magna ibi-
dem devotione populorum excolebatur. Certissimè
enim persuasum habeo, B. Paulum absque illo Ordinem
nostrum in sua Patria nec instituisse, nec propagasse, qui
per omnia Præceptorem suum Beatiss. Patrem Domini-
cum conatus imitari, totus non esse non posset in ampli-
ficando cultu, & devotione Sacratissimæ Deiparæ, Vn-
gariæ Patronæ, & quidem ritu ab ipsa tradito, adeoque illi
gratissimo, nuperi Ordinis peculiari, signis, portentisque
celebri, & ad quæcumque beneficia cælitus obtinenda
vsquequaque efficaci. Nec credibile est, minus pater-

Exoniz
anno
1218.
n. 10.
& an.
1247.
n. 28.
Lore-
ter in
thesau.
ro 4
pag.
287.

*Bulla,
Monet
Apo-
stolus
cit.*

næ hæreditatis tuendæ & excolendæ, Vngariæ, quàm reliquarum Provinciarum Patres studium tenuisse, præcipuè cum Beatus ille Alanus hortante Deipara, per totam Germaniam, adeoque Europam, Rosarij ritum denudò excitavit, & longè lateque diffudit. Quod si per varias Orbis regiones, Italiam, Hispaniam, cœterasque, in quibus viget Catholica fides, vix oppidum, aut pagum invenias, in quo non sit hæc sancta Sodalitas complantata, cur putemus, in Vngaria, in Dominicanis saltem domibus non extitisse, præsertim cum in Ordine toto, fundato Conventu, fundata & Sodalitas semper habeatur? Profectò, quòd prima cujuslibet mensis Dominica die, processiones Rosarij Sodales habere soleant, colligit Su. Pont. Gregorius XIII. prima Dominica die Octobris anni 1571. per totum Christianum orbem habitas Rosarij processiones: quæ sanè nulla esset illatio, nisi in toto Prædic. Ordine, qui per totum orbem Christianum diffusus est, Rosarij Sodalitates ad minimum extitissent. A fide dignis accepi, Tyrnaviæ, in æde S. Ioannis Baptistæ, quæ olim ad Prædicatores spectabat, Iconem Beatiss. Virg. de Rosario, cum ob excitatum incendium cœtera quæque conflagrassent, illæsam divinitus ab igne fuisse præservatam. Verum enim verò, etsi jam cum extincto Ordine, in Vngaria, (si prorsus extinctus dici possit, superstitie pientissima adhuc vna Sanctimoniali) extinctam ploramus & societatem; vtrumque tandem quadantenus restitutum iri speramus; nec sine causa, cum pro utroque igniculos in piorum animis passim excitari videamus. Illustrissim⁹, & Rever.^{mus} D. Georgius Jakosich, ex Sirmiensis jam nunc

Vespri-

Vesprimiensis Episcop⁹ Digniss. dùm Romæ esset superio-
rib⁹ annis, sacris hujusce Sodalitatis precibus, & exercitijs,
quæ summo exemplo, & devotione per totam Italiam
habentur, piè affectus, ab Ordinis nostri totius Superio-
ribus illius fundandæ in Vngaria facultatem, (vt ipse
narrabat) exoravit. Pijssima æquè atque Illustrissima D.
Comitissa Catharina Palffy, Illustrissimi D. Comitis Si-
gismundi Forgaz, Vngariæ Palatini relicta, de eodem In-
stituto Tyrnaviæ anno proximè præterito 1636. erigendo,
vbi prius libellum Rosarij R. P. Fr. Eustachij Mayer S. T.
Præsent. & de ipsa Sodalitate opt. meriti, è germanico in
Pannonium vertendum curasset, pecuniamque pro O-
ratorio in ea re necessariam designasset, agebat; cujus
votis si aliorum, qui obierunt, voluntas, & animus non
obstitisset, hodie rem perfectam læti conspiceremus.

CAPVT VIII.

De Peregrinantium Societate.



Eleberrimæ Ordinis Prædicatorum Peregrin-
antium Societatis cùm pars non minima
fuerit Vngarica Prov. illam præterire minimè
æquum esse censemus. Ea fuit Fratrum Or-
dinis, ad infidelium conversionem, in Orientalibus præci-
puè regionibus degentium, ex varijs Orbis terræ plagis
commeantium congregatio. Putant aliqui initium du-
xisse sub annum Christi. 1222. alij anno 1255. quan-

l. Exo-
anno
1325.
n. 11.
Plod.
2. p. in
prou.
tract.
de Con-
gregat.
notatio
ne 3.

extant
ea litc-
ra in S.
Ant.

3. p.
hist. tit
23. c.
13. pa-
rag. 4.

p. 3. l. 4
n. 12.

do ex omnibus ferè Ordinis Provincijs, literis B. Vmber-
ti V. Ord. M. datis eodem anno ex Capitulo Gen. Medio-
lani celebrati, excitati Fratres, ad illas regiones magno nu-
mero commigrarunt.

Verùm ante Vmberiti Generalatum primordia-
duxisse certiùs existimarim, cùm anno 1253. Innocen-
tium IV. fratribus Ordinis in Saracenorum, Paganorum,
Græcorum, Bulgarorum, Cumanorum, Aethiopum,
Syrorum, Iberorum, Alanorum, Gazarorum, Gotho-
rum, Zicicorum, Ruthenorum, Iacobitarum, Nubiano-
rum, Georgianorum, Armenorum, Indorum, Mosteli-
tarum, Tartarorum, Vngarorum majoris Hungariæ,
Christianorum captivatorum apud Turcas, aliarumque
Orientis infidelium partes proficiscentibus literas dedis-
se, earum descriptis exemplaribus, ostensum sit. Mibi
credibile fit, cœpisse, ex quo per B. Paulum Hungarum,
Sociosq; ejus, Cumanis populis Christi verbum cœpit an-
nunciari: inde enim ad alias etiam barbaras, schismaticas,
& hæreticas gentes, cùm traducti, tùm submissi fra-
tres, ab illo tempore nunquam intermiserunt verbum
salutis infidelibus annunciare, & dogmata sinceriora as-
severare hæreticis, & schismaticis, ea non tantùm fiducia,
constantiaque, quam per martyria frequentia ostende-
rant, verùm etiam, qua par fuerat, integritate, & sinceri-
tate. Quamobrem, cùm multos vberesque Evangelij
fructus, per lucra animarum, quas Christo, & Ecclesiæ la-
borib⁹ suis adjunxerant, reportassent, & in ingentem mul-
titudinem inter eos populos fœliciter excrevissent, judi-

carunt

carunt è re fore, si sub vno capite jungerentur, quo facilius sancta illorum studia, & opera dirigi possent. Cùm itaque longo tempore nullum caput, præter Generalem Ordinis, Summumq; Pontificem agnoscentes, sejuncti fuissent, Ioanni 22. Papæ supplicarunt, vt eos in vnum corpus Societatis alicujus reduceret, Vicariumque eis, vel Prælatum aliquem Generalem præficeret, à quo facilius directi, acrius ad opus inflammarentur; sub ejusque cura, & vigilantia, huic vni operæ incumberent, vt gentiles, cæterosque errantes populos, possent à tetra caligine ad veritatis lucem traducere. Porro Pontifex, non modò justè postulata non negavit, sed & anno Christi 1332. datis literis, quarum initium est, *Gratias agimus*, summas pro laboribus, quos in amplificanda, tuenda, expurgandaque fide illic posuerant, grates Deo habuit, multis ingentibusque privilegijs illos umulavit; Generali M. Ordinis, Vicarium super eosdem Peregrinantes inter gentes instituendi potestatem fecit. Generalis, Vicario instituto, eos Socios peregrinantes, eorumque Congregationem, Societatem Peregrinantium nuncupavit. Non tamen eis tunc Conventus assignavit; sed, vt diversarum Provinciarum Priores provinciales, fratres ab eodem Vicario generali requisitos subministrarent, injunxit: à quibus proinde ad Evangelij prædicationem vitæ integritate, & doctrinæ pietate præstantes viri destinabantur. Gregorius deinde XI. anno Christi 1378. illiusque temporis Generalis, eis decem Conventus ex propinquiorebus Provincijs Græciæ, Hungariæ, & Poloniæ; Hungarica quidem Ceretensem, Pansutensem, Pri-

Habetur in
Bulla-
rio Gen-
Vsum
ris à fo-
lio 84.
data
anno
14. Pæ-
tificat9
ad edg.
1332.

Plodig
lococit.

micellentem, in Moldavia, & Valachia existentes: ex Polonica, Leopoliensem, Camenecensem, Smoticensensem; ex Greca, Cassensem, Chienensem, Constantinopolitanum, Perensem assignavere: quo denique laboribus fessi, & senectâ debilitati, loca quædam haberent, ad quæ sese recipere possent, in ijsque confoveri. Peregrinationis eorum nullus certus limes, cum & in Persidem, & in remotiores alias partes penetrarent, totum ferè Orientem peragrantes. Potestati Vicarij generalis pro tempore subiecti, cui, vel quid juberet obtemperabant, neque pedem, præter ejus jussionem, aut linguam movebant. Diù, multumq; florens ingens Ordini decus, & maximam Ecclesiæ peperit vtilitatem; ob quam plurimi ex ea sanguinem intrepidè fuderunt; Optimates, Principes, Reges, Imperatores Ecclesiæ addicentes, Magnum etiam Canum Tartarorum, ad fidem, & Paleologum Imperatorem Orientis, ad unionem ecclesiasticam perduxerunt; perindomitas, efferatas, expertesq; ut plurimum totius humanitatis gentes interfecerunt: domosq; ubiq; ædificantes in immensum excreverunt. Plurimi ipsorum in illis regionibus Episcopali, Archiepiscopaliq; dignitate fulserunt, ut ex Ioannis 22. Pontif. M. diplomate colligi datur. Multi Sanctæ Inquisitionis contra hæreticam pravitatem munus objuerunt. Ingentibus illi Privilegijs ab innocentio 4. & Nicolao 4. bulla *Cum sit hora dici undecima*, Joanne 22. *Gratias agimus*, Gregorio II. *Qui relictis parentibus*, Eugenio 4. *Plantatus olim*, Pio 2. *Dum levamus*, Sixto 4. *Apostolica servitutis*, cumulati. Acclicet, Plodio teste, Asia à Turcis occupata, cœsis Perregrinan-

Bulla
Inn.
apud
Fufina-
vis f. 30
Nico-
lai f. 64

nantibus, locisque ipsorum magna ex parte destructis, anno Christi 1456. in Gen. Capitulo Montepessulanensi sub Fr. Martiale Auribelli Ord. Mag. Congregatio fuerit penè extincta, qui superstites ex ea, ad suas Provincias remeaverint, jamque dicti Conventus, Provincijs, è quibus fuerant accepti, restituti; certum nihilominus est, iterum à Pio 2. (cui qualemqualem extinctionem magnopre displicuisse, proindeque Martiali infensum fuisse scripserunt nonnulli) anno Christi 1464. reparatam, & in vnum corpus reductam fuisse cum gratijs, & privilegijs longè amplissimis, & restitutione Con. præcipuè ex Lituaniam, Russia, Ypodolia, qui ad Polonia: Moldavia, & Valachia, qui ad Vngariae Provincias reducti fuerant, subjectioneque ad illius Vicarium: quem etiam deputavit, & constituit hæreticae pravitate Inquisitorem in partibus orientalibus tam fidelium, quàm infidelium, & quàm maximè in Civitatibus Caffæ, & Pera, Cbÿ, & in terris Saracenorum, Paganorum, Gracorum, Bulgarorum, Cumanorum, Aethiopum, Iberorum, Alanorū, Gazarorum, Gotthorum, Zirorum, Ruthenorum, Syrorum, Iacobitarum, Nubianorum, Nestorianorum, Georgianorum, Armenorum, Indorum, Agolesticorum, Tartarorum, Carelorum, Hungarorum majoris Vngariae, & aliorum, qui nondum Sacramenta fidei perceperant &c. cum potestate, ut idem Vicarius, & Inquisitor alios Inquisitores hæreticae pravitate in Provincijs, de quibus sibi videretur supradictis substituere, & ordinare valeret. quæ omnia Sixtus 4. confirmavit, & amplificavit anno 1473. Icones, & præcipuorum altarium imagines illis erant stans Salvator cum Cruce, plagis, sanguineque; madens, à lateribus, B. Virgo,

Ioannis
f. 84.
Eugeny
103.
P. 141
Sixti
141.
Grego-
rii apud
Redri-
que in
bulla.
rio pag
62. Au-
tor li.
m. f. de
Prou.
Russia

& S.

& S. Ioannes Evangelista, juxta quos Divi Petrus, & Paulus Apostoli: paratos sanguinem fundere pro Christo, & pro sede Apostolica legatione fungi: atque, quod iidem Sancti Apostoli Petrus, & Paulus, B. P. Dominico, filiisq; ejus, vnus cum baculo, alter cum libro, ijs verbis *Vade, predica verbum, ad hoc enim electus es*, demandarunt, exequi sese significantes. Sigilla etiam ipsorum, nudum Salvatorem, sanguinem è latere derivantem referebant. Habitui Ordini Prædicatorio communi, rubri coloris pileos, cingulos, caligas, & calceamenta, ex Innocentij IV. indulto superaddebant. Sic sancti Vincentij quasi socij Peregrinantis depicta Leopoli docet imago: sic Patris cujusdam cadaver, ante majus altare anno Christi 1567. ibidem repertum, quod mox contactus dissoluit, attestatum, ijs porro symbolis, Sanguinis Christi pro salute hominum fusi, ac sui quoque pro ejus gloria fundendi perpetuò monebantur. Leopoli præcipuus erat eorum Conventus, in quo Comitia celebrantes, graviora negotia definiebant. Et si verò varios status pro temporum condicionibus experta fuit societas, adhuc tamèn anno Christi 1553. cum suo Vicario, Fr. Benedicto de Filicaria Florentino, superstes fuisse ex act. C. G. Romæ illo anno celebrati luce clariùs apparet, cùm dicitur: *Confirmamus in Vicarium Societatis Peregrinantium, P. Fr. Benedictum de Filicaria Florentinum, vsque ad aliud biennium, & ultra, ad beneplacitum Reuer. mi Generalis, cassantes, & annullantes quamcunque uniozem hactenus factam præfata Societatis cum nostra Prou. Gracia.* Tantùm de insigni hac Societate, quæ in B. Paulum, primum Vngariæ Pro-

Cap.
Gen.
anno
1553.
tit. Co-
firmati
ones.

viacia-

vincialem, Cumanorumque Apostolum, originem refert, & ex Fratribus, atque Conventibus ejusdem Provinciae coaluit.

CAPUT IX.

De Provincia Vngarica reformatione.

Reformatio, in Religiosis Ordinibus vocatur, collapsae disciplinae regularis, morumque, ad regulam, & leges primorum Institutorum reparatio. Vix autem Ordo est, aut fuit aliquando in Ecclesia, in quo longo temporum tractu illa opus non fuerit, ut experientia rerum magistra semper ostendit. Naturam siquidem humanam tanta ex peccato primorum parentum invasit corruptela, ut eadem veluti maximo pondere deorsum assidue pressa, in calcanda virtutis via lassata, ad pristina vitia facile relabatur. Quod perpendens Apostolus, ad continuam reformationem, renovationemque spiritus, & morum, fideles exhortabatur. *Reformamini, inquit, in novitate sensus vestri, ut probetis, quae sit voluntas Dei beneplacens, & perfecta.* & alio loco: *Renovamini spiritu mentis vestrae, & induite novum hominem, qui secundum Deum creatus est in iustitia, & sanctitate veritatis.* Verum enim verò pestilentia illa ingens, quae ab anno Christi 1348. per totam ferè Europam grassari coepit, maximam, morum, & pietatis Ordinibus univèrsis attulit vastitatem. Devoravit illa majorem Europae partem, cum primis Galliam, Germaniam, Vngariam, Hispaniam, Italiam, in quibus loca pleraque

ad Rom.
12.

ad Eph.
4.

Discursus
est
Plodij
p. p. uir
illust.
col. 358
post Ca-
stillum.

adeo

adeò depopulata est, vt mortalium nemo reliquus fuerit superstes. Templà, cœmeteria, agri, humanis cadaveribus deficiebant; & (quod erat gravius) quoniam ad vestis duntaxat attactum lues contrahebatur, non erat, qui traderet sepulturæ: proinde non homines tantum, sed & domestica animantia, relictis ædibus, ad loca deserta se recipiebant. Pestilentia succcessit fames, quòd propter auræ intemperiem agrum excrecere nullus auderet. Maximo interim numero è vivis religiosi decesserunt, atque cum ipsis legum sacrosanctarum observantia per omnia ferè pereunte, ex incauta multitudine, proprietatis, inobedientiæ, vanitatumque vitia in omnium ferè Ordinum Cœnobijs irrepere. Nam cum illa adeò deserta essent, ac desolata, vt penè Ordo vnusquisque putaretur extinctus, qui superfuerant, suæ Religioni inclementer misericordes, cuiusque generis hominibus, pueris, adultis, senioribus, ineruditis, ineptis ad habitum suscipiendis, ne penitus Ordo periret, operam dare cœperunt: & ad hoc quidem necessitate quasi quadam compelli videbantur; sed & quadam boni apparentia in gravius illos erratam induxit. Vt enim huiuscemodi homines eruditionis, patientiæ, ac spiritus parum compotes devincerent, omni eis commoditate libertateque indulta, pravè ipsos educarunt, fore sperantes, vt ea ratione ad leges, statutaque servanda redderentur aliquando promptiores. Verùm serò (heu) noverunt, ex otiositate, atque delicijs, nihil boni fructus colligi potuisse, multorumq; irreligiositatem pauciores etiam extra regularis observantiæ normam abripuisse. Quapropter

paucis

paucis adhuc bonis viris illis, qui ex contagio residui fuerant, occumbentibus, obliterated planè fuit rigor Patrum antiquus, & novus absque legum, & superiorum ratione vivendi modus inductus. Exilio pulsa fuerant jejunia, vigiliae, silentium; carnes per refectoria excurrabant; in cellis proprietas, undique dissolutio vivebatur. Iam nulla clausura, exhibant pro voto è coenobio universi; genio indulgebant, illorumque complures praedia, & redditus possidebant. Tanto infortunio, tamque ingenti clade indoluerunt vehementius praecleari quidam & sancti viri, qui quamquam rari, in diversis conventibus residentes, & plangentes singuli secum contritionem populi sui, & civitatis sanctae lamentabantur: atque omni, quo valere conatu, cadenti matri ingenti vitij indicto bello opitulari adnisi sunt. At verò cum majus esset malum, quàm ut soli homines illud penitus propulsare valerent, Deus etiam efficaciora, per damnatorum quorundam, qui jam è vivis excesserant, apparitiones, (ut scripserunt aliqui, etsi alij non sine ratione ejus historiae fidem inficiantur) perque B. P. Dominici oraculum, quo & orantes fratres, filios suos, & se rogatum, Parentem illorum palàm esse negavit, remedia clementissimè dignatus est adhibere. Quibus è diuturno lethargo tandem excitati, vita in melius commutata, in totius Ordinis Provinciis, strictiori sanctioniq; ad sacrosanctarum legum amussim observantiae sese addixerunt. Ac uti res foeliciores successus haberet, viros Deus, zelo, pietate, prudentia, eruditione, constantia, verbo signisque potentes excitavit, qui tanquam belli antesignani,

affir-
mant
Senen.
in Chro.
pag 199
Plodi9
p.p.col.
358.ne-
gat in-
ter ali-
os Ioan-
nes Lo-
pez Ep.
Monop
Centu-
ria 3. in
princ.
ex pro-

E e e e

& Duces,

seſſo a-
gens de
illa ap-
pariti-
one.

& duces, cœteris anteirent. Tales ex Italia Beati viri, Raymundus Capuanus Mag. Ordinis, Ioannes Dominici Florentinus, Marcolinus Forolivienſis, Nicolaus de Ravenna, Thomas de Senis, Robertus de Neapoli, Hieronymus à Fulgino. Tales in Germania, Conradus de Groſſis Prutenus mirabilium magnalium patrator, Franciſcus Rethza, Ioannes Nider, Iacobus de Aſſendſa, Iacobus Stubach, S. etiam Theologiæ Doctores & Profeſſores, Univerſitatis Vienneniſis ab ipſo ferè initio & deinceps luminaria magna; è quibus Niderius in prima Con. Vienneniſis ad regularem pietatem institutione præcipuè commendatur. nam in m. s. quodam ejuſdem Conventus monumento ſic ſcriptum reperio. Anno 1434. in die ſanctorum Martyrum Kiliani, & Sociorum ejus, reformatus eſt iſte Conventus per Patres Convent. Nürumbergenſis. Inſtitutor verò regularis vite hic fuit eximius Sac. Theolog. Profeſſor Magiſter Ioannes Nider, Conventus Columbarienſis, in hoc quoque Conventu ſub eximijs Magiſtris Franciſco de Rethza, atque Henrico Röttſtock, ſtudio educatus. Cooperabatur autem ad reformationem plurimùm Sereniſſimus Do. ac Illuſtriſſimus Romanorum, Vngarorum, Boemorum Rex, atque Archidux Aſtrie, Dom. Albertus. Nec minus illuſtres alibi, qui collapſam monaſticam vitam, verbo, & exemplo erexerunt ubique, ſuſtentaruntque. Porro ſtudio, ac zelo Patrum Conventus Vienneniſis reducem fuiſſe, in Hungaricam Provinciam ſtrictiſſimam regularis diſciplinæ normam, ſub annum Chriſti 1453. tribus de cauſſis potiſſimùm compertum habeo. I. quoniam celebriſ per ea tempora erat ejus Cœnobij religio, ita ut

inde

inde Fratres ad alios Conventus reformandos passim as-
 sumerentur. Ratisponensis siquidem, Frisacensis, Bru-
 nensis Con. & Offenhufensis Monasterij reformationem M.
 Fr. Jacobo Stubach, Primario Academiae Viennensis Pro-
 fessori demandatam fuisse, constat ex literis ad eum à
 Generali Mag. Ord. Fr. Leonardo Mansueto anno Christi
 1475. die 5. Iunii, alijsque antea Superioribus ex com-
 missione Gen. Mag. Fr. Marialis Auribelli 1465. 7. Iulij
 datis, quæ in vetusto quodam m. s. Conv. Viennensis
 codice exaratae leguntur. Budovitiensis, aliorumque
 in Boemia, instante Matthia Rege Vngariæ & Boemiæ,
 per Gen. Mag. Fr. Leonardum Mansuetum, Fr. Petro
 Fuldaer Viennensi, ac deinde Fr. Chrysostomo S. Th.
 Profess. ex eodem Conventu, viro ab eodem Rege de
 prudentia, zelo, sancta conversatione, probata vita, sana
 doctrina, regiminis experimento, discretione, alijsque
 virtutibus plurimum commendato, cum opportuna fa-
 cultate, & auctoritate, anno 1478. die 18. Aprilis fuit
 injuncta. 2. quia inferius dabo Superiorum in Pro-
 vincia Vngariæ literas, & alia, quæ id manifestant. 3. quia
 Fratres Viennenses pro feliciore sub id temporis in Vnga-
 riam introductæ strictioris observantiæ successu, F. Au-
 gustinum Zagrabiensem, ad Curiam Romanam direxe-
 runt, cum Aeneæ Sylvij Senensis Ep. postea Summi Pon-
 tificis, ad Magistrum, & Procuratorem Ordinis, Pontifi-
 cemque Max. literis; quas, pro rei gestæ confirmatione,
 atque Conventus Viennensis, (in quo septennium & am-
 pliùs, ab anno nimirum 1630. ad præsentem vsque 1637.
 Nonis Octobris, Deo, quanquam indignus, studui fa-

mulari) æterna memoria dignis laudibus à viro tanto celebrati commendatione, hic lubet ad verbum exarare.

Ad Generalem Ordinis Prædicatorum.

Reverendo in Christo P. Fr. Martiali Auribelli, S. Th. Prof. ac Ordinis Prad. Mag. Generali Digniss. Amico nostro honorando.

ex m. s.
lib. an-
tiquo
multa-
rum e-
pisto-
larum
Conu.
Vien.

Aeneas, Dei gratia, Episcopus Senensis, ac Imperialis Consiliarius. Reu. in Christo Pater, Amice honorande. Quamvis ea, quæ vestri saluberrimi, & Deo acceptissimi Ordinis augmentum, atque honorem concernunt, cura vobis esse minime dubitemus: singularis tamen affectio, & ardor immensus, quo vestram prosequimur Religionem, veluti stimulus quidam, nos urget, ut fratres vestros dignationi vestra ex superbundantia commendemus, quos boni operis cupidos, & ad fructificandum in agro dominico ferventes esse conspeximus, quales sunt fratres Australica nationis, & præcipue Conventus Viennensis in Austria, inter quos viget excellens doctrina, & vita mundicia laudabilis: ita ut odor eorum, sicut odor agri pleni, cui Dominus benedixit, cunctos in circuitu latificet. ij nunc propter nonnulla negotia pia, & occasione pauperularum plantationum in Regno Ungaria noviter introductarum, quæ per Dei gratiam, jam florere incipientes, fructus uberes in horreum Domini repromittunt, Honorabilem Fr. Augustinum de Zagrabia, Cursorem Sententiarum, ad vestrum conspectum dirigunt. Cupientes igitur votis dictorum fratrum geri morem, rogamus obnixè, ut eundem Fr. Augustinum de Zagrabia, cum ad præsentiam vestram venerit, & audire benignè, & in commissis sibi negotijs ita exaudire dignemini, ut præsentis nostras

Casium

apud

apud P. V. R. efficaces fuisse percipiant. Id erit nobis, super-
quam dicere possumus, gratum: studebimusque pro nostra vi-
rili, ubicunque fuerimus, sive hic apud Cæsarem, sive in Rom.
Curia apud Max. Pontif. sic agere, ut & V. P. nos deditos, &
Ordini vestro affectuosissimos omnes intelligant. Dat. in
Nova Civitate Austria, die 10. Novemb. anno 1453.

Procuratori Ordinis Præd. in Romana Curia.

Aeneas, Dei gratia, Episcopus Senen. Imper. Consilia-
rius, Venerabilis, Amice Chariss. Venit ad Rom. Curiam Ho-
norablem Fr. Augustinus de Zagrabia, Cursor Sententiarum,
quem mittunt Fratres Conventus Vienn. Provincia Austria
Ordinis u. super nonnullis negotijs pijs, & aliquarum planta-
tionum in Regno Vngariae noviter introductarum, qua, cum
sint honesta, & salubria, dignum putavimus, ut ea Sanctiss.
D. N. literis nostris commendaremus. Verum, quia is facile
non poterit sine vestro favore expeditionem huiusmodi rerum
obtinere, hortamur, & rogamus V. R. quatenus, ultra favo-
rem, quem ratione Ordinis u. dicto Fr. Augustino imparte-
mini, etiam nostro intuitu sibi assistere velit, & ejus nego-
tia promovere: ita ut Fratres præfati Conventus, quibus plu-
rimum propter suas virtutes afficimur, scripta nostra sibi ali-
quid intelligant profuisse. Id erit nobis singulariter gratum,
paratis, ubicunque facultas se offerat, vicissitudinem reddere.
Ex Nova Civitate die 10. Novemb. 1453.

Ad Summum Pontificem.

Beatissime Pater, & Clementissime Dom. post deuota
pedum oscula beatorum, & humilem recommendationem. Mit-
tunt ad Sanctit. V. Fratres Conventus Vienn. Ord. Præd. Ho-
norablem Fr. Augustinum de Zagrabia, Cursores sententia-

rum

rum, propter nonnulla negotia pia, & præcipuè occasione quarundam plantationum in Regno Hungaria, noviter introductarum sub reformatione regula, qua jam illic erat omnino aboletæ. Sanctus eorum zelus mihi videtur, & Apostolico favore dignissimus. Eam ob causam, quamvis benè agentes ad conspectum V. Sanctit. semper facilem habere aditum soleant, & gratiam inveniant; quia tamen Conventus ille Viennensis, doctissimis viris, & Deum timentibus, ac Sedis Apostolica devotissimis refertus est, debitum meum existimavi, eorum petitiones Beat. V. meis literis efficere commendatas, cum ipsos nossem de Romana Eccl. benè merentes, & talis vite, qualem placere Culmini V. non dubitarem. Scriberem plura, nisi scirem illius Conventus mores, & observantias jam dudum vestram novisse pietatem, cujus pedibus me cum illis devotissimè recommendo. Ex Nova Civitate Austria, die 10. Novembris, A. 1453.

Demandatam autem Roma tantæ rei provinciam M. Fr. Leonardo de Valle Brixinensi, Primario Viennensis Academiae Profess. anno insequenti 1454. apparet ex eo, quod is ipse in libro m.s. Vien. Bibl. quem de Corpore Christi, & Communione laicali contra Hussitas composuit, valedicens Magistro Civium Viennensium, ei quælibet offerens, ad Conventum Cassoviensem pro sanctæ reformatione à Generali designatum, eo ipso anno, cum alijs se proficisci, Buda in hæc verba scribebat.

Spectabilis mi Domine Magister Civium Civitatis Viennensis, Miles per strenue. De beneplacito Gloriosissimi Domini nostri Regis, nec non & Reverendissimi Dom. Cardinalis Legati Archiepiscopi Strigoniensis, atque ex rogatu Domino.

rum Civium Cassoviensium, ex commissione quoque Reverendissimi Pat. Generalis Mag. Ordinis nostri, jam cum Fratribus aliquot iterfacio ad reformationem Conventus nostri Cassoviensis. Rem itaque, quam Dominatio vestra petiit, mitto; qua utinam alicui prodesse possit ad efficaciam salutarem. Plura intendebam scribere, sed transitu illo obfistente, expectare cogor meliorem opportunitatem. Feliciter valeat Dominus, & Fautor meus semper venerandus, in Domino Iesu. Datum Buda die septima Iunii, anno 1454. Frater Leonardus de Valle Brixin. Ord. Prad. Conventus Viennensis, Regens inutilis in Facult. Theologica Universitatis Viennensis.

Nec moveat, quod supra hoc epistolium in libro lineae diducta appareat: id enim, ne opusculum multum aestimatum, elaberetur ex Ordine, factum duntaxat. Profectum enim, & impositum sibi munus per triennium strenuè obijisse, etià insequentibus Fr. Iacobi Riech Basileensis, Mag. Fr. Leonardi Successoris, literæ ad Fratrem Umberto Lectorem Con. Cassoviensis, ex Provincia Ungariæ, quæ in codice epistolarum jam præcitato leguntur, manifestè testantur. Eæ sic habent.

In Dei Filio sibi Carissimo, Fr. Umberto, Lectori Conventus Cassoviensis, Ordinis F. F. Pradicatorum Provincia Ungariæ, Fr. Iacobus Riech de Basilea, ejusdem Ordinis, ac per Provinciam prædictam Conventuum reformatorum Vicarius Generalis, Sal. & semper incedere per viam salutis. Propter causas spirituales non leves, necesse est, me per tempus aliquod extra Provinciam Hungariæ esse. Ne ergo propter meam absentiam Conventus reformati jam dictæ Provincia aliquos in consolatione, & visitatione defectus patiantur, cum

fortasse
speciales

in litera Magistri Reverendissimi mea institutio in officio continueatur cum auctoritate substituendi, tenore presentium, Vos, de cuius religiositate, & experientia in agendis, plenè multorum Patrum approbatione confido, meum substituo Vicarium super omnes Conventus reformatos, juxta omnem auctoritatem, & cunctas particulas in litera Magistri Reverendissimi meae institutionis inclusas, (cujus transumptum sub sigillo autentico apud vos est) usque ad reditum meum ad ipsam Hungariae Provinciam: in remissionem peccatorum vestrorum committens vobis, ut singulari sagacitate vigilare velit super Conventus per Rev: Magistrum Leonardum reformatos, ne à vita regulari declinent: et, si quos invenietis, ut fertur de Conventu Gilnizensi, ad pristinum statum vitae regularis reducere satagite. Mandans auctoritate Mag. Reverendissimi, in virtute Sanctae Obedientiae Praesidibus, & Fratribus Conventuum reformatorum supradictae Provinciae, ut Vobis, tamquam habenti plenariam auctoritatem Mag. Reverendiss. obediant ad effectum. Valete, & Fratrum orationibus me recommendate. Datum Budae manuprop. sub sigillo, quo utor, 17. die mensis Julij, an. Domini 1457. Apparet ex hisce literis, non unum aut alterum, sed plures in Vngaria Conventus M. Fr. Leonardum per triennium circiter, ab anno sc. 1454. usque ad 1457. ad strictioris vitae normam traduxisse. Favebat ijs temporibus inclytadomus Viennensis stanti Vngaricae Provinciae, promovebatque pietate, atque doctrina, (nec immerito, quæ inter cœtera sciret, in lapidibus Vngaricis angularibus pretiosis jacta olim fuisse, anno sc. 1225. prima suæ sanctitatis, eruditionisque exordia, & fundamenta:) eadem

diebus

diebus huius Studij generalis proventu, & strictioris disciplinæ rigore (qui aspirante, juvanteque Deo, ac Reverendiss. P. M. Ordinis Gen. Fr. Nicolao Rodulpho, seriò & efficaciter perurgente, denique anno Christi 1634. à die festo Exaltationis S. Crucis, ipsis primis mensibus Prioratus A. R. P. Fr. Georgij ab Herberstein, jam Teutoniæ Provincialis Dignissimi, quando & novum Templum nostrum divinis laudibus cœpit frequentari, postliminio reductus est) clarissima, avitæ virtutis æmula, consurgenti de pulvere, auxiliares haud dubiè manus porrigere non cessabit. Et verò strictioris, ac sanctioris disciplinæ cultu, atque virtute, sanctitatis fama quaquaversum pervagante, adeò Vngarica Provincia promovit, ut magno numero intra 33. annorum circiter spatium Conventibus & Monasterijs multiplicatis, necesse fuerit illam à Dalmatina separatam in unum corpus per se redigere; exindeque plura constrinxerit loca, quàm ubi ante reformationem Dalmatinæ erat adjuncta. Tanti scilicet valet ad Ordinis amplificationem, veræ solidæque pietatis exemplum.

CAPUT X.

*De Inclinatione, reparatione, & everfione
Provincia Vngariæ.*



Reformata Vngariæ Provincia, doctrinæ, & pietatis laude eminebat ad clavis usque Mohacianæ tempora; cum anno Christi 1526. universo nobilitatis nervo, & flore, ab innumeris

Io.
Coch-
laus li.
San-
narum
Luthe-
ri c. 9.

Turcarum myriadibus absumpto, Rex ipse Ludovicus II. dum fuga sibi consulere niteretur, in profundam paludis voraginem vnâ cum equo demersus interiit. Inde hostibus universa sacra, profanaque occupantibus, demolientibus, (nam & sacratas Deo ædes nostras in stabula convertere) desolati Provincia sensim, & extingui. Nec minorem stragem accepit ab hominibus acatholicis, Luthericolis, Calvinicis, Anabaptistis, Arianis, (forsitan & Atheis) per regionem (sive quâ Turcarum manus evasit, sive quâ ex eis recuperata fuit) agmine magno sese infundentibus; quibus Fratres Prædicatores, qui ob Sanctæ Inquisitionis contra hæreticam pravitatem munus, eis se validius opponerent ex adverso, præ alijs invisi fuere. Nam & Lutherus nuperorum Sectariorum fons, parensque, ea de causa nostros sibi præcipue infensos insectabatur. Quod Joannes Cochlaus, vir doctus, & pius, vivensque Lutheri antagonista præclarus, non tacuit, dum ei in nostros debachanti, sic reponebat. *Habet Venerabilis iste Ordo Præd. propter soliditatem sacre doctrine B. Thomæ, jam diu singulare à Sede Apostolica privilegium, ut habeat Inquisitores hæreticæ pravitatis per totum orbem terræ. Quid mirum igitur, si hic ex professo hæreticus, jam pridem publicè condemnatus, insectatur istius præcipue Ordinis Patres? Nam & multi ex ijs in eum scripserunt, quibus justè respondere non potest. Hussitæ, (quos suos Lutherus parentes agnoscit) eam ipsam ob causam, Dominicanos inter alios persecuti, plurimos trucidarant, domus eorum solo æquarant. Etenim anno Christi 1418. in Boemia, ait alibi idem Cochlaus, Fratres Prædicatorum, qui*

per solidam San. Thomæ Aquinatis Theologiam hæreticis acerrimè resistere solent, præ cæteris, inviserant Hussitis: cumq; apud Clatoviam nobile haberent Monasterium extra mœnia oppidi situm, primum in illud impetum fecerunt, & à fundamentis dejecerunt. Inde in nobilissima alia monasteria furente plebe grassari cœperunt; adeò ut viginti & amplius monasteria Prædicatoria familie incenderint, & solo aquaverint. Et quia doctrina, disputationibus, concionibusq; intrepidè adversus hæreticos declamabant, ducenti & amplius Fratres ab Hussitis sunt trucidati. Meminit & illustris scriptor Bonfinius vastationis Cœnobij Clatoviensis, cum agens de Hussitis, ait: ad Glatoniam, nobile Prædicatorum Collegium evertunt; idq; primum in Boemia Cœnobium Hussitarum impietate ruinam dedit, quod ædificijs, & præstanti rerum sacrarum apparatu juxta pollebat. Alio etiam loco narrat Cochlæus, quòd anno Christi 1429, iidem Hussite, in Moravia, & Silesia monasteria subvertentes, Moniales constuprantes, Fratres trucidantes, in maximam Christi Domini, omniumq; Sanctorum ejus contumeliam, coacervatis undique eorum imaginibus, & in pyram collectis, alligatum quendam Supriorem Ord. Præd. qui maximo zelo accensus, in hæreticos publicè invehebatur, posuerunt; atque igne supposito, illum simul cum universis imaginibus concremaverunt, tragicum exercentes ludum, crudeli cum risu. Quidni igitur hi, quos præcensuimus, novatores, simillimæ horum parentum soboles, eorum actiones imitarentur? Planè ita; nam & Claudiopoli templum nostrum, cœnobiumq; pro scholis nefandorum dogmatum, & ædibus, in quibus cum uxoribus, & prolibus degunt, usurparunt. Bereg

Cochlæus in historia Hungarica li. 4. pag. 172 apud Fernandæ in concertat. pag. 209.

Bonfinius de decad. li. 2. p. 387.

Cochlæus in Historia Huss. li. 6. p. 212. apud Fernandæ pag. 213.

szaszij Fratres vniuersos odio Fidei Catholicæ trucidarunt. Alibi Ecclesias in vsus profanos applicarunt. Bona atque proventus, nostris, vt sacris vigilijs, diuinis laudibus, & precibus, atque studijs perpetuò instantes, commodiùs Deo vacarent, populorumque salutem procurarent, à pijs fidelibus elargita, vbique pro viribus diripuerunt, &c. Sic itaque à Turcis, & A catholicis, præclara Provincia pessundata fuit, vt Ordinis Mag. Generalis XLVII. F. Vincentius Iustinianus, postea S. R. E. Cardinalis, in epistola actis Cap. Gen. anni 1565. præfixa ijs verbis illius vastationem lamentaretur: *In amplissimo Regno Vngaria, vix vnum, & alterum Cœnobiolum nobis remansit.* Et quidem jam antea, occupatis vastatisque domibus, coeclis, & fuga elapsis Religiosis, necesse fuerat, Gen. Ord. M. XLV. Fr. Franciscum Romeum, Vngariæ Provincialibus Prioribus indulgere, ne ob inopiam, aliasque calamitates, ad Capitula generalia conuenirent. Quod in Gen. Capit. anno 1553. sub Gen. M. Ord. XLVI. Fr. Stephano Vfusmaris Romæ habito, in quo quartus Diffinitor erat pro Provincia Vngariæ Fr. Ambrosius Zylagh, hocce decreto fuit confirmatum: *Confirmamus concessionem Mag. Generalis nuper defuncti factam super electione, & confirmatione Prioris Provincialis Vngariæ, & de non veniendo ad Capitulum, durante desolatione dictæ Provincia.* Ab eo subinde tempore vsque ad annum Christi 1580. nullus ex Vngaria, quæ nomine magis, quàm re ipsa provincia erat, generalibus in Comitijis apparuit. Quæ autem ex ea reliquiæ superfuerant, curæ Provincialis Boemiæ demandatæ fuere, qui jam Boemiæ Vngariæque Provincialis

Titulo
Confir-
matio-
nes.

audie-

audiebat : unde in vetusto Conventus Vienn. Martyrologij Calendario, obitus Fr. Michaelis de Genua, Boemia, & Vngaria Provincialis, qui Viennæ mortuus fuerat, & sepultus, anno Christi 1569. 2. Cal. Novemb. recensetur. Cæterum addictis, assignatisque Vngariæ per Gen. M. Ord. Frisacense ex Carinthia, Pettoviense, Græcense, Leobienſe, Novoclaustrenſeque ex Styria Conventibus, proprio etiam ei deputato Provinciali, rursus anno Christi 1580. ad Capit. Generalia remearunt. Ex Provincialibus autem illis, viris sanè egregijs, fuit etiam Fr. Sebastianus Cataneus Mediolanensis, Archiepiscopi Salisburgensis (post Mag. Fr. Feliciani Ninguardæ Morbinienſis, de Salisburgensi Metropolitana optimè meriti, ad Scalensem insulam assumptionem) Theologus : qui officio Provincialatus expleto, iterum per Capit. Gen. Romæ anno Christi 1589. (quo & ego editus sum in lucem) sub Gener. Ord. Mag. Ll. F. Hippolyto Maria Beccaria tunc electo, celebratum, in eodem munere confirmatus fuit hisce verbis. *Confirmamus in Provinciale nostra Provincia Vng. R. P. Magistrum Fr. Sebastianum Cataneum, Illustrissimi Archiepiscopi Salisburgensis Theologum, et, quatenus opus esset, de novo creamus, & instituimus, cum solita auctoritate, tum in spiritualibus, tum etiam in temporalibus, usque ad Capit. Gen. proximè celebrandum.* In eo etiam Gen. Cap. Conventus Pettoviensis, in quo Prior cum tribus antiquioribus ejusdem Conv. Patribus, ad habitum Ordinis pro Prov. Vng. recipiendos examinaret, designatus est. Porro P. Cataneus, multum splendoris, & ornamenti, doctrina, pietate, ac prudentia attulit Provinciæ suæ; &

Cap.
Gen. an
1589.
tit. C.
firmationes.

tit. C.
nec. de
signati
pro ex-
am. C.

inter

audie-

inter alia, cum Religiosi, sublato sibi S. Sanguinis Græcij Cœnobio, ad locum longè imparem, S. Andreae nomine, extra moenia concedere detrectarent, persuasit ipsis, suaque effecit auctoritate, ut qualemqualem illum acceptarent, asserens satius esse tantillum possidere, quam utique excedere. fore, dante Deo, cum (excepta Urbis opportunitate, situque) fortasse non inferiorem, immò superiorem condicionem essent habituri. Prudentem prædictionem rei comprobavit eventus. Ecclesia enim non ita pridem è fundamentis extructa, neque minus frequens, & longe jucundior; Conventus loci amplitudine, horti amœnitate, Studioque generali, nifallor, illustrior. Utinam vel vnum etiam pedem (ut ajunt) nostri in ipsa Pannonia servassent; neque enim in reparando ibi Ordine nostro tantas nunc experiremur moras, & difficultates. Ex Provinciali Ungariæ, Episcopum Chiemenssem Salisburgensis Suffraganeum, sub anno Christi 1592. factum docet Summa casum, quam eodem anno die 25. Iunij Fr. Michaeli Bonello, Cardinali ex Ord. nostro dicavit: præter quam libros etiam de Censuris, Controversijs Hæreticorum moderni temporis, Examine Ordinandorum, & alia quadam evulgavit. Qui denique renunciato Chiemensi Episcopatu, cum jam provecta ætate, patriæ meæ Viglevanensis, cum spes successione, Coadiutor designatus esset Episcopi, Mediolani apud D. Eustorgij, anno Christi 1609. 28. Aprilis pie in Domino obdormivit. Fit etiam mentio in actis ejusdem Capituli Gen: (quod ad hanc Provinciam attinet) cum aliorum insignium Patrum, tum præcipue Fr. Ioa-

Tit In-
firu-
riones.
& Tit.

chimi

chimi Pizzoni Veneti, ad S. Th. Baccalaureatum licenciati, in eo Capitulo Diffinitoris. Fr. Vincentij Antuerpiensis Con. Petoviensis filij, ad Magisterium promoti. Fr. Alberti Augustani, Prioris tunc Frisacensis, *de plurimis inclytis Civitatibus, ac alijs locis, tum verbo, tum exemplo multos annos predicationi insistendo, optimè meriti, instituti, & creati in Prædicatorem generalem.* Nec ipsi Ordinis Magistri, (quantum licuit) adjutrices manus releuatae ut cunque Provinciæ porrigere destiterunt. Nam, cum in Gen. Cap. anni 1592. commissum esset Generali Becariæ, ut coeptum ab eo opus sublevationis, & relevationis Provinciarum desolataram, solito suo zelo, & diligentia, Visitatores cum primis viros prudentes, & religiosos, & discretos ad easdem Provincias ablegando, prosequeretur: ipse summis laboribus ad eas pergens, primam omnium Vngariam perlustravit, & coram de illius miseris, verbis, & ope plurimum consolatus est. Perstitit eo pacto Provincia circiter ad annum Christi 1611. quando vniuersis religiosis ex hungarica natione morte sublati, Conventibusque ex Styria, & Carinthia, in Capitulo Gen. Parisiensi sub Mag. Generali LIII. Fr. Augustino Galaminio, (ex eo tempore vsque modò Cardinali de Ara. Coeli superstite) Provinciæ Teutoniæ subiectis, re, nomineque desijt esse Provincia, solis Monialibus Kermendianis, quæ Vesprimio, & Tyrnaviensibus, quæ ex Insula Leporum, sive venerant, sive propagatæ erant, emanentibus; ad quas à superioribus nihilominus Visitatores destinabantur: sed Kermendianis post fugas, & exilia, denique sensim deficientibus, Tyrnaviensibus Posonium

Licentia promouendorum.

Tit. de Com. missi-onibus.

depor-

deportatis, præter vnicam olim Priorissam, cunctis de-
mortuis, videri etiam possit deplorandus Ordo noster
in Vngaria prorsus extinctus. Verum ego vel hac vna.
Deo dicata Virgine Sanctimoniali superstite, gaudio ad-
huc, atque spe plenus, beneficia, & clementiam Dei per-
pendens, illud potius Ieremiæ decantem, *Misericordia Do-*
mini, quia non sumus consumpti. Quis enim sciat, an &
hic Isaïæ vaticinium impleatur? *Quomodo si inveniatur*
granum in botro, & dicatur, ne dissipet illud, quoniam benedi-
ctio Domini est: sic faciam propter servos meos, Domini-
cum, Paulum, Buzad, Augustinum, Mauritium, Hele-
nam, Margaritam, &c. ut non disperdam totum: & edu-
cam de Iacob Dominico semen, & de Iuda Thomæ Scholis
possidentem montes meos Prædicatores, & Doctores, quibus
dicitur, ascende in montem, qui evangelizas Sion. & ha-
reditabunt eam Vngariam electi mei, & servi mei habita-
bunt ibi. & erunt campestris, Sept. saks in caulas gregum, vt
(D. Hieronymo interprete) latrones ibi latitare desistant,
& bestię, noxiaque animalia; & loca quondam insidia-
rum & sanguinis, in Ecclesias Domini transeant, ibique
greges fidelium, verbi Dei pabulo, per discipulos ejus,
qui posuit animam suam pro ovibus suis, pascantur: &
vallis Achor, in qua quondam maledictio fuit, atque sup-
plicium, erit in cubile armentorum populi mei, vt tutus in
Catholicæ fidei confessione, & divinis laudibus conquies-
cat. Sed & Deo patre misericordiarum, ac totius con-
solationis, immitte in nos lucem miserationum sua-
rum, auge spes nostra quotidie. Nonnulli enim Vnga-
rorum, ex annis aliquot nomen dederunt in Ordinetu

Thren.

3.

Isaia

65.

Is. 40.

Hieron

lib. 18.

in Isaia

am.

Iosue 7

nostrum, dareque solent in dies : non à paucò sanè tempore nostri in missionibus, illorum populorum prædicationi, & instructioni desudant : quidam, & ij præcipui, Regni Optimates, Ordini benè faventes, illius promotionem exoptant, atque procurant.

CAPVT XI.

*Acta ut denuò Ordo Prædicatorum repararetur
in Vngaria.*



uò ordinis nostri scopus præcipuus sit, animarum pretiosissimo Christi Iesu Sanguine redemptarum salutem totis nisibus procurare, ut in Vngariam, (vbi propter sæpe commemoratas causas, hæreticam contagionem, turcicam tyrannidem, indeque consequentes corruptelam morum & operariorum paucitatem, maxima pereuntium est lucrandorum necessitas) postliminio reduci posset, Mag. Fr. Ioannes de Valdespino Hispanus, (in Alma Vienn. Univer- sit. Professor Prim. Cæsaris Ferdinandi II. Consiliarius, Viennensisque Conventus opt. meritis Prior, qui, præter alia & studia multum promovit, & novum etiam Templum, insigni, ut est animo magnifico, opere ædificavit) primus videtur cogitare cœpisse ; quemadmodum colligi potest ex literis ad Gener. M. Ord. LIV. Fr. Seraphinum Siccum, ab Ill.^{mo} R.^{mo}q; Archiepiscopo Strigoniensi Petro Pazmanio, ac deinde S. R. E. Card. Em. anno Christi 1628. 9. Aprilis, Posonij datis, quibus sic agebat : *Venit ad me Reu: P. Ioannes de Valdespino, Professor Primarius Aca-*

demia Viennensis, Ord. S. Dominici, cum quo ego pluribus verbis contuli de modis, & medijs, quibus Sacer Ordo Prædicatorum in Vngariam introduci posset, &c. Sed ipso anno, Sicco, post Comitum generalia Tolosæ habita, dum Italiam cogitaret, ad foeliciorem vitam translato, illius Successor Reverendiss. P. Fr. Nicolaus Rodulphus, pia hac P. Valdespino mente gratè excepta, illum cum plenissima auctoritate ad Religionem introducendam, fundandos, acceptandos, regendosque Conventus per totum Vngariæ Regnum, Commissarium Generalem suum non semel præfecit. Interim de alumnis, suppositisq; ex natione Vngarica providere cupientibus, idonei quidam adolescentes sese Viennæ obtulerunt, quibus in nostram familiam cooptatis, ex eis probati, tempore suo Sacrum Ordinem solemniter professi sunt. Agebatur Christi annus 1634. cum Dominus quidam Comes Vngarus, (cujus jam nomen non occurrit) in nostros benè affectus, se vehementer optare in bonis suis Cœnobium nobis extruere significavit: quod ubi commemoratus aliàs Illustr. & Rever. D. Stephanus Sennyei Iauriensis Episcopus, Regniq; Cancellarius, ex Valdespino, cui ego insinuaveram, accepisset, hortatus est, ut si animo federet, Ordinem nostrum in Vngariam reducere, in ipsius potiùs diœcesi apud Illustriss. D. Comitem Adamum de Batthian, Conventum cum commoditate longè majori, speq; ingentis fructus certò certius erigendum deligeremus. Placet oblatio: tempore condicto Sabariam profecti, omnibus benevolentia, beneficentiaq; significationibus ab Episcopo, & Comite excepti, ab hoc subinde ad ditionis suæ

Civitates, Rohoncium, Kermendium, Nemet-Vi-Var, vt, vbi magis collibuerit, locum feligamus, optione data, perducimur. Visusest Rohoncienſis fore commodior, quòd Viennæ proximior, & docendo opportunior: Kermendienſis verò conterminus Turcarum imperio; Nemetvivarienſis ex adjacentibus piſcinarum lacunis domi vſque ferè degentibus Religioſis aura nequirer eſſe ſalutaris. Exemplar, ſeu formula conſtruendi adificij, ab architecto Italo, quem Vienna abduxeramus, ſtatim apparatus: ſed expeditione ad tempus dilata, Viennam poſt menſis circiter moram remeamus: vbi haud longè poſt cum Comite agitatum; quòd verò non per omnia vtrinque conveniret, nihil perfectum. Sic res ad annum inſequentem 1635. ſuſpenſa pependit. Quo tempore, cum Regni Vngarici Comitias Sopronij haberentur, ibidem patronis, & ipſo etiam piſſimo Caſare Ferdinando II. agentibus, Comes ad rem ſuſcipiendam penitus animatur. Abſolutis Comitijs, à Cancellario in Vngariam pro Ghinſienſis acatholicæ Civitatis reformatione, præmiſſis Caſareis Commiſſarijs, ducimur; ſed cum res, Civibus obnitentibus, majores videretur difficultates habere, Rohoncium ejus juſſu pergimus, quò & ipſe inſecutus, quæcunque pro Conventu XXIV. Religioſorum ritè fundando neceſſaria eſſe poſſent, chirographo coràm diſponit; locum alumnis ſuis à nobis erudiendis deſignat: de omnibus proximè inſtante ſanctiori hebdomada Sabariæ cum Comite pro recipiendis Sacris Myſterijs illic affuturo, ſe deſiniturum edicit. Interim P. Fr. Paulo Tannaman Vienna. S. Th. Præſentato, pro concionibus,

& Sacramentorum ministerio ibi dimisso, Viennam regredimur. Haud longè post Cancellarius ægrotat, vixque convalescens in Croatiam pro negotijs apud Varasdinum cum Valachis alijsque componendis, à Cæsare destinatur: verùm ibi gravius infirmatus, in Vngariam redit, Sabaria, festo die S. Bartholomæi, hora noctis circiter nona, magno nostro detrimento, (quòd multum apud Comitem autoritate valeret, plurimumque nos diligens, si cum Comite non succederet, se nobis fundationem facturum spondisset,) ex hac luce migravit. Deinde verò secundum P. Valdespino ad Urbem profectio- nem, à Comite pro toties agitati negotij expeditione vocamur: cum autem facta tunc oblatio minor esse videretur, quàm ut vel ad rem incohendam sufficeret, sub annum insequentem 1636. Comite litem de paternis bonis cum matre apud Cæsarem agitante, erigitur nobis à viris magnis spes minimè levis, si causam obtineat, ad quatuor- millia florenorum, quæ proximè promiserat, Ecclesiam apud Solonokium, locumque Monasterij inibi olim con- structi, quæ mater jam possideret, additurum. Mone- mur bono animo esse, non desistere à coeptis, magnas res, magnas habere difficultates. Optimè Comiti precati, libellum supplicem C. M. offerimus: favet Cæsar, Co- miti; adjudicans, nos illi benè jubet esse commendatos, se etiam suis ea in re partibus, quò foelicius succedat, non defuturum: denique & literas ad Illu.^{mum} & Rever.^{mum} D. Georgium Draskovith, Episcopum Iauriensem, ut in- sua nos diocesi exceptos apud Comitem promoveat, dat clementissimas. Ab Episcopo perhumaniter suscepti,

cum

cum paribus literarum Casarearum, suisque identidem ad Comitem ablegamur; qui, quod bona Solonokenfia, necdum recepiſſet, & ob alias cauſas, rem infectam dimiſit: fidem tamen facientibus viris apud eum primarijs, vbi ea ad manus ſuſcepiffet, Eccleſiam, locumque Monafterij non negaturum. Interea commiſſionem, & facultatem pro rebus hiſce à Rev. P. Generali Rodulſio denuo ſanequàm ampliſſimam accipio, inſequentis tenoris.

In Dei Filio ſibi dilecto R. A. P. Mag. Fr. Sigifmundo Ferrario Viglevan. Ordinis Præd. Fr. Nicolaus Rodulſius, totius ejuſdem Ordinis humilis Mag. Generalis, in Domino ſal.

*Vix verbis explicare poſſemus conceptam animo latiti-
am, ex literis, quibus V. P. de firma ſpe introducenda quamprimum in Vngaria Regnum noſtræ Religionis ad maiorem fidei Catholica ampliſicationem nos monuit. Atque adeò, ut quod à Deo O. M. ardentiffimis dudum votis petivimus, zelo, & diligentia V. P. ad finem ſerè redactum conſpicimus, ex providentia noſtræ defectu, moram ullam, aut obſtaculum minimè patiat; ampliorem quandam facultatem pro neceſſarijs rebus, & negotijs, ea occaſione peragendis, vobis conferendam duximus. Quare tenore præſentium conſtituimus te Commiſſarium, & Procuratorem noſtrum, pro dicta introductione noſtrorum Religioſorum in Regnum Vngaria, apud Caſaream Majeſt. & apud quaſcumque publicas privataſue Perſonas ſeculares, vel Eccleſiaſticas curanda, noſtroq;, & Religionis nomine promovenda. Dantes tibi auctoritatem, omnia, & ſingula faciendi, quæ nos ipſi facere poſſemus, tam pro dicta introductione, quàm pro Conventuum Ordinis in eodẽ Regno fundatione, acceptatione, & regimine: tuaq; authoritati, ac*

juris

jurisdictioni subdentes in spiritualibus, & temporalibus, omnes, & singulos nostri Ordinis Religiosos, & quoscunque nostræ obedientie quomodolibet subjectos, in præfato Regno degentes, & qui in posterum ad illud accedent pro ejusmodi missione. Facimus etiam tibi potestatem fundandi per teipsum, vel per alios à te delegandos, in Urbibus, & Locis ejusdem Regni, Societatem & cultum Sancti^{mi} Rosarij B.V.^æ Atque ut meritum obedientie ceteris laborum tuorum meritis accedat, ut ejusmodi munus, atque onus acceptes, sub formali præcepto tibi mandamus: sicut sub eodem præcepto formali mandamus quibuscunque nostræ obedientie quomodocumque subditis, ne quid contra hanc nostram deliberationem sub quocumque prætextu audeant attentare: sed potius auxiliares manus, uti par est, & speramus, ad prædicta omnia præbeant. In nomine Patris, & Filij, & Sp. S.^{ti} amen. In quorum fidem &c. Dat. Roma, die 6. Septembris, 1636.

Fr. Nicolaus Magister Ordinis.

Locus Sigilli.

Reg. folio 294.

Fr. Adrianus de Genua
Magister, & Socius.

Hiscæ perlectis, majori quàm vnquam ardore incensus, S. C. Majest. in Comitijis Ratisbonensibus existenti per supplices libellos; Regni etiam Optimatibus, cum primis autem Eminent. Cardinali Pazmany, Excellentiss. Palat. Estherasy, Illustriss. & Rever. Lippaj Regni Cancell. Illustriss. Comiti Paulo Palffy Vngaricæ Camera Præsidim, alijsque Ordinis negotium, ad majorem Dei gloriam, & animarum salutem, quàm diligentissimè com-

men-

mendo. Inde anno 1637. sub Februarij finem à Comitibus Palffijs Paulo jam memorato, & Francisca Coniuge, in Ordinem nostrum singulari devotione propensis, Vienne acciti, cùm advenissemus, Comes Batthyan, qui aderat, eis præsentibus, Ecclesiam Solonokensem, locum Monasterij construendi, aliquot millia florenorum, ligna, lapides, calcem, subditorum operas pro structura, Ordini se daturum liberalissimè pollicetur; addensque plura facturum, quàm spondeat, paratos esse jubet in Vngariam proficisci. Quæ omnia à nobis cum summa læticia, & gratiarum actione suscepta. Tùm D. Comitissa Francisca Palffin, vnum nostrum alloquens, & à vobis, Patres, ait, pro D. Comite Batthyan aliquid indubiè præstandum. Nihil, inquit ille, erit vnquam possibile nobis, quòd non libentissimè simus pro benefactore, & fundatore nostro facturi. Eja verò, ait Palffin, vt masculeam prolem ex D. Comitissa Aurora coniuge feliciter suscipiat, effcite. At ille: cùm id superet facultatem nostram, fidem obstringimus, pro hoc alijsque beneficijs, D. Ma. precibus nostris, licet indignis, imploratuos. & Comitissa. At, quod dixi, vobis omnino faciendum. & quomodo? inquit Frater. Per Sanctum, ait illa, Dominicum. Tunc Frater nihil hæsitans, per Sanctum Dominicum polliceor, D. Comiti Batthyanio masculum prolem ex voto nascituram. Nec vana promissio; nam intra octiduum læti advolare nuncij, domum revocantes Comitem, quòd filium Comitissa foelicissimè fuisset enixa. Postquàm igitur in Vngariam venissemus, denique D. Comes Batthyan, per literas suas, & Ecclesiam Solono-

kenssem

Conc.
Trid.
sess. 25.
de regu-
larib.
cap. 3.

kensem concessit, & ter mille florenos pro Conventus ædificio, aliaque, quibusdā appositis conditionib⁹, promisit; utque reversales, quas dicunt, daremus, poposcit. Verum, cum earum conditionum Episcopo diocesano, sine cujus licentia Regularibus Monasteria erigi nequeant, quædam minimè arriderent, & inter longiorem rei tractationem, in Poloniam, Reginam Serenissimam Ceciliam Renatam, C. Ferdinandi I. I. filiam, & C. Ferdinandi III. germanam, nuper Ladislao Poloniæ Regi desponsam, comitandi illi etiam ex insperato cura fuisset demandata, deliberationem ad Regni Vng. Comitia, in diem 21. Septembris ejusdem anni 1637. pro Augustæ Mariæ Austriacæ Imper. Ferd. III. Conjugis potissimum inauguratione Posonij indicta, prorogavit. Quia verò Comitia ad D. Martini dilata sunt, & Episcopus ex Polonia non rediit, properant autem operæ typographicæ, huic nostræ scriptioni jam modus esto: non sine spe felicioris successus, cum D. Episcopus, priusquam discederet, aut in locum à D. Comite oblatum consensurum, aut alium non minus gratum, & idoneum nobis se daturum receperit.

Ad Beatiss. Virg. Deiparam Peroratio.

TErræ, Cœlique Domina, Plantatrix Sanctissimi Rosarii, quo te, Clementissima Virgo Deipara Maria, quamquam indignus, per dies singulos ab adolescentia mea interpellare non cesso, age cum omnium Conditor, & humani generis Redemptor, Deo vero de Deo vero, æternoque Patri Consubstantiali, Filio tuo

Chri-

Christo Iesu, quò Vngaria tua, cujus peculiari titulo dice-
ris, esq̃ue PATRONA, ab hostium omnium visibilium, &
invisibilium tyrannide atq̃ue insidijs asserta, eidem Filio
tuo, & Tibi, tranquilla semper, & sincera mente defer-
viat: & Prædicatorum Ordo tuus, cui sacrum habitum,
Rosarium, & innumera alia singularissima beneficia, ac
privilegia, omni propemodum Maternorum viscerum
affectu in eum effuso, contulisti, in eandem regionem pro
pereuntium populorum salute revertat. Ne, pijsissima
Mater, & Advocata, respice indignitatem nostram: sed
Fili, & Præconis tui, Patris N. S. Dominici, qui ardentis-
simo amore illius salutē, & gloriam tuam zelatus, vivens,
designata Provincia, ad eam B. Martyrē Paulum Vngarum
cum socijs amandavit, secuturus ipse, nisi citius ad æter-
norum gaudiorum vicam fuisset evocatus; è qua nihilo-
minus, ejus non immemor, innumeris clarissimisq̃ue ean-
dem portentorū signis collustravit: Filia, Famulæq̃ue tuæ
Regiæ Virginis Margaritæ, Vngariæ, & Orbis totius sideris
micantissimi, quam specialissimè tibi devotam, post mor-
talis vitæ labores, Ipsa proprijs manibus triumphali dia-
demate coronatam, ad Solium æthereum, quò pridem
Beatissimum Dominicum attraxeras, perduxisti: Aliorum
etiam ex eodem Regno, & Instituto Sanctorum sexus u-
triusque Hominum, Cultorum tuorum merita clementer
attende. Impetra, vt Filius tuus inævolet dies nostros si-
cut à principio; adeoq̃; exemplorum tantorum veri imi-
tatores effecti, re, & nomine Prædicatores, ac planè Apo-
stolici, verbo & opere populos informantes, messe munda
& copiosa in Ecclesiæ horræum congregata, cum Patre,

*Itotum
librum
Viscera
Mater
na M.
Fr. Hy-
ac. Co-
quorij.*

H h h h

cujus

cujus es Filia, Verbo, cujus es Mater, Spiritu Sancto, cujus es Sponsa; Trino Deo, & Vno, creatore, & gubernatore omnium, nostraque gloria, laborum præmio, & beatitudine felicissima, vnà tecum, ò Regina Mater, omnes denique in Cœlis sine fine regnemus.

Conc.
20. in
Cant.
Salve
Regi-
na.

Abraham Bzovius, Annalista Pontificius.

Florentissimum B. Dei Genetricis Regnum Vngariæ, dum commendatum erat B. Virginis Patrocinio, exemplo S. Stephani Reg. Apostoli Vngariæ, miraculis clari, qui moriturus tale Virgini Mariæ fecisse scribitur testamentum. *Tibi, ò Maria, peculium hoc tuum commendo, Tu curam illius gere, Tu ab inimicis defende, ab incurfibus Sathana protege.* Vt autem egresserunt se ex cura, & patrocinio Virginis, ex quo illius Templi ditissima vastarunt, imagines ejus violarunt, cultum prophanarunt, illam reliquis mulieribus parem in Sanctitate, & æqualem in Potentia, fecerunt; quot mala ingruunt illis? quanta perpeffi sunt? quænam illos maneant in posterum si hæresi adhærebunt, si ad Virgineum sinum non revertentur? Res ipsa, ipsi soli testantur: scribere non est opus, cum totus sciat, & loquatur Orbis.

dec. 2.
li. 1.
pag.
179.

Antonius Bonfinius.

Affiduis S. Stephanus Rex Divam Virginem precibus exoravit, *ut se suumq; Regnum perpetuo Magna Mater patrocinio tueretur, cujus tutela, ac potestate, se, Vngarosq; omnes addixerat; omniaque suorum studia, fortunaque dicaverat.* Quin etiam illud solemne promulgavit edictum, ut omnes diem B. Virginis, quo inter Divos relata fuit, inter celebratissimos haberent, *Dominaq; diem* appellarent, ac

cætera

cætera ejus festa jejunijs, & singulari pietate transigerent. *Hanc demum peculiarem sibi pientissimamq; patronam in Cælo, terrisq; ducerent.* Et ut ejus nomen semper Vngaris æquissimum redderet, celeberrimam in Alba Regali Basilicam dicavit, vbi Regum corpora reconduntur, & ex instituto creati Reges diadema suscipiunt. Opus est mirabili sumptu, incrustationibus marmoreis renitens, vbi pavimenta tessellata cernere est; magnificas columnas, aras, iconibus, ac tabulis nonnullas mirū in modum exornatas, ex purissimo auro, argento ve conflatas; item sacella regia, ac monumenta pleraque in mausoleorum speciem. Præterea signa sunt quædam, & tabellæ, lapidibus, & gemmis insculptæ. Quin & supra mensam Christi, acuminata testudo, infano lapillorum, & auri sumptu elaborata. Ne varia quidem vasorum genera defunt; multa crystallina, pleraque myrrhina, onychina multa, ex porphyrite, & alabastro complura, gemmata nonnulla, in quibus nil auro, & argento vilius intueri licet. De vestibus, suppellectilique sacra nil dicendum, quando cunctarum rerum mira copia, quæ divino cultui sunt vsui. Omni Basilicam, qua potuit liberalitate, potestateque donavit.

Cartuitius in vita S. Steph. agens de bello defensivo illius contra Conradum Imperatorem.

Manibus, ac corde sursum erectis, Dominæ Perp. c. 16. Virgini, & Dei Genitrici suas injurias commendans, in hujusmodi prorupit voces. *Si placet Tibi, Domina mundi, tuæ partem hereditatis devastari, & novellam Christianismi vastationem dissipari; ne quaeso, sinas illud imputari diffidentia mea, sed potiùs dispositioni voluntatis tuæ.* Si

quid

quid commeruit culpa pastoris, ipse luat; oves, quæse, inson-
tes ne patiaris affligi. His dictis tanquam accepta conso-
latione ab ea, fidenter movit in hostes.

c. 21.

Idem agens de illius ad cœlos transitu. Manus, &
oculos ad cœlum erigens: *Regina cœlorum, inquit, mun-
di inclita reparatrix, tuo patrocínio Sanctam Ecclesiam cum
primatibus, & populo, tuis precibus commendo. Quibus nunc
ego ultimum valedicens, animam quoque meam tuis manibus
committo.*

Isaia Li.

Attendite ad petram, unde excisi estis, & ad caver-
nam laci, de qua præcisi estis. Attendite ad Abraham
patrem vestrum, & ad Saram, quæ peperit vos.

*Omnia & singula, quæ scripsi, vel scribam un-
quam, & me ipsum, correctioni Sacrosanctæ Catholicæ
Apostolicæ Romanæ Ecclesiæ, quæ est Columna, & firma-
mentum Veritatis, per omnia humillimè
subycio.*

Soli Deo honor, & gloria.



VIT
Præd
copi, p
Epi



à Chril
rum, q
miliaru
tempel
Hungar
fuit Nic
dicitur
Senato
perpetu
que infi
lis educ
tamen e

tribus
pri-
ap-
e ad
ma-
atla-
41.
udes

Apo-
456.


o, &
uerit
577.
cas
atio


ndi-
a le-
Fn-
nfx-

ut at
dy o-
itur.


opus.

i-











Biblioteka Jagiellońska



stdr0030453

